

張蒼水集

四明張氏釣園開雕

序

昔歐陽公五代史不爲韓通立傳君子病之然天下後世莫不知周有韓驥目清修明史號稱詳備雖再上四烈婦亦爲之列傳而獨於蒼水先生遺之史臣之不職也然天下後世莫不知明有張蒼水蒼水先生書生也當明亡時不過一舉子耳乃膽薪彌厲璫雪自甘義幟縱橫凡二十載其言曰所爭者天經地義所圖者國恤家仇所期待者豪傑事功聖賢學問嗚呼漢之武侯足以擬之顧其行誼雖不錄於明史而見諸私家著述者

張蒼水集序

一二四明叢書

約園刊本

美矣備矣獨於世德之所自猶付闕如壽鏞竊不自揆既得先生遺集於其族裔張世倫所謂海濱遺老高允權本者殆其侍卒史丙所藏者歟爰依歲月重爲編次更稽諸譜乘得清池張氏世德錄復詳考其世系蓋自宋文節公知白六世孫自然老人紹宗著有自然齋雜言以懲五戒循五美垂訓又三傳至伯祥以雍睦名其堂是爲先生六世祖錫之從子而先生之曾祖尹忠實作世德錄者又二傳至兩如爲人嚴毅正直當先生絕裾去自慰曰不負生平讀書也張氏於有明三百年中

以自然老人開其始以蒼水先生保其終豈偶然哉因而歎夫官家之記載不如譜牒之流傳今蒼水後人雖無可考而雍睦堂子孫實能寶其遺文修其家乘壽鏞以疏族猶得補闕拾遺豈不重可貴歟抑聞之先生好士士多歸之有葉振名者時所稱葉六腐氣也先生欲作陶潛論以斥逍遙泉石者振名曰人心胷溺幸二三遺民高尚其事留此面目先生乃止羅子木者佐先生開屯南田旣被執先生與趙廷臣語次往復子木抗聲曰先後死耳何必與若輩絮語先生初欲絕食子木笑曰大丈夫死忠任其處置可也二人固奇士然先生捨命從善亦可見矣壽鏞旣編先生遺集惜明史之無傳遂取其犖犖大者補之更敘其得書之由來先生之風與雍睦之澤竝千古矣民國二十二年一月後學張壽鏞序

原序一

於乎何天心久不定耶何狎於穢德耶開辟未三百年而日月復晦蝕耶明室當再興著於圖錄非誣也其果有驗耶其終不可問耶漢之中圯乃以春陵之氣鬱然而世祖名在讖緯固協天人之符矣諸葛公始出師北伐而其自表曰成敗利鈍非所能逆睹然其遺碑祕計後世猶傳以爲神則非不知也知其不可爲而爲之者也江陵淪陷蕭梁遂亡王子珩以一州之力聲義抗旌雖兵敗身奔益以復讎爲事終不北面於陳君子哀其

張景集

原序

一

國朝叢書

約圖刊本

忠焉南宋之末文信公忠貞冠江左今勿論已鄭所南悼宋國之覆作心史錮之井中三百餘年其書始出書中猶然宋室中興有日也然則所南生固不知宋之不復中興矣夫興亡者天也亡而復興亡而不復興者亦天也君子不恃乎天亦不阻乎天諸葛公所云竭股肱之力繼之以死斯乃志士之準則也虜馬南侵普天同仇死忠之臣項背相接於今十有八年而舉旗鳩眾以俟時熙者猶可指數而知若栖遲山海漢職周冠不爲羶族所羈縲亦所在而有豈前代所可及哉余於丁亥

秋始與余同年少司馬張玄箸相見於南國賦詩贈答
銜杯抵掌無閒晨夕其時以爲中興大業指顧可定既
而玄箸與諸勳偕至南海亦以爲藩竿北發神州豪傑
必有響應者迫師之北入登金焦燿火達高皇帝園陵
題詩蘭若中此博浪沙之一擊矣屯於北海者有年己
亥之秋延平王以舟師取瓜步下京口而鎮之玄箸自
以所部義從數千人舍舟登陸復姑孰宣州新安銅陵
諸郡邑沿及江以北歷陽皖口橫江諸險要大抵皆傳
繳解綬無堅城矣今我師蹶於金陵城下倉卒南還而
玄箸方經略北方未之知也及乎大勢崩潰聲援莫接
於是幅巾芒鞋混跡緇流夜行晝伏久之始達浙海復
歸行營樹纛鳴角散亡乃集昔有梁將陳慶之以兵入
干北伐乘勝而克魏數十城直據洛陽其事與玄箸相
類及勢失兵燿閒行得達江南亦與玄箸相類蓋孤軍難
久持也然溯往跡者多偉之斯亦可砥頑起懦震蕩中
原矣於今又二年江之南北尙爾寂寥四七之讖爲存
爲亡玄箸雖復枕戈將何所待以成大功近緝綴其所
著詩名之曰奇零草而問序於余夫秉旄鉞以佐中興

者玄箸之志也耽翰墨以畢餘年者不肖遠之業也乃
輟軍務而留意於此將意謂世事汗漫特以暇日勒爲
成書以俟後世之知也耶余聞詩能窮人又聞窮而後
工於詩今玄箸之詩其氣宏偉而昌高其詞瞻博而英
多蓋明堂之圭璧清廟之賁鏞也長離一鳴世以爲瑞
况律呂之相宣乎夫氣有盛有衰先動於人心取玄箸
之詩而詠歌之不特審音可比於夔曠矣我明之再興
可以推矣何必反覆前代之已事而爲憂恤哉華亭徐
孚遠題於四明之西塘寓永曆十五年歲在辛丑九月
之望

張蒼集

原序

三

四明叢書
約圖刊本

原序二

尙書詩古文詞皆自丁亥以後才筆橫溢藻采繽紛大
略出華亭一派明人自公安竟陵狎主齊名王李之壇
幾於扼塞華亭陳公人中出而振之顧其於王李之緒
言稍參以神韻蓋以王李失之廓落也人中爲節推於
浙東行其教尙書之薪傳出於此及在海上徐都御史
闔公故與人中同主社事而尙書壬午齊年也是以尙
書之詩古文詞無不與之合雖然尙書之集日星河嶽

所鍾三百年元氣所萃也而予以藝苑之卮言屑屑攷其源流之自陋矣嗚呼古來亡國之大夫其音必淒楚鬱結以肖其身之所涉歷蓋亦不自知其所以然者也獨尙書之著述噲咄博大含鐘應呂儼然承平廟堂巨手一洗亡國之音故閻公之序欲以尙書所作而下隕幽之可復此其故良有不可解者豈天地閒偉人固不容以常例論耶當是時以羈灘鼉背爲金湯以鮫人蜃戶爲丁口風帆浪楫窮餓零丁而司隸威儀一縷未絕遺臣故吏相與唱和於其閒其遇雖窮其氣自壯斯其所以爲時地之所不能囿耶嗚呼尙書之集翁洲鷺門之史事所徵也吾聞尙書旣被執籍其居無所有但得箋函二大籠皆中原薦紳所與往來送入帥府薦紳輩懼遣說客請帥焚之帥府亦恐搖人心如其請投之一炬火旣息有二殘冊耿耿不可燬左右異而視之則尙書之集也說客因竊置懷而出遂盛傳於人聞嗚呼尙書之身可死集不可泯殺其身者梁父亢父所以成一代之純忠存其集者祝融悞回所以呵護十九年之心氣夫孰非天之所爲哉乃爲銓次審定其奏疏書檄諸

種曰冰槎集其古今體詩曰奇零草曰采薇吟其已亥紀事曰北征錄共十二卷附以鄉薦經義一卷子又爲作詩話二卷年譜一卷以詳其集中贈答之人與其事云全祖望序

原序三

余得此於定海命謝子大周鈔別本以歸凡五七言近體若干首今久失之矣聊憶其大概爲之序以藏之嗚呼天地晦冥風霾晝塞山河失序而沈星殞氣於窮荒絕島之閒猶能時出其光焰以爲有目者之悲喜而幸

張蒼集

原序

五

個明叢書

約園刊本

睹雖其揜抑於一時然要以俟之百世雖欲使之終晦焉不可得也客爲余言公在行閒無日不讀書所遺集近十餘種爲邏卒取去或有流落人間者此集是其甲辰以後將解散部伍歸隱於落迦山所作也公自督師未嘗受強藩節制及九江遁還漸有掣肘始邑邑不樂而其歸隱於海南也自製一棹置寺中實糧其中俟糧且盡死門有兩猿守之有警猿必跳躍哀鳴而閒之至也從後門入旣被羈會城遠近人士下及市井屠販賣餅之兒無不持紙素至羈所爭求翰墨守卒利其金錢

喜爲請乞公隨手揮灑應之皆正氣歌也讀之鮮不泣
下者獨士大夫家或頗畏藏其書以爲不祥不知父子
之性根於人心而徵於事業發於文章雖歷變患邈不
可磨滅歷觀前代沈約撰宋書疑立袁粲傳齊武帝曰
粲自是宋忠臣何爲不可歐陽修不爲周韓通立傳君
子惜之元聽湖南爲宋忠臣李芾建祠明長陵不罪藏
方孝孺書者此帝王盛德事爲人臣子處無諱之朝宜
思引君當道臣各爲其主凡一切勝國語言不足避忌
余欲稍綴拾公遺事成傳略一卷以備惇史之采猶懼

張蒼水集

原序

六十四明叢書

約園刊本

蒐訪未徧將日就放失也悲夫慈谿姜宸英西溟氏題
原序四

昔錢希聲先生敘晉井心史云吾人不可一日無此心
吾人不可一日有此事夫此心此事初無二理所遭者
順則存此心所遭者逆則行此心蓋當明季流賊犯闕
神州陸沈烈皇帝殉國起義幟於江東聚兵南海以至
流離困苦齋志而卒於海嶠若錢先生眞可謂行不媿
於言也然吾鄉同時起義先輩指不勝屈其閒抱孤貞
而至死不變者惟獨蒼水公哉公自魯王監國永曆繼

統踰躋行在無日不以戮力中原爲念以故三入長江
不幸而同仇兵燹卒不能申中興之志及天下事已全
去無可挽回一腔熱血猶崎嶇起蹶於萬死一生之間
卒至途窮南田從容齒劍以還天地之正氣嗟乎豈非
所遭非其時乎吾因有思夫海之爲海誠忠義之藪耶
宋之季則陸秀夫張世傑諸君子奉小朝廷於海嶠卒
至厓山颶起遂亡宋祀明之季惟公一人縱橫海島留
漢臘者二十年向使宋無厓山諸君子則宋季乾坤亦
太落莫明無公則明季生氣遂至銷沈公不幸而生明

張蒼集

原序

七

四明叢書
約圖刊本

季明季猶幸而生公爲之震動於晚也跡公之行事惟
宋之文山奮足相似然信公猶有詩文垂世卽正氣一
歌已足彪炳日月而公可無詩文傳世乎雖公之忠不
朽不必以文而文自不可朽而公凜然孤忠皦如白日
故其文激憤而高亮沈雅而痛快其詩痛而不摧鬱而
愈壯公之詩文自可垂於天壤也余之藏茲集非僅爲
吾鄉存文獻也蓋將使信公不獨有詩文而長煥實爲
有明一代存文字與正氣歌其垂千古耳第不識他日
留傳亦有如錢先生之敘心史如其人爲之敘否時在

口第二甲辰歲季春望前七日臥雪齋書同里後學五
峯沈光宁題

張蒼水集

原序

入

四明叢書

約園刊本

原跋一

甲辰七月望後余病暑偃臥牀中有客忽來告曰蒼水張公被執至矣余驚起問故客曰公自延平旣歸孤軍海上音援俱絕六月閒散遣士卒隱居島中而每資糧於普陀提督張杰知之卽令僧爲導率健卒數十僞爲僧衣服奪米舟以濟島中不知也遙望以爲米舟至及至公帳下始覺而公遂被執矣余亟望覘之見公葛袍晉巾直立牙門外神色自若左右令公自角門進公不爲動杰知之令啓中門延入公長揖杰答揖遂延公入

張蒼水集

原跋

一四明叢書
約園刊本

內上坐且以好言慰公公仰視屋梁歎曰此沈文恭公故第耶二十年前予嘗會文於此終無他言杰令僦民舍處公列卒守之至夜半忽一校隔窗唱牧羊記蘇武罵李陵詞音調激楚公擊節稱善校亦有心人哉越旬日檄公至省杰命以四人輿公前後列騎導從至城門公令駐下輿北面稽首曰臣志畢矣復向城拜曰某不肖徒苦故鄉父老有辜屬望又再拜曰自此不復見張氏家廟矣道傍觀者數千人無不流涕至杭總督趙廷臣不見令盛設供張以禮待之且令諸降弁曰爾輩舊

主也盍往見之於是爭以酒食饋公公是以有聞放歌
諄諄刑口占絕命詞令人書之偶譌一字不能改正
公笑曰他日自有知之者客羅子木童子楊冠玉皆不
願同死時甲辰九月初七日也公之被難始終如此此
奇零草乃公所自定而採薇集乃釋兵後作公自注起
甲辰六月而七月被執矣讀斯二集公二十年之行事
始末具可概見時同往一卒爲余言公帳下積書充棟
旁置棺一棺中貯米數斗牀頭利劍一被執時遽起拔
劍而以帳蒙公遂不及公之志何如哉嗚呼公之功業

張蒼水集

原跋

一

四明叢書
約園刊本

天下其知之矣公之文章天下未必見之也公之慷慨
赴難天下其見之矣公之從容就義未必盡知之也茲
於其卒幸購得公草而採薇集更幸爲公手稿復於降
弁得公之遺文因彙錄成集記其始末以俟後之採焉
海濱遺老高允權錄畢記

原跋二

盛世之音和以平衰世之音哀以促此言聲音之道與
天運通也維詩亦然吾郡張玄箸先生當天步艱難之
世從亡海島志在中興自丙戌至甲辰十九年間飄泊

於波濤颺浪之中場蹶於干戈顛沛之際履危蹈險辛
苦萬端宜其音之哀且促矣今觀奇零草文辭和雅氣
韻平舒有從容瞻就之風而無淒颯倉皇之態有慷慨
奮起之情而無卑靡挫折之念至若興趣所臻風流跌
宕冠裳所集意象崢嶸覽厥體製有直追嘉隆盛時諸
作者何其音之不類也噫我知之矣昔者典午凌夷江
左繼祚新亭之會四座興悲而王茂弘獨曰當共戮力
王室恢復中原奈何作楚囚狀邪玄著之意蓋在於此
推其志直以明室中興可操左券故家亡不悔身喪不

張蒼水集 原跋

一二四明叢書

約園刊本

願雖王謝偏安之業猶不屑言詎肯以德祐諸君子自
況邪發諸歌詠固宜與盛世同符而天心夢夢力不從
志豈其始願哉夫人以詩傳者王維儲光羲非不名家
而本領未正忠義之道疑矣詩以人傳者淵明飲酒皋
羽晞髮千載下讀之猶沁人心脾是草亦作如是觀若
王李鍾譚各標壇坫特雕蟲小技之倫耳未可爲忠義
者道也余之書此將傳諸不朽也歲在甲子中秋日奠
邑秦川題

夏啓芬曰奠邑合爲鄭字秦川合爲溱字即
慈谿鄭溱所稱爲平子先生也意國初藏是
集者恐有忌諱故隱折其姓名耶張美翊曰鄭寒
村父秦川府君行狀云先君丙戌以後別號秦川

原跋三

全庶常祖望既定尙書詩文集十二卷附鄉薦經義一卷又爲作詩話二卷年譜一卷以詳其集中贈答之人與其事可謂有功表章矣勳嘗見之而未及錄忽忽十餘年重見年譜於姚江黃氏附錄詩話卽假歸手鈔旬餘而畢尙書以康熙三年甲辰殉節於杭從死者故參軍羅子木侍者楊冠玉及舟子三人尙書嘗賦詩欲葬湖上岳忠武王于忠肅公二墓之閒於是鄞人故御史紀五昌捐金令尙書甥朱相玉購首領而杭人張文嘉

張蒼水集

原跋

四四明叢書

一約園刊本

沈璜書等殮之有朱錫九錫蘭錫旂錫昌兄弟者預爲買地經紀而鄞人萬斯大等葬之南屏荔子峯下從公志也姚江黃公宗義爲之銘子木等三人附焉後七十餘年道士吳乾陽修復墓道全庶常復爲神道碑銘又三十餘年爲乾隆四十一年詔定勝朝殉節諸臣錄尙書以原官褒諡忠烈越十六年壬子鄞萬斯大之孫福謀立石於墓之門海寧陳鱣大書曰皇清賜諡忠烈明兵部尙書蒼水張公之墓勳等輸財設祀春秋薦以蘋蘩迄今已未歷有八載忽見離墓丈餘有新冢二查係

士人翁耀卿與謝上濂私賣并削餘地耀卿故守墓者
勳謂同社曰是不可辱也於是公請之方伯謝公嘗廉
使秦公委縣丈量後地一畝七分五釐畫界繪圖立張
忠烈公祀戶入冊遂上之大中丞王公將建坊湖上以
昭朝廷獎忠之典以示地方禁塋之防先是勳摹尙書
遺像於杭蓋甲辰錢塘獄中所畫藏於萬氏者並附記
於年譜之後以備參考時九月七日正尙書殉節日也
擲筆不禁泫然鄉後學鄭勳謹跋

原跋四

張蒼集

原跋

五

四明叢書

約園刊本

從來鼎革之際殉難者惟勝國爲盛而於四明之產爲
獨多蒼水張公其尤從容就義者公絕命詩云我年
四十五偏逢九月七大廈已不支成仁萬事畢則公之
倡大義也年才二十六耳是時我世祖已受命而作之
君乃不肯順天應人而跋涉山海至十有九年甘喪元
湛族而後已蓋自古亡國大夫之所罕觀也余嘗畫公
像寶藏之頃于役江南田京口至蕪湖追想公領軍長
江凡瓜洲燕子磯觀音門諸勝皆駐師之所而尋其遺
跡渺不可得爲慨然者久之蕪關受降最早公居之幾

近一月余以君子過化之地神必存焉擬請當道於江
口睢陽祠祔祀之以公忠烈足媲美也愬恩返棹而中
止家居曝書得奇零草爲先副使所手鈔蓋公自定之
詩殉難時以重價得諸老兵而流傳者然所存雖鈔全
豹已見且當日軍旅往來於長江一帶歷歷可數其詩
不媿作者殆所謂必窮而後工乎公固不藉以詩傳而
卽此一編足長留天地閒矣夫公梗化亦爲其主當不
諱之朝文字無所疑忌謹鈔此冊以廣其傳附以北征
錄者俾後有所考云道光五年冬慈谿後學鄭喬遷識

張蒼集

原跋

六八四明叢書

約園刊本

原跋五

張忠烈公一生大節與文信國並峙千古先賢作志詳
哉其言之矣至其文采風流歌思人口大率片鱗寸甲
僅藉一斑以窺全豹然流俗已無不敬愛余少時竊聞
之公與余先世大夫兩世姻好誼篤通家嘗有隸書對
聯贈余家云君親恩天地之大聖賢道日月並明乃公
所手書至今奉爲寶貴噫爲此言也豈有一點塵俗氣
所能彷彿哉閒嘗讀黃山谷之文有云臨大節而不可
奪此不俗人也則攬公之餘芳亦可以撲去面上之斗

俗塵矣夫公之大節比於文山而公之從容就義又豈讓稽叔夜哉試卽以其軼事論之公被檄赴省道出望京門外有士人作詩送之曰此行莫作黃冠想靜聽先生正氣歌公大悅曰此王炎午之流亞也當時固無不以文山況之矣及赴市曹覩風景歎曰鳳凰山好山色也非卽叔夜之揮琴而歎廣陵散耶臨節如是此所以發於翰墨無一點塵俗氣耶家君以祕鈔文彙若干篇命余校錄因焚香拜讀三復之餘愈想見其書君親恩聖賢道之語也詩集尙未探得必有出而顯於世者而

張蒼余集

原跋

七

四明叢書

約園刊本

此殘簡斷篇繕寫成一帙正可大振俗矣歲在丁巳後學費照謹跋

原跋六

余嘗謂蒼水張公眞天地間奇人也轉乾坤於再造扶日月於重光雖天數終窮惟知畢命劍芒騰躍詎計殞身事成在我事敗在天國而忘家聞之熟矣又何待後人以大數妄議公也苟云數有所在則武侯之出師表可以不作信國之正氣諸什可以不傳則蒙垢忍恥之徒且將彈冠相慶藉氣運以爲知幾笑孔明文山不識

時務者矣噫其何不倫之甚也我於公之行事重有慨焉十九年之操持薪膽彌厲方寸心之籌畫手足俱瘁昔也夢繞錢塘與子胥文種而馳驅今日墓瘞南屏與忠武忠肅而遨遊眞靈不滅在地爲河海在天爲星辰雖千百載猶一日也公之功業文章先賢作志詳哉言之矣今不復贅余求公之集十餘年渺不可得諸耆老雖能言公之事而終無有藏公之集今年春過姊氏家見甥鈔錄公集不勝狂喜足以見費氏世裔之弗腆也因袖而歸焚香披讀三復不已漫云正氣歌能泣鬼神

張景集

原跋

入

四明叢書

約園刊本

今觀詩集能化風雷矣遂繕寫成帙欲付剞劂因全謝山先生載公丙戌以前文字皆無存者儻天地閒尙有足本余日望之謹賦七律二首以附於後敢云跋詞聊當碑銘

啼鵑遺恨歸南屏義鉞堂堂十九齡但識乾坤全浩氣
豈知日月竟陰暝成仁慷慨丹心裂抗節縱橫碧血冷
一木撐天猶挽數千年國事有餘馨

縱然大數莫能回志在成仁死亦恢碧血支天寒鼎鑊
鴻毛殉國化風雷昔時夢繞文山祠

公生平夢謁文信國信國降階相迎

今日墳留武穆陪

公墓在南屏與忠武忠肅爲鄰

同是丹心懸日月九

京相對莫悲哀

擬弔墓詩一首

名留千古死猶生浩氣依然冢上橫
宿草秋風鳴劍鏗
空山夜雨戰兵聲
智窮力盡埋孤島
身死天昏失大明
緣覺忠魂垂宇宙
相將攜酒弔先生

董懋遷

原跋七

一經兵燹失而不可復得者書籍翰墨之禍烈焉余家

張蒼水集

原跋

九四明叢書

約園刊本

藏書雖不甚當然世有蓄積今顧不能滿行篋至先世著述精神節行之所寄託往往可以不朽力不能俾行世亦焚毀不可掇拾心竊痛之每過坊肆雖殘編墜簡蠹蝕黹損必一寓目而忠烈是冊適雜殘破碑帖中塵胃塗附觸手慮穢見字晝蒼勁拂拭讀之乃大驚益搜得十餘紙雖損壞尙可比次所失多寡未之或知詩詞悲壯憤鬱末學又奚贊一辭哉顧念先太常公於順治丙申授命舟山則海上經營與忠烈共事先車駕公左右魯王毀家饑餓二事終不濟乃逃於禪則亦忠烈之居

懸壘也而所著陶菴集二十卷無刻本逮予世已亡六卷今僅史論四卷雜文一卷蓋逆氛又亡其大半矣夫文硯謝琴僅一器用後之人猶或撫其形式播之詩歌不見其物羣相珍重矧是冊爲忠烈手稟雖不無佚闕而完而可誦者猶三十有七篇梨洲誌公墓已云翰墨流傳視爲至寶矧經兵火煨燼之餘幾淪斯擲哉余不自意得之收輯漢治與陶菴集同藏篋衍知孤忠遺蹟偶留天壤雖世變迭遷有決不磨滅者誌云九月七日遇害而放歌行乃書十月七日梨洲不應有誤則亦如

張蔓水集

原跋

十四明叢書

內閣刊本

毛羽之書羽毛祖之書祖忠烈偶未改正歟同治丙寅仲春二十七日山陰後學陳爾幹

原跋八

殘明餘烈至甬東而極微然其閒義士頑民惓惓故國之心久而未熄藐爾翁洲浮泊海上君若臣倉皇遁竄窮而無歸甲乙之後忍死圖存其忠毅之氣摧喪殆盡乃至懸壘一老與猿狙共居此中聲息卒不能隱如蒼水先生之全節於武陵尤可哀也當先生歿時閩粵滇中諸小腆多已消滅雖堂堂致身授命興朝甚禮重之

惟一時不能卽子襲卹東南懲艾方急無敢控愬以乞
異恩閱百年而始蒙通諡在遺獻黃先生志墓之初與
謝山全先生撰碑之日皆尙未知有日後之表章也若
其生前官階或傷已加之台輔又傳正命爲自經遺獻
無此言自係傳聞之譌俱未足據矣吾門陳生爾幹其
先世與先生同事監國舊有令緒今幸收先生獄中詩
歌草彙錄南雷之銘而合裝之爲一冊舉以示稷辰稷
辰先世亦曾有從亡海島者是皆患難與共之人古誼
相關追述無盡讀此冊不禁爲之纍欷也同治六年三
月後學宗稷辰謹題

張景集

原跋

十一

四明叢書
約圖刊本

原跋九

張思烈公北征錄冰槎集潘文慎公刻入乾坤正氣集
其采薇吟則散單以後之作而蒙難諸詩附焉甬上有
傳錄本而蒙朶之見此手書殘彙十八紙紙七行行字
不等凡詩三十四詞三向爲陳柏堂孝廉所藏歿後其
家人醫諸市蒙購得之第九紙孤竹餐周粟一篇

墨蹟
竊恨

二首

失其題不知以上亡若干紙字多塗乙紙微損裝

潢時波磔凋蝕幾不可辨未敢臆補放歌自注時甲辰

十月七日

墨蹟本作
八月七日

按忠烈正命在康熙三年九月七

日是年閏六月時憲術與大統術置閏不同故書十月
陳跋以爲筆誤非也忠烈被執辭故里詩凡五篇沈梅
史纂公傳載其一其三與明季南略三岡識略字句微
不同計氏又載其二曰何事孤臣竟息機魯戈不復挽
斜暉到來晚節慚松柏此去清風笑薜薇雙鬢難容五
嶽住一帆猶向十洲歸疊山遲死文山早青史也年任
是非其四曰擲揄一息尙圖存吞炭吞氈可共論復望
臣縻輿夏室祇憑帝眷答湯孫衣冠猶帶風雲色旌旆

張蒼水集

原跋

十二四明叢書

約園刊本

仍留日月痕贏得孤臣同碩果也留正氣在乾坤其五
曰不堪百折播孤臣一望蒼茫九死身獨挽龍鬚空問
鼎姑留堂臂強當輪謀同曹社非無鬼哭向秦廷那有
人可是紅羊剛換劫黃雲白草未曾春當在所亡數紙
中計氏失載其三又以爲臨難絕命詩爲微誤耳微君
纂王翊傳載公挽詩云憶君被褐草閒來慷慨論兵未
易才溥海誰堪師畫邑下江應許畫雲臺星沈漢壘貪
狼耀風競胡營戰馬哀仗劍猶聞歌正氣心懸陵母亦
哀哉明詩綜錄從陽謠云八尺風帆百丈牽從陽湖裏

去如煙江南米價秋來長喜殺桐槽賣稻船沿湖下網
蕩湖船網得織鱗錦樣鮮燈火湖光兒女笑魚秧種得
不須田皆奇零草也羅參軍字諸家作子木柳亭詩話
作自牧此作子慕當以公手書爲定侍者楊冠玉柳亭
作楊貫或其名云光緒丙子正月二十三日山陰平步
青跋尾

原跋十

是編從丁松生明府借讀暇日手校數過是正頗多惜

所載祇奇零草

采薇吟卽散
附奇零草中

北征錄鄉薦經義暨全氏

張薈集

原跋

十三

西明叢書

約園刊本

所撰年譜而冰槎集全闕爰據湖郡李氏舊鈔潘文慎
乾坤正氣集補所未備彙鈔一帙以贈較之昔人還書
一紙之事意似少厚附識以博松老一笑光緒甲申仲
冬下浣大興傅以禮識於臨漳行館

集內諸文皆有時事可考而李氏舊鈔乾坤正氣集兩
本均先後失次殊不可解爰合奇零草采薇吟北征錄
參證明季稗野重加排比勒定張忠烈公文集十二卷
而以經義年譜附之視謝山張尙書集序所載祇闕詩
話一種耳他日當將嫌諱字句刪潤繡梓以永其傳識

此聊當息壤甲申嘉平朔日燈下以禮又記

原跋十一

吾郡南屏山麓張忠烈遺墓在焉庚辛兩劫幾於湮沒
匪賊既平余訪其遺址言於四明諸君而重修焉顧坐
域距城稍遠歲時瞻仰人以爲艱於是公之鄉人卜地
於眾安橋南岳鄂王祠之側醮資別建一祠春秋奉祀
士女來者連袂接踵所以成公志也顧公集先無刻本
爲人所祕全謝山竭力搜羅僅得八卷當日傳鈔亦鮮
遺本余不忍公集湮沒求之故家偶得舊鈔數冊喜而
欲狂顧編錄失次畚雜不可整理因寄示傅節子太守
太守與余同有志於刊校公集者也太守費數月之力
編成十二卷因併經義及年譜墓志合成一集而公之
詩文所遺者寡矣篇章未泯光燄萬丈世有闡揚忠烈
者知必有亟刊是集以慰後學景仰之志者余將拭目
俟之光緒乙酉辜月松存老人丁丙謹識

原跋十二

丙午冬鄧秋枚自杭州丁氏借鈔張蒼水全集十二卷
附經義一卷年譜一卷又附錄二卷編首冠以全謝山

張尙書集序編末則有杭州丁丙跋山陰傅以禮跋蓋
丁氏得謝山尙書集數冊獨闕冰槎集以寄傅氏傅氏
乃取湖郡李氏舊鈔乾坤正氣集本張閣學集補所未
備編爲十二卷以符謝山原編尙書集之數然則此編
自冰槎集外餘皆謝山手編之本可寶也曩歲餘杭章
氏所刊張蒼水集因仍舊本編錄失次較此本闕文三
篇詩四十五篇又無詩餘經義兩種而篇中與此異文
者殆八百餘字予既取章本與此本校勘一過補其闕
表其所不同陳佩忍復取乾坤正氣集本校章本亦有
不同而予取佩忍所校之本以證此本則又有不同蓋
乾坤正氣集刻本與傅氏所據李氏舊鈔本已有不同
故也故一張蒼水集也而異於乾坤正氣集本異於李
氏舊鈔乾坤正氣集本異於餘杭章氏刻本其闕編錄
失次則一也茲編自冰槎集外若奇零草

采薇吟卽散
附奇零草中

北征錄鄉薦經義殆皆謝山所編之本而傅氏重訂之
惟冰槎集則全爲傅氏所編其閒編錄失次又無以異
於曩者諸本子乃考蒼水之行事以次序其文復訂茲
編合諸謝山所編奇零草諸種附以經義年譜詩話附

錄爲張蒼水全集謀與秋枚刊之嗟夫嗟夫世有寶藏
謝山所編冰槎集者他日幸見示以正吾過此則南明
二十餘年光復之鬼所更生而泣者丁未二月順德黃
節識於國學保存會之藏書樓

原跋十三

予校蒼水集三年於茲矣中間湖海往還或吳或粵人
事多端顧未嘗一日不置之行篋閒也至今始畢矣悲
夫蒼水之被難也口占絕命詞令人書之偶譌一字未
及更正蒼水笑曰他日自有知之者夫今日所據以校

張蒼水集

原跋

十六四明叢書

利園刊本

諸本之異同而兩存之皆譌之自後而不及正者多矣
譌之當日不假蒼水傾刻之命使得而正之而轉令其
期之他日之後人後人將何據而正之然則予所據以
正諸本之譌者非蒼水所望知於他日者也蒼水所望
知於他日者蓋不徒知其文也知其志也然則予於蒼
水集知其文且弗悉而遑論其志悲乎是豈蒼水所望
哉予去夏游武林失道南屏問蒼水墓有不知蒼水爲
何若人者名與姓之勿知也而又遑論其志然則知其
文者或鮮矣夫蒼水亦期他日之有知其文者亦是暝

矣其文存則其志存矣悲夫悲夫然則是集之刊也願
與讀蒼水文者毋忘其被難時所望有知於他日之人
之一正其譌云爾己酉六月戊寅朔越四日後學順德
黃節校畢謹跋於廣州

原跋十四

蒼水公全集余於丙午冬鈔自杭州丁氏善本書室人
事芴芴未遽刊丁未春余同學友黃晦聞來自粵中與
余同居藏書樓謀共刊古人遺書迺舉此集以屬晦聞
校勘編補刊而行之晦聞用力於是集甚勤綴拾微茫

張蒼水集

原跋

十七

四明叢書
約園刊本

一字一句必細心考訂復從此本謝山年譜內尋出詩
話蓋詩話一種後人卽散附於年譜之內於是而謝山
所編十二卷原本迺復其舊蒐補既竟旋校旋刊月成
一編未幾晦聞別余歸粵攜其彙而南一卷校竟仍郵
其彙至滬中間或刊或輟蓋自丁未春以訖己酉秋全
彙始畢刊已歷三年矣乃於己酉八月晦聞方以其全
彙寄滬刊成將發坊而余復於滬遇蒼水鄉人奉化孫
玉仙鏘赴杭州九月七日之祭者叩以蒼水集迺出慈
谿人王棠齋慈所編本見眎於是取王編本校此本凡

此本所無者增補遺一卷題詠上下各一卷姓氏考略一卷傳略補一卷更囑公鄉人爲雇工拓取蒼水祠堂壁間石刻各墨蹟

墨蹟內詩有鶴恨二首梅花第一首憶菊一首爲集中所無

及蒼

水遺硯拓本甬上三忠墨蹟內蒼水手札并攝影蒼水

之墓爲之鏤銅石印冠之卷首繇是而蒼水全集可稱

完本矣顧予獨怪蒼水殉節後二百餘年閒士大夫皆

知寶其遺著家有鈔本

王棠齋云據所見有鄭氏二硯齋本有蔡氏墨海樓本有何范

明經本有蛟川夏佩香本而夏氏本所采輯復爲古董徐董諸陳本

然亡有爲之鏤版以

行世者直至今而餘杭章氏得鈔於甬上張氏始爲刊

張蒼水集

原跋

十八 西明叢書

約園刊本

行願缺略尙多至今而予友晦聞始編補完善天假之

緣集將刊成而適遇公之鄉人得王氏本墨蹟等而後

公集乃大備嗚呼豈非公之精靈歷久不泯適於是時

默爲呵護者哉然則公集雖晚出而愈顯蓋可信矣抑

余猶有感者二百年來文網尙密故士大夫寶公集者

寧不避傳鈔之勞而亡敢爲之刊印今文網疏闊矣而

士大夫方馳心域外豈復置意於鄉邦文獻余與晦聞

合二人之力此區區十餘卷之書以迫於人事及刻工

江海浮沈亦必歷三年之久始成使不幸而中輟而有

意外之變則此集卒不成而卒成之豈非幸歟已酉十月二十五日後學順德鄧寶謹識於滬上

張蒼水集

原跋

十九

四明叢書

約園刊本

張蒼水集目錄

卷一

奇零草

閒居 丁亥

九日陪安昌王黃肅虜虎癡張定西侯服張太
傅鯢淵朱太常聞玄徐給諫闔公及沈公子
昆季登鎖山和韻

丁亥留節翁城同諸公行長至禮

戊子元旦步張鯢淵太傅韻 戊子

張蒼水集 目錄

一 四明叢書
約圖刊本

懷古二首

和肅虜侯黃虎癡承制頒曆韻

送黃金吾馮侍御乞師日本

輓楊玄石侍御

侍御室人從容就義

追輓屠天生兵部 己丑

天生元配投纒殉夫臨終有詩

輓楊瑤仲廣文

輓華吉甫明經

輓董若思明經

答古虞僞令 乃祖官尙書

余自丙戌蹈海奉違家君定省已四載矣茲待
罪軍次每一念至爲之黯然

勸農遇雨時余屯兵山寨

暑夜獨坐

鹿走勿逐自復戲成

卜天種畫寢戲成

建夷宮詞十首

張蒼水集 目錄

二 四明叢書

約園刊本

閏元宵 辛卯

賦贈翁永年中翰燕爾之喜

壽鯤淵張相國

春暮張鯤淵相國招賞玉樓春向晚更酌漫賦

端陽喜雨呈張相國鯤淵

遊芥瓶庵贈希聞上人

輓張鯤淵相公

輓大宗伯吳巒樾先生

輓朱聞玄少宰

輓安洋將軍劉胤之

輓王完勳侍御

輓馮躋仲侍御

弔肅虜侯黃虎癡

弔沈五梅中丞

秦吉了

翁洲行

壬辰

贈駱亦至二首

登湄洲

張蒼水集 目錄

三四明叢書

約園刊本

步韻答徐闇公

舟中聽雨分得長字

同姚興公萬美功過訪陳齊莫小酌

送萬美功還越時其弟靜齋將赴行在

沈彤庵閣學艤舟南日山遭風失維不知所之

雖存亡未卜余猶望其來歸也

嘗懷

同諸子步月

飲酒

送萬靜齋復命行在

步龔萬靜齋留別韻兼以勸駕

贈徐閩公年丈三首

舟次清明拈得青字

贈馬爾毓職方奉表行在後不果行

擬別義陽王

四月八日過仙洞訪石田和尚

遊龍教寺

我師圍漳郡余過覘之賦以志慨

張蒼水集 目錄

四明叢書

約圖刊本

閩南行

絕炊

讀史

同陳文生坐雨步韻

端陽客鷺門

感懷二首

壽安福伯鄧如盤

弔熊雨殷相公

弔義興侯鄭履公

贈金門蔡元戎

馬爾毓有從軍之歎戲成一律詒之

將朝王阻颶不果

暑雨同諸子限韻仍禁江窗二字

夏日過鼓浪嶼飲程璵嘉將軍署中

新秋鼓浪嶼納涼分得簪字

飲吳山人

立秋同諸子限韻分得鹽咸二字

七夕微雨

張蒼水集

目錄

五

四明叢書
約園刊本

與蔡無能論興復

感遇三首

別陳齊莫

舟次中秋

夢內

步韻答沈東生

師次滙島諸勳鎮行長至禮余以服制不預志

感

至夜傳上師出東粵志喜

壬辰除夕寓湄洲禪院

癸巳元日和友人韻

癸巳

人日立春客湄島二首

春到

憶余在翁島與張鯢淵吳巒穉朱聞玄諸先輩
從遊一時情文宛然在目今三君皆以國難
殉而余在行間猶偷視息然蹙蹙靡騁蓋不
勝興廢存亡之感矣

追往八首

張蒼水集目錄

六四明叢書

約屬刊本

登湄洲謁天妃宮

賦贈琴師

過仙洞訪石田和尚出荔枝爲供

賦贈東山子禱兩端陽有應三首

壽忠靖伯陳燦珠兼統師北伐

送姚興公北還

送徐闇公監軍北上二首

送謝仲彝元戎

壽閩安侯周九苞

郭聖竑見訪出詩相示依韻酬之

重經南日弔沈彤庵相國

舟次琅琦謁錢希聲相國殯宮

北還入浙偶成

贈盧牧舟大司馬

舩艫行

楊芳生以徐闇公高弟浮海來晤於東甌爰贈

一章

寄紀石青年丈

張蒼水集 目錄

七 四明叢書

約園刊本

入吳

入吳見雪忽憶車駕南巡

癸巳除夕

卷二

奇零草

立春日大雨雪時駐師吳淞

甲午

樓船燈火

上巳舟中

舟次圖山

和定西侯張侯服留題金山原韻六首

同定西侯登金山以上游師未至遂左次崇明

二首

哀閩

再入長江

和于湛之海上原韻六首

崇沙宋子猶端士也爲閩帥所窘旣出厄詩以

慰之

馬爾毓職方改署幕府騎兵參軍未免牢落戲

張蒼水集

目錄

八四明叢書

約園刊本

贈

卽事柬定西侯張侯服二首

師次燕子磯

寄懷徐閩公二首

晚泊漫成迴文

追慕二首

鬢有絲

得友人書道內子艱難狀

朱伯遷將避地小溪索詩口占授之

壽英義伯阮季友

壽誠意伯劉復陽

妒婦津

乙未

孤桐吟

寄紀石青年丈

客有談故園花事者感而有賦

自嘲

清明感懷

朝議以諸勳鎮積苦行間宣敕慰勞余益不勝

張蒼水集 目錄

九四明叢書

約園刊本

疏逖之感

病中遣懷

步韻別朱子成

暑雨舟中遣悶分得柴字

七夕同諸子限韻

秋懷三首

大安沙坐風雨復疊前韻三首

答紀石青年丈二首

寄懷徐闇公年丈

送程璵嘉將軍還閩南

舟行阻風口號二首 丙申

登菩薩頂

贈傅惕庵二首

哭定西侯墓

送陳立之還閩

一紀

馬爾毓不應幕府辟召

卽事有感

張蒼水集 目錄

十四明發書

約園刊本

扶風

夢中得句云集候秋蟲偏解語失途老驥亦長

鳴似有感起而成之

重經羊山憶舊與定西侯維舟於此

中秋與賓從小飲步朱夏夫韻二首

歸思寓郡望姓氏

舟次三山

盞江卽事二首

重登秦港天妃宮

寄遠

丙申除夕

丁酉元旦余駐師秦川

丁酉

旅愁

弔旅墓

愁思

枯魚過河泣

戊戌元旦

戊戌

舟山感舊四首

蘆菴水集 目錄

十一 四明叢書

約園刊本

聞行在所遣使至營宣慰有感二首

徐闔公入覲行在取道安南聞而壯之二首

得家信有感二首

春江花月夜值微雨

限韻

春雨望茅舍炊煙

限六魚韻

白燕次友人韻

春暮有懷

歲在戊戌余行年已三十九矣撫時感事遂以

名篇

吳佩遠遊雁宕山歸備述名勝因爲詩紀略亦
志余企望之懷也

贈別陳文生還三山

王師北發草檄有感二首

五月旣望行營恭祝監國魯王千秋有感

苦雨吟

述懷二首

冬懷八首

寄金二如兼訊朱建武

張蒼水集 目錄

十二國明叢書

約園刊本

贈客還里門

喜從弟至兼寄中表

張書紳與范子瞻論余十餘年來戎馬頗爲勞

苦孤危有詩見贈讀之愴然因成二首

薤露吟

萬里曲

鴻門歌

卷三

尚書草

己亥元旦 己亥

海上觀燈限十五刪十五咸二韻

閩元宵 限十四鹽

閩元宵排律十四韻

泊馬蹄橋戲成

泉穴魚

代內人獄中有寄

擬答內人獄中有寄

聞貴陽失守

張蒼水集 目錄

十三 四明叢書

約園刊本

答徐闇公信以交行詩刻見寄一首

會師東甌漫成

江上聞笛

師次觀音門

師次蕪湖時余所遣前軍已受降

師入太平府

姑熟既下和州無爲州及高淳溧水溧陽建平

廬江舒城含山巢縣諸邑相繼來歸

驛書至偏師已復池州府

師入寧國時徽郡來降留都尙未克復

閒行雜感二首

經烏江二首

縱陽謠二首

黃湓謠二首

新安溪行

寄宿石塘菴與居人道定西侯往事

生還四首

海濱居民聞予生還咸爲手額且以壺漿相餉

張蒼水集 目錄

十四 四明叢書

約園刊本

余自慚無似何以得此於輿情也

僕還

月夜同陳文生過黃粹伯留酌

贈陳文生侍御返命闈嶠

苦饑

庖焚

萍踪同邱舍山感賦

送邱舍山還長亭山房

得姚興公書以舫音集見寄

卜居

溪行二首

島居八首

索居島上童子折梅來獻喜而有賦限十三元

二首

賦得相逢俱是歲寒人

立春用杜韻

己亥除夕

庚子元旦駐師林門

庚子

張蒼水集目錄

十五 四明叢書

約園刊本

庚子新正二日坐雨島上

遊小巖草菴

得朱子成書

寒山

聞監國魯王以盜警奔金門所

贈張書紳還錢塘

上巳書懷

春晚

重過桃渚

復屯林門

中秋有懷

步韻和曹雲霖浯島秋懷二首

秋夜舟中聽雨

新河口雨泊二首

愁泊

長鯨行

次韻酬林荔堂

歲暮得蔣馭鴻信兼見其新製寄贈二首

張蒼水集

目錄

十六

四明張書

約園刊本

島上祀竈

辛丑元旦僞虜僭號已十八年矣

辛丑

見友人詠懷詩有感遂依韻和之二首

春島霧雨次壁間舊韻

雨中寒甚再疊前韻

送黎大行瀕行以途窮爲恨賦詩見示仍用前

韻答之

維揚姜張二友浮海來晤賦贈

僞庭小汗天亡復以六歲餘孽僭號擅位

春暮悵然有作

三月十九有感甲申之變二首

得徐闇公書爲之喟然

促織

寄張書紳時聞在越

送黎大行南訪行在

送吳佩遠職方南訪行在兼會師鄖陽

秋日傳蜀郡克復瓊海反正喜而有賦

感事四首

張蒼水集 目錄

十七 四明叢書

約園刊本

三過沙關

沙關感懷

送羅子木往臺灣二首

愁心

莫指

南國

雜感三首

輓董天鑑孝廉

梅花和中峯大師韻四首

辛丑長至舟次祝聖二首

除夕行營沙關

壬寅元旦軍次仍行祝聖禮

壬寅

元夕金鄉道

元宵舟次步竇從韻魚字

辛丑秋虜遷閩浙沿海居民壬寅春余艤棹海

濱春燕來巢於舟有感而作

春心

北回示將吏

張蒼水集 目錄

十八

四明叢書
約園刊本

卷四

採薇吟

入山

甲辰

清音

林中漫興

小猿畜之久矣以病抱樹而死爲之惻然

山中初度用子木韻

清秋憶從弟嘉言

山中七夕限韻得廉字

又疊前韻

懷古

山居卽景四首

山中屢空泊如也偶讀淵明饑驅句猶覺其未

介遂作反乞食詩仍用陶韻

擬古三首

懷王媿兩少司馬徐關公沈復齋中丞

聞孤鳥而有作

入定關

在慧巖七月十七丑時被執作也

張君水集 目錄

十九 四明稿卷

約園刊本

羈恨二首

被執歸故里

甲辰七月

將入武陵二首

宿信亭

八月

放歌

入定七日書於板之獄壁

憶西湖

八月

牆角紅梅九月發花一朵偶成四絕時羈獄舍

用鹽字

武林獄中作三首

又一首

甲辰九月感懷在獄中作

絕命詩

屯懸壘猿啼有感

附詩餘

柳梢青

長相思 中夜聞鐘

前調

前調 秋

蓬齋水集 目錄

二十四明齋書

約閱詞本

滿江紅示同難賓從羅子慕於武陵獄耶

前調 步岳忠武王韻

卷五

冰槎集

祭海神文 禁林代敕 辛卯

復僞提督田雄僞鎮張杰僞道王爾祿書

祭建國公鄭羽長文 丁酉

賀延平王啓 戊戌

海師恢復鎮江一路檄 代延平王 己亥

復僞總督郎廷佐書

山頭重築海塘碑記

庚子

徐允巖詩集序

上監國魯王啓

與馮鎮張維善書

羅子木詩集序

辛丑

上延平王書

上行在陳南北機宜疏

祭定西侯張侯服文

張蒼水集目錄

答曹雲霖監軍書

壬寅

曹雲霖詩集序

祭山神文

奇零草序

祭四叔父文

上監國魯王啓

七月

上監國魯王啓

八月

上監國魯王啓

外編一 遺詩

招趙友飲禪院

七夕前十日贈少年合巹二首

寄紀侍御衷文二首

海上二首

闕題

感懷步扇頭韻

湖心亭書壁

顯甥奔至 壬寅

張蒼水集 目錄

三四明叢書

約園刊本

聞家難有慟四首

得故人書至自臺灣二首

驚聞行在之變正值虜庭逮余親屬痛念家國

心何能已

悲憤二首

傳聞閩島近事

感懷兼悼延平王

海月

世泛

重陽偶成

甌行志慨三首

野人餉菊有感四首

舟行立冬

舟行望野燒

讀史二首

和秦淮雜文宋蕙湘旅壁韻

有所思

癸卯

憶菊限屏字

張喬水集目錄

復趙督臺

甲辰元旦

虜庭以余倡義既久屢復名城遂遶及族屬且

開告密之門波及親朋撈掠備至聞之泫然

月夜重登普陀山二首

卷七

外編二 遺文

自用研銘

李陵論 刺叛臣洪承疇

張子房報韓論 刺叛臣吳三桂

陳文生未焚草序

梅岑山居詩引

答毛參謀書

與林用圭書

祭平夷侯周九苞文

答延平王世子經書

答閩南縉紳公書

復盧牧舟司馬若騰書

張蒼水集 目錄

二十四明讀書

約圖刊本

答僞部院趙廷臣書

答僞交撫書

答唐枚臣書

送馮生歸天台序 癸卯

祭監國魯王表文

祭延平王文

僧履端詩集序 甲辰

貽趙廷臣書

卷八

北征得失紀略

卷九

鄉薦經義

附錄

附錄一

年譜

全祖望輯

附錄二

年譜

趙之謙彙

附錄三

張蒼水集

目錄

傳略

附錄四

墓錄

附錄五

題詠上

附錄六

題詠下

附錄七

人物攷略

三五

四明叢書
約圖刊本

附錄八

校訂清池張氏世系圖表

世德錄

張氏家譜目錄

二六四明叢書
約園刊本

張蒼水集卷一

明鄭張煌言玄著撰 同縣後學張壽鏞編次

奇零草

自序

余自舞象輒好爲詩歌先大夫慮廢經史每以爲戒遂
輟筆不談然猶時時竊爲之及登第後與四方賢豪交
益廣往來贈答歲久成篋會國難頻仍余倡大義於江
東藪甲敵干凡從前雕蟲之技散亡略盡矣於是出籌
軍旅入典制誥尙得於餘閒吟詠性情及胡馬渡江而

張蒼水集卷一

一四明叢書

新編刊本

長篇短什與疏草代言一切皆付之兵燹中是誠筆墨
之不幸也余於丙戌始浮海經今十有七年矣其間憂
國思家悲窮憫亂無時無事不足以響動心脾或提槩
北伐慷慨長歌或避虜南征寂寥低唱卽當風雨飄搖
波濤震盪愈能令孤臣戀主游子懷親豈曰亡國之首
庶幾哀世之意乃丁亥春舟覆於江而丙戌所作亡矣
戊子秋移節於山而丁亥所作亡矣庚寅夏率旅復入
於海而戊子己丑所作又亡矣然殘編斷簡什存三四
迨辛卯昌國陷而笥中草竟靡有子遺何筆墨不幸一

至於此哉嗣是綴輯新舊篇章稍稍成帙丙申昌國再
陷而亡什之三戊戌又覆舟於羊山而亡什之七己亥
長江之役同仇兵燬余以閒行得歸凡留供覆瓿者盡
同石頭書郵始知文字亦有陽九之厄也年來歎天步
之未夷慮河清之難俟思借聲詩以代年譜遂索友朋
所錄竄從所鈔次第之而余性頗強記又憶其可憶者
載諸楮端共得若干首不過如全鼎一鬻耳獨從前樂
府歌行不可復攷故所訂幾若廣陵散嗟乎國破家亡
余謬膺節鉞既不能討賊復仇豈欲以有韻之詞求知

張蒼水集

卷一

二

國朝文獻

約園刊本

於後世哉但少陵當天寶之亂流離蜀道不顧風騷後
世至名爲詩史陶靖節躬丁晉亂解組歸來著書必題
義熙宋室旣亡鄭所南尙以鐵匣投史晉井中至三百
年而後出夫亦其志可哀其精誠可念也已然則何以
名奇零草是帙零落凋亡已非全豹譬猶兵家握奇之
餘亦云余行間之作也永曆十六年歲在壬寅端陽後
五日張煌言自識

壽鏞謹案先生之詩詩史也一再散亡僅存者此
耳顧奇零草爲先生手訂時在壬寅端陽後五日

凡在是年是月是日以前始得入之乃見真面目
而拾殘廢於散亡之餘當以最初之本爲依據雖
全謝山亦後定者也今壽鏞幸得海濱遺老高先
生允權錄本於先生後人先生詩文略備謹依其
所註年歲分年編定不復分體更參校張丈讓三
謂得鈔本於黃東井後人徐閣公孚遠各印硃色
爛然尙是永曆間舊帙餘杭章太炎據以付印者
爲之互勘次其後先以丁亥閒居爲始壬寅北河
示將吏爲終以復先生手編奇零草之舊壽鏞瀟

張蒼水集

卷一

三

西明叢書
約園刊本

陋譬諸畫家力求神象之肖而能肖與否惟力是
視尙更得畫工潤色之使襄鄂皆真尤所望也

閒居

丁亥

揮手歸鴻望已乖風塵依舊兩芒鞋人居閒處非佳境
事到難時且放懷無限興亡看越絕何妨奇怪說齊諧
孤踪轉覺支離甚一任蒼苔自上階

九日陪安昌王黃肅虜虎癡張定西侯服張太傅

鯢淵朱太常聞玄徐給諫閣公及沈公子昆季

登鎖山和韻

丁亥

鼇背霜寒菊自開，欣看英佩宴吹臺。
尙書覆近東山駐，大將旗聯西府迴。
香冷金華雙使至，秋明玉樹一鞋來。
追陪誰復題糕字，媿向鑾坡問筆才。

丁亥留節翁城同諸公行長至禮

幾年臥節夢金鑾，綿蕞猶班舊握蘭。
葭管初開周甲子，蔥珩重見漢衣冠。
嗚呼恍覺爐香近，海曙還疑扇影寒。
惟有臣心冰雪淨，誓將綵線續雙丸。

戊子元旦步張鮑淵太傅韻

椒花幾度頌千春，惆悵瞻雲祇遠臣。
海國尙留桑版舊，

張蒼水集卷一

四四明叢書

約園刊本

山家又見柳條新，三年啗雪雙蓬鬢。
萬里乘風七尺身，賴有老成遲劍履。
相看端笏對楓宸。

懷古二首 戊子

我懷申大夫，哭秦卒復郢。人定能勝天，一言重九鼎。
亦有張長史，唐室賴藩屏。當其語江中，籌畫先井井。
古人秉忠貞，謀國無微倖。操此左券言，勳名終彪炳。
如何遭播臣，智勇不得騁。廢興寧有運，吾欲訟青冥。

雲本依龍翔，風亦附虎烈。古來王佐才，往往待聖哲。
白水產真人，乃能顯高密。先生自梟雄，隆中願蕩滌。
卓哉

一臣靡赤手挽禹厓澆泥旣迭生鄩灌且並滅君方娠
有仍臣也奔有鬲國亡四十年興滅復繼絕祀夏伊誰
功萬古冠臣節

和肅虜侯黃虎癡承制頌曆韻

戊子 壽鏞案高本繫戊子全譜非

駿馭遙巡斷赭鞭孤臣頻歲紀星躔曉鬻冷落雞人唱
寒管驚回龍子眠舊放梅花知漢臘新添萸葉是堯年
義熙何用陶潛載日月中天正朗懸

送黃金吾馮侍御乞師日本

戊子 壽鏞案高本與趙譜合全譜非也

中原何地足依牆惆悵徵師日出方龍節臥持牙斧客

張蒼水集卷一

五四明張書

約園刊本

魚書泣捧豹衣郎黃河北去浮青雀滄海東回獻白狼
佇聽無衣萬里客繡弧應復挂扶桑

輓楊玄石侍御

戊子

避莽爭誇漢兩龔逋臣浩氣正如虹何期士雅鞭先著
轉覺寶王檄未工華表應歸千載鶴夜臺誰避五花驄
獨憐江左風流盡禾黍依然滿故宮

侍御室人從容就義

戊子

何人重上望夫山血影模糊不可攀漆室有憂曾曳綯
崩城無計竟投繯沈來婺彩光猶映揮到湘筠淚自斑

多少鬢眉巾幗態卻留彤管歎紅顏

追輓屠天生兵部

已丑 壽輔業以下繫字卷
依前本凡全譜誤者均屬改正

雉壇曾記探陰符共挽天戈指羯胡我似魯連還抗節
君爲翟義竟捐軀旄頭應避祁連豕七首空藏督亢圖
歸去延陵須掛劍只愁零落是樵模

天生元配投繯殉夫臨終有詩

已丑

碧血流乾滄海塵深閨誰是未亡人曾聞脫珥都心緯
豈惜磨笄並化燐荀女尙慙珠未碎明妃莫怨玉難春
臨危猶作離鴻調字字遺丹在縞巾

張蒼水集

卷一

六

四明叢書

約開刊本

輓楊瑤仲廣文

已丑

澤國繇來已墜天敢云補缺有青氈欲逃東海波難挽
縱餓西山蕨亦羶屋上幾時曾集鵬堂前從此不升鱣
相遭猶記言珍重豈意歸吟薤露篇

輓華吉甫明經

已丑

魚檄纔傳身已危英魂烈骨任披離華夷兩字書生辨
節義千秋史氏知逝去玉樓堪作賦投來鐵匣尙留詩
更聞鍛鍊神偏壯慷慨如歌易水辭

輓董若思明經

已丑

昨夜貪狼焰越軍早嗟玉折與蘭焚孤臣錯擬清河客
力士空求滄海君函谷丸泥封未得豐城劍氣杳難分
悲歌不獨爲姻婭雁影遙天奈失羣

答古虞僞令

乃祖官尙書 己丑

漢幟年來半壁標何期賢令賦同袍睢陽自昔猶瞠目
彭澤於今暫折腰好爲家聲看魏笏還將國恥問蘇旄
龍荒多少江南客老嫩胡顏說北朝

余自丙戌蹈海奉違家君定省已四載矣茲待罪

軍次每一念至爲之黯然

己丑

張蒼水集

卷一

七四男裝書

約開刊本

獵火年年急羽書飄零子舍竟何如不因國外驚投袂
那見庭前歎絕裾燕語空梁泥自落鶻啼細柳血應枯
遙知今夜關山月獨照龍鍾人倚闥

鐵衣何事換斑衣朔雪炎風歸未歸莫慰兕觥娛畫錦
聊憑龍盾報春暉停雲轉悔辭家易夾日還慙報國微
記得青箱多舊訓丹心玄髮敢相違

勸農遇雨時余屯兵山寨

己丑

濃雲似墨滯行旌點染春郊最有情話到桑麻風自古
災餘草木雨還生土龍不用胡僧咒竹馬偏喧穉子迎

烟火幾家寥落盡空山布穀一聲聲

暑夜獨坐 己丑

炎熇如酷吏入夜氣猶蒸晞髮涼初透撚鬢欲乘風
斜穿密牖月午漏疏藤四壁蟲聲咽誰堪一語冰

鹿走勿逐自復戲成 己丑

失鹿何曾得鹿期重來豈獻牡丹枝墮中蕉葉原非夢
爲待仙人夾轂隨

卜天種晝寢戲成 己丑

新秋蕭颯北窗涼一枕羲皇夢亦長試問漆園蝴蝶影

張耒集卷

八四明叢書
約圖刊本

可曾逆旅鬧黃梁

建夷宮詞十首 己丑

平明供奉入彤闈亦舞霓裳唱羽衣千騎驂驪知待獵
揮鞭馳道擁明妃

毳殿春寒乳酪香近臣偏得賜新嘗老璫不解駝酥味
猶道天廚舊蔗漿

盤龍小袖稱身裁馬上雕弓抱月開太液池邊金彈落
疑從紫塞射雕來

弓靴椎髻儼天魔胡文宮妝新樣多醉捧官家還笑問

燕支山色近如何

朝罷瞿曇次第迎內庭深處說無生不知鸚鵡能胡語
偷向金籠誦佛名

十部梨園奏尙方穹廬天子亦登場纏頭豈惜千金賞
學得吳歛進一觴

上壽觴爲合登尊慈寧宮裏爛盈門春官昨進新儀注
大禮躬逢太后婚

掖庭又說冊闕氏妙選嬪閨足母儀椒寢夢回雲雨散
錯將蝦子作龍兒

張蒼水集卷一

九國明詩書

約園刊本

六曹章奏委如雲持敕新書翻譯聞笑殺紅玉空妙筆
而今鳥踪是同文

玉几憑來顧命新負展聞道有家臣從今賭卻鑽刀咒
不信華人信滿人

閏元宵 辛卯

斗柄春來又幾旋昨宵今夕倍堪憐一年那得燈重滿
五夜何曾月再圓星漢依稀火樹裏風光次第杏花前
上元別是佳游節選勝還疑小有天

賦贈翁永年中翰燕爾之喜 辛卯

豔陽玉樹正堪攀一捻柔枝翠幙間賦就梅魂誰競爽
賡來柳絮自幽閒鸞回欲寫輕蛾樣燕婉偏諧小鳳班
最是流蘇春煖夜餘香宜傍御爐還

壽鯤淵張相國

辛卯

扶桑之國蓬萊鄉日月所胎生氣長遙與九峰三御接
神仙窟宅天地房乃有格人降箕宿兵甲胸羅腸篆籀
鳧鳥先從闕下飛鷹冠獨向殿中駮天佑虜公爲洗兵
朱旗玄鐵仗南征日鞞朝扶辰極正星筵夜掃彗躔平
乾坤有待銅馬帝制闡旌旄橫海濟蚩尤欲殄夢吹塵

張景水集卷一

十四明張書

一約圖刊本

胥靡爰登歌作礪丹心洞達八荒開黃髮溫恭萬屢恢
謝棋墅上時時賭狄李蹊邊處處栽先生花甲今復始
考擬中書二十四鼎內和羹手自調焉用金鹽與玉醴
況對仙山咫尺間徐市曾尋大藥還避斧子真丹井在
安期醉墨桃花斑卓哉先生能壽國鰲柱孤撐挽百六
虞淵倒景浴咸池上台台曜融寒谷君不見吾家三載
世風流杖履從容燕子樓自是綸扉同噉蔗何須海屋
復添籌又不見漢興正賴子房策封留高蹈求黃石世
間更無卻老方不朽功名綿史冊宗風千載先生存轉

軸旋樞裕後昆婆娑彌覺朱顏駐園綺衣冠安足論

春暮張鯢淵相國招賞玉樓春向晚更酌漫賦

辛卯

曲江花事已闌珊春富名園色可餐香韻乍經羞後見
風流恰向醉中看不妨豔質偏叢綠卻羨芳心自渥丹
小雨疏窗遙望斷輕綃低護絳雲團

看花相對數花籌綺谷偏宜清夜遊欲比酒容來葉底
頻疑燈影上枝頭妝殘蓮粉精神別夢入梨雲顏色浮
暮靄迷離渾一片湘簾掛處隱朱樓

端陽喜雨呈張相國鯢淵

辛卯 壽鏞案高本繫辛卯趙譜非

張蒼水集 卷一

十四明齋書約園刊本

海國懸符爲辟兵驅來雷檄又縱橫中天雨露天中節
半夜風雲夜半晴繁露何須災異對商霖原爲相公生
憂民幸慰祈年忘笑把菖蒲泛酒觥

遊芥瓶庵贈希聞上人

辛卯

斲入雲根便臥雲禪師真可鶴爲羣數竿漸覺龍孫長
一徑斜從爲道分山似骨餘原太古僧無肉相卽斯文
膽瓶印處應如許我亦來參未得聞

輓張鯢淵相公

辛卯

一身真可繫危安垂死威儀尙漢官魂返黃墟應化碧

顏留青史卽還丹千秋共惜遺金鑑十載何慚戴鐵冠
也識公歸箕尾上定依日月倍芒寒

紗籠姓氏迴無瑕晚節何如五柳家欲報君恩餘白髮
祇留相業在黃麻樓空燕子從風墜門冷龍孫帶雨斜

先生諸姬盡殉一孫被囚故云一自墨胎歌斷後華亭鶴唳更堪嗟

輓大宗伯吳巒穉先生

辛卯

冰稜玉尺倚容臺一片孤忠天地哀儼爾鬚眉留四皓
黯然彗孛入三台引年難遂懸車去逐日徒悲化杖回
深負先生歸骨望吳江楓冷鶴還來

先生吳江人

張齊水集卷

士四明叢書
約園刊本

一掌河山亦踐蹂老臣霜雪正盈頭掀髯猶抱滄桑恨
扼吭甘從孤竹遊自是澤宮堪薦俎

先生畢命于學宮

豈無夜

壑可藏舟趨朝當日稱先達惆悵生芻何處投

輓朱聞玄少宰

辛卯

風流名節總相兼冰鑑高從北斗瞻老去漢臣猶避莽
歸來陶令本名潛一官直與夔龍並七尺甘隨豺虎殲
試向星辰還聽履炎輪應爲返西岷

極目烽烟點鬢毛間關已識兩難逃黍離社稷無薪膽
草昧朝廷有節旄自許孤忠遺海岸人悲啟事失山濤

臨風不盡招魂賦那忍重看舊佩刀

輓安洋將軍劉胤之

辛卯

羽聲落日泣兵殘斗大孤城獨據難
虎體拚隨朝露盡
龍精空向暮雲寒
數奇偏少封侯骨
力竭惟餘報主肝
歲歲芳洲腥草綠
飛燐猶繞舊登壇

輓王完勳侍御

辛卯

憶君被褐草間來
慷慨論兵未易才
薄海誰堪師畫邑
下江應許畫雲臺
星沈漢壘貪狼耀
風競胡營戰馬哀
伏劍猶聞歌正氣
心懸陵母亦悲哉

張蒼水集

卷一

十三

四明叢書
初編刊本

輓馮躋仲侍御

辛卯

一夜烽烟五丈原文星
早共將星昏埋肝
尙擬扶宗社
灑血何辭濺廟門
同穴先悲梁上燕
覆巢早泣峽中猿
只今大樹還零落
異域誰招馮母魂

躋仲妻縉子慘隨母被沒入故云

弔肅虜侯黃虎癡

辛卯

百年心事總休論
墮淚憑看石上痕
竹帛早應傳魏勝
河山終不負劉琨
當時杖履知何在此日
衣冠賴孰存
一自將臺星殞後
胡塵天地尙黃昏

弔沈五梅中丞

辛卯

香臺咫尺渺人琴萬里寒湖送夕陰報國千年藏碧血
毀家十載散黃金名山難瘞孤臣骨瀚海空磨戰士鏢
留得荒祠姓氏古春歸唯有杜鵑吟

秦吉了 辛卯

秦吉了生爲漢禽死漢鳥塞南塞北越禽飛悵望故山
令人老載鳴鳴華首載飛飛華土翻折翅垂夷敢我侮
生當爲鳳友死不作雁奴我自名禽不可辱莫待燕
婉生胡雞 鳶猶嚇鵲徒啗倉庚空格磔哀哉不能飛
起視來禽嘗歎息

翁洲行 壬辰

張蒼水集卷一

十四四明叢書

約園刊本

自從錢塘怒濤竭會稽之棲多鍛翮甬東百戶古翁洲
居然天塹高碣石青雀黃龍似列屏蛟螭不敢波間鳴
虎鬚爭如秦婦女魚旄半是漢公卿五六年間風雲變
帝子南巡開宮殿繇來澤國仗樓船烏鬼漁人都不賤
堂怡穴鬪幾經秋胡來飲馬滄海流共言滄海難飛越
況乃北馬非南舟東風偏與胡兒便一夜輕帆落奔電
南軍鼓死將軍擒從此兩軍罷水戰孤城聞警蚤登陴
萬騎壓城欲夷礮聲如雷矢如雨城頭甲士皆滄夷

雲梯百道凌霄起四顧援師無螻蟻裹瘡奮呼外宅兒
誓死痛哭良家子斯時帝子在行間吳淞渡口凱歌還
誰知勝敗無常勢明朝聞已破巖關又聞蒼戰戈旋倒
闔城草草塗肝腦忠臣盡茲伯夷山義士悉到田橫島
亦有人白重圍來回余細語令人哀椒塗玉葉填管井
甲第珠璫掩劫灰而今人民已非況城郭鬪樓跳號寧
復肉土花新蝕遺鏃黃石苔早繡缺斯絲嗚呼問誰橫
驅鐵襖襠翻令漢土剪龍荒安得一劍掃天狼重酌椒
漿慰國殤

張蒼水集

卷一

十五四明叢書

約圖刊本

贈駱亦至二首 壬辰

客自涪州至蕭然野鶴姿青雲猶冉冉白雪故離離
俗原無我廉頗更有誰蒲輪指日下莫漫採江蘼
唐室當中葉君家有石丞雄文堪討賊苦節亦爲僧
踪跡今相似遭逢古未曾會須扶日月滄海見鱣升

登湄洲 壬辰

不盡滄浪興孤洲眺晚暉海翁稱地主野父說天妃
旌前出鏃鋤雨後歸侏僂雖未解一笑亦忘機

步韻答徐闇公 壬辰

窮塗長日更難消，賸有圖書伴寂寥。
伯業徒看秦望氣，客愁似瀉廣陵潮。
其歌叢桂山中發，誰識焦桐爨下燒。
潦倒未應猶倔強，丈人久已學承蜩。

舟中聽雨分得長字

壬辰

小雨江天倍渺茫，翩然有客度鳴榔。
坐來知己忘觴薄，話到英雄看劍長。
殘角分明悲渤海，孤篷轉憶灤湘。
相憐身世真飄泊，豈爲春風欲斷腸。

同姚興公萬美功過訪陳齊莫小酌

壬辰

回首鄉關北海濱，南來猶見故鄉人。
君因久客翻爲主，

張蒼水集

卷一

六

四明叢書

約園刊本

我亦同仇況比鄰，八載滄桑愁欲老。
一罇清酒話相親，其悲吳楚烽煙急。
太史占星正聚閩，姚吳人萬楚人故云

送萬美功還越時其弟靜齋將赴行在

壬辰

令弟將南邁，元方又北征。
炎荒萬里節，越絕一歸旌。
欲聚非麋鹿，難分是鶴鴒。
祇應山鬼語，但見送人行。

沈彤庵閣學艤舟南日山遭風失維不知所之雖

存亡未卜余猶望其來歸也

壬辰

昨夜驚濤勢轉雄，孤帆何處御長風。
沃焦不信膠舟解，博望初疑銀漢通。
欲問馮夷愁莫應，尙成精衛恨何窮。

袖歸當有支機石豈遂騎鯨向碧空

書懷

壬辰

一劍橫磨近十霜端然搔首看天狼勳名幾誤乘槎客
意氣全輕執戟郎圯上書傳失絳灌隆中策定起高光
山河縱破人猶在試把興亡細較量

同諸子步月

壬辰

醉餘散步興遄飛挈伴耽看素月輝濠濮自然成獨往
關山幾處照人歸橫襟坐嘯風微至曳履行吟星漸稀
清影自憐同鶴瘦可能肥邈遂初衣

張蒼水集

卷一

十七四明叢書

約園刊本

飲酒

壬辰

世事驚心強自娛蕭條旅館日提壺嘗言諸葛真名士
猶作高陽一酒徒座上何須分雅俗杯中原不入榮枯
且須杖策齊陵去王粲登樓賦有無

送萬靜齋復命行在

壬辰

聞君攬轡向蒼梧三月椰花媚客途星漢初迴英蕩節
風流未減繡螭弧嶺梅見使歡相接岸柳懷人強自扶
莫怨胡塵連瘴雨王師傳說下荆湖

步龔萬靜齋留別韻兼以勸駕

壬辰

經旬客邸正相尋君去應嗟徑草深帝子偏安猶半壁
王孫盡報只千金梁鴻自是難分手范蠡何堪有隱心
好向屬車勤獻策楚材莫作楚騷吟

贈徐閩公年丈三首

壬辰

王謝風流誰更傳雄文廿載國門懸胡牀高踞談經日
漢室初徵射策年每擬珊瑚爲架筆雅聞縵組並當筵
豈知把臂蓬壺外江左衣冠傲昔賢

竹箭東南橫得名飛來龍劍卻爭鳴誰云四海同科第
自是中原一社盟懸榻君應稱快事乘槎我亦歎勞生

張蒼水集卷一

十六

四明叢書
約園刊本

他年若遂尊鱸興擬共山陰道上行

吾道滄洲任所遭豈因標榜益名高重逢尙握蘇卿節
久別誰彈鍾子操明月開尊皆勝侶春風入座似醇醪
偉長未便從軍老已羨文章晚更豪

舟次清明拈得青字

壬辰

春光客路轉飄零擬踏平蕪探小菁自覺草生偏入夢
可憐花醉未曾醒松楸雲隔千峰斷楊柳烟迷兩岸暝
欲隱尙違慚介子年年寒食臥江汀

贈馬爾毓職方奉表行在後不果行

壬辰

頻年北極未迴鑿萬里朝宗行路難孝直終當扶蜀鼎
太真時亦奉劉丸垂風其聽尚書履近日應隨御史冠
此去君家銅柱在長纓好請繫樓蘭

擬別義陽王

壬辰

紫橐玄戈事幾秋傷心忠孝竟何酬投閒肯寄通侯廡
招隱空登學士舟滄海拂來惟兩袖赤霄拈去有雙鉤
月明儻下緱山鶴準擬追陪伊洛遊

四月八日過仙洞訪石田和尚

壬辰

炎鄉白晝苦難眠也逐孤雲學問禪行到精廬知浴佛
張蒼水集卷一

十九四明樓書

約園刊本

坐來古洞憶飛仙遠公暫向名山住管子初從遼海還
不是宰官能說法疏泉品石總隨緣

遊龍教寺

壬辰

雲林次第望中收碧澗清泉曲曲流山勢有情留古寺
海潮無意到孤洲素冠卻許黃冠伍芳草渾同衰草愁
自覺行踪猶廓落五湖烟雨釣魚舟

我師園漳郡余過胡之賦以志慨

壬辰

溟南見說築金臺長揖諸侯壁上來地險分明形似米
天驕竊據勢如鬼愁登廣武論劉項倦向梁園逐馬枚

卻聽雄風歸楚望聊當飲至一銜盃

閩南行壬辰

閩南自古龍蛇孽大羊闖入爲窟宅元公仗鉞起海東
劍躍蜿蜒弓霹靂一戰築京觀再戰解椎結三戰合圍
漳州城萬竈星羅盡樹柵彈丸小醜尙陸梁登陴不畏
河魚疾迴着百雉蚤懸燈照耀闔閭光爲赤城頭刁斗
寂不聞惟聞死聲動筆策我軍鼾睡聲如雷戰馬高嘶
待橫擊平明兩軍仍相持似借人命膏鋒鏑嗟嗟狡虜
何其愚何不肉袒轅門行自絕憶昔秋深胡馬肥燒荒

張蒼水集 卷一

二十四明發書

約園刊本

獵火天成血環駝九陌換銅駝指顧中原鮮堅壁不數
年間殺運回漢人復燉胡人滅區區阱獸與金魚天戈
所指應無敵應無敵多鹵獲或獻俘或獻馘此時龍戰
血玄黃功成誰念溝中瘠兵家奇正鮮常形頓軍堅城
豈善策試籌遁甲探陰符大武何嘗窮矢石

絕炊壬辰

炎涼雖世態不信在同舟自去梁間燕眞同水上鷗
原無赤腳僕已鮮蒼頭亭午炊烟絕何能免百憂

讀史壬辰

故人卽非寒使者殊不薄交滿天地間綈袍何落莫

同陳文生坐雨步韻

壬辰

經春作客傍龍門春去猶憐蛺蝶魂花醉可曾澆白墮
草成盡道勝玄言江河滿地愁偏入湖海頻年病尙存
正爲陸沈慙石隱那堪風雨更煩喧

端陽客鷺門

壬辰

偶逢南海菖蒲節轉憶西山薇蕨生風俗不殊鄉國異
年華一去夢魂驚何須繫縷爲長命安得懸符盡辟兵
客況淒其聊對酒莫辜好景是朱明

張蒼水集卷一

王四明叢書

約園刊本

感懷二首

壬辰

滄江一臥已心灰避地何人賦七哀欲遣新愁悟後去
翻招往恨醉中來六橋歸夢催衰柳五月寒巖聽落梅
擬學冥鴻差強意回看玄髮又徘徊

浮名世上長蓬心我自商歌獨抱琴流水非因鍾子調
陽春只合郢人吟乾坤大抵分王霸治亂繇來半古今
轉悔十年塵事拙不如經濟在山林

壽安福伯鄧如盤

壬辰

鵲石文垂早建牙歸來長嘯餌丹砂漫言赤社千秋恨

且種青門五色瓜
匣內芙蓉堪捧日
杯中薏苡當流霞
興朝若復論人物
自是雲臺第一家

弔熊雨殿相公

壬辰

怒飛夾日勢排空
蠻觸何云又伏戎
牛壁雄才終抱石
三台殺氣已成虹
高名未許容周顛
正色繇來忌孔融
猶憶錢塘留戰血
至今春草帶殘紅

弔義興侯鄭履公

壬辰

五陵豪客徹侯封
翼折天門第幾重
陳勝亡秦先發難
劉琨爲晉竟羅凶
稽山甲盾從今散
橫海樓船不自容

張蒼水集卷一

二王四明叢書

約園刊本

一似鷗夷乘浪去
我來何處吊遺踪

贈金門蔡元戎

壬辰

炎風吹客到窮途
慷慨逢君意氣孤
此日高才追大樹
多年長劍枕陰符
金城不獨留天險
銅柱還應入地圖
最羨祭遵饒雅度
時時綬帶一投壺

馬爾毓有從軍之歎戲成二律詒之

壬辰

一劍南來說曳裾
鉞聲早怨出無輿
粉曹回憶馮唐節
油幕閒誇阮瑀書
應悔鶴翎先自翦
翻憐雞肘轉成虛
烟霞清供難分寄
恐爾蓬心尙未除

北山奈何又移文投筆雄情誰似君掉舌尙能高揖客
掀髯誰許薄參軍嘗秦白璧歸何處間楚黃金費幾劬
始信臥龍明出處草廬先已定三分

將朝王阻颶不果

壬辰

擬向平臺一問津驚濤無奈拍江濱去留轉覺隨龍子
來往何能逐雁臣似放沅湘猶戀主非關河朔肯迎賓
緣知歧路風波惡決計尋山學隱淪

暑雨同諸子限韻仍禁江窗二字

壬辰

火雲蒸雨勢難降斜倚繩牀聽石淙愁滿風塵侵鄂被

張蒼水集卷一

三三四明發書

一約圖刊本

夢回煙樹繞吳艘蕭條莫怪壺堪碎鏽澀歷憐劍自雙
客路幸逢好友在且須乘興倒春缸

幾年辛苦擁油幢留得閒身鼎漫扛風雨似爲驅熱至
衣冠終不受魔降沽來濁酒卮如斗賦就新詩筆若杠
最憶鑑湖晚霽後採蓮人盡唱吳腔

夏日過鼓浪嶼飲程璵嘉將軍署中

壬辰

入林偏愛晚涼生灌木疏疏墜月明鶴夢到山原獨醒
蟬聲繞樹有餘清不堪歸興逢人急真覺炎趨較世輕
卅劉素心聊一醉盤飧何用五侯鯖

新秋鼓浪嶼納涼分得簪字 壬辰

孤嶼蒼涼沁客心，偏宜散髮坐長林。山川戰後形容改，草木秋來情性深。影亂鞦韆知墜葉，聲飄絡緯似鳴琴。披襟已在芳洲上，塵俗何能解盃簪。

飲吳山人 壬辰

柴門巷口碩人寬，盡日相尋河朔歡。說劍不妨煩脫轄，懸壺何必學投竿。主賢高擁烏皮几，客醉同彈紫箆冠。佳興邇來真半減，爲君一笑譜幽蘭。

立秋同諸子限韻分得鹽咸二字 壬辰

張蒼水集 卷一

壬酉 四明叢書 約園刊本

客擬巢居爲避炎，曉來秋氣忽窺簾。山因寥寂容偏肅，水到澄清意自廉。荷蓋初低看墜粉，蓴絲乍憶下晶鹽。滄江物色撩人甚，刷羽丹青莫久淹。

肺病朝來謝酒監，迎秋偏愛試單衫。樓中豈獨愁王粲，林下何曾醉阮咸。清露微微沾薜荔，涼風澹澹拂松杉。故鄉消息渾無據，滿望鴻來寄一函。

七夕微雨 壬辰

碧漢生波蕩素秋，良宵又向客中流。銀鈎暗處虛穿巧，玉璽分來總織愁。天上何嘗須鴛鵲，人間那得似牽牛。

故鄉風物空回首誰買羅喉戲綵樓

與蔡無能論興復壬辰

塵纓濯罷便投綸忍道風雲起孟津豈有龍文成五色
猶然鹿走在三秦赤符奉去應非謬黃石傳來自是真
安得此身生羽翰高搏橫擊待攀鱗

感遇三首壬辰

自憐錯節尚千盤信是人間行路難
落拓何曾誇馬骨淹留豈爲戀豬肝
交遊亂後知誰在故老閒來傍若看
多少雄心空對酒能無清淚滴琅玕

張蒼水集卷...

二五 四明叢書

約園刊本

相傳霸越有神山國破空留匹馬還
赤革純鈎難復鑄黃閒勁弩似堪彎
此時始識通侯貴何事翻令傲客閒
總是是非千古定好將腐史手重刪

片石誰能砥亂流冠裳無計且依劉
未須名附青雲顯祇覺心同白日留
避地幸存周甲子論人漫著晉春秋
微軀慮向風塵老後死終慙清惠侯

別陳齊莫壬辰

偶乘越榜向南飛客夢驚回起拂衣瀛海屢經龍戰後
滄江漸見雁來稀杜陵入蜀悲難去枚叟遊梁笑未歸

今夜刀頭明月滿臨歧那得竟忘機

舟次中秋

壬辰

淡蕩秋光客路長
蘭橈桂棹泛天香
月明圓嶠人千里
風急輕帆雁一行
此夜啣杯慙庾亮
幾年持斧笑吳剛
觀濤豈必錢塘上
碧海銀潢自渺茫

夢內

壬辰

到處青山足住家
無端歸夢繞天涯
中宵細語蘋蘩節
滿地離愁蘆荻花
約畧刀環窺月影
分明砧杵喚霜華
蘧然一枕成何事
亂逐秋風向若耶

張蒼水集卷一

壬辰

四明叢書

約園刊本

步韻答沈東生

壬辰

木落江皋閩闔風
翩然尺鯉下婁東
已知種菊惟陶令
誰復圍棋似謝公
三泖霜深丹葉老
雙鋒星散紫霓同
書郵卻問逃虛客
詩律何如在剡中

師次湄島諸勳鎮行長至禮余以服制不預志感

壬辰

棘人經歲解朝簪
憂國江湖一片心
太史徒然吹鳳律
諸侯空自噉鸞音
風塵飄泊隨南北
雲物淒涼變古今
慰藉新陽來六管
朝霜朔雪不須侵

陽回曙鼓動樓船遙憶千官上壽年漢殿徹侯原裂地
周廬亞相盡朝天香爐重傍疑難望綵線初添喜復憐
猶恨身違冠帶會心隨日影到虞淵

至夜傳王師出東粵志喜

壬辰

土圭才見景初長忽報天聲出五羊始信玄陰消北陸
懸知赤伏耀南荒金魚尙自唐分錫銅馬翻爲漢辟疆
此日孤臣淹漲海衣冠拂拭待從王

壬辰除夕寓涪州禪院

壬辰

浪跡天涯又歲寒強將枯影對辛盤鄉思暗逐鯨波寫

張蒼水集

卷一

五七四明叢書

約園刊本

世事明隨漁火看柏葉尊前催律呂蓮花漏上換支干
江山百戰渾非舊留得磻溪把釣竿

癸巳元日和友人韻

癸巳

靈槎容易度流年海角春雲思黯然地近虹津堪浴日
潮生蜃市欲黏天東來已識陽當震北望誰云歲在燕
先甲後庚應有象抽毫預擬中興篇

人日立春客涪島二首

癸巳

勞生了不解宜春梅笑重驚物候新俗入秦餘疑近古
時從夏正識生寅土風薄似村醪惡海錯鮮兼寒具陳

野草年年依舊發王孫何許一沾巾

海外行藏不計春起看天地亦維新鼓聲往歲聞呼癸
斗柄今年說指寅讀禮每思箋大戴授書尙擬續君陳
東風似爲羈人至煖氣偏吹白氈巾

春到癸巳

春到何關鄉國情無言芳草自分明一經作客流離久
幾度逢人嫵媚生雄劍攜來空顧影祥琴彈罷不成聲
閒身總絕浮雲意特爲鬚眉未放行

憶余在翁島與張鯤淵吳巒釋朱聞玄諸先輩從

張蒼水集卷一

天四明叢書
續編刊本

遊一時情文宛然在目今三君皆以國難殉而

余在行間猶偷視息然蹙蹙靡騁蓋不勝興廢

存亡之感矣癸巳

年來灑淚看桑田陶謝風流已盡捐伊昔幾人陪後乘
我今何處競先鞭未消肝膽堪誰託無恙鬚眉祇自憐
轉覺諸君眞羽化夜臺杖履亦珊然

追往八首癸巳

棄繻猶及到燕關慘淡風雲十載還狼豕自從當日舞
龍髯能得幾人攀漢陵弓劍存亡後晉室衣冠與廢間

轉眼書生成故老慚無媧石補江山

六朝遺跡雨花臺舊識先皇草昧開南渡尙留龍種在
東遷祇避犬戎來卻悲羯鼓荒原動不見羊車複道迴
國破何人猶抱膝當年應有管蕭才

長驅胡騎幾曾經草木江南半帶腥肝腦總拚塗舊闕
鬚眉誰復歎新亭椎飛博浪砂皆走弩注錢塘潮亦停
回首河山空血戰只留風雨響青萍

王業分明記昔年乾坤日月尙雙懸虹霓初互率牛際
雨露遙承附鳳偏握節可曾干斗象持籤時亦傍爐烟

張蒼水集卷一

二十九 四明叢書

約園刊本

孫來國脈難調久自省原慚士雅鞭

浮生踪跡笑勞薪倒挽天河又幾春細柳屯中稱漢使
扶桑洲上避秦人曾嘗虎口身仍在爲歷羊腸性已馴
窺鏡每憐形影瘦誰從百折飽風塵

幾投珥筆幾珞戈屈指滄桑意若何金狄豈愁下氣盡
銅焦誰說死聲多五千甲盾收餘燼百二山河挽逝波
天夢到今疑未醒沈吟轉憶採薇歌

曾掛星槎滄海東冠裳涕淚捧重瞳禹餘風物成離黍
越絕功名類轉蓬早歲頻書惟羽檄經年徒讀是檣弓

無家況復鷓啼急腸斷江花爛漫紅
危峰斜日照疏墩往事蒼涼那可論司馬名因方外貴
臥龍才合世間尊一時市道看梁苑千古交情問翟門
高踞繩牀還睥睨幾回海沸與山奔

登涓州謁天妃宮 癸巳

蒼茫一曲帶烟霞聞說飛仙此駐家石髓沁香流乳酪
雲根滃霧想鉛華樓前縹緲凌波襪檻外參差貫月槎
湘女雜妃多往蹟曾無精爽徧天涯

賦贈琴師 癸巳

張蒼水集 卷一

三四明叢書

新國刊本

入夏園林長新綠小庭疏雨黃梅熟主賓雜坐觴數巡
清言玄論驅煩燠座中有客伯牙儔起撫瑤琴弄寒玉
初彈秋意滿瀟湘再彈忽唱陽關曲揮絃振軫轉繁音
往鶴來雲節更促我聞三湘烟景自蒼涼淚痕斑斑猶
在竹得君譜入龍門桐無數離情紛相觸況復驅歌織
指間羈人聽之淚盈掬願君翻作洞庭聲莫怨孤鴻與
寡鵠君不見少文動操響眾山又不見中散絕唱廣陵
寒寥寥同調千載難今遇知音爲一彈

過仙洞訪石田和尚出荔枝爲供 癸巳

丹囊朱纈亂垂垂壁上蓮生總不奇君自瞿曇我自客
相逢疑是嶺南時

賦贈東山子禱雨端陽有應三首

癸巳

眞覺星辰可換移端陽寧復亢陽時
幽風畫出田家樂續命何須臂上絲

霹靂車中咒孽龍炎靈直欲捲靈雷
馬鬃一滴濃雲黑失卻榴花一樹紅

繁露春秋說大雩誰憐五日欲無禱
杯中似有樂巴酒灑作千家攝水符

張蒼水集卷一

三四明鏡書

約園刊本

壽忠靖伯陳燦珠兼統師北伐

癸巳

曲逆勳名蓋代才卻從祖帳獻霞杯
威弧自昔懸仙嶠寶劍新經掛將臺
桃實偏隨榴火焰星精正向陣雲開
歸來燕喜歌饒日席上還應張仲陪

送姚興公北還

癸巳

客中送客復何言門外驪歌酒一尊
芒屨故應尋帝子黎牀豈必戀公孫
只愁白社高風散况看滄洲落日昏
吳越交遊如見問雜聲竟夜舞劉琨

三山幾度費逢迎今日重辭萬里行
短髮雖凋猶晉士

長裾不繫是侯生蒼茫掛席供圖畫蕭澗空囊賸墨兵
此去莫愁無遇合姚崇原有救時名

送徐閣公監軍北上二首

癸巳

魚檄朝來幕府傳夕攜龍節上樓船元卿未許先開徑
士雅還期共著鞭始識山中留宰相非關海外覓神仙
佇看露布橫飛處不是涼州倚柱年

幾年獨立金華省此日重登青翰舟準擬真人開北極
豈容高士臥南州錦帆直指天聲壯羽扇輕揮王氣浮
匏繫如余甘瓠落秋風倘許脫鷹鞵

張蒼集卷一

三

四明叢書

約園刊本

送謝仲彝元戎

癸巳

疊鼓鳴笳出欵飛將軍此日掛征衣千屯夜失櫓槍耀
萬壑朝揚組練威共喜龍驤臨溟渤已知鶴唳動淮淝
捷書好向潛夫寄擬趁輕帆便北歸

壽閩安侯周九苞

癸巳

倚天秋鏑老芙蓉鼎內神丹碧色同露浥滄洲饒爽氣
烟飛赤壁想雄風大椿不獨傳蒙叟細柳還應拜上公
此日轅門羣獻壽饒歌取次奏平戎

郭聖竑見訪出詩相示依韻酬之

癸巳

誰云仲蔚長蒿萊
白板雙扉隨意開
掃石我饒籠翠輿
磨嵐君擅草玄才
杖頭時掛千峰月
篋裏爭鳴萬壑雷
自是主人能慰客
頓忘鴻雁已南回

重經南日弔沈彤庵相國

癸巳

木落天空肅氣森
重來海岸悵人琴
從秦狐偃空投壁
去越鴟夷枉鑄金
潤曲瓊隨雙鯉逝
延津劍化一龍吟
只今桑下誰相語
獨倚孤篷淚不禁

舟次瓊琦謁錢希聲相國殯宮

癸巳

瓊江東去水如油
拜墓停橈古渡頭
赤手曾扶板蕩運

張蒼水集

卷一

三五 四明張書

一約園刊本

黃腸猶帶黍離愁
波濤腥壑蛟龍虬
風雨荒塋麋鹿遊
懸擬轡車歸兆日
同天應已靖旃裘

勾餘霸氣已成灰
轉憶當年漢職開
王謝聲名原伯仲
溫劉事業總追陪
自從化劍分豐獄
誰復調琴到夜臺
戎馬南方猶未息
故人空負炙雞來

北還入浙偶成

癸巳

南浮北泛幾經春
死別生還總此身
湖海尙容奔鬲客
山川應識報韓人
國從去後占興廢
家近歸時問假真
寸丹心三尺劍更無餘
物答君親

贈盧牧舟大司馬

癸巳

自昔公爲兵使者於時我作上書人鑑湖一曲皆棠樹
碧海重逢並葛巾劍氣終當開日月履聲早已傍星辰
并州正有來蘇望忍說桃源可避秦

舟艤行

癸巳

乘舴艤載餘艤槌鉦搥鼓走風檣滿船兒郎抹額黃人
言若輩眞鷹揚饑則攫人飽則颺江村雞犬絕鳴吠老
樺吞聲泣道旁罄我瓶中粟使我朝無糧斷我機上苧
使我暮無裳我亦遺民事耕織當身不幸見滄桑入海

張蒼水集

卷一

三四四明叢書

約園刊本

畏蛟龍登山多虎狼官軍信威武何不恢城邑願輸夏
稅貢秋糧

楊芳生以徐闇公高弟浮海來晤於東甌爰贈一

章

癸巳

楊生美髯白接籬來自雲間映少微自言年少曾問奇
南州高士則我師南州迢迢不可極且去杖藜看山色
永嘉山水稱妙絕君獨掉頭噴耳食旣疑雁宕構虹橋
復怪龍湫翦蛟綃著屐扶筇何太苦丹崖翠嶂枉相招
古人相馬惟相骨君今看山但看笏想君胸中自有五

城十二樓安用罇舞巒飛之突兀楊生能酒復能棋酒
亦不辨賢聖棋亦不辨雄雌左手一枰右手一卮掀髯
大噱誇兵機兵機無過古遁甲君已稍稍知涉獵願君
持此覓封侯男兒豈肯長彈鋏君家子雲太糊塗那曉
春陵赤伏符今君不向玄亭老差勝當年莽大夫

寄紀石青年文

癸巳

歸帆一掛驚江濤紫氣南迴望轉高關塞羽書偏間隔
乾坤蓬鬢正蕭騷山中到處巢玄鶴海外何人釣大鰲
極目寒雲空在抱不知鴻雁爲誰勞

張蒼水集卷一

三五四明叢書

約園刊本

入吳

癸巳

萬里寒江一棹過連天野燒奈愁何風雲矯首憐毛羽
霜雪攢眉羨薜蘿閩嶠歸骨自好滇池龍起瘴猶多
年來出處渾無據見說蒼生倍軼軻

入吳見雪忽憶車駕南巡

癸巳

往歲南中不見雪今年吳地雪偏濃繁華轉逐冰心冷
瑞色還疑鎖甲同湖海看來元復且江山戰後漸成翁
穆王此際猶巡狩黃竹歌詞總漫工

癸巳除夕

八載他鄉蜡鼓催鄉心撩亂鼓聲哀無情天地猶攢甲
有意山川獨畫灰兒女藏鉤離別後君臣投璧播遷來
年華如許人將老辜負春風又幾回

張蒼水集

四明叢書
約園刊本

張蒼水集卷

張蒼水集卷二

明鄭張煌言玄著撰 同縣後學張壽鏞編次

奇零草

立春日大雨雪時駐師吳淞

甲午

春信驚催玄臘殘江梅猶帶六花蟠屠蘇飲出冰餘冷
組練光浮木末寒吹垢豈期風入夢洗兵自合雨成溲
征人感荷東皇意且逐年光奮羽翰

樓船燈火

甲午

澄江春色夜猶明雲漢微茫星斗橫銀蒜萬條垂甲帳

張蒼水集卷二

一四明叢書
約圖刊本

火珠千結挂霓旌燭龍救水張鬢出彩鷁凝煙啣尾行
何處香塵空雜選卻教燈市滿蓬瀛

上巳舟中

甲午

不解芳菲節人傳上巳時何須脩禊事蚤是弄濤兒

舟次圖山

甲午

長江如練遶南垂古樹平沙天塹奇六代山川愁鎖鑰
十年父老見旌旗陣寒虎落黃雲淨帆映虹梁赤日移
夾岸壺漿相笑語將毋後後怨王師

和定西侯張侯服留題金山原韻六首

甲午

漢壇左鉞授宗臣飛翰傳來消息眞壁壘象橫開北極
餘煌流斷接南閩雙懸日月旒幃耀百戰河山帶礪新
從此天聲揚絕漠還應吳會是臨津

朝宗百谷識君臣江漢依然拱赤眞烽靖三湘先得蜀
瘴消五嶺復通閩水犀飛渡扶桑遠燧象橫驅貴竹新
指顧樓蘭堪立馬肯令胡騎飲江津

鍾阜銅駝泣從臣孝陵弓劍自藏眞猶聞雄雉能興漢
豈似乾魚僅祭閩天入金焦鎖鑰舊地過豐鎬鼓鐘新
何人獨受旄征詔賜履繇來首渭津

張蒼水集卷一

二四明叢書
約園刊本

自古匈奴屬外臣降王壽殿敢稱眞千屯烽燧聯吳楚
萬軸波濤下浙閩北固雲移龍節近西陵潮湧虎符新
焚庭絕漠尋常事銅柱先標若木津

白草黃沙笑雁臣衣裳鱗介已非眞豈知捧翟猶寶輿
未必分茅可擅閩南國羽書氛欲淨西京露布墨應新
上游誰擁龍樓節日殺親扶出漢津

飛椎十載誤通臣喋血憑誰破女眞霸就鴟夷原去越
兵聯牛女正當閩投鞭不覺江流隘傳檄兼聞鏡吹新
正爲君恩留一劍莫教龍氣渡延津

同定西侯登金山以上游師未至遂左次崇明二

首 甲午

割雲半壁倚中流天劈東南形勝收鐵撻潮函飛鷺嶺
牙檣影撼浴龍洲畫江何代空鼙鼓橫海今來駐虎旂
咫尺金陵王氣在可能瞻掃問松楸

相聞赤伏啟重離一詔敷天並誓師萬里鯨波趨錦纜
兩山鰲柱擁金羈已呼蒼兕臨流蚤未審玄驂下瀨遲
瓜步月明刁斗寂行人猶指漢官儀

哀閩 甲午

張蒼水集卷二

三四明義書
約園刊本

聞說西郵還帶甲愁看南紀尙橫戈朱門久已辭翁仲
黃屋胡然擅尉佗空際蜂衙誰北里隙中蟻陣總南柯
試將班管論王命漢鼎於今火德多

再入長江 甲午

江聲萬古似聞鼙天際依然渡水犀涿鹿亦曾經再戰
盧龍應復待三犁瑯弓挽處驅玄武鎖甲擐來失白題
兵氣至今猶未洗自慚無計慰雲霓

和于湛之海上原韻六首 甲午

黃埃胡騎獵桑乾長狄笳聲九塞寒金雁俄從別殿識

銅駝幾向故宮看，星槎飄泊留旄節。
雲樹依棲拂羽翰，不是孤臣甘浪跡。
曾將獨繭著漁竿。

貪狼夜指絮雲高，鷓鴣痕腥淬寶刀。
鼉極人傳曾補石，龍荒天限莫投繆。
翠華迢遞千星漢，青翰浮沉捲雪濤。
澤國自來冠蓋好，鬚眉誰不共仙舟。

海門潮咽越王城，伯業蕭條風雨驚。
獨少囊金堪結客，猶留袖鐵足鑿兵。
馴來龍性崢嶸在，狎罷鷗心汗漫行。
若論兩河豪傑客，登壇豈必讓齊盟。

飛流江左半凋殘，孤鶴橫空轉自歎。
瀚海不妨逃漢尉。

張蒼水集

卷一

四

四明叢書

約園刊本

神山未必誤秦官，凋戈北嚮慚推轂。
銅柱東遊憶據鞍，留得完身真百折。
河清人壽古來難。

芥舟天地竟何如，賦就三閩未卜居。
淚比鮫人長泣蚌，官輕狗監擬焚魚。
繡弧空指燕然石，雕管將成越絕書。
忽聽哀吟清夜發，旅魂長繞墓門廬。

長因縞帶重論交，把視吳鉤未忍拋。
慘淡中原誰牧馬，蒼茫絕壑尙潛蛟。
才名似爾依劉表，詩律何人壓孟郊。
青眼樽前倍感慨，春風旅燕且南巢。

崇沙宋子猶端士也，爲閩帥所窘，既出厄，詩以慰。

兵聲誰遣向江濱
狼籍樵蘇及隱淪
可是風塵迷物色
到來天地失陽春
鑿坏亂後無全計
飄瓦傷餘亦愴神
轉覺桃源非世外
漁郎猶自覓秦人

馬爾毓職方改署幕府騎兵參軍未免牢落戲贈
國破蘭香已半消
侯門誰復贈虔刀
頗憐宦拙同牛阜
正覺官閒似馬曹
漫落羸金應易散
陸沈囊粟恐難叨
相攜賴有紅顏在
枚叔遊梁興尙豪

卽事東定西侯張侯服二首

甲午

張蔞水集

卷一

五十四明叢書

約園刊本

誰提玄鉞向燕雲
姓氏江南草木聞
已指黃龍磨戰士
何勞青雀擁迴軍
兩河父老猶揮涕
六詔乾坤正策勳
縱有魚符揣亦得
只今豈少信陵君
十載冰霜誓枕戈
豈應歧路轉風波
和戎魏絳終當謬
結客燕丹恐亦訛
剖竹已非秦郡縣
分茅可是漢山河
孤臣獨有干將在
紫氣青雲自不磨

師次燕子磯

甲午

橫江樓櫓自雄飛
霜伏雲麾盡國威
夾岸火輪排疊陣
中流鐵鎖關重圍
戰餘落日鮫人窟
春到長風燕子磯

指點興亡倍感慨當年此地是王畿

寄懷徐闇公二首

甲午

蹇子信姱脩始服邁天步擾擾風雲馳念之徒心怖四海選交游椒蘭漸非故會合總泥塗乖違漸衢路所貴膽與肝在遠彌相附寒江已腹堅鴻雁莽南鷺太息物候遷舍情託毫素

黃鵠翔漢表厲氣何崢嶸朝餐方壺實暮撥圓嶠英網羅不得掛稻梁安所馨俯視滄溟流驕語鴟與鵬萬里毋迺隘千仞奚足驚豈意彌天且礙爾莫長征明時重

張蒼水集

卷一

六四明叢書

荆園刊本

羽儀雲路詎冥冥

晚泊漫成迴文

甲午

寒潮晚落半江空燒帶羣山亂映紅殘角霜聲愁雁斷難將送掛一帆風

追慕二首

甲午

國難驅人出家傾待子歸可能磨墨盾其奈冷斑衣金革三年淚冰霜寸草暉髮膚雖不毀猶恨故園非廿載嗟何恃長銜杯捲愁節旆看盡落斧蠶悔遲謀燕去巢應改鳥號屋僅留在堂有委蛻無計翦青楸

鬢有絲

甲午

曉起看雙鬢衰容變二毛鬚眉長自照筋骨總徒勞物
態離情換年華苦節銷自憐清柳質秋意蚤蕭騷

得友人書道內子艱難狀

甲午

尺牘胡然至寒溫不自通殷勤報闔外辛苦歎閨中
釜原兼絕機梭亦屢空鹿車誰共挽羞殺是梁鴻
家計深行慙朱顏亦固窮漸來應化石遮莫但飛蓬寄
託誠交道支持仗文工可憐纖指手不得到從戎

朱伯遷將避地小溪索詩口占授之

甲午

張蒼水集卷一

七四明叢書

約園刊本

賀監抽簪去君恩賜鑑湖至今高尚宅猶在四明無此
地能真隱斯人亦不孤所愁溪鳥笑閒殺輞川圖

壽英義伯阮季友

甲午

蟠桃塢上小陽春飲至筵開介壽頌共識天台前度阮
還知靈嶽又生申王恩玄髮承三錫將畧丹心動八閩
笑我尙爲籠鶴客相期何日捧龍鱗

壽誠意伯劉復陽

甲午

燕喜初成介壽詩捧觴細論國恩時侯封雨露留年表
祖武風雲蔚帝師舊佩金魚分陝出新橫鐵馬謁陵遲

元臣自古多難老帶礪行看疊紫泥

妬婦津 乙未

妬婦死津頭津亦名妬婦少女相經過風雨不得渡或
爲蓬垢顏竊恐逢彼怒古云粥倉庚可以療此痼惜哉
彼婦愚雖死猶弗悟

孤桐吟 乙未

孤桐產嶧陽百尺巢風雨時作白龍吟天然發宮羽斲
爲爨下材遂與棗栗伍中郎秉玄鑒勿因積薪阻飾以
琬琰姿摩娑一再鼓清聲動天地神物煥今古士誠貴

張蒼水集 卷一

八四明叢書

約園刊本

知音此道已如土

寄紀石青年文 乙未

憶昔公車歲在午太乙飛精掛河鼓閩南紀生豈其儔
搏風遂奪吳剛斧余亦持鋒起越中謬于文章稱跋扈
乾坤排蕩會有人日月沈淪忽無主言也左袒一奮呼
五千甲盾色如土此時屬縣望漢官君獨躬耕吟梁父
終繻不棄意何深賈組長擐節殊苦迨余收燼赤蕘山
錫涸銅乾抑何補低眉始作下邳遊屈指誰向中宵舞
短衣卓帽乍相逢濁酒素筆安足數玄理能令萬象開

鴻文直並三墳吐別來國步尙滄桑藉甚襟期在幹蠱
聞君曳履近夔龍笑余衮衣逐羆虎寂寂溫劉竟屬誰
悠悠絳灌徒爲伍甌越玄雲自卷舒勾吳落月空分割
何時功成歸去來重與尊前說破虜

客有談故園花事者感而有賦乙未

故園春意滿花枝解照人馭筮還出郭燒筍或呼鄰此
事真無價吾行未有津繁華豈不愛天步屬艱辛

自嘲乙未

一擲年華三十餘鬚眉對鏡復何如鄧禹殊有封侯骨

張東來集卷二

九四明叢書

約園刊本

虞卿空留解相書不食雞肋猶爾徒羨驥尾亦區區
若待功成始歸去溪山主人笑我愚

清明感懷乙未

江天小雨恰清明杜宇聲中故國情傳蠟祇成前代事
藏烟何意異時名蓬蒿三徑荒應廢松柏千年黯自驚
狸首只今傷暴露一杯空擬醉佳城

期議以諸勳鎮積苦行間宣敕慰勞余益不勝疏

逃之感乙未

中朝新復下追鋒爲問神州息戰烽漢將自驕黃石法

胡人尙畏紫泥封但留大義垂千古敢望虛名到九重
稍待鑿迴掃境後五湖烟雨儘從容

病中遣懷 乙未

潘鬢蕭疏已自驚何當二豎復縱橫漸安藥竈同丹鼎
早廢詩瓢共酒鐺俠骨風中添骯髒雄心雲外失崢嶸
明朝把鏡還相看華髮星星又幾莖

步韻別朱子成 乙未

如烟芳草色還飛有客乘槎欲賦歸拂袖曾經罷醴未
鳴橈偏爲弄濤非蒼茫越劍龍文暗慘淡燕臺駿價稀

張蒼水集 卷二

十四明菴叢書

約園刊本

若到會稽應大笑朱君那得老鳧磯

暑雨舟中遣悶分得柴字 乙未

扁舟蒸暑悶難排況復霉霖氣欲埋豈意薰風能解愠
乍來好雨足開懷炎雲向晚多於岫病骨兼愁漸似柴
忽憶采蓮人已去荷香十里趁芒鞋

七夕同諸子限韻 乙未

七夕明河帶露痕驚秋長自問天孫斗間槎到應非誤
壁上梭騰且莫論興至正須浮玉笋愁多何必弄銀樽
年年此夜傷離別獨有西風識故園

秋懷三首 乙未

秋色來何許滄江對晚潮宜人偏淡蕩似我總蕭條隼
翻憑誰健狼心尙爾驕也知雲意薄聊自擬丹青
屈指金行半流光不我予鱸膾味信美雁足耗全疏客
散黃金盡兵饑白粲虛只愁綿力弱何以慰皇輿
天方尊肅氣人已苦兵聲高枕真無事扁舟似有情靜
同仁者壽隘得聖之清遣放應如此毋勞造物爭

大安沙坐風雨復疊前韻三首 乙未

風雨添新漲荒洲幾尺潮場禾悲帶穗渚荻響叢條茅

張蒼水集

卷二

十一 四明叢書

約園刊本

舍炊烟淡蓬窗暝色驕秋鷗毋迺如禾敢說摩霄
不解囚人熱新涼忽起予單衫輕自好雙鬢落應疏冷
暖秋中節升沈覺後虛九州多怪事無復問堪輿
尋常悲旅況可復雜秋聲砧杵千家夢蓴菰八月情寒
螢啼露重健鶻喜霜清始識乘除理玄心了不爭

答紀石青年丈二首 乙未

秋雲一片自蒼涼千里鴻心對夕陽蘭蕙年來宛似雪
蒹葭露下正爲霜驚聞尺素干戈淚賦得聯珠襟袖香
解道安危關出處可能無意掃天狼

十年心事半江湖浮泊真同五石瓠多難交游渾陌路
至尊警蹕尚泥塗已知世態供談虎豈爲微名重憶鱸
蚤晚封題通動定報余旌旆指勾吳

寄懷徐閣公年丈

乙未

洛下仙舟不可尋長因秋水憶橫襟雲翔閩嶠誰高枕
楓冷吳江獨抱琴歧路行藏空扼腕亂流聞見倍關心
蓴絲千里猶無恙那得君來共醉吟

送程與嘉將軍還閩南

乙未

聞說君廬傍若耶卻從閩嶠問歸槎十年許國懸旄節

張蒼水集

卷一

十二四明叢書

約園刊本

千里徵師點鬢華過越新霜憐客冷留吳舊雨恨人遐
興朝還有掄侯賞莫羨東陵五色瓜

舟行阻風口號二首

丙申

十載曾經犯斗槎天門昨夜特宣麻乘流只恐排閩闕
故遣長鯨鬪浪花

敕水鞭潮勢自雄此身原不畏蛟龍明朝鴈首還東指
禁得誰搏萬里風

登菩薩頂

丙申

絕磴凌虛嵌佛龕捫天拄笏恣豪探蒼茫遠水橫空碧

歷亂羣峰倒蔚藍雙屐俄從銀漢落一卷幾與石梁參
如來肉髻原非幻最上何須駕鶴驂

贈傅揚庵二首

丙申

多君姓字動芳邇一揖高踪豈浪投經濟東山殊未起
文章北海豈無儔風塵把手沾衣袂霄漢論心睨壁鈎
更向樽前問鄉土幾時扶醉六橋遊

孤劍蒼茫十載餘扁舟東過重躊躇黃金客散韓何在
白璧人歸趙自如大澤魚龍聊混跡中原豺虎正端居
莫嫌介子勲名晚麟閣而今席尙虛

張蒼水集卷一

十三四明叢書

約圖刊本

哭定西侯墓

丙申

牙琴碎後不勝愁絮酒新澆土一抔豕上麒麟那入畫
江前鴻雁已分儔知君遺恨猶瞠目似我孤忠敢掉頭
來歲東風寒食節可能重到翦青楸

送陳立之還閩

丙申

鷺江一別榻空懸渝水槎來意惘然君較虎頭原獨步
我甘龍尾尙高眠天聲到處憑揮羽國恥談間欲置鉛
若問歸帆何所載祇應圖得越山川

一紀戎衣有寸塵到來江漢只孤臣龍編未達劉琨表
蛟島空存豫讓身甌墮妻孥寧復惜劍懸朋友更誰親
頻年慚負蒼生望敢向桃源別問津

馬爾毓不應幕府辟召

爾毓河受知於熊相國張定西

丙申

何勞帷帳借前籌司馬於今已倦遊但傲自知無媚骨
得閒還許且科頭雙屣斜日眠黃犢一榜兼雲伴白鷗
只恐存亡猶有恨莫教沈醉過西洲

卽事有感

丙申

久矣浮萍寄此身倦遊何意轉風塵卽看蓬鬢難逢世

張蒼水集

卷一

十四四明叢書

約園刊本

況到灰心懶應人一旅尙堪扶共主百年誰肯鑿孤臣
也拚海岸投簪去自有桐江足釣緜

扶風

丙申

長爲扶風惜羽翰年來八翼夢中看呼牛翻覺人情媚
歌鳳深疑物論寬末路勳名難自料他鄉親故強爲歡
祇應一曲高荆筑唱徹蕭蕭易水寒

夢中得句云集候秋蟲偏解語失途老驥亦長鳴

似有感起而成之

丙申

一枕新涼夢自成詩魔偏向睡魔生從來物態蜉蝣似

未必人情蝴蝶輕集候秋蟲偏解語失途老驥亦長鳴
世間何限榮枯跡底事通人眼劇明

重經羊山憶舊與定西侯維舟於此

丙申

海國天空一柱撐重過畫鷁似逢迎雙牙舊憶聯翩駐
八翼新看跳盪行化去鸞旂難入夢分來龍劍尙孤鳴
羊山亦有羊公淚片石應同峴首情

中秋與賓從小飲步朱夏夫韻二首

丙申

海若秋高賦壯遊開尊此夜景全收坐來爽氣原蕭散
醉後清光可拍浮拾桂不妨同着屐傳柑何惜且擎甌

張蒼水集

卷一

十五四明鼓書

約園刊本

年來戎馬真塵夢坐嘯輸君已一籌

盤空鵬鶚恣天遊極目雲霄淚未收幕下風流名自擅
樓中月滿興誰浮行廚玉糝無兼味促席金莖更一甌
佳客莫須嫌草具欲將樽俎問前籌

歸思寓郡望姓氏

丙申

兵甲破天來丘樊亦改氣中田一揮手十年悲捐棄
晞髮扶桑津希踪渺無儷胡爲歲寒心古今迥自異
弦月掛霜空玄禽沒雲際偃偃歎余行人生竟安寄
交游漸已乖父書將終廢幼穉儼成行刀環徒縈繫

張玄

等身五岳間寸土焉留滯睹物起離情目斷歸鴻去箸

舟次三山丙申

每擁麾幢欲淚漣萍踪無奈又三山才非命世空沈族
事尙因人亦強顏猿鶴秋深悲別岫魚龍夜舞泣間關
途窮未盡行藏計華髮年來已半斑

壺江卽事二首丙申

倦飛無路且投閒滄海人來第幾灣真覺壺中留日月
猶疑畫裏對江山飄流蠻戶還相笑偃蹇柴門長自關
聞越波濤千里闊那能有夢寄刀環

鬢蒼水集卷一

十六四明叢書
續園刊本

壺天乍可一枝安歧路危機轉自歎駭浪扁舟輕似葉
重圍匹馬跳如丸創深已信傷弓數痛定應愁捲土難
但使胡塵終隔斷餘生猶足老衣冠

重登秦港天妃宮丙申

郡山依舊枕翁洲風雨蕭然雜暮愁梅蕊經寒香更遠
松枝帶燒節還留荒祠古瓦興亡殿絕壁迴潮曲折流
身世已經飄泊甚如何海外有浮鷗

寄遠丙申

寒燒荒原映夕烽海槎猶阻石尤風故園梅信今何似

可有鴻書雲外通

丙申除夕

亂後年光似客郵每逢蜡日更生愁
傷心繞樹猶三匝屈指浮槎又一週
國事存亡關正閩人情冷暖逐春秋
銜杯卻問東皇信應爲催花出嶺頭

丁酉元旦余駐師秦川

丁酉

閩國旌旗越國船春風奚倖到江天
未能捧日眞虛歲且復占雲似往年
辛苦椒盤一紀後衰涼菱鏡二毛先
夜來見說旄頭暗拂拭吳鉤競祖鞭

張彙集卷一

七四明張書

約圖刊本

旅愁

丁酉

故園花候已辛夷夢自惺忪涕自洩
雁去燕來相笑語何年客子是歸期

弔旅墓

丁酉

荒墳三尺土宿草幾經秋鬼亦離鄉賤
人胡渡海遊鹿場殘炤淡蟻垤野花幽
不用山陽笛淒然淚自流

愁思

丁酉

楓落紅殘秋漸橫楚臣芟製正寒生
晚香愛插黃金菊倚醉思調白玉笙
風急龍颺吹浪走雲高鷓鴣負空行

欲知我獨淹留意露掌西京無限情

枯魚過河泣

丁酉

枯魚過河泣道上陽侯揖此方介族難與立

戊戌元旦

戊戌

扶曦初拂上枝寒曙海春回歲月寬塞柳江梅香次第
朱旗玄鉞影闌干獨驚馬齒垂垂長卻把魚腸細細看
要識嵩呼南極近而今天末是長安

舟山感舊四首

戊戌

孤雲兩角委漁磯極目滄桑事已非隔浦青燐相掩映

張蒼水集卷一

十八四明叢書

約園刊本

傍蹊紅雨自霏微檣烏轉逐危舟宿社燕空尋舊壘飛
獨有采芝人尙在天荒地老不知歸

十洲三島憶登攀烟火仙源半闕闕豈意晉陽仍禍水
枉傳越國有神山荒城睥睨眠還立虛殿采恩廢莫關
誰與海翁爭地主到來卻讓白鷗閒

江臯烽盡燼猶紅獵火歸然滿故宮樓閣總隨蜃氣散
鼓鼙進入角聲空田橫島上淒涼月杜若洲前零落風
翹首靈光何處是五雲應復捧南中

島嶼微茫兵甲殘十年碧血恨漫漫空村人跡疑毛女

野寺僧閒說漢官獨喜亡秦三戶在翻憐興夏一成難
只今漲海胡塵裏莫作當時天塹看

閩行在所遣使至營宣慰有感二首

戊戌

傳聞使節下牂牁天語銜來識聖波南國衣冠猶似昔
北門鎖鑰竟如何時危還說依銅馬道阻徒勞想玉珂
料得楓宸能燭遠黃麻紫綵不須多

頻年東國賦無衣百粵猶然狩六飛彤管幾曾參講幄
玄戈空復仗戎幃

時余官少司馬兼學士

徵師已審皇情重掃境

猶慚臣力微從此羣公須努力星輶到處卽天威

張蒼水集卷一

十九四明叢書

約園刊本

徐閣公入覲行在取道安南聞而壯之二首

戊戌

益部星文紫氣纏遙知雙舄入朝天孤臣白髮還投闕
眞主黃衣尙備邊五嶺新衝春瘴癘九溪舊闕漢山川
旌旗只在昆明裏好說中原望凱旋

萬里行朝古夜郎從龍敢復憚梯航使車合浦愁風黑
賈舶交州怯日黃白馬侯王今異姓青牛令尹久炎荒
多君不負溫劉約玉珮先歸銅柱旁

得家信有感二首

戊戌

漫向空閨問別離年來翟茀已難期
夫林慳惜飛蓬早

出獄仍悲曳縞遲豈爲留貧還斷髮聊因佞佛故低眉
天涯亦有刀頭夢恰是巫山化石時

浪跡何如五岳遊尙平累在轉生愁佳兒天幸猶完卯
弱女人憎似宿瘤敢望童烏能接武祇令老蚌自含羞
故園尙有歸來候最好沙頭趁野鷗

春江花月夜值微雨

限韻 戊戌

春光何處不迷離江月江花帶雨時玉暈浮波千萬里
檀痕浸水兩三枝人行濛濛清輝濕天入滄浪翠靄奇
若使扁舟乘夜去暗香疏影更相宜

張香奩集卷一

二十四明叢書

約園刊本

春雨望茅舍炊烟

限六魚韻 戊戌

江村烟雨復何如楚外人家雲外居松爨蒼寒春杜曲
茅檐清迥古秦餘水雲半入漁樵宅烟火堪傳風俗書
最愛陰晴剛社日銜泥小燕傍精廬

白燕次友人韻

戊戌

燕燕何來素質稀寒光曉幕正熹微銜泥自合棲銀蒜
掠水分明曳縞衣月滿空梁偏失影雲封舊壘倍增輝
羽毛自愛天然種不傍尋常王謝飛

春暮有懷

戊戌

嗟子初衣柔翰，勃舉國難。驅人衽金袖，鐵日月如駢。踏地踟天，汎汎滄海盤桓。小年薄暮，酒歌槍焉。彼美安得九還，以慶靈紀。山川窈窕，爰奏素琴。琴言維何，寫此春心。

歲在戊戌，余行年已三十九矣。撫時感事，遂以名

篇 戊戌

人生百歲安得有我，今草草三十九，猶憶中原蕩赤風。結束辭家歲在酉，銀魚管掛鐵襦，金馬長懸玉匕首。江東霸氣條蕭條，純鈎鏞澀沈槍朽，縱橫露布浪飛書。

張孝集 卷一

壬子 四明張書

物園刊本

哭兀星槎莽犯斗風雲，縮胸帝應。嗔日月膏肓，鬼亦吼。丈夫意氣豈動名，何況文章等芻狗。頭顱如許可奈何，慷慨悲歌還自詬。太史公牛馬走鯨，涎蛟沫日攢眉虎。符龍節憑誰手，擲揄齷齪里中兒。纍纍黃金竊佩肘，帶礪山河安在哉。五侯空縮龜文紐，自昔英雄多妙年。隆中圯上相先後，如彼南陽鄧仲華。丹青獨畫雲臺右，其人鬚眉尙宛然。咄咄微軀真傲帝，古來何代無廢興。雌伏雄飛更某某，上不爲富春澤畔羊裘翁。下卽爲山中宰相天子友，不見故侯原上瓜。請看徵士門前柳，誰能

出處兩無憑躑躅千秋笑雞口莫論兵且飲酒今人爭
羨古人賢後人亦羨今人否

吳佩遠遊雁宕山歸備述名勝因爲詩紀畧亦志

余企望之懷也

戊戌

名山緊慧業遐覽情亦怡恭聞永嘉勝拱揖乃失之吳
子骨森秀獨往良所私白袷被蒼烟短筇橫指揮歸來
氣色驕嵐光生鬢眉磬折前問訊抵掌登眺奇雲根插
萬笏一一攀靑霓梯霞轉磴道眾妙來參差靈巖割元
氣陰洞礙朝曦巖中何所妙萬象迸葳蕤林立丈人峰

張蒼水集卷一

三四明鏡書

約園刊本

高冠蕭羽儀危岑古形容箕踞各隨宜洞中何所妙複
道夾軒墀宛轉石竇間髣髴陰風吹居然天地房日月
安敢窺更復捫浮屠寂觀豁天機老僧相候門爲告山
靈疑飛柯攢石檜叢棘闕天池所以迴雙屐恆懼鬼神
詒但見飲長虹蜿蜒挂翠微時或展湘簾散作千珠璣
聞言殊嘆喑兩腋出寒颺豈無濟勝具而爲塵鞅羈拍
手問愚公茲山詎可移

贈別陳文生還三山

戊戌

平生重意氣定交在班荆忽忽經亂離風雨晦雞鳴得

友剡洲上傾蓋襟已橫一奏蘭薰曲相辭戒北征青峰
千萬仞家枕古榕城將歸省松菊寧爲猿鶴驚瓊瑤鮮
雜佩何以贈君行屋梁一片月三山兩處明珍重陳璠
子善刀俟漢興

王師北發草檄有感二首

戊戌

似聞天地悔瘡痍片羽居然十萬師走檄故嫌阮瑀拙
射書正覺魯連遲丸中但說明三表麾下寧忘試六奇
要說遺民垂涕處當年司隸有威儀

期門取次出貔貅首路軍聲胡騎愁何獨止戈非廟算

張蒼水集

卷一

三

四明叢書

約園刊本

還應聚米是邊籌嚇蠻事往疑虛語諭蜀才窮媿老謀
自古殊勳歸躍馬幾人談笑得封侯

五月旣望行營恭祝監國魯王千秋有感

戊戌

寥落吹臺望紫宸上觴此日正干乾坤縹緲靈光殿
江漢灤洄黯黓津一自玉輿蒙霧露遂令金鑑轉風塵
可憐節下遙稱慶獨有瑤池舊從臣

苦雨吟

戊戌

商聲八月何勃窣破雨兼旬復泥滑魚腸寂寞生紫鱗
鷓首依稀長綠髮榜人停棹且臥蓑天公倘或倒銀河

萬里陰霾猶未掃，霄漢飛騰柰我何。

述懷二首 戊戌

王室方板蕩，萬里颯飄風。南紀亦滔滔，島嶼有羣雄。羣
雄苦不成，歲月坐冰融。五侯並九伯，化爲蒿與蓬。樓船
出閩越，軍聲正及鋒。金符剖異數，玉牒綴強宗。非云優
晉錫，所以厲康功。孤臣懷共主，髣髴五雲封。九關踞虎
豹，閭闔不得通。回槎天漢際，躑躅倚王公。顧念命卿微，
一旅甘附庸。蒙恥期匡濟，敢言蹇匪躬。但慮踪跡異，復
慮踪跡同。悠悠千載下，誰更想孤忠。

張蒼水集卷一

十四明叢書

約園刊本

弱齡尙遐異，辟穀慕青鸞。骨肉相驚涕，時復勸加飧。因
緣誤烟火，塵鞅日以攢。上書獻天子，索米走長安。羲和
忽云匿，烽燧起樓蘭。萬古有綱常，肯爲廢興寬。橫戈希
雪恥，屹柱誓迴瀾。原妙富貴氣，終鮮妻孥歡。蕭然世外
味，曾無九還丹。仙靈重名教，忠義固其端。所惡精已搖，
何以生羽翰。神理或不滅，毋勞白玉棺。

冬懷八首 戊戌

故國玄陰沍未開，蕭條景物總堪哀。龍蛇蟄後天方屈，
草木凋殘地亦災。禿節誰留蘇武窖，名流幾上李陵臺。

賓鴻獨解朝宗義依舊隨陽渡海來

九邊鎖鑰斷胡烽醜續先朝費歲供猶夏已無秦塞險
防秋豈復漢家封黃河凍解應回馬碧海揚欲起龍
寄語金微多舊戍草枯蓬折爲誰從

鍾山紫氣隔黃塵石馬金鳧倍愴神縮酒不聞供楚子
藏冰空憶典凌人雲寒輦道橫瓊帳火照臺城臥鐵輪
賸有孤臣依漢臘海天何處答明禋

溟池洱海拱行畿玉輅遙巡正式微惹苴林間屯組練
桃榔花底度旌旗中朝夢遠難歸節大澤寒深少賜衣

張蒼水集

卷二

三五 西明叢書

約圖刊本

矯首嶺頭春信好南枝爭似北枝稀

病角悲笳思黯然長因滄海問桑田越王臺榭風雲暗
禹會冠裳日月鮮黃屋建時曾割據朱弓受罷亦依遷
只今冷落蛟螭窟雪夜徒吟兔苑篇

樓船兵甲自羣雄指顧扶桑可掛弓豈意空填精衛水
頻年猶御石尤風田橫避去偏多客徐市歸來恐似翁
見說斗杓回北陸敢將消息問蒼穹

何須南國更招魂甌脫江山幾處存豫讓有身還未漆
要離無族已先燔最憐燕子來孤島獨負梅花到故園

總使鬚眉仍健在嚴風朔雪不堪言

朝暎慘淡夕飈寒痛飲豪吟且自寬萬里高槎眞汗漫
十年長劍總蹒跚先鞭未許終輪祖前箸何妨借報韓
安得三塗還帶礪卻令百粵盡衣冠

寄金二如兼訊朱建武

戊戌

越絕衣冠已入胡年來故老盡瞻烏吹簫江上虹誰變
樓甲山中月自孤似我鬚眉還戴漢多君姓字欲逃吳
羣豪獨有朱家在猶向西京結客無

贈客還里門

戊戌

張蒼水集卷一

壬辰四明叢書

納園刊本

鑑湖揮手十年餘里社誰尋舊草廬今日相逢皆後乘
高風端不爲長裾臯比暫向龍門設麈尾聊從虎帳舒
惆悵君歸當雨雪故園梅信復何如

喜從弟至兼寄中表

戊戌

玄雲蕭瑟望鄉臺雪影霜聲雁自哀消息鴿原家難後
行藏盛市國仇來孤踪橫被黃金笑晚節爭禁白髮猜
回首故園花萼冷誰知三徑總蒿萊

張書紳與范予瞻論余十餘年來戎馬頗爲勞苦

孤危有詩見贈讀之愴然因成一首

戊戌

屈指勞生四十強，驚魂歧路總堪傷。
河山蕭瑟平原幟，江海蒼茫下瀨航。
國破龍蛇都失穴，時危狼狽每依牆。
盟壇今日誰雄長，敢說邢茅亦雁行。

相業侯封非我望，霸圖王命向誰論。
頗憐節旆旄全落，獨恨交亡劍尙存。
上客攝衣空有缺，孤軍裹甲已無禪。
也知戈巧難迴日，誓死何妨絕影奔。

薤露吟 戊戌

赤風蕩海宇，弱水羣飛揚。
日月長麗天，中有蓬萊鄉。
桓國虎臣據圖畫，封疆火生木必焚。
善金自相戕，屏藩

張彙集卷一

三十四明藏書
納圖刊本

旣已撤干戈，及寢皇白日。
竄野馬黃昏，號國殤貴賤同。
一骨誰爲送北邙。

蒿里曲 戊戌

猛獸在深山，藜藿亦壽考。
況也濟亂流，干城國之寶。
一朝捐賓客，三軍哭孤島。
李代桃亦僵，劇易絲逾擾。
吁嗟周遺民，去作流離鳥。
路逢故鬼語，死生何草草。
野死媚烏鳶，水死蛟龍飽。
哀哉失所天，人命不自保。

鴻門歌 戊戌

項王怒漢王，畏鴻門。
宴罷鴻溝潰，漢人喜楚人。
悲玉玦

謀空玉斗碎重瞳隆準兩英雄天意有興必有廢成豈
噲也一旣肩敗或亞父疽在背不殺沛公豈云誤此事
卻有霸王度當時長者號漢王俎上老翁不相顧既無
父子況君臣三軍縞素爲何人

張蒼水集卷二

壬辰四明叢書
約圖刊本

張蒼水集卷二

張蒼水集卷三

明鄭張煌言玄著撰 同縣後學張壽鏞編次

奇零草

己亥元旦 己亥

海雲冉冉曙光催百穀新
旭日開筮得革來原過己
春從臘至似方孩
聲靈共識尊中夏
氣象初驚動上台
自笑封侯安有骨
爲言強仕更徘徊

海上觀燈限十五刪十五咸二韻 己亥

島嶼微茫午夜閒
魚龍漫衍出塵寰
蘭缸射水翻星漢

張蒼水集 卷三

一四明叢書
約園刊本

蓮幕傳烽破玉山
香擁虹橋千里外
芒寒巖市九霄間
遙憐歌舞長安地
銀綸今宵自不關

極目滄波明鏡函
火珠獨見燭龍啣
鮫人夜貢珊瑚樹
雲母春開錦繡帆
金谷未須誇富貴
瑤池應不隔仙凡
自來三五傳柑勝
莫惜霞觴付酒監

閏元宵 限十四鹽 己亥

每惜春宵未可淹
天留倒景上元添
燈毬前度何時再
簫鼓平分此夜兼
靈雨故遲桃李候
春風仍入柳梅占
不愁曉箭相催急
只恐金吾令已嚴

閏元宵排律十四韻 己亥

獻歲杓頻指長宵箭獨稠東皇添玉曆南陌駐銀鈎莫
羨應雙吐椒花已兩浮小年燈市永午夜漏聲悠月令
初中節風光第幾籌蟾輝看倍皎鶯語聽全流復擬傳
柑會偏宜秉燭遊流黃連夕怨拾翠隔旬愁柳弱先披
拂梅寒故逗暹乾坤分正閏夷夏辨春秋只此尊天統
因之念帝憂耗磨何足論欣臘豈相謀金鑪方重闢銀
缸可再籌香塵還冉冉歌吹幾時收

泊馬蹄畧戲成 己亥

張藻集卷二

二四明叢書

約開川本

問馬蹄春風陌上走銅鞮誤被秦皇驅入海玉勒金鞍
不敢嘶龍媒自是波間種何用天閑錦障泥

笑馬蹄骨亦千金志千里追風逐電何處來卻與鯨鯢
鬪江水安得飛騰去渥洼依然負圖獻天子

泉穴魚 己亥

南有鮒魚實生泉穴臣于鼃君鼃行仰沫水族失歡暴
腮勿活豈其櫻鱗貪餌故絕

代內人獄中有寄 己亥

國破已飲泣家破復間關自君之出矣妾媵君亦鰥兒

女雖有情不在別離間上堂潔脯脰下堂代斑禰和君
驅汗馬豈敢怨紅顏夷官張羅網忠義委草菅奄忽大
椿謝君滯滄海灣兀然生死魂并作鮫珠請君行寶膚
髮奔跣安所還妾自感百罹飛蓬任雙鬟衰門旣零落
空閨誰貞艱哀哉井臼婦終年困狴狴非不輕微生將
維實且辱鬪扉滋味惡燐青碧血殷古稱東海婦嚴霜
暑路班胡天營夢夢莫辨玦與環如何貫索星獨照望
夫山視彼磨笄峰高名良可攀難將妾巾幗往佐君羽
綸報君還祝君旂常樹人寰

張宮集

卷三

三

四明叢書

約園刊本

擬答內人獄中有寄 己亥

盛年不惜別客久始懷慚我非蓬蒿人江湖遂屢淹況
復避豺虎誰能解征衫孤雁自西來秀鬢墮書函書中
寄珍重書外淚重緘恍見闌中秀吞聲寫素縑卿今陷
虎穴雙魚何從探珊瑚魂魄來關河諒非諳棘林魍魅
鄉骨肉各生嫌穉子亦囊頭狼狽形影兼憶我初行役
兵戈未戒嚴驅馳悲九折輾轉歲華添白雲空縹繞長
此傷烏銜水鷗雖忘機安得比鷓鴣名教自束躬柔情
匪所耽憐卿持門戶鼎俎心已甘豐獄有理劍紫氣若

烟炎莫邪獨掩抑干將慘不銛神物庶終合造化焉能
殲生常挽鹿車死當駕雲驂

聞貴陽失守 己亥

百粵河山已自愁播遷此日更堪憂方傳檣杙從南竄
豈意機槍自北流險阻莫能關象郡炎荒何處割鴻溝
一成賴有滇雲在捲土誰爲借箸籌

得徐閣公信以交行詩刻見寄二首 己亥

天南消息近成虛一卷新詩當尺書誰看壁鴛偏擊楫
似聞鳴憤竟迴車蠻夷總在天威外越雋應非王會初

張蒼水集 卷三

四十四 明發書

續圖刊本

讀罷瑤篇還涕淚行吟何獨有三閭

瘴海誰堪汗漫行知君五月在舟程鯁人鼓鬣驚濤暗
烏鬼含沙宿霧生溫嶠已乖歸闕望張鷟徒負泛槎名
武陵溪畔桃源客故節依然蘇子卿

會師東甌漫成 己亥

甌越江聲動鼓鼙霸圖南北似雞棲誰爲揖客稱司馬
獨將遊兵是水犀箸借自來非爲漢瑟操猶恐未工齊
十年種蠶成何事故向人前說會稽

江上聞笛 己亥

江濤日夜堆雲屋有酒難向江頭漉忽聞笛韻橫江來
金山墩峰愛青篔簹聲不似水聲幽聲慘澹生響飛瀑
月痕淡洗天爲空一曲瀟湘醒倦目亦有鷓鴣人青雀舫
穩載客愁二千斛起舞鸚鵡江影底四顧蒼茫復慟哭
獨汲江心水一盂活火烹來滌煩燥餘情嫋嫋笛轉清
拍手長吟和孤竹歌者有意吹無心嘈然那分竹與肉
嗟嗟江上聽笛人獨抱琵琶就人宿知音若我世所稀
鄰舟逋客眠初熟

師次觀音門 己亥

張蒼水集 卷二

五四明叢書
約園刊本

樓船十萬石頭城鍾阜依然拱舊京
弓劍秋藏雲五色旌旗夜度月三更
中原父老還扶杖絕塞河山自戢兵
不信封侯皆上將前茅獨讓菜繡生

師次蕪湖時余所遣前軍已受降 己亥

元戎小隊壓江關面縛長鯨敢逆顏
天楚衣冠左衽後蕭梁城郭暮笳聞
王師未必皆無戰胡馬相傳已不還
奇語壺漿休怨望懸軍端欲慰民艱

師入太平府 己亥

天驕取水奉冠裳敵輔長驅鐵騎補王業
昔誰開采石

霸圖古亦起丹陽百年禮樂還豐鎬一路雲霓載酒漿
此去神京原咫尺龍蟠虎踞待重光

妬熟既下和州無爲州及高淳溧水溧陽建平廬

江舒城含山巢縣諸邑相繼來歸己亥

干將一試已芒寒赤縣神州次第安建業山川吳帝闕
皖城戈甲魏軍壇東來玉帛空胡虜北望銅符盡漢官
猶憶高皇初定鼎和陽草昧止艱難

驛書至偏師已復池州府己亥

赤羽飛馳露布譁銅陵西去斷胡笳橫流錦纜空三楚

張翥集卷三

六十四明書
續圖刊本

出峽霓旌接九華歌吹已知來澤國樵蘇莫遣向田家
前驅要識王師意劍躍弓鳴亦漫誇

師入寧國時徽郡來降留都尙未克復己亥

千騎東方出上遊天聲今喜到宣州威儀此日驚司隸
勳業何人愧微俟舊關烽烟須早靖新都版籍已全收
遺民莫道來蘇好猶恐瘡痍未可瘳

閒行雜感二首己亥

鐵幢纒解又芒屨姓氏逢人且自埋夜踏巉巖驚伏虎
朝披霧露避羣豺乾坤蒼莽投金瀨徑路蕭涼阻玉階

贏得風衣兼雨帽，相看不是舊形骸。

一椎可奈誤秦車，蕭瑟秋風圯上書。伏匿那能忘鐵馬，
潛游猶覺負銀魚。荒村雲擾難敲枕，單衲霜深已徹裾。
總是姓名隨地變，任呼牛馬亦何如。

經烏江二首 己亥

楚歌聲裏霸圖空，匹馬歸來勢自雄。四百年餘炎火斷，
誰知隆準一重瞳。

旌旗垓下亦堪翻，戰士其如憶故園。縱向江東收鐵去，
應無子弟到中原。

張有來集 卷三

七十四明發

約國刊本

樅陽謠二首 己亥

八尺風帆百丈牽，樅陽湖裏去如烟。江南米價秋來長，

穀桐艘寶稻船

沿湖下網蕩湖船，網內纖鱗錦樣鮮。燈火湖邊兒女笑，
魚秧種得不須田。

黃湓謠二首 己亥

妾家生小住黃湓，亂挽烏雲刻著禪。九月魚腥湖上熟，
自搖蘭漿過前村。

黃湓買客百金裝，湓口長年醉索郎。聞說江干烽火急，

停橈一曲古襄陽

新安溪行 己亥

曲曲溪流面青山青峰千折水千灣山亭擁霧遙疑若
水碓舂雲巧作關越榜下灘雙槳疾吳鹽到界一帆開
卻看兩岸楓林晚似送離愁照客顏

寄宿石塘菴與居人道定西侯往事 己亥

薄宦誰留十五年琴亡島嶼尙蒼然野人偏愛甘棠樹
義士猶吟華屋篇海有浮鷗憐後死村無眠犢憶前賢
請看鐵篋今宵月可得將軍勒馬還

望遠集 卷三

八四明叢書

約園刊本

生還四首 己亥

落魄鬚眉在招魂部曲稀生還非忍望死戰有誰歸蹈
險身謀拙包羞心事違江東父老見一一問重圍

痛定悲疇昔江臯望陣雲飛鯨先失律騎虎竟孤軍兩
莽焚舟計虺隤汗馬勳至今頻扼腕野哭不堪聞

本以揚旌去胡爲棄甲旋名城空繡錯故老盡株連百
折終何補千秋尙復憐亦知收燼易蕭索媿金錢

奔北誰能殿圖南我亦迷翻令百步笑未得一枝棲孤
島搖烽燧登壇恃鼓鼙風雲蹉跌後無計展霜蹄

海濱居民聞予生還咸爲手額且以壺漿相餉余
自慚無似何以得此於輿情也己亥

虛名浪說逐羣雄垂翅何心得楚弓每把金魚羞父老
豈應竹馬笑兒童衣冠不改秦時俗雞黍相遺晉代風
正覺漁樵多厚道不將白眼看途窮

僕還己亥

僕良不易旅瑣更爲難已任辭鞿去還同戀棧看傲
帷原有待墮履未應拚自是無銀鹿猶勝形影單

月夜同陳文生過黃粹伯留酌己亥

張蒼水集卷二

九四明叢書

約園刊本

爲妬秋容愛晚行明河如練月初更當關忽報雙筇過
入座先驚一榻橫此夜冰壺堪濯魄誰家紈扇獨關情
風流笑殺黃山谷廚傳居然阮步兵

贈陳文生侍御返命閩嶠己亥

益部今何似孤懸一使星滿思匡漢室虛擬乞秦庭鶴
立孤臣淚龍潛舊主靈倡予還和汝天夢倘然醒

恨別還如昔憂危較獨多孤槎偏踟躕故節已蹉跎羽
翼猶吾否鬚眉奈爾何南陽雄雖在努力向淖沱

苦饑己亥

登彼三神山慨焉思遐舉
蘆荻風蕭蕭白石不可煮
絕粒固所宜躊躇傷徒侶
驤首視烏鳶青天嚇腐鼠
不念山中人餅馨亦蠱恥
豈乏稻粱謀卑棲因緞羽
安得有蕨蕨療飢待明主

苞焚 己亥

己自傷餘燼何勞廚傳災
早應防厝火空復冀然灰
鼎俎渾輕擲盤盂且盡墮
明朝添菜色那得爨烟開

萍踪同邱舍山感賦 己亥

蕭瑟干戈事浮踪已似萍
半牀留破席一室欠疏櫺
藉

張蒼水集 卷二

十四明鏡書
綉園刊本

月窺人白漁燈入夜青天
涯知已在猶自歎零丁

送邱舍山還長亭山房 己亥

投老猶垂纛忘歸未拂衣
江山雙淚迸家國寸心違
作客慈王粲爲郎憶紫薇
入林還悵望吾道已全非

邱善任中

書舍人

得姚興公書以舫音集見寄 法號獨耀公 己亥

何處纖鱗至瓊雲落滿雨
虎溪聞卓錫鷺島憶歸帆
詩律隨人老禪鋒已不凡
慙予塵夢在兀兀趁征衫
救世嗟無具爲僧亦自嘉
只愁新舊雨總屬暮朝霞
嵐

落江烟淡梅橫溪月斜何時雙鳥下相對飯胡麻

卜居 己亥

荒洲小築笑焚餘結構新茆再卜居性僻故貪鷗鷺侶
地偏猶偪虎狼墟寒蘆瑟瑟秋張樂宿火熒熒夜讀書
正憶普天方左袵此身那得混樵漁

溪行二首 己亥

扶筇到處見山晴峰色溪光次第迎滿徑莓苔人語靜
畫眉宛轉兩三聲

小立寒林意獨醒清泉石竇自泠泠撥雲更望前溪去

張蒼水集 卷二

十二四明叢書

約園刊本

樹底飛來一片青

島居八首 己亥

天地勞何甚空山足息機玄黃悲鼎沸蒼莽看帆飛誤
世芙蓉劍撩人薜荔衣迷途知未遠還復臥鼉磯

島事幾滄桑何勞更辨亡人能扶日穀我且挾雲囊傲
骨甘鷗鷺雄心怯虎狼誅茅還闢土海外有封疆

古賢多大隱豈必盡攀龍所惜辜三輔其如礙兩雄計
疏憑鑄錯道廢漫書空仰止羊裘客千秋一冥鴻

山中仍逐鹿卻喜少雄雌蟹戶供新錯蝨樓獻祕嬉鑿

坏聊偃蹇拜石故支離試問門前雀何如翟尉時
閭闔不可極投荒小有天行藏疑橘叟變化媿梅仙野
火漁鉞外樵風雁字前到來生百感太息理詩篇
浮槎非我好戀戀爲衣冠豫讓橋應近田橫島正寬蘆
中長警折圯上獨盤桓雖未成嘉遁人呼管幼安
十洲曾卜築師過化爲薪荆棘任公宅蓬蒿夸父津老
麋避客去舊犬逐人親不忍乖初服茅簷又日新
鳩工嚴部勒治屋亦猶兵據水軒轅法依山壁壘橫短
垣繚卻月中雷貫長庚只此扶桑國居然細柳營

張季集

卷二

十四
四
剛
義
書
約
簡
門
本

索居島上童子折梅來獻喜而有賦限十三元二

首己亥

芳信天涯誰過存一枝瞥見慰離魂奇來庾嶺應無驛
疑到羅浮別有村仙史輕華宜淡墨故人蕭散足清尊
巡簷爲弄陽春曲羌笛何須惱故園

絕島凝寒氣未溫忽傳春信到蓬門蒼寒猶帶烟霞韻
素魄時留冰雪痕欲探隴頭愁遠樹初看牆角喜孤根
疏枝冷蕊仍堪把何遜揚州且莫論

賦得相逢俱是歲寒人

己亥

相逢俱是歲寒人
遲暮偏驚搖落辰
鴻雁接天關塞影
漁樵滿地雪霜身
論交四海慚兄弟
抗跡千秋泣鬼神
此日炎趨應不少
道旁裘馬正紛綸

立春用杜韻 己亥

臘殘海嶠懸桃日
正是山家爆竹時
寂寞兩京寒玉瑄
蕭疏雙鬢點銀絲
干戈回首都成夢
杖履隨身那免悲
不飲也應春酒笑
強邀石凍助新詩

己亥除夕

湖海椒觴十五星
故園咫尺卻揚舲
流年與日相將去

張蒼水集卷二

十三四明鼓書
約國刊本

歸夢兼愁總未醒
蠟鼓何如鞞鼓急
閩船猶並越船停
春來消息茫無據
起把菱花仔細聽

庚子元旦駐師林門 庚子

中華正朔古相傳
永曆於今十四年
玉几南荒新日月

聞乘輿播遷補句
金戈北道舊山川
春來水逐桃花長老去
人

憎柏葉先猶幸
此身仍健在
擬隨斗柄獨回天

庚子新正二日坐雨島上 庚子

纔望晴雲布歲朝
漸來仙嶠雨瀟瀟
山烟綠繞蒼堪滴
海氣模糊白欲飄
撥悶屠蘇隨意醉
滯寒榭榭逐時燒

故人天際誰相問總爲春風尙寂寥

遊小罌草庵

庚子

春郊彌望盡蒼烟選勝還探小有天
苟亂新篁饒玉版
花迷野菜似金鈿
客來漸與山麋狎
僧去惟留海鶴眠
堪笑阮生幾兩屐
桃源總在萬峰前

得朱子成書

庚子

書來惜分手正憶皖城秋
入海仍精衛還山尙蒯緱
參差非恨事倉卒少良謀
異日傳心史孤忠冀見收

寒山

庚子

張炎水集卷二

十四四明叢書

約園刊本

寒山一息影歧路總忘機
敢望充藜藿其如斷葳薇
徘徊有髮惆悵賦無衣
此地兼烽火孤踪何所依

聞監國魯王以盜警奔金門所

庚子

揮淚東南信初聞羣盜狂
扁舟哀望帝匹馬類康王
流莛終何限依斷倘不妨
只今謀稅駕天地已滄桑

贈張書紳還錢塘

庚子

歸棹蕭然入虎林
論兵十載愴知音
千金散盡仍彈鋏
四海交空且碎琴
戶牖陰謀天地忌
夷門奇計古今深
風塵何處躬耕好
垂老還爲梁父吟

上巳書懷 庚子

九十春光強半空，今朝禊事媚東風。
亂紅過雨應千點，新綠含烟白一叢。
曲水無鴛娛島上，遠山似笏拱簾中。
子規歲歲啼成血，不道勞人太轉蓬。

春晚 庚子

芳洲春晚徧薜蘿，一抹烟光掛綠羅。
好鳥弄晴聲刺刺，野花吹暖氣流蘇。
中年豪舉還多少，來日佳遊定有無。
可惜豔陽閒謝卻，祇應吾道在江湖。

重過桃渚 在台州臨海縣 庚子

表著水集卷二

十五 四明樓集

約園詩本

一棹天台依舊迷，重來秋爽足攀躋。
苔衣粲粲髣髴美，石磴鱗鱗齒未齊。
夢到赤城霞氣近，感深滄海水聲低。
臨流空作桃花想，愧殺仙源是武溪。

復屯林門 庚子

十年兵甲滿滄洲，此日迴戈又上游。
人去鹿場仍舊跡，秋高蟹脯足晨羞。
空山餓犬聲如豹，失路窮黎狀似鳩。
自笑經營何太拙，誤將島嶼作并州。

中秋有懷 庚子

去年拾桂英山裏，今夕浮槎漲海東。
關塞每憐鴻雁影，

江湖應悵鯉魚風金鱗玉露原無異躍馬乘舟已不同
明月當前人在側持螯把酒莫辭從

步韻和曹雲霖滬島秋懷二首 庚子

荒烟殘燒越王臺憶昔雄圖今倍哀丹葉三秋何事老
翠華六詔幾時迴纔從鷺島懷人遠忽得魚書對客開
詩律邇來知漸細高吟低唱且徘徊

天長地闊總傷秋閭嶠寒雲路更悠戴漢節旄空自脫
汨吳薪膽向誰謀百年形勝留天塹一望風烟遶帝溝
堪笑魚龍還寂寂祇應陵樹鎖江流

張藻集 卷二

十六 四明叢書

約園刊本

秋夜舟中聽雨 庚子

不盡蕭蕭意還從子夜生草枯沙磧氣木落洞庭聲敲
枕聞疏密敲篷辨濁清渾疑刁斗靜鐵騎暗縱橫

新河口雨泊二首 庚子

一水眞衣帶金行報幾鐵迴颺何震盪飛沫更廉纖噉
岸潮聲壯膠舟風勢嚴叢祠堪蔽雨分旅向山尖
四時冬不用况乃問舟程自與泗人伍還令鷓母輕枯
槎粘水骨虛枕掛魚睛珍重陽侯意毋勞費送迎

愁泊 庚子

蕭風苦雨逐潮來，慘淡危舟倍足哀。
身比僂僂長似曲，心疑混沌不知開。
海翁蟹蛤還相削，山鬼挪揄且莫猜。
往事分明堪擊筑，浮生那得數銜杯。

長鯨行 庚子

南海長鯨何橫絕，吞吐波濤噴日月。
鼓鬣俄成赤羽旗，披鱗都變黃金穴。
初依海市現樓臺，旋上天關守宮闕。
天狼忽從西北來，旌爲蚩尤鞭爲孽。
長鯨稽首稱波臣，玉皇香案皆羶羯。
希恩豈望鳳凰池，論功敢乞蛟螭窟。
那識狼心最不仁，組繫長鯨離溟渤。
跳梁寧復肯睚眦。

張蒼水集卷二

十七

四明雜書

約園刊本

澗嶽應憐舊鬢蒼，長鯨有子類龍種。
起代靈龜震列缺，銀河朝犯織女機。
珠浦夜泣鮫人血，天狼跋扈還叱咤。
僉謂鯨鯢本遺孽，疏屬山頭貳負屍。
鍾離村內專車骨，殘魂幾處聽蒲牢。
遺醜何年化彭越，嗟嗟長鯨爾何愚。
如彼異類終屈節，神龍不臣臣貪狼。
抉目塗腸坐白滅，昨夜星躔弧矢明。
卻喜機槍影欲沒，天狼天狼莫漫騎。
海宇會有真龍出。

次韻酬林荔堂 庚子

日日天南望五雲，家亡國破友朋分。
廿年血淚枯崖竭。

三度孤師哭宋文力竭臣靡難復夏聲哀望帝痛思君
西臺幸有同心侶愧殺投繯終子軍

歲暮得蔣馭鴻信兼見其新製奇贈二首

蔣舊授御史今

入道 庚子

海嶠玄雲入歲除遠從茗水下雙魚少微慘淡愁無奈
中散蕭疏調有餘仙鳥不妨神武外法冠何似惠文初
鑑湖珠樹今何在黃鶴摩天未卜居

梅花一寄起相思聞向江湖學采芝吳市尚留仙討跡
青門何限故侯悲鴻冥豈爲飛揚倦驄瘦還應行步奇

張蒼水集卷三

十六四明叢書
約圖刊本

獨怪槎來十二載只傳柱下五千辭

島上祀竈 庚子

絕島寒宵亦薦陰聊從越俗祀非淫曾聞五祭尊益益
卻憶西歸賦釜鬻老婦倘能來絳節少君空說致黃金
只憐漢臘無多地柏葉梅花自古今

辛丑元旦僞虜僭號已十八年矣 辛丑

春回島嶼海天波紫閨其如赤伏何晉室新書題甲子
周家舊曆紀其和金沙日暖朝迴輦玉壘雲開夜止戈

聞士師出 瀕克蜀 聞說今年莽臘盡椒花頌裏雜鏡歌

見友人咏懷詩有感遂依韻和之辛丑二首

梨花春雨半含秋太息當年桑下謀國事幾番真似弈
人情到處盡如鈎金雞雲樹空瞻闕石馬風榛自滿邱
未必策勳先上賞綸山一過汗應流

漫從季野定陽秋霸業誰堪孫仲謀六印行藏關漢鼎
中朝興廢仗吳鈎杜鵑影重迷荒徑謝豹聲多恨故邱
此日河山猶破碎敢言江左有名流

春島霧雨次壁間舊韻辛丑

輕寒三月恰春陰蒼霧青嵐苦滯淫客至梅花初滿瓊

張蒼水集卷三

十九四明叢書

約園刊本

官貧柏子尚充鸞櫻桃紅暈枝枝玉楊柳黃疏樹樹金
笑語東風何惡薄獨遲芳信到於今

雨中寒甚再疊前韻辛丑

浮雲何意結層陰海氣朝來越浸淫誰解催花能節鼓
豈逢寒食欲懸鬻春衣襍穢還如鐵烏樹槎枒轉似金
可是大荒猶殺運難將變理佐當今

送黎大行瀕行以途窮爲恨賦詩見示仍用前韻

答之辛丑

柳色河橋弄晚陰臨歧攀折思偏淫乍來紫氣原干斗

此去皇華爲旣驚殿上未歸和氏璧囊中誰賜陸生金
飄零莫漫愁書劍六傳平驅正在今

維揚姜張二友浮海來晤賦贈

辛丑

廣陵春擁雪濤來萬里江聲亦壯哉忽訝龍文臨越嶠
何須駿價起燕臺陰符欲捲滄溟闊借箸能令瘴癘開
帝室只今還卜獵飛熊好待後車回

僞庭小汗天亡復以六歲餘孽僭號擅位

辛丑

頻年長狄掃黃圖此日狼星斂角無石矢未曾賓肅慎
金人猶自祭休屠雖然下殿當天象可復穹廬滿帝都

張蒼集卷三

二十四明叢書

約園刊本

獨笑中華皆婦孺幾回膜拜捧胡雛

春暮悵然有作

辛丑

蕭條春事又今年島樹江離最可憐悲至淚因孤燕下
閒來魂在杜鵑前雄圖誰復能窺足雌節何如且息肩
記得古人曾化杖鄧林孤影亦參天

三月十九有感甲申之變三首

辛丑

燕山春老泣啼鵑屈指號弓十八年闕里麟遊書莫載
橋陵龍逝鼎仍遷玉衣晨舉黃塵染銅狄秋眠碧血捐
欲賦黍離無限恨依稀風雨故宮前

當年羣盜滿長安倉猝宮車聚百官旗散黃龍爭解甲
朽虛朱雀罷鳴鑾攀髯猶惜鬚眉少歷紐空悲羽翼單
獨使至尊殉社稷千秋青史未曾寬

漢家天仗肅仙班一擲金椎不復還百褶祇肥絳塞外
櫻桃誰薦晉陵間魂招蜀望花同碧淚染姚華竹盡斑
何處旌旗皆綺素好傳露布到陰山

得徐閣公書爲之喟然

辛丑

長看北極望南陽傾日依風總渺茫愁過魏牟還戀闕
病同莊舄肯投荒應憐牛酒遲江左莫道魚鹽擅海王

張蒼水集卷二

二

四明叢書

約園刊本

偷去三山須問訊君家大藥在何方

促織

辛丑

促織促織微吟聞夕緯婦驚秋停機太息織縑苦短絨
縑苦密萬縷千絲織不成疋

寄張書紳時聞在越

辛丑

雁到寒沙一片秋聞君猶作下邳遊江山雄視渾綿最
湖海輕裝只蒯緱醉後諫書多逐客愁中詩史盡離憂
赤城霞氣今依舊何必衣冠禹穴求

送黎大行南訪行在

辛丑

誰登仙嶠問皇輿十載驚傳典象胥英篋難歸萬里節
輜軒徒積百蠻書越人翡翠應無恙漢使葡萄總不如
惆悵五雲橫楚道看君卻上指南車

送吳佩遠職方南訪行在兼會師鄖陽 辛丑

何處中宵哭星槎滄海回依牆悲鶴立戀闕夢蠻迴黑
契黃圖闕烏蠻紫氣來孤臣芒屨好敢望畫雲臺
哀牢原有國閒自夜郎移輦路應千折旌臺亦九疑駿
歸何日事翟捧幾人知君去排闥闔將毋恨執羈

鄭江稱斗絕咫尺向夔門雲棧凌霄起霓旌插壁屯金

張蒼小集卷三

三十四明讀書
詩圖刊本

貂皆上將鐵馬足中原一見隨何檄還應報國恩
尙有臣靡在其如天步何涼州方尙柱盟府孰揮戈刁
斗孤軍細香盆夾道多懸君馳蠟表早晚聽鐃歌

秋日傳蜀郡克復瓊海反正喜而有賦 辛丑

商聲八月愁萬木盡凋秋空谷音初到同袍賦足酬珠
崖仍復漢玉壘亦宗周從此投天際羣雄好兆謀

感事四首 辛丑

箕子明夷後還從微外居端然殊宋恪終莫挽殷墟青
海浮天闊黃山裂地虛豈應千載下摹擬到扶餘

聞說扶桑國依稀弱水東人皆傳燕語地亦聞蠶叢
路曾無異桃源恐不同鯨波萬里外倘是大王風
田橫嘗避漢徐福亦逃秦試問三千女何如五百人
歸應有恨劍在豈無嗔慚媿荆蠻長空文采藥身
古曾稱白狄今乃紀紅夷蠻觸誰相鬪雌雄未可知
鳩居粗得計蠶市轉生疑獨惜炎洲路春來斷子規

三過沙關 辛丑

五載真如夢秦川恨嘗遊地分山岡越天關水沈浮鴻
鵠難羈縲蛟龍空負舟包胥洵國士復郢便辭侯

張蒼水集 卷二

三十四明藏書

約開刊本

沙關感懷 辛丑

飄泊終何濟蕭然一撫襟呼童削白髮結客鍊黃金擊
水垂天翅依風縮地心得閒聊把卷非敢學書淫

送羅子木往臺灣二首 辛丑

中原方逐鹿何暇問虹梁欲攬南溟勝聊隨北雁翔
帆天外落蝦島水中央應笑清河客輸君是望洋
羽書經歲杳猶說袞衣東此莫非王土胡爲用遠攻
師原將略墨守亦夷風別有芻蕘見迥戈定犬戎

愁心 辛丑

一片秋明遶萬山，愁心似水轉相關。
虬髯空擬浮家去，雁足虛傳屬國還。
聲入鼓鼙龍自鬪，夢回砧杵鶴難攀。
平原一旅真孤掌，可有天戈靈武間。

莫指 辛丑

莫指招搖望泰階，小戎同澤已難諧。
三山波浪盧敖跡，半壁烽烟祖逖懷。
紀事可能無鐵匣，班師豈復有金牌。
皇天倘識匡扶義，萬古臣靡獨我儕。

南國 辛丑

雲肥大澤正高秋，南國旌旄何處留。
良會偶逢偏易失，

張葦集卷二

三石園明叢書
約園刊本

好音頻致恐終浮，海中似有金銀闕。
域外曾無麟鳳洲，祇惜漢家懸異數。
每將白馬誓王侯。

雜感三首 辛丑

越國年年教習流，朱旗玄甲總沈浮。
歲星不識今何在，依舊機槍挂斗牛。

卽看江鳥盡流離，精衛何從借一枝。
最恨蹄林秋祭後，天驕猶自灼羊脾。

平陵疇昔富梧桐，聞說樵蘇樹已童。
華表亦含千載恨，空傳鶴夢到江東。

輓董天鑑孝廉

辛丑

三策天人罷董生誰憐日馭已西傾遊從麋鹿身將隱
識應龍蛇意未平晉代猶留靖節諡漢家原重孝廉名
卽看墓石封題處尙有賢書是大明

入洛衣冠江左餘逋臣肯復待公車風雲早冷三臙兆
日月長懸五馬居結客黃金良不易修文白玉竟何如
茂陵今日皆禾黍遺草空留封禪書

梅花和中峰大師韻四首

辛丑

閒從寂寞露精神絕世風流換玉眞夢入梨花渾一色

張蒼水集

卷二

三五

四明叢書
約園刊本

看來松雪成三人等閒標格成凡種多少芳菲步後塵
最是枝頭元臘破鶯聲還報上林春

自是天工巧入神不將醋醋混眞眞開從嶺外誰爲主
折與江南第幾人鐵骨珊珊疑有韻玉鱗寂寂迴無塵
醉餘好弄柯亭竹吹徹揚州萬樹春

野鶴仙姿別有神僊昭端的禮羣眞已開香國堪稱聖
若貯瑤臺便可人淡月模糊檀作暈清霜窈窕玉生塵
相探莫漫輕攀折元賞應燒竹葉春

一泓秋水翦瞳神紺髮纒鬚看逼真冰雪聰明林下客

烟霞色相畫中人
騷魂取次宜呵凍
道貌由來欲辟塵
卻笑化工難免俗
半留綺語到陽春

辛丑長至舟次祝聖二首

朔氣行將盡
今來復一陽
書雲存珥筆
挽日仗冠裳
社稷千帆影
乾坤一劍芒
微臣無限恨
稽首儼天王
歲華方剝極
何意泰重來
國脈真如線
天心未似灰
山呼愁節脫
海宴待槎迴
賴有黃鐘動
梅花雪自開

辛丑除夕行營沙關

十年三度到閩關
風急星迴客未還
漢臘總來殊越俗

張蒼水集卷二

壬午四明叢書
約園刊本

屠蘇那得破愁顏
春符競貼黃龍榜
新曆虛銜丹鳳班
悵望故山雲物改
歸心不斷歲時閒

壬寅元旦軍次仍行祝聖禮

壬寅

蒼輅青旗不可望
海隅猶得奉冠裳
吹塵夢逐條風遠
思漢情隨旭日長
萬里越人迷貢朔

時滇黔陷已二年

百年真

主闕當陽也知報
國心無補願續春
王正月章

元夕金鄉道中

壬寅

海若波俱惡
春陰倍寒征
帆渾出沒窺
鏡盡闌珊
燈謎憑誰賭
棋聲讓客彈
勞生兼浪跡
節物肯爲歡

最是蹉跎恨都從此夕來幾年春爛熳其月影徘徊每
擬銀鈎滿當看玉曆開逢時還寂寂辜負夜光杯

元宵舟次步賓從韻魚字

王寅

春濤擁艦儼宸居雪舞風迴寒滿裾簫鼓浮空停曉箭
樓臺幻境隱仙輿帳中絕少盤龍戲幕下偏能倚馬書
共道六鰲來海上如何照夜只鯨魚

辛丑秋虜遷閩浙沿海居民壬寅春余艤棹海濱

春燕來巢於舟有感而作

王寅

去年新燕至新巢在大厦今年舊燕來舊壘多敗瓦燕

張葦水集卷二

字七四明叢書

約園刊本

語問主人呢喃語盈把畫梁不可望畫艦聊相傍蕭羽
恨依棲銜泥歎颺颺自言昨辭秋社歸比來春社添惡
況一片靡蕪兵燹紅朱門那得還無恙最憐尋常百姓
家荒烟總似烏衣巷君不見晉室中葉亂五胡烟火燄
條千里孤春燕巢林木空山啼鷓鴣只今胡馬復南牧
江村古木竄鼯鼯萬戶千門空四壁燕來亦隨檣上鳥
海翁顧燕三太息風簾雨幙胡爲乎

春心

王寅

滄江歲月深老去惜春心花到辛夷候人歸杜宇音聞

眠遲獨醒繁恨寄孤吟天骨原蕭散能訂許事侵

北回示將吏

壬寅

利純寧能料孤軍又北回同仇計左矣遺老思深哉破
斧丞徒義持籌參佐才古來忠孝事天地每相哀

張蒼水集卷二

三六

四明叢書
續圖刊本

張蒼水集卷二

張蒼水集卷四

明鄭張煌言玄著撰 同縣後學張壽鏞編次

采薇吟

壽鏞謹案公自註起甲辰六月而七月被執讀入定關詩此去清風笑薜薇可以見公志

入山 甲辰

大隱從茲始悠然見古心地非關勝覽天不礙幽尋石
幾溪頭長雲衣谷口深此中有佳趣好作採薇吟

清音

倚杖綠天中清音自不窮鸞枝傳古調蟬葉散玄風谷
響丁丁發溪聲曲曲通由來塵夢斷遮莫是心空

張蒼水集卷四

一四明叢書

一約園刊本

林中漫興

幽棲得名理屢屐轉從容渴澗捫龍乳荒蹊采鹿茸振
衣空翠襲擁樹蔚藍封不識鴻濛外蒼嵐更幾重
選勝非吾意長林一送窮天供青玉案人坐碧紗籠道
貌癯人似機心海鶴空獨嫌遺世晚所以遜龐公
小猿畜之久矣以病抱樹而死爲之惻然

升木何須教犇林豈爲驚胡然嬰一疾不復聽三聲腸
斷巫山暗魂歸楚水明爭如孫供奉能報主人情

山中初度用子木韻

何向洪崖乞大還，
榻來烟火混人間。
幾回擲劍橫青海，
一笑搗弧掛碧山。
煮石似應消壯氣，
斲苓尙欲壯顏顏。
峰頭紫氣朝如蓋，
爲問猶龍可渡關。

賦罷初衣往復還，
伊人宛在翠微間。
幸無白璧粉榆價，
可有丹名桐柏山。
種似麒麟徒掩淚，
舞同鸚鵡且開顏。
尊前莫論浮雲態，
回首風烟滿漢關。

日轡崦嵫去不還，
客星慘淡五雲間。
自非和扁難醫國，
誰似巢繇易買山。
百谷烟霞憐馬齒，
二陵風雨識龍顏。
桑弧半老成何事，
只合盞天獨掩關。

張蒼水集

卷四

二四明叢書

約園刊本

倦飛玄鶴亦知還，
白石蒼苔咫尺間。
車馬自然多易水，
衣冠原只在商山。
雲漿夜酌金人掌，
黛色朝披玉女顏。
已覺閒身堪羽化，
何須八翼夢天關。

清秋憶從弟嘉言

秋聲蕭瑟到空山，
悵望驚鴻去不還。
離別紫荊生死際，
平安黃犬有無間。
寒蛩織月思千縷，
孤鶴巢雲影半關。
多少長林搖落態，
獨憐愁緒未能刪。

山中七夕限韻得廉字

青山詩思入秋添，
愁對雙星韻漫拈。
紈扇自來驚少昊，

雲駟何處御飛廉七襄枉乞天孫巧五緯虛傳漢使白
要識太清塵穢淨莫將河鼓擬香奩

清秋一暈挂涼蟾渺渺銀潢天漢淹烏鵲橋成誰問渡
嫦娥宮近倘生嫌冰機爭似雲情薄金掌依然露氣廉
卻笑兒童偏解事排瓜擲果向鉤簾

又疊前韻

斜風斜月正纖纖買得秋光價亦廉繡幕何人愁遠別
綵車今夕喜重瞻星前錦似干純麗雲外香來百和兼
明日內家應看巧蛛絲金盒其誰覘

懷古

伊昔東陵侯浮沈在青門種瓜皆五色不肯負亡秦故
侯何足道羞與世間羣及爲文終客教以報功勳似得
黃老術知亡亦知存存亡會有時出處要有期借問五
色瓜何如三秀芝

山居卽景四首

結茅在山椒面面皆較薄獨坐微涼生高情欲採綠
平楚殊蒼莽眾峰亦窈窕清輝來撲人引我發長嘯
空清不可極俯視但雲光眾妙含其中疑爲天地房

朝光來窺牀樹影紛羅帳推枕一摩挲天然淡墨障

山中屢空泊如也偶讀淵明餓驅句猶覺其未介

遂作反乞食詩仍用陶韻

悲風變陵谷余行將安之浩然懷黃綺燁燁紫芝辭清
聲在金石孤情獨往來彭澤何人斯東籬戀酒杯微祿
已不耽沾沾乞食詩乞固自有意可以觀其才吾則愛
吾鼎白雲倘分貽

西山有餓夫褰裳欲從之或言舉世腴君癯寧有辭流
水淡鬚眉天真所繇來況也朝市政志士寡深杯療饑

張蒼水集卷四

四四明叢書

約園刊本

託薇蕨寧識招隱詩今古多肉食誰爲天下才珍重墨
胎氏靈龜幸見貽

三旬九遇食我聞古有不食以爲寶無受故無辭奈
何饜饕者朶頤鼎鼎來乞哀在暮夜餘羹僅一杯斟酌
既飽滿猶吟和陶詩緬維珠樹鶴高情未易才芝田諒
足耕嘉穀聊自貽

擬古三首

蕭蕭巖畔竹亭亭澗底松植根非不高孤峭慮難容骨
肉緣枝葉分飛類轉蓬非關恩義薄根株良不同越鳥

樓南枝代馬立朔風藐焉長槍惻道阻誰適從

晦明本如穀日日相推移寒暄亦如環歲歲迭乘除白
雲自西來告我商秋期林皋色慘淡蛩聲哀以思昔也
苦炎威今含搖落悲天氣始肅殺草木詎能違百卉歎
披靡寧復豔陽時豈識持晚節獨有凌霜枝寄言桃李
子慎勿恃芳菲

百蟲恆吟秋百鳥恆吟夏人生百歲間炎涼倏代謝常
憂時命乖榮名不相借時命亦何常經綸貴權藉所志
豈顯榮擔負容可卸感此結中腸擲衣起視夜尚天明
月輝爛熳繁星舍願言披微襟幽懷得暫瀉

張蒼水集 卷四

五 四明張蒼水

狗圖內本

懷王媿兩少司馬徐閣公沈復齋中丞

詩鑄按
蹟作憶友

昔我曾上嘉禾島島上衣冠多四皓方瞳綠髮映朱顏
紫芝一曲何縹緲年來滄海欲生塵烽煙亂蠶商山道
杖履流落似晨星天長地闊令人老南望銅陵又一山
風帆千尺鯨波間不然疑乘黃鶴去去去麟洲第幾灣
聞孤鳥而有作

孤鳥孤鳥聲悵憶風雨中宵我心惻似聞鳥言生不辰
空山寥落無顏色在昔雄飛向九霄金眸玉爪行腳臆

巢雲曾傍萬年枝
擊水寧需六月息
風雲蹉跎幾星霜
宛轉枋榆困枳棘
東門旗鼓爲誰觴
北海木石徒爾塞
杜宇漫語不如歸
鷓鴣疾呼行不得
予心卒瘡予尾焦
卻來山阿欲避弋
一飲一啄孰將雛
雙飛雙宿誰比翼
寒枝獨抱月黃昏
島樹蒼茫林影黑
絕四海會有時
敢告羈縻還努力
嗟乎此鳥亦非凡
鸞歌鳳舞誰能識
但將孤鳥伴孤臣
悠悠蒼天曷有極

入定關

在懸壩七月十七五時被執作供

何事孤臣竟息機
魯戈不復挽斜暉
到來晚節慙松柏

張蒼水集 卷四

六一四明叢書

約園刊本

此去清風笑蕨薇
雙鬢難容五岳佳
一帆仍自十洲歸
疊山遲死文山早
青史他年任是非

羈恨二首

莫道輕生易
應憐速死難
聯牀皆候卒
傾座只奚官
魚腥嚴宵柝
拘攣異燕衎
歐刀安得借
借虎穴正漫漫
孤竹羞周粟
余懷胡不然
暫將吞炭恨
并作茹荼憐
一七分甌雪
三杯酌乳泉
終當從辟穀
豈羨赤松仙

被執歸故里

蘇卿仗漢節
十九歲華遷
管寧客遼東
亦閱十九年
還

朝千古事歸國一身全予獨生不辰家國兩荒烟飄零
近廿載仰止愧前賢豈意避秦人翻作楚囚憐蒙頭來
故里城郭尙依然彷彿丁令威魂歸華表巔有覲此面
目難爲父老言智者哀我辱愚者笑我頑或有賢達士
謂此勝錦旋人生七尺軀百歲寧復延所貴一寸丹可
與金石堅求仁而得仁抑又何怨焉

將入武陵二首

義幟縱橫二十年豈知閭位在于闕桐江空繫破光鈞
震澤難迴范蠡船生比鴻毛猶負國死留碧血欲支天

張蒼米集卷四

七十四明菴書
約園刊本

忠貞自是孤臣事敢望千秋青史傳

國亡家破欲何之西子湖頭有我師日月雙懸于氏墓
乾坤半壁岳家祠慙將赤手分三席敢爲丹心借一枝
他日素車東浙路怒濤豈必屬鴟夷

宿官亭

甲辰八月

漫道詩書債未償滿身枷鎖夢魂香可憐今夜官亭月
無數清光委路傍

放歌

時甲辰八月七日書於杭之獄壁

吁嗟乎滄海揚塵兮日月盲神州陸沈兮陵谷崩藐孤

軍之屹立兮呼癸呼庚予憫此子遺兮遂息機而寢兵
方壺圓嶠兮聊稅駕以埋名豈神龍魚服兮懼彼豫且之
晉予生則中華兮死則大明寸丹爲重兮七尺爲輕維
彼文山兮亦羈紲於燕京黃冠故鄉兮非予心之所欣
欲慷慨以自裁兮既束縛而嚴更學謝公以絕粒兮奈
羣詠之相并等鴻毛于一擲兮何難談笑而委形憶唐
臣之嚼齒兮視鼎鑊其猶冰念先人之淺土兮忠孝無
成翳嗣子於牢籠兮痛宗祀之云傾已矣乎荀瓊謝玉
亦有時而凋零予之浩氣兮化爲風靈余之精魂兮

張蒼水集

卷四

八四明叢書

約園刊本

化爲日星尙足留綱常於萬禩兮垂節義於千齡夫何
分孰爲國祚兮孰爲家聲歌以言志兮肯浮慕乎箕子
之貞若以擬夫正氣兮或無愧乎先生

憶西湖

夢裏相逢西子湖誰知夢醒卻模糊高墳武穆連忠肅
添得新墳一座無

牆角紅梅九月發花一朵偶成四絕時羈獄舍用

鹽字

秋嚴霜氣薄於鹽誰道官梅早放尖一點壽陽丹的笑

不須口額臥春檐

奇葩香韻自廉纖不壓冰霜瘦轉添只恐枝頭滋味貴
他年調得許多鹽

何用高吟昔昔鹽也應索笑到巡檐獨驚梅菊爭先吐
東閣東籬韻兩拈

寒枝堆盡水精鹽欲捲孤山雪一簾何事西風能點綴
先吹霞片到花尖

武林獄中作三首

壽鏞案高本作灑血
四首茲依墨蹟改正

灑血今何地紅殷啗漢冠雲臺圖畫杳雪窖夢魂寬豈

張蒼水集

卷四

九四男鼓書

一約園刊本

望黃羊乳無勞白鹿餐廣陵有絕操琴碎不堪彈

會聞古俠士相送白衣冠生死關原重興亡案肯寬空
思供橐儲誰識報壺餐羞殺無魚鉢從今莫浪彈

文山不柴市故里一黃冠此意誰非屈何人可自寬羽
微誰石飲舌在任刀餐今古綱常事因吾好細彈

又一首

壽鏞案墨蹟無末
一首今別錄之

乾坤竟如此刺眼盡猴冠射昴天方醉騎箕地較寬難
中慚館穀夢衰憶堂餐一笑甘兵解何曾有淚彈

甲辰九月感懷

在獄中作

口碑載道是還非誰識蹉跎心事違既熟熊蹯寧復待
縱生馬角竟安歸綸巾原當蘇卿節葛帔猶然晉代衣
得與墨哈相把臂九原應不恨知希
羈縻斗室尙何爲慷慨從容我亦疑豈是殷頑能革面
雖然漢阼肯低眉鞫鷹躑躅堪誰語鍛鳳躊躇只自知
莫道故人多玉碎蓋棺論定未嫌遲

棘林宛轉盡針氈便擬寒灰豈易然空有沈湘魂黯黯
幸無人洛影翩翩鸞刀欲下何須挽雁帛當前不用傳
惆悵寸陰真是歲小樓爭禁坐三年

張蒼水集

卷四

十四明葉書

約園刊本

一曲銅鞮自繞梁主賓相對不尋常莫言簫管空悲戀
豈信囹圄是福堂唱罷秦青誰避席悲深凝碧且停觴
請君休訝河清嘯司馬於今正斷腸

詩鑰案高本題坐字
同樂有感今依墨廣

絕命詩

我年適五九復逢九月七大厦已不支成仁萬事畢

屯懸罽猿啼有感

黃葉秋風落木繁雲峯日落憶寒山橫流絕渡憑班馬
壁削枯藤亂叫猿桂樹千秋懷故國銅駝臥處泣中原
繁江南望豈爲遠吾欲乘槎赴楚門

壽鏞於癸亥冬在杭垣得先生墨蹟題屯懸墨菴
唯有感詩一首以索價太昂未購因將原詩錄出
今編查舊鈔各本無
此詩爰附於采薇吟

附

詩餘 詩歸謹案謝山編先生集不別立詩餘
目以詩餘皆獄中作也今附采薇吟

柳梢青

張美翊曰墨蹟作調蝶戀花自
係冰棧誤記又云當作柳梢青

無數江山何人斷送雨暗烟蠻故國鶯花舊家燕子一
樣闌珊 此身原是天頑夢魂到處也閉關白髮鏡中

青萍匣裏和淚相看

壽鏞案墨蹟雨暗雲烟益依高
本雲烟改作烟蠻餘依墨蹟

長相思 中夜聞箏

炙鳳笙彈鶯箏弄入陽關第幾情銅壺滴漏明 一更

張蒼水集 卷四

十二西明院詩
約園刊本

更一星星都是商聲與羽聲離人不忍聽

前調

品瑤笙按銀箏換雨移宮無限情秋天不肯明 幾更
更幾星星半是商聲與徵聲羈人和夢聽

前調 秋

秋山青秋水明午夢驚秋醒未醒乾坤一草亭 故國

盟故國情夜闌斜月透疏櫺孤鴻三兩聲

滿江紅

示同難賓從羅子慕於武陵獄邸

瀟瑟風雲埋沒盡英雄本色最髮指醜酥羊酪故宮舊

闕青山未築祁連家滄海猶銜精衛石又誰知鐵馬也
郎當瑯弓折誰討賊顏卿檄誰抗虜蘇武節三台
墜紫九京藏碧燕語呢喃新舊雨雁聲嘹唳興亡月怕
他年西臺慟哭人淚成血

前調

步岳忠武王韻

屈指興亡恨南北皇圖銷歇更幾個孤忠大義冰清玉
烈趙信城邊羌笛雨李陵臺畔胡笳月慘模糊吹出玉
關情聲淒切漢苑露梁園雪雙龍游一鴻滅贖逋臣
怒擊唾壺皆缺豪氣欲吞白鳳髓高懷肯飲黃羊血試
排雲待把捧日心訴金闕

張蒼水集卷四

十二四明歲去

約園刊本

壽鏞謹案獄中諸作公之手稿爲多今均入采薇
吟以見公之志蓋采薇吟固公未竟之稿也

張蒼水集卷五

冰槎集

明鄭張煌言女著撰 同縣後學張壽鏞編次

冰槎集引

於戲此予槎上作也昔之乘槎者或爲客星而直犯牛
斗或入女宿而得支機故至今羨爲勝事予獨不然浮
踪浪跡當淒緩嚴霜不得已而棧託靈槎筆墨所及都
成冰聲則是槎也非貫月也亦非挂星也而茲集所存
又皆晚節所依于是以冰槎名嗟乎水澤腹堅矣天根
盡見矣乃從淩陰千丈間而欲論列古今辨正華夏不

張蒼水集 卷五

一四 明燬書

物園刊本

失君臣父子朋友之義不其難矣哉異日者東風解凍
尙有相見此槎中人而興歎者否歲在壬寅菊月朔張
煌言自識

壽鏞謹案海濱遺老高先生允權跋以奇零草乃
公所自定而採薇集乃釋兵後作公自註起甲辰
六月而七月被執矣獨未及冰槎集顧先生自作
引言既在壬寅菊月朔則凡以後之文皆非先生
作引言時所編之文也今通行各本類皆羸雜則
仍宜依據最初之本壽鏞得先生文集於其後人

張世倫者卽與奇零草同一筆墨錄副者也蓋亦
高本也今依之編年略參黃氏本卽章刻本始辛
卯終壬寅九月然仍非眞面目也得其似而已

祭海神文

禁林代藪

辛卯

予大明高皇帝之九世孫也自高皇帝驅逐胡元奠寧
方夏懷柔百神凡江河川瀆之神無不崇祀而神於水
中最尊且大春秋命所在有司致祭惟謹蓋三百年於
茲矣神豈忘之耶近者醜虜肆行憑踞都邑未知其曾
致祭如故與否若陳牲列俎而羅拜於下者皆髡髮左

張蒼本集

卷五

二

四明叢書

物圖刊本

衽之人知神之必憤然而起吐棄而不享予起義於浙
東與薪膽俱者七載而兩載泊於此風不揚波雨能潤
土珍錯品物畢出給鮮又知神之不忘明德予實受其
福也今義旅如林中原響應且當率文武將吏誓師揚
帆共圖大事潔誠備物致告行期啓行之後日月朗滌
星辰爛陳風雨靡薄水波不驚黃龍蜿蜒紫氣氤氳
楫協力左右同心功成事定崇封表靈是神且食我大
明之馨香於萬世也今日爲伊始哉其顯承之

復僞提督田雄僞鎮張杰僞道王爾祿書

辛卯

竊聞兩間自有正氣萬古自有綱常忠臣義士惟獨行
其是而已不孝一介書生遭逢國難初學季眞避世久
同去病忘家忠孝已難兩全華夷豈堪雜處區區此志
百折彌堅不過以恪守人倫卽是深明天道緬維執事
或爲本朝專閫或爲昭代巍科今雖逢場作戲而河山
之感諒彼此同之近窺象緯知胡運業窮於陽九必有
起而驅除者爲執事計拔趙幟立漢幟蔡人卽我人微
但大樹勳名不得專美於前而梁公夾日行當再見尙
有何嫌何疑而以不入耳之言來相告耶夫新莽篡位

河北羣盜皆以興復漢室爲名今日山中義師大率類
此故執事得以折柬招之不孝本來面目何如亦欲以
此術相籠絡誤矣昔王景畧告符堅曰江南正朔相仍
願勿以爲意是真識時之語泗水之役堅不能從而果
敗秦亦隨之以亡是可爲明鑒今日之域中存亡正未
可必抑未聞秦未始亡楚未始存之說乎況水陸自有
長技戰守早有定謀縱執事以全力舉勝敗亦未可知
也總之大明無不中興之理非晉元宋高可比我輩相
晤正自有期不孝未便以文文山自況執事正不必以

留夢炎輩自居耳

祭建國公鄭羽長文

丁酉

於乎我兄飛熊上將汗馬元公樓船海外鉦鼓江中屏
藩帝室帶礪侯封會逢喪亂益慙庸謀雲猛雨擊水
搏風西江射虎南服從龍登壇受鉞錫鬯銘鐘豈繫心
膺允矣股肱浙事旣壞閩疆旋覆再展霓旌重扶日轂
不惜破家以襄監國九伯咸征六師是督功在衣冠威
行牙纛僞吏角崩名酋面縛底績扶桑揚聲貴竹爰拜
泥金遂膺璜玉憶昔在翁同盟聯翩珠盤玉敦實惟九

張蒼水集

卷五

四十四明故書

約園刊本

賢定西昆黍肅虜姻聯安福差長相國比肩中丞司禮
雁行周旋媿余下乘亦競先鞭或沒王事或終天年惟
兄與余靈光歸然兄旣解兵余尙誓旅渺渺參辰盈盈
帶水千里片鴻經年尺鯉北顧旌旗南詢杖履奏凱相
期加餐足喜懸擬壯猷東山復起夫何訃聞遽騎箕尾
感切同仇痛深後死嗚呼哀哉山陽哀逝士衡辨亡交
此百憂云胡弗傷兄所未瞑野馬黃羊余所爲慟封豕
天狼庶憑靈爽默贊一匡些詞不文聊以騰腸驚江滾
滾鷺島蒼蒼忠精義烈山高水長

賀延平工啟

戊戌

伏以秉鉞仗旌蒼姬崇呂周之典分茅錫土皇唐重郭
李之勳况績茂中興則禮優同姓當茲王封之盛啟允
爲仕籍之感懽恭惟殿下三台捧日一柱擎天運掌上
之奇謀星飛電繞倡寶中之大義海沸山奔係屬籍而
衍天潢不數李勣之在唐婁敬之在漢收版圖而還帝
室何殊岐陽之征北黔寧之征南比者北極遠念舊勳
東藩新膺殊禮金符銀冊等遵公侯旅矢彤弓寄專征
伐在耿弇略定北道不過典畀屏藩即竇融保據西州
未聞榮超蒲穀是惟樹不世之勳猷所以受非常之名
位際斯盛事洵足誇揚某一介書生十年義旅會稽甲
盾已愧種蠡之徒栖江左衣冠每託桓庾之後乘敢言
助籌帷幄寶望受蔭幘幘伏願威揚四裔烈炳千秋賜
履增璜遠表東海之碣建邦啟宇先消南國之氛庶幾
挽日月以重明而某亦得依風雲而益顯矣

海師恢復鎮江一路檄

代延平王 己亥

昔五胡亂華僅一再傳而滅今東虜應讖適二八秋之
期誠哉天道好還况也人心思漢慨自李賊猖叛祚京

陸沈建酋本我屬夷屢生反側爲乘多難竊據中原衣冠變爲犬羊江山淪於戎狄凡有血氣未有不拊心切齒於奴酋者也本藩奉天倡義罰罪弔民卧薪嘗膽法古用兵生聚教訓已踰十年正朔雖仍僅存一綫茲者親統大師首取金陵出生民於水火復漢官之威儀爾僞誓文武將吏皆係大明赤子誰非中國紳衿時窮勢屈委質虜廷祭其本懷寧無隱忍天經地義華夷之辨甚明木本水源忠孝之良自在至如遼人受我明三百年之豢養遭逆虜三十載之摧殘祖父旣罹其駢戮母

妻盡被其宣淫爾二三孤兒尙爲旗下之奴百千弱女竟作胡中之嬖報仇雪恥豈待異時歸正反邪端在今日則張良報韓先揮博浪之椎朱序歸晉遂成淮淝之捷誠先機革面或臨敵改圖以全省全部來歸者不惜分茅裂土以一鎮一邑來歸者定與度地紀勳或率兵而至則論其多寡而計功掄升或潔身而來則就其職掌而量才超擢若蒙古女真人等世受國家撫賞之恩原非一類共在天地覆載之內亦有同仇無懷一心視之一體不特休屠歸漢名高日磬且如回紇扶唐烈光

葉護矣本藩仁義素著賞罰久明先機者有不次之賞
後至者有不測之誅一身禍福介在毫芒千古勳名爭
之頃刻師不再舉時不再來布告遐邇咸使聞知敬哉
特諭永曆十三年七月二十日給

復偽總督郎廷佐書

三亥

某復書於遼陽世胄郎使君執事前夫揣摩利鈍指畫
興衰庸夫聽之或爲色變而忠貞之士則不然其所持
者天經地義其所圖者國恨家仇其所期待者豪傑事
功聖賢學問故每瓊雲自甘膽薪彌勵而卒以成功者

張蒼水集 卷五

七十四 兩 讀書

約園刊本

古今以來何可勝數如僕者將畧原非所長祇以讀書
知大義痛忿胡氛左袒一呼甲盾山立區區此志以濟
則賴君之靈不濟則全臣之節故爾憑陵風濤之中縱
橫鋒鏑之下迄今踰一紀矣同仇漸廣晚節彌堅練兵
海宇正爲乘時今何時乎兩粵天聲三楚露布以及八
閩軍書何啻雷霆飛翰而清人則島夷外侮西虜內侵
左支右吾將見其立消滅也僕方當起而匡扶帝室克
復神州此正忠臣義士得志之秋也卽不然謝良平竹
帛抗黃綺衣冠亦之死靡他豈復煩詞曲說足以動其

志哉乃執事儼然以書通是以僕亦庸庸者流可以利
鈍與衰動者虎俵戒途雁奴視夜旣受其役竟忘其哀
在執事固無足怪而僕聞之幾且衝冠矣夫執事固我
朝勲舊之裔而遼左死事之孤也念祖宗之恩澤宜何
如悲傷思父母之深仇宜何如報雪稍轉一關不失爲
中興人物顧以陵律自居華夷莫辨竊爲執事不取也
且卽來書恩仇之說言之自遼事起而征調日繁催誅
益急以故潰卒散而爲盜賊窮民亦聚而弄干戈是釀
成寇禍者清人也乃乘京華失守屬國興師誠能擊舊
物而還之天朝則是吐蕃回紇不足專美於前柰何拒
虎進狼旣收漁人之利於河北長蛇封豕復肆蠶蠶之
毒於江南則果恩乎果仇乎執事亦可憬然自悟矣以
來函溫潤詠執事非憤憤者比遂附數行以復若斯使
焚書適足以見不廣僕亦不爲也

山頭董築海塘碑記

庚子

台之緱城枕山負海其東鄙卽尾閭也有鄉名長亭吞
吐潮汐居民日與魚鼈爲鄰而地脈湧出資附一沙與
龍山相峙對地號山頭實沮如場也後以馮袁諸姓來

卜築於此爲澮以濬山泉爲塘以捍海潮而其族始盛其俗樹藝之外皆魚鹽爲業久之亦遂殷阜當我國家盛時海波不揚邑多賢長吏濱海九封又鮮戎馬驛騷故上農亦以力田舉科蠶戶亦各以網罟益牢著姓氏且家禮樂而戶詩書或冠進賢或補博士弟子員蓋彬彬乎盛哉但邑介山海間山阻山則多饒恆苦曠田阻海則多鹽恆苦潮於是鄉之人聚族而謀伐木畚土隆其隄復其障微但滄海變而爲桑田卽瀉涵胥化而爲膏腴矣迨國變頻仍介易我冠裳十餘年來義旌

張蒼水集 卷五

九四明叢書 續圖刊本

徧海外戎服繁興海濱遺黎朝秦暮楚供億竭於兩國民力用是益殫而保據茲邑者文則猴冠武則虎翼民尙室家不保遑問封洫哉由是沈潦內潰洪濤外嚙向之膏腴者仍歸瀉涵桑田亦幾變爲滄海矣余自乙酉倡義飄泊海曲有年近復鞠旅於緱城外島聞之悵然曰國事固滄桑矣而民事寧可緩乎且山頭地勢污下洪濤噴薄無論阡陌巨浸卽廬舍亦蕩濼波濤中倘不急爲修繕民其不爲魚乎乃出金五十爲倡鳩工經始而義士馮某等爲之醵金錢聚土木以虔其事大抵富

者輸財貧者輸力靡不奔走恐後因就其故址增以新
防凡埤者崇之圯者累之闕者修之薄者豐之自冬徂
春蓋三閱月而工始告竣猶慮人情之易媮也申約以
今時捐財之多寡爲他日授田之廣狹亦可謂計及久
遠者矣義士馮某等以功由余始思勒諸石且徵文於
余余曰天下事變孰有甚於滄桑者乎今乾坤陸沈余
旣不能塵滄海而挽皇輿而獨能使一方之桑田不波
乎況爾之自今得以踐土食毛者皆父老子弟力耳余
何知遂銓次願末以應其求若夫董其役者則有參軍

張聲木集

卷五

十四期叢書

約園刊本

某執金吾某例得並書

徐允嚴詩集序

庚子

自戰國封君以盛賓客高名譽相誇尚而從衡之士莫
不奔走侯門取一時富貴然具間亦有奇策祕計爲諸
公子排難解紛是足稱矣漢晉以來公卿俱得辟除僚
屬幕府弘開名流之飄纓曳裾者亦復不乏一代人才
往往由之而出迨至宋室則不復有參軍記室之制矣
而文丞相開府南劍乃廣羅英俊置之幕中及潤江從
亡尚有杜架開周旋患難間至於國亡身殞而王炎午

謝卓羽之徒或操文以祭或登臺而哭斯以見文山之
知人能得士矣夫士之窮達亦何常之有幸則短絀長
裾傲睨王侯如侯屬魯仲連之流是已次之鷓書走檄
如陳琳阮瑀袁宏之流是已不幸而生逢離亂燈燼靡
駢因人成事而山河破碎蹉跎隨之如杜濬鄒鳳其人
豈不大可慨也哉我明選舉旣行薦辟遂廢一命必由
銓衡三事莫敢幕置士之磊磊落落者不得志而遨游
公卿間僅堪婉於西園之賓而不敢躋於東閣之吏亦
功令然也然三百年來卒未聞有揖客而能急國仇振
物恥者邇者蠻夷猾夏六飛越在天末牙門鈴閣始多
曳裾彈鋏之十餘謬膺節鉞思士如渴賓從亦不乏人
惟徐子允巖相從最久余高其節猶侯生魯仲連先生
不欲煩以吏事而徐子故曾請纓挂組居然道臣也已
亥秋從余入江余下名城數十徐子多所贊襄迄延平
王兵衄於金陵城下余提孤軍走英霍山徐子擔簦躡
屨倉皇山澤中幾欲與余共嘗秦軍格鬪以死回視杜
架閣輩古今若出一轍而重趼不前余遂勸其祝髮伏
匿山中土人疑爲亡將多金榜掠備至較杜架閣之身

冒白刃其相去幾何既而我師竟潰余以間道還海上
徐子復間關來歸出其新製皆酸楚不可讀是爲幸乎
爲不幸乎夫以徐子之才豈不能草露布如袁宏作燕
歌如琳瑯輩而孤吟以當慟哭且將與田橫賓客爲伍
彼所爲奇計祕策足以排難解紛者安在豈所從非其
人耶抑時爲之耶余自愧不逮文山遠甚倘河清難俟
則徐子雖不得爲鄒杜諸人吾知其必爲王謝兩賢矣
因書而授之以冠其詩

上監國魯王啟

庚子

張孝集

卷五

十四財藏書

約圖刊本

右臣某啟竊臣萬里孤踪一軍特立睽違潛邸屢易星
霜雖傾日有心而瞻雲無路又恐旁疑他始未敢輕達
封章已亥夏於東甌晤錦衣指揮陳貴曾附疏轉達豈
意陳貴隨踪北上後因南師挫衄流落江上聞今已往
山東矣若臣自入長江先驅直奪鎮江磯口卽復孤提
本轄船兵深入上游傳檄而下徽寧池太四郡和州無
爲二州及招降溧水溧陽高淳建平廬江巢縣舒城含
山諸邑通計得江南北府州縣三十餘城遂駐劄蕪湖
且撫且恢水陸兵至萬餘豈意延平藩師潰於金陵倉

并南遣臣之孤軍竟陷重地虜酋百計阻截歸路貽書
招誘臣遂焚舟登陸入英霍山寨以圖震蕩中原提三
千餘眾轉戰千里相持二十七日屢有斬獲楚豫之間
蠢蠢欲動終以勢孤援絕士卒疲勞而敗臣單騎突陣
遁伏山谷中由間道徒步二千餘里賴義士扶衛始得
生還海上皆賴主上福蔭也然志猶未已力圖收燼以
冀桑榆之效幸而散亡漸集正在整裝俟時而勦奈囊
空釜罄力不如心茲精延平藩同仇誼篤分地給兵或
可厲秣俟時而動耳其如虜警頻仍窺伺日迫倘浙海
上候睿安臣曷勝悚惶瞻依之至

與僞鎮張維善書

庚子

竊慕英名也久矣南北相隔未遑識荆使人夙夜依依
昔年使者至舟山備道足下忠義即欲奉迎復以喬遷

致失良會至今悵快不佞聞之智者識興亡于未形仁
者懷君親于既往勇者決去就于先機若世俗之常見
以虜今有全盛之勢必能圖磐石于永久然不知內實
虛弱發墟施令全無開國規模貫滿賤漢吏雜官貪兵
疲糧乏民困財空人心莫不思亂豈久安長治之徵哉
英雄之士明華夷之辨莫不以被髮爲辱雪恥爲懷所
恨力不從心是以待時而動惟海上羣雄聲大義于天
下十有七載矣去歲長江之役僥得復失皆因人事不
齊豈曰天意有待如今者胡阿達里從浙而出不知費

幾許民膏傷幾許民命兵未一舉而名酋番部病疫過
半遂不及接戰而遁此足見天意之亡胡矣達素自閩
而出不知費幾許民膏傷幾許民命矢纔發而水陸三
路同時覆沒胡甲滿酋虜所恃爲衝鋒陷陣者爲我殲
滅殆盡此又足見人事之亡胡矣況虜捨鞍馬而仗舟
楫與我爭勝于風濤間何不量之甚耶如足下忠謀義
概誠識時俊傑不於此時改圖更何待耶且虜貪暴無
常有賄者超遷有功者罷黜近復重文輕武掣肘倍常
足下當世賢豪豈能俯首聽命受文墨吏之侮弄哉若

馬李高三公舍逆取順聲名赫赫膾炙人口但李高二
公直至兵臨城下然後來歸方之馬公以無事之秋奮
然反正不無軒輊故物望因之亦有重輕若足下原爲
國家宿將更當先著祖鞭且明春大軍必至鐵騎金戈
如雲而下黃龍青雀蓋地而來以此攻摧何所不克正
可共建奇功首膺茅土此足下之素志亦不佞所翹望
者也古人有言當斷不斷反受其亂今足下反正之形
未著謠傳已喧于遠近而嵩門失事鎮防寧能免咎第
恐虜中疑忌橫生典守見責寸符片檄便足以解兵柄

而從吏議雖欲飛騰不可復得矣如吳淞馬維善殷鑒
不遠不佞竊爲足下惜之亦爲足下危之大丈夫見機
貴于明決既有良謀義無反顧倘不以鄙言爲棄幸密
遣信使確定師期如欲據台以取寧則不佞當統水師
入定關相應如欲據台以取溫則不佞當檄陳阮二鎮
進黃巖相應倘以浙東四戰之地易取而難守不若會
師海道共圖金陵亦祈明示或從陸地而發則拱迎于
桃渚或從水道而行卽遣舟海門以候敬佈腹心惟祈
台照不宣

羅子木詩集序 辛丑

曩歲義師北指瀨水羅生謁余於江上年雖少指棟山川形勢甚悉余業以清河客擬之然竟引去曰親在身未敢許人也余遂亦揚帆西上收復姑熟宛陵聞羅生已應延平王招從其叔父將軍往徇吳會而延平師潰踉蹌挂帆又聞羅生涕泣遮說不克留於是奉其父隨大軍道江浮於海夫海固今日忠義淵藪也中多古嶠逋臣處士率抗節其間而越嶠與閩嶠蜿蜒錯落相距數千里雲岫微茫風潮噴薄鰲柱之離奇巒樓之變怪

張蒼水集 卷五

十六 四明華書
約園代本

眞足洞心駭目羅生將縱覽焉因奉其父而南未幾羅生愀然有所思恍然若有所失則又奉其父而北舟次閩之三山猝與虜遇羅生促其舟人鏖戰思以死衛乃父格鬪踰時矢集鎧如蝟墜水得生而乃父竟被執以去羅生流離滄溟宛轉島嶼間欲出奇計以救父卒不得乃父生死音耗然後稅駕於余行營焉悲涼酸楚至於嘔血故其所爲詩篇清峭蒼寒一如夜猿秋鶴可聞而不可聽斯足悲矣余聞之瀨水實伍子胥投金處也方子胥躬丁家禍違命而奔鬚髮爲白彼非不知父死

之當殉也而懼夫父仇之不得復瀕死者屢矣賴蘆中
丈人瀨上女子危其身以相援僅得達吳市然終不
免吹篳乞食而後乃稍稍見用也始能入郢以報家仇
及橋李之役師敗君亡又能相其嗣君入越以報國仇
此其人爲何如者哉今羅生所遭國難家難兼之矣是
誠不共戴天之仇也而困頓顛隤亦無以異乎蘆中人
豈天將老其才以報復君父之深仇耶抑生不逢辰坎
壘終身移其孝以成忠耶固不可與清河客同年而語
矣然則羅生始以親在未敢以身許人而終不免以身
許者許國也以身許國而因不能全其親究之親不獲
全而身將焉許是誠古今之所深悲也欲知羅生盡讀
羅生之詩

上延平王書

辛丑

竊謂舉大事者先在人和立大業者尤在地利故晉武
以獨斷而平吳苻堅又以獨斷而敗於晉尉陀以僻處
而據粵劉禪又以僻處而亡於魏則人和地利審之不
可不精也卽如殿下東寧之役豈誠謂外島可以創業
開基不過欲安插文武將吏家室使無內顧憂庶得專

意征勦但曰古才聞以輜重眷屬置之外夷而後經營
中原者所以識者危之或者謂女真亦起於沙漠我何
不可起於島嶼不知虜原生長窮荒入我中國如適樂
郊悅以犯難人忘其死若以中國師徒委之波濤浩渺
之中抑之風土狃獠之地真乃入於幽谷其間感離恨
別思歸苦窮種種情懷皆足以墮士氣而頓軍威況欲
其用命於矢石改業於耰鋤胡可得也故當興師之始
兵情將意先多疑畏茲歷暑徂寒彈丸之地攻鬪未下
是無他人和乖而地利失宜也語云與眾同欲者罔不

與與眾異欲者罔不敗誠哉是言也今順首短折胡雖
繼立所云主少國疑者此其時矣滿黨分權離畔疊告
所云將驕兵懦者又其時矣且災異非常征科繁急所
云人怨天怒者又其時矣兼之虜勢已居強弩之末畏
海如虎不得已而遷徙沿海爲堅壁清野之計致萬姓
棄田園焚廬舍宵啼露處蠢蠢思動望我師何異飢渴
我若稍爲激發此並起亡秦之候也惜乎殿下東征各
汛守兵力綿難恃然且東避西移不從僞令則民情亦
大可見矣殿下誠能因將士之思歸乘士民之思亂迴

旗北指百萬雄師可得百十名城可收矣又何必與紅
夷較雖難於海外哉況大明之倚重於殿下畜以殿下
之能雪恥復仇也區區臺灣何與於赤縣神州而暴師
半載使壯士塗肝腦於火輪宿將碎肢體於沙磧生旣
非智死亦非忠亦大可惜矣矧普天之下止思明州一
塊乾淨土四海所屬望萬代所瞻仰者何啻桐江一絲
繫漢九鼎故虜之虎視匪朝伊夕而今守禦單弱兼聞
紅夷構虜乞師萬一乘虛窺伺勝負未可知也夫思明
者根柢也臺灣者枝葉也無思明是無根柢矣能有枝

葉乎此時進退失據噬臍何及古人云寧進一寸死毋
退一尺生使殿下奄有臺灣亦不免爲退步執若早返
思明別圖所以進步哉昔年長江之役雖敗猶榮已足
流芳百世若捲土重來豈直汾陽臨淮不足專美卽錢
鏐竇融亦不足竝駕矣倘尋徐福之行踪思盧敖之故
跡縱偷安一時必貽譏千古卽觀史載陳宜中張世傑
兩人喪貶可爲明鑑九仞一簣殿下寧不自愛乎夫虬
髯一劇祇是傳奇濫說豈有扶餘足王乎若箕子之君
朝鮮又非可語於今日也某倡義破家以來恨才力謏

薄不能滅虜恢明所仗殿下發憤爲雄俾日月幽而復
明山河毀而復完某得全髮歸里於願足矣乃殿下挾
有爲之資值可爲之勢而所爲若此則某將何所依倚
故不敢緘口結舌坐觀勝敗然詞多激切冒觸威嚴固
知忌謹罪實難追願殿下俯垂鑒察有利於國雖死亦
無所恨謹啟

上行在陳南北機宜疏

辛丑

奏爲胡運已終王師宜奮謹陳南北機宜伏望刻期親
征以伸國威以鼓士氣事竊臣本書生遭逢多難自經

張蒼集

卷五

十四朝叢書

一約園刊本

倡義十有六年雖稜山橫海備嘗艱苦而恢興未奏但
覺有罪之當誅實無功之足錄蒙主上綸綍頻頒節鉞
謬寄臣感極生慚憤極思奮故於己亥五月追隨延平
王臣成功直擣長江仰仗威靈瓜鎮克捷臣分道疾趨
孤軍深入半月之內遂蕩定徽寧池太四郡兼下和陽
漸收廬鳳屬邑竊謂迎鑾有期奠鼎匪遠不意延平王
金陵挫衄倉猝班師臣之孤軍竟陷重地臣念上游父
老夾道遮留奮不顧身沈舟破釜與虜轉戰兩旬終以
援絕勢孤遂至潰敗臣突圍間行始得完節而返復蒙

主上遣監臣劉之清齋到嵩敕一道時臣方收燼于浙而使臣又停棹于閩未獲具疏陳謝至今悚仄嗣聞虜氛流突行京不審六飛今駐何地但稽之天意參以民心漢阬當興勢過時可順酋天折孤雛蒙位足知中興有象臣日夕圖維自恨力綿不能長驅迅掃幸而舊部盡歸新軍漸集山東河南以及兩淮三吳義勇無不遠通期約摩厲以需在延平王亦更加選練謀定而戰則桑榆之收當亦未晚第兵有犄角則敵勢始分使敵若潰癰則兵威始振況數年之間遠邇聽聞久不知天南

張蒼水集

卷五

一十四明張蒼水
約國明本

確信恐報韓之念倏衰思漢之情旋冷則事機得失關係非輕伏乞主上親統六師出臨滇蜀仍敕諸王公分道大舉先遣信使星馳宣諭直省俾天下曉然知報仇雪恥之義將見忠臣義士必且雲合景從矣臣雖駑鈍亦當枕戈以待捲甲而趨斷不敢逡巡卻顧以負國恩茲以職方郎中臣吳鉏不憚萬里間關願得陞陳恢復大計特具疏附奏曷勝翹企感泣

祭定西侯張侯服文

辛丑

於乎我兄墓草已宿矣墓木已拱矣回念乙未之冬棄

捐資客距今僅七載耳其間廢興存亡之感月異而歲不同如我兄既歸三尺土而尙不能保百年墳致有發冢開棺之變余聞之痛何可言哉幸我師入定毀逆民之廬屠逆民之族英魂其亦可稍慰獨余以飄零患難之身入閩入吳浮江浮海數年間屢蹶屢奮徒深挂劍之懷每沮豕雞之願空山寂寥知兄當慨然而悲矣茲憑仗靈爽駐師林門苦以軍滯未遑瞻掃高坐特備椒漿遣員代侑於乎翁洲孤島今存荒壤丁鶴歸來徒有華表耳能不痛哉

答曹雲霖監軍書

壬寅

張蒼水集卷五

三

四明叢書
續圖刊本

徐兄來接有手教想徐兄掛帆時敝差官尙未到臺城故社翁不審北方消息耳然敝差官去後浙事又一變及徐兄至弟已移師寄寓沙關矣種種虜情已具在前日報文內不必更贅獨是偽令遷徙沿海居民百萬生靈盡入湯火中洶洶思動惜無一勁旅爲之號召以致顛連莫告我輩坐視其荼毒而不能救真愧殺也弟栖遲沙關幾三月矣金盡粟空誰能爲景升仲謀者只得仍圖北返兩番鼓棹又以石尤留滯今春風至矣快計

回浙亦旦晚間事弟非不知兵力單極況二阮一陳俱
徘徊閩境則弟聲勢更孤然弟之區區以爲寧進寸毋
退尺寧玉碎毋瓦全其素志然也但不知果能自存否
近有小詠云虬髯空擬浮家去雁足虛傳屬國還又云
平原一旅真孤掌可有天戈靈武間感慨係之矣弟中
夜自念一片孤忠是天地間一男子而時勢交迫終不
克一息言伸肩夫亦命也已竊意延平王爲千古第一
流人欲爲千古第一等事又何忍使同仇陷危而不策
應耶閩海遷徙十已八九將來南北魚雁必愈闕疏握
手之期杳未可料幸社翁努力努力倘張生以鬪死
或饑餓而死社翁能不一爲表揚否耶徐兄迴會弟於
阮塗勿克稍爲分潤何梁伯鸞偏遇范萊蕪了一笑

曹雪霖詩集序

壬寅

甚矣哉懽愉之詞難工而愁苦之音易好也。盛詩言志
懽愉則其情散越散越則思致不能深入愁苦則其情
沈著沈著則舒贖發聲動與大會故曰詩以窮而益工
夫亦其境然也余自丙戌夏浮海抵昌國未幾曹子雲
霖從雲間來葛衣芒屨不問而知其爲晉處士宋逋臣

也蓋雲霖先從本徹荆先生倡義來海上荆先生死於
兵雲霖遂還吳及由吳復入越黃侯虎瘡以國士遇之
遂盡護諸軍爾時張侯侯服與黃侯同據守昌國余亦
奉命持節護張侯軍與雲霖旌旄相項背然未深知雲
霖也顧余性劇鈍於軍中一切不問而雲霖籌兵策餉
無寧晷間嘗進三御覽召事職始還坐是竟未暇索雲
霖所爲詩歌而讀之計雲霖軍需勞午當未遑制作卽
有所作亦不過如建安從軍諸什雖懽愉未必工也戊
子之秋余入山蹊踪跡與雲霖稍疏踰年黃侯以部曲

張葦來集

卷五

三四四明叢書

約略本

生亂齋志僊死余在山中間之驚惋累月雲霖此時將
爲臧洪乎抑爲豫讓乎潛鱗戢羽幸舟逢鄂君而寶車
同廣柳遵海而南偶陷虜穴至幽囚憂思萬死而得一
生其愁苦可知矣歲在壬辰余避地鷺左雲霖儼然在
焉歎然道故余時變變棘人耳故不輕有贈答而雲霖
囊中草多感時歎逝亦不肯輕以示人工不工余何由
知之迄癸巳春余附樓船北歸雲霖留閩踪跡又相遠
旣而聞其自閩次楚圖入覲行在道梗不得前復自吳
至閩風塵蕭瑟孤身愁苦雲霖固備嘗之矣適昌國再

陷余舟過三山復與雲霖相勞苦而張侯墓草已宿矣
雲霖與余論國事之廢興悲人風之存沒感動心脾稍
稍出舊什新篇相示余既歎其工而未始不哀其節苦
而神悲也年來雲霖膺帝眷秩中丞或佐雄師入江或
從名藩汎海山河之感切中湖海之勝娛外累牘連篇
無非騷雅余方聚旅北道與雲霖踪跡離合恆相半雲
霖每以新製見寄輒作十日喜復作十日愁是何其思
深入其情沈著也工固至此哉觀止矣然後知愁苦之
音果勝於懽愉之詞也茲雲霖將削稿以付劄牘氏貽
書問序於余余謂余非知詩者卽雲霖亦寧待以詩傳
惟是雲霖之境遇余與雲霖之交游不可不借詩以序
次其大概耳若夫太白之詩而仙少陵之詩而聖以及
沈宋沈鬱王孟悲涼擬之雲霖或同或異則余同年徐
閣公必有定論矣

祭山神文 壬寅

竊聞盛德在御而四靈可畜至誠所格則百獸皆馴余
自倡義以來思挈山河而還帝室搦日月而返重明神
之聽之亦既有年迨從閩嶠回師駐節茲土神所憑依

將往是矣乃疇昔之夜忽有猛獸傷我畜牧是胡爲乎
來哉昔者空山寂寥猙獰之輩張牙舞爪得借此爲遁
逃藪余今芟舍於此計當滅跡潛踪矣而猶然不戢是
亡等也聞毛蟲之長制命山靈神職在彈壓而使若輩
暮夜縱橫將典守之謂何或以余老在島上未及薦馨
聊遣山君以倣置祀則神亦饗養者流又何正直之足
云夫五岳視三公等而下之封內名山各有分限余奉
天子之命開府東南論階辨秩山神應受節制用是遣
官傳飭神其速顯威靈非我族類創造之境外或其惡
貫滿盈不妨自斃山中倘挾彼負隅之技仍肆伏莽之
奸余當燹其林掃其穴惡獸斯盡神亦震驚令在必行
神其毋忽

奇零草序

壬寅五月

余自舞象輒好爲詩歌先大夫慮廢經史每以爲戒遂
輟筆不談然猶時時竊爲之及登第後與四方賢豪交
益廣往來贈答歲久成篋會國難頻仍余倡大義於江
東敍甲敵于凡從前雕蟲之技散亡畧盡矣于是出籌
軍旅入典制誥尙得於餘閒吟詠性情及胡馬渡江而

長篇短什與疏草代言一切皆付之兵燹中是誠筆墨
之不幸也余於丙戌始浮海經今十有七年矣其間憂
國思家悲窮憫亂無時無事不足以響動心脾或提槩
北伐慷慨長歌或避虜南征寂寥低唱卽當風雨飄搖
波濤震盪愈能令孤臣戀主游子懷親豈曰亡國之音
庶幾哀世之意乃丁亥春舟覆於江而丙戌所作亡矣
戊子秋移節於山而丁亥所作亡矣庚寅夏率旅復入
于海而戊子己丑所作又亡矣然殘編斷簡什存三四
迨辛卯昌國陷而笥中草竟靡有孑遺何筆墨不幸一

張蒼水集

卷五

二十七 四明叢書

約園刊本

至于此哉嗣是綴輯新舊篇章稍稍成帙丙申昌國再
陷而亡什之三戊戌又覆舟于羊山而亡什之七己亥
長江之役同仇兵燹余以間行得歸凡留供覆瓿者盡
同石頭書郵始知文字亦有陽九之厄也年來歎天步
之未夷慮河清之難俟思借聲詩以代年譜遂索友朋
所錄寶從所鈔次第之而余性頗強記又憶其可憶者
載諸楮端共得若干首不過如全鼎一鬚耳獨從前樂
府歌行不可復攷故所訂幾若廣陵散嗟乎國破家亡
余謬膺節鉞旣不能討賊復仇豈欲以有韻之詞求知

于後世哉但少陵當天寶之亂流離蜀道不廢風騷後
世至名爲詩史陶靖節躬丁晉亂解組歸來著書必題
義熙宋室旣亡鄭所南尚以鐵匣投史督井中至三百
年而後出夫亦其志可哀其精誠可念也已然則何以
名奇零草是帙零落凋亡已非全豹譬猶兵家握奇之
餘亦云余行間之作也永曆十六年歲在壬寅端陽後
五日張煌言自識

祭四叔父文 壬寅

於乎叔父其死獄中矣其得疾而隕耶抑感憤引決耶

張蒼水集 卷五

三式 四明叢書
約園刊本

姪自丁國難倡義辭家迄今十有七載吾父見背路隔
華夷奔喪無所至今抱恨終天嗣是門衰祚薄猶幸叔
父支持歲時伏臘祖宗血食不絕如綫今則已矣春仲
姪提師北還始知叔父於正月下澣被虜拘執業赴省
獄矣姪聞之痛心疾首計叔父篤老南冠泥首形影龍
鍾其能久乎未幾而訃果聞矣吾弟昌言以虜網四張
幸而得脫潛鱗戢羽將母蘆中旣不敢橐籥相救亦不
敢含斂躬親故叔父易簀之期竟不可聞而訃音亦得
之友朋之書及六月三日弟來始知叔父以四月十三

日捐館方敢爲位而哭叔父年已垂老因姪抗節遂以
疾死是叔父因姪而亡姪寧不痛心乎古來教子弟者
動以忠義爲訓豈意忠義可爲而不可爲耶自古何代
無廢興其間必有忠臣義士仗節抗旌思扶王室因以
傾家者往往有之若尊行受禍亦不少概見今逆虜棄
天經黷人倫穢連波累致叔父畢命團扉姪獨何人寧
不肝腸寸裂耶姪自倡義以來屢蹶屢奮幾於嚼雪吞
氈卧薪嘗膽虜招之不應購之不克始逮及妻孥故新
婦與祺兒錮獄已經十載姪義不返顧自分爲劉琨爲

卞壺矣何其復貽禍叔父耶前此叔父之得免者虜視
姪無甚輕重也及己亥姪入長江連下名城數十虜遂
畏姪恨姪且忌姪而誅求不遺餘力卽吾姊與姊丈暨
二三故交亦在不免而況叔父耶於乎痛哉叔父雁行
有四吾父居長止生姪一人二叔父早亡無嗣三叔父
以壽終生從兄弟三人長嘉言次昌言又次德音叔父
無所出昌言遂爲承祧然初無家人產今叔父已逝姪
與嘉言俱在軍次歸里無期季弟德音尙穉弱恐不任
箕裘則高曾之不祀忽諸是姪未能報國先已亡家矣

於乎痛哉近者聞其主蒙塵而姪且重遘家難天道其
果有知耶其果無知耶豈春秋大義徒虛語耶姪不能
爲復楚申胥必須爲奔鬲臣靡矣但旣無秦庭可哭又
鮮有鬲可奔恐終當爲伏柱豫生耳於乎歸櫬何時拊
棺莫望徒有泣血而已於乎痛哉

上監國魯王啟

壬寅七月

右臣某啟爲國難已極天命宜還伏乞早定大計以存
正統以圖中興事眷末閱虜邸鈔知去年十一月緬夷
內變道虜入緬致我永曆皇帝蒙塵一時扈從宗室官

張蒼水集卷五

三四明葉書

約圖刊本

員無一得免惟吉王自縊以殉而晉藩李定國入海羣
昌王白文選亦遁深山臣聞變之日肝腸寸裂猶謂狡
虜詐傳疑信參半及四月中旬聞宮眷竟從鎮江北轅
矣思惟我太祖高皇帝聖德神功豈意後王禍等微欽
辱同懷愍或者剝極而復天意有歸故虜亦厚其毒而
速之亡也但中華正統豈可久虛只今虜亦以諸夏無
君徧張僞檄熒惑視聽四顧敷天止海上尙留左袒臣
以爲延平藩必當速定大計以伸大義亟誓大師以報
大仇而至今寂寂道路謠傳又有子弄父兵難信之事

臣中夜徬徨竊恐孤島孤軍難以持久況復加以他故
辟羸尪之夫胸胃轉增雜疾其能久乎只今虜遣僞招
撫於浙閩廣每省二人以解散海上若不及早經營則
報韓之士氣漸衰思漢之人情將輟臣惟有致命遂志
以了生平獨所惓惓者主上羈旅島嶼不獨與閩人休
戚相關亦且與閩海存亡相倚萬一變生肘腋進無所
依退無所往有不忍言者矣既恨臣力太綿不敢輕爲
迎駕復顧臣心獨苦又不敢輒行趨扈計惟在閩勦鎮
正在危疑之際不若急用收羅之術以爲擁衛之資然
後速正大號俾天下曉然知本朝尙有眞主中國自有
正統在屯之稱建侯在渙之言享帝正此義也於是傳
檄省直刻期出師雖強弱懸殊利鈍莫必而聲靈宣布
響應可期倘皇天未忘明德則興滅繼絕端在主上此
非欲邀福也免禍亦宜然卽未暇雪恥也圖存亦宜然
臣今擬上詔書一道伏乞主上密與寧靖王及諸搢紳
謀之發憤爲雄以慰遐邇臣曷勝激切翹望之至

上監國魯王啟

壬寅八月

右臣某啟八月初八日御史臣陳修奉綸旨至臣營臣

焚香開讀知主上薪膽憂危較昔倍甚臣南望倉皇罔
知所措獨念臣違顏以來忽經十載百折千磨壯心未
已原非動念勲名特以越國義旅魯邸侍從止臣一人
尙在軍次雖乖哭庭之志尙圖埽境之功苟良會可乘
則迎鑾豈遠大命克集則奠祚非難向以皇上當陽故
謳歌有缺且以主上養晦則潛躍宜權臣何敢妄思推
戴以啟猜疑區區之情盟之幽腑何期行闕游染胡氛
攀轡莫逮而延平藩忽捐簪客秉鉞無人論國勢疑興
漢益隳察人心幸莫周轉切近來虜中亦喧傳主上親

張蒼水集 卷五

三十四明故書

約國傳本

征北發故臣於七月中具有密啟專官馳奏茲奉異命
渙頒倍增感奮但臣以孤軍子處荒壤虜艘星列十倍
於臣而臣又無蟻子之援臣日夜枕戈與死爲鄰亦以
死自誓若輕爲移蹕則風鶴頻驚臣罪難諉倘仍棲滬
島竊恐號召稍遠復與臣呼應不靈伏乞主上與諸搢
紳勳鎮熟籌妙策或揚帆海上或保據沙關結納忠義
聯合勳爵俟羽翼旣成然後旌旗四出仍乞斂鐔韜光
以絕敵人窺伺臣亦得趨覲睿顏稍將芹曝也猶有慮
者倘魏絳之策得行則華戎錯雜尤宜戒備不虞主上

必得勁旅數千巨艦近百常相擁衛方爲萬全鷄門牙
齧纍纍相望就中豈無耿弁其人伏乞主上并覽前疏
深思臣言臣愚幸甚爲此具啟附奏不勝踴躍翹企之
至

上監國魯王啟 壬寅

右臣某啟八月十五日御史臣陳修返命曾具疏附奏
以去冬緬甸之變君亡臣死天下已無復有明室矣止
海上猶存一綫而主上尙在潛龍眞乃天留碩果自當
誓師討賊以維繫人心以嗣續正統昔莽移漢鼎光武

張蒼水集 卷五

三十四明張蒼

約園刊本

興師丕廢山陽昭烈踐祚懷愍北狩晉元稱制徽欽蒙
塵宋高繼立以視今日誰曰不然顧島上勳貴罔識春
秋大義而臣實兵微將寡金乏糧窮孤掌難鳴旣見宗
國之亡而不能救猶幸舊主之存而不能扶所以中夜
椎心淚盡而繼以血也尙望諸搢紳或能旋乾轉坤臣
已在秣厲以候但得南國首爲推戴臣敢弗協力扈從
伏惟主上潛算雄圖以凝景命茲恭進膳銀特具本差
官齎獻臣不勝激切悚惶之至

張蒼水集卷五

張蒼水集卷六

明鄭張煌言玄著撰 同縣後學張壽鏞編次

外編一 壽鏞案先生之詩既入奇零草采
薇吟矣曰外編者二集外之編也

招趙友飲禪院

清酒今朝買百壺擬邀佳客醉屠蘇
玉山倒處人爭看可有連城一壁無

七夕前十日贈少年合登二首

玉過檀暈自生妍綠幘青鞵正少年
恰是雙星銀漢渡風流卻占一旬前

張蒼水集卷六

一四明叢書
約園刊本

蘭湯浴罷不勝衣一曲菱歌百兩歸
自是合歡憐子夜玉山對倚照羅幃

寄紀侍御衷文二首

憶昔同堂勉聖賢正當國難慨滄田
桃源有路君知避博浪無椎我欲顛
臥雪山中堅晚節揚波海上怒衝天
赤松游在安劉後郭李功名史並傳

識得深山可避秦豈容高蹈樂天真
夏興猶賴臣靡力楚復還憑包胥身
應念同仇多死友休言有母不售人
陸沈誰向中流砥天闕招尋鍊石神

海上二首

仗劍浮身幾度秋，關河徧誓客孤舟。
一尊酒盡千山曉，七字詩成華谷謳。
浩氣填胸星月冷，壯懷裂髮鬼神愁。
龍池一日風雲會，漢代衣冠舊是劉。

屈指蒙塵近十秋，每懷若作濟川舟。
公卿寧憶朝元幕，士庶空餘思漢謳。
報越有君誰共難，椎秦無力獨勝愁。
螭龍豈是池中物，文叔當年自謂劉。

闕題

青山疊疊晚烟迷，幾點疏燐斷澗西。
夜雨寂寥山鬼泣，

張蒼水集卷六

二四明叢書

約園刊本

春風無主鷓鴣啼，酒鑑如故生荆棘。
畫棟淒涼落燕泥，開謝桃花誰過問。
萋萋芳草牧羣歸。

感懷步扇頭韻

誰復高樓醉月筓，到來天半落青霞。
葡萄宛馬風塵暗，蘆荻驚鴻雪影斜。
山寺磬中吟桂子，江城笛裏賦梅花。
可憐燕趙多游俠，不及投金一浣紗。

湖心亭書壁

風吹野火火不滅，老鴉夜啼山鬼泣。
菰蒲秋晚闔汀洲，斷樹殘枝不堪折。
蘇公隄上衰草黃，愁雲慘淡鎖垂楊。

家家夜雨鳴砧杵處處秋聲欲斷腸空有好花簪不得
萬條弱柳垂金色紅塵埋殺合歡枝春風自解同心結
翡翠堂前明玉璫佳人雲散泣蓮芳至今惟有湖心月
猶自娟娟上粉牆

顯甥奔至

王寅 壽鏞案據高本註柳
堂曰顯甥即傅蓉鏡小字

初聞購孺子何幸脫蘆中執手哀吾姊囊頭並若翁死
生盡一別忠孝已雙窮淒絕青山外鵲啼血倍紅

聞家難有慟四首

王寅

仇國言終驗衰門祚亦危痛心惟骨肉毫及受參夷白

張君水集卷六

三四明叢書

約園刊本

首青楓暗黃腸廣柳遲百端交集處能不碎心脾

家破原因我何堪玉並焚亢宗空有子函夏已無君左
衽興亡決南冠生死分拊棺猶未得揮淚結玄雲

孤竹行吟後家無四壁存更聞宗欲墜不但族先燔
踏蹬孤臣節踉蹌孝子魂願爲雙白鶴飛去叩天闕

淫威何太甚原外鵲鴿鳴空擬班昭疏甘成聶政名肝
埋有處士腸斷是零丁遙識江胥路霜飛獨滿城

得故人書至自臺灣二首

王寅

炎州東望伏波船海燕衝來五色箋聞有象耘芝朮地

愁無雁渡荻蘆天息機可是逋臣意棄杖誰應夸父憐
只恐幼安肥遯老藜牀阜帽亦徒然

杞憂天墜屬誰支九鼎如何繫一絲鰲柱斷來新氣象
蜃樓留得漢威儀故人尙感襄裳夢老我難忘伏櫪詩
寄語避秦島上客衣冠黃綺總堪疑

驚聞行在之變正值虜庭逮余親屬痛念家國心

何能已 壬寅

自分孤臣九死應國仇家難轉相仍埋名恨不同梅尉
誓旅知非擬駱丞芳草王孫歸莫望蒼梧帝子去無憑

張葉集卷六

四明叢書

約園刊本

枕戈此日將何待仰視浮雲一撫膺

悲憤二首 壬寅

越裳行闕復爲烽痛哭敷天左袒空結約更無燕太子
匡扶那得寶周公祚移雲夢誰收燼勢屈微盧亦伏戎
豈是十旬還帝醉故教三日借神叢

漢家磐石重天宗奕葉金枝並剪桐入塞烏孫騎射日
開基赤帝冷歌風虛傳馬渡江臯外尙憶龍潛海嶠中
卻望絳衣愁不見春陵夜夜氣成虹

傳聞閩島近事 壬寅

南荒烟嶂百蠻天，別有山川紀漢年。
仗鉞每勞紆鎖鑰，降旛何事閃樓船。
似聞徐偃軍皆散，豈憶田橫客未捐。
四海總憑孤劍在，紫霓應傍斗牛躔。

感懷兼悼延平王

壬寅

擬將威斗卻居延，捧罷珠盤事渺然。
龍鬪幾人開貝闕，鶴歸何處問芝田。
引弓候月爭相賀，掛劍寒雲轉自憐。
想到赤符重耀日，九原還起聽鈞天。

海月

壬寅

海嶠看明月，蒼茫練影多。
不知鄉國夜，皓魄復如何。

張蒼水集

卷六

五四明叢書

約園刊本

夜泛

壬寅

秋雲何淡淡，影入夜波清。
倒作銀河看，依然星斗橫。

重陽偶成

壬寅

九日素秋晴，霜容淡倍明。
香孤知菊傲，寒逼覺衣輕。
蕭瑟茱萸佩，躊躇鴻雁聲。
不愁吹帽落，華髮故多情。

甌行志慨三首

壬寅

甌水秋堪掬，頻來五兩輕。
豈知魏勝壘，欲化李陵城。
苦口吾同澤，甘心彼喪名。
張陳千古恨，誰更負今盟。

不信炎靈斷，還留七尺身。
吹笳悲自壯，擊筑和誰親。
故

主呼迎舊遺民泣避秦所愁惟甲脆徒倚倍沾巾
行矣河梁別翻爲送隴西胡天應誤雁漢地孰亡羝冰
雪危孤嶼風雲怯四蹄玉關雖咫尺敢復望芝泥

野人餉菊有感四首

壬寅

戰罷秋風笑物華野人偏自獻黃花已看鐵骨經霜老
莫遣金心帶雨斜

柴桑杯酒寄東籬種菊書成在義熙今日風光如昨否
殷勤且自把花枝

嘗言愛菊耐霜威晚節都甘與世違只恐秋來容鬢改

張蒼水集卷六

八四明叢書
約園刊本

幾人描得滿頭歸

天寒萬木盡悲秋誰殿羣芳鬪未休奇與黃花應努力

須知搖落有黃州

舟行立冬

壬寅

寒暄原物候忽忽且揚舲歲月偏如鶻乾坤總似萍江
聲浮碧落海氣混玄冥笑問銀河上曾無犯客星

舟行望野燒

壬寅

朔氣偏蕭瑟千山落木聲征帆殘燒外隱隱見孤城

讀史二首

壬寅

秦鹿橫飛六國殘，孤鳴篝火亦登壇。留侯若也歸強楚，更有何人解報韓。

清秋蕭瑟井梧寒，在莒齊襄淚未乾。七十二城猶在望，卻無舉火是田單。

和秦淮難女朱蕙湘旅壁韻

王寅

獵火橫江鐵騎催，六朝鎖鑰一時開。玉顏空作琵琶怨，誰教明妃出塞來。

有所思二首

癸卯

堯封禹貢幾滄桑，海外何當有大荒。銜燭地惟留野鹿，

張葦來集卷六

七

四明樓書

採香人亦類文狼，空將漢法頒司隸。獨少周原紀職方，

寄語居夷諸將帥，秋風萬里待歸航。

天星歲歲在餘皇，一去延津劍渺茫。最誤文皮包甲冑，漫誇卉服奉冠裳。望鄉臺上分羹冷，建業城邊遺鏃黃。閩嶠祇今皆蔓草，不知三矢有誰囊。

憶菊限屏字

秋酣寒骨自亭亭，借問東籬夜醉醒。不爲嚴威憐晚節，正因雨色憶孤馨。全開丹面嬌堪摘，半吐金心淡欲零。想像高人清影瘦，黃鞋道服倚圍屏。

復趙督臺二首 癸卯

不堪百折弔孤臣
四望蒼茫九死身
難挽龍髯空問鼎
獨留螳臂強當輪
謀同曹社非無鬼
哭罷秦庭那有人
可是天方從閏位
黃雲白草未生春

擲掄一旅尙圖存
吞炭吞旣可共論
敢望臣靡興夏祀
祇憑帝鑿答商孫
衣冠猶帶雲霞色
旌旆長懸日月痕
贏得孤軍同碩果
也留正氣在乾坤

壽鏞謹案復趙督臺一作答趙廷臣廷臣降北者先生何以有此詩意者冀其感悟乎

甲辰元旦

張彙集卷六

八四朔觀書

約園刊本

江花島樹影參差
海日晴開萬象時
正朔應非堯甲子
孤軍猶是漢威儀
眞人白水何年事
故老青山幾處詩
雲物禳祥誰定得
且憑玉曆辨華夷

虜庭以余倡義既久屢復名城遂逮及族屬且開
告密之門波及親朋榜掠備至聞之泫然 甲辰

宗國既飄搖家門遂顛覆感此多難心欲泣不成哭我
生實數奇乾坤方百六猘獮滿中原赤靈社已屋逋臣
骨可糜豈敢惜孥戮所悲諸父行班白櫻三木女兒與
所天株連遭萃桎幸或作流人否恐登鬼錄穉子竟何

辜十載尙淹獄此離百寡妻墨幃兼緇幘國亡家亦亡
我固甘湛族邇聞告密風舊游復被錄白虹慘欲垂黃
金貧莫贖天地豈不寬誰念忠之屬唯應千秋名芬芳
追王蠋灑涕慰親朋安知此非福

月夜重登普陀山二首

甲辰

孤情深一往初夜捫雲峰古色空山樹玄音暮海鐘衣
痕盛月淡香蹟踏花重漸覺浮生冗何勞來去蹤
海岸真孤絕青青三兩峰月圓清梵塔潮上翠微鐘鶴
夢來何處龍吟隔幾重迎門有鐙火僧話舊時蹤

張蒼水集

卷六

九

四明叢書

約園刊本

張蒼水集卷七

明鄭張煌言玄箸撰 同縣後學張壽鏞編次

外編二 壽鏞案先生之文既入冰槎集矣曰外編者冰槎集外之編也

自用研銘

投鼠支牀幾經磨劫堅貞不渝何嫌破裂託我知音長
此所夕

壽鏞謹案定海曹叢此傳皆得先生遺研於長安寺左有銘二十四字篆書旁蒼水二字正書

李陵論 刺叛臣洪承疇

世以李陵報蘇子卿書出自史遷之筆蓋遷欲掩其保

張蒼水集卷七

一四明叢書
約志刊本

舉之失而所云欲得當以報漢者陵則無有也余謂不然余觀其河梁諸什未始不歎其風波之失所而瀏漓感慨無一對漢之辭是亦豈遷所僞製耶就陵當日之事言之力陵之出塞也初非疆場不靖而亭障不守也漢武特欲示威四夷故窮殲其兵千里而趨利陵不過偏裨提不滿五千步卒深入荒漠殺傷相當而又鮮飛貳師爲之後勁其勢固已危矣追矢盡力折而後歸其志亦可哀矣夫陵之罪在不能死耳與棄師辱國者稍有閒與事仇噬主者更有閒矣而漢連坐之不少貸

則安望陵之能爲朱序哉設合漢武聞陵之敗臨軒而
歎側席而思爲之卹其母撫其孥或誤傳陵已死事更
爲招魂以祭馳典以贈之陵雖犬豕當亦愧悔自裁矣
敢忘漢恩德哉夫何功罪不明陵卒以族無怪乎論者
之謂漢少恩也倘陵而心懷逆節氣結重誅或教匈奴
以盜邊或引華人以助虐不特子卿故節難留雪誓而
匈奴控弦十萬直可長驅中土豈僅僅烽達甘泉而已
哉然陵於子卿之歸國纒綿反覆贈之以詩而曰陵之
罪上通於天其亦可哀也已夫陵當漢時起偏裨提孤

軍出遠塞戰敗而降族屬輒蒙顯戮當時士大夫無一
言爲之辯解惟司馬遷稍稍言之而亦下蠶室此足以
見國憲之有常而軍律之不可追也向使陵荷節鉞之
重會匈奴鴟張玉門淪陷漢家掃境內甲兵以託陵不
幸而被圍遂倒戈解甲屈膝僞庭則其罪何等也又使
陵受賜恤之殊恩冒祭賻之異數而乘潢池弄兵反戈
相向覆漢之宗社毀漢之衣冠甚至牽犬羊以芟薶漢
之子孫黎民則其罪更居何等也由此觀之陵之罪不
當未滅而平反之也哉雖然刑者劍也成而不變故君

子用心焉春秋之義美召陵城濮者深內夏外夷之防也恕仲遂季友者甚亂臣賊子之罪也明乎此則知余之所以論李陵矣

張子房報韓論

刺叛臣吳三桂

自古稱子房始終爲韓先儒論之詳矣今世事僞庭者多借此爲口實以建酋固嘗驅賊遂以沛公亡秦子房事漢爲擬噫何其不猶之甚也夫子房在韓未嘗通籍也特以五世相韓散金結客於時六國已無餘燼矣博浪一椎不過抒其憤鬱無聊之氣豈謂其必能碎祖龍

張蒼水集

卷七

三四明叢書

約園刊本

之車哉藉令偶中而扶蘇尙在蒙恬輩皆宿將咸陽之火固未可覬覦也迨副車誤擊下邳潛游子房智勇亦幾交困然而鎬池壁返羣雄共起亡秦子房更出而將兵略地與沛公遇于留以兵屬焉韓尙未有王也迨沛公至薛與項梁共立楚懷王子房求得韓諸公子而曰橫陽君成賢說梁立之子房遂以梁司徒徇韓地其從漢入關懷王命也夫亡韓者秦也亡秦者楚與漢也子房仇秦則欲亡秦欲亡秦則必德亡秦者若是乎子房德楚則宜事楚德漢則宜事漢何必韓公子又何必韓

司徒乎且韓之成不過諸公子非真當立者而子房卒
栢之欲借之國嗟乎斯其所以報韓也且羽留韓王彭
城勿遣而韓司徒不得不徘徊以觀其變觀史載漢王
歸國子房送南鄭辭歸勸以燒截棧道此時雖爲畫策
尙未委贖也未幾楚竟廢殺韓王子房間行歸漢於是
不得不以仇秦者仇楚旣仇楚不得不借漢以滅楚然
子房終不欲用於漢乃擇留以自謝辟穀以自詭焉然
則楚不留韓王子房固不爲楚用楚不殺韓王子房安
肯爲漢用耶或者曰子房當阻漢立六國後矣爲韓者

張蒼水集

卷七

四四明叢書

約園刊本

固如是耶抑知漢王還定三秦已無公子成矣使酈生
計行而漢益弱漢弱而楚終不得滅懷王孫信又齷齪
不足輔而韓仇終不可報子房之爲漢蓋有大不得已
於是而間歸焉至於我明則大異於是當闖賊之犯關
也烈皇帝身殉社稷所陷沒者不過秦晉燕冀耳非若
三韓之盡折入於秦也有子房者必倡大義於天下較
沙中狙擊之功相萬也況天潢之在東南者何止一公子
成金陵擁立以至閩粵推戴中華正統方與日月爲昭
彼中原士大夫者卽不爲太真歸闕而四皓可攀卽不爲

仲連蹈海而兩生可耻獨奈何以衣冠之族爲左衽驅策哉夫建首固我明屬夷也一舉而踞北都再舉而竊南紀其主蒙塵寧藩化碧而亂臣賊子顧曰彼沛公也亡秦者也我子房也報韓者也則是闖賊得比始皇而沛公實殺韓公子也則是子房當事楚霸王而建首可稱漢高帝也嗚呼誣子房矣

陳文生未焚草序

祖龍一炬六籍烟飛然博士掌故猶未焚也迨咸陽三月火而經史無餘燼矣乃後世不罪羽而罪政何哉殊

張蒼水集卷七

五四明叢書

約園刊本

不知樞不朽流不腐文章一道倘陳陳相因毋寧付之祝融氏之爲快也究之秦皇焚書而書存漢儒窮經而經亡嗚呼是豈焚之罪也哉況乎風雅之林日趨於新而動輒刻畫開寶步趨慶曆譬之寒灰其能復然乎夫焦尾之桐出爨而宮徵始發火浣之布經燄而色澤彌新物固有待焚而成其貴者矣胡陳子文生則又以未焚名篇乎嘻吾知之矣年來烽舉燧燔奚啻秦楚之際幾疑此日乾坤劫火洞燒而文生夷猶其間每遇名勝輒欲焚魚凡經倡和都令焚硯一吟一詠簇簇生新若

鑽燧榆槐遞相遷代非未焚也蓋有不可焚者在焉余因謂文生法言有之火滅修容戒之設火攻固出下策矣

梅岑山居詩引

從來儒墨分席然詩律可通於禪禪鋒每寄於詩是何以故蓋詩家格律甚精不遜虛空三昧而禪家機鋒相觸原具風雅三摩故禪有魔而詩亦有魔而詩稱聖禪亦稱聖超悟者本無殊趨也芥舟上人以遠公宿根得生公妙解振錫名山玄風曖曖禪悅之餘遂成梅岑新

張君水集卷七

六四明藏書

約圖刊本

詠騷耶偈耶讀之如坐光明滅矣是使騷人離風鏗月總似拈花釋子說乘參宗無非夢草提起法幢掀翻騷壁直疑大士現身豈僅老僧饒舌則滿恆河沙皆詩也滿恆河沙皆禪也有聲有聞者當作如是觀無色無相者亦當作如是觀

答毛參謀書

蓋聞赤驥騁衢蹶弛故難御青蠅玷璧磨濯則重晶日者貴督主樓船襄義知雨謀雲不佞縞紵交歡昆金友玉豈惟左提右挈方將北伐南征瞻此先鞭自愧同舟

碌碌瞻彼後乘每懷記室翩翩爰聞留後之司遂達師
中之吉老謀壯士詎意星隕前營重地孤軍亦幾珠沈
滄海迨蘇武生還之日正鄒陽見收之期禍及池魚知
欲甘心于往事疑成市虎恨莫緩頰于當塗幸而照起
覆盆愈覺悲深掛劍乃琅玕遺賁綺縠遙抒唵華屋之
篇益信羊曇於今日拜景升之墓難忘伊籍于當年但
叢薄靡蕪豈託搏風之翼而行潦涓滴何煩興雨之鱗
若僅油幕從容仍恐鹽車困厄伏希台照曷勝神馳

與林用圭書

張蒼水集 卷七

七四明叢書

約園刊本

弟自奉簡書還越雖投閒冷署亦每以馳驅往來矢石
間否則代庖制敕坐是失疏候問弟之罪也第憂時冷
眼濟世熱腸苟有利於國家有益於桑梓無弗竭蹶以
告當事縱未必盡爲吾鄉所知總求無愧此衷足矣每
想盟翁具大學問大經濟尙爾穩卧東山焉得不令艱
難困鬪所以區區說項者不過仰藉老盟翁一起支柱
南天耳接手教慰誨之情泉湧髓發謬及揄揚弟何克
承此若夫盟翁鶴舉雞羣弟所素諗而復且抱膝長吟
惟占風於白水真人更足羞投關抵壁一流昨見象老

題疏首列尊銜殊增封事之邑但臚敘太繁晝老殊費
平章再四與弟躊躇如盟翁業擬覆於謁銓時優授京
秩此弟推轂前私蓋未糾合之先遂有是議然疏列百
位覆亦不上十人惟自一勸朋兩兄同預此例他不及
也郡曹之諭客再圖之發羽多次率勒上報不文之謂
統特鑿在弟名正具左裕

祭平夷侯周九苞文

於乎天荒地老達人每等視於電光琴亡劍化哲士或
寄慨於星芒然而苑枯者且暮修短者陰陽委形順命

張蒼水集

卷七

八十四明叢書
約園刊本

夫何用其悲涼獨廢興存亡之感交切於中而不能自
解者其在公之喪蓋公之勳名如橫海下瀨則英威不
可謂不張公之壽考幾營平新息則景福不可謂不康
公之胤嗣如瑀林玉樹則承家不可謂不昌公之部曲
皆鐵肝石腸則報國不可謂不莊惟是鯨鯢雖盛而中
原之豺虎尙狂帶礪雖盟而中興之旄鉞誰勦奚不憇
遺一老以九合一匡而遽騎箕尾以上翔然則慰公者
以高節稀齡全名完節而所以惜公者未及搏風細柳
捧日扶桑卽公之當自惜而不能自慰者猶有遜於銅

桂之平蠻金城之平羌鹿鹿如余列公之盟壇亦謬稱
夫雁行冀公之義旗或庶幾乎鷹揚忽聞舟壑之移不
禁悽惻而涕滂愧行營之羈阻弗克執紼以趨踰敬遺
一介陳詞而告奠兮聊寫余心之盡傷倘炎輪之匪遠
兮尙來格乎椒漿

壽鏞謹案自用研銘至祭平夷侯周九苞文八篇
無年月可稽因列入外編

答延平王世子經書 壬寅 壽鏞謹案延平雖卒
於五月而此答書高本原註

爲癸卯改本爲壬寅然在九月以後無疑
也以下文六篇雖爲壬寅作均入外編

張蒼水集卷七

九四明叢書
約園刊本

不肖某以王人之微荷先王殿下客卿之禮圖報未遑
昨知肇基東土正擬躬執鞭弭稍效馳驅差役南返捧
執訃音震動魂魄無論國恥家仇尙稽報雪而五侯九
伯誰爲指揮在不肖空瞻帷帳似失帡幪更不禁淚之
霑霑下也幸而老世臺不承前業壁壘維新昔禽父在
喪專征誓眾伯符英銳遂霸江東以視今日豈異人任
不肖託在同仇待罪軍旅夙仰仲謀之器今聞亞子之
風自當竭此孤忠報茲舊誼但荒汎孤軍當上游勁敵
伏望提攜庶聯聲援倘虜情叵測尙圖朔河南下求一

支於萬厦安插兵眾則奉令承教諒亦匪遙燕聞續緒
撫軍不勝雀躍緣在大故未敢稱賀統希崇照可任瞻
依

答閩南縉紳公書 壬寅

候曠久虛疏節殊甚不肖以孤軍扼上游日望天南好
音以爲聲援昨差員至自思明驚傳延平王殿下遽捐
賓客私衷切怛幸聞伯符英銳已出臨戎元勳舊德同
心夾輔不但鷺門有磐石之固而長驅迅掃直且暮間
事又不覺悲喜交集日來浙直老穉喧傳爲左勳鎮紳

張蒼水集 卷七

十四明成書
約園刊本

矜復奉魯王監國正在疑信間及捧老先生公函諄諄
以魯國主玉食爲商猶憶壬辰之春不肖同定西侯張
公扈從南下蒙延平王誼篤爪哇慨然安置則不肖輩
之擔已卸矣今不幸延平王薨逝大喪未畢費繁難支
卽軍儲尙恐不給何暇言及宗祿旁觀者豈不諒當事
苦心若不肖梁園舊從敢愛方物之獻但南北相距動
輒數千里近來賊哨出没孤艇難行安得時時供億再
四躊躇倘國主能韜光斂跡移寓海山或沙關之間則
不肖尙可稍將芹曝而溷島亦免窺伺之虞否則鞭長

莫及雖智者亦難爲計矣然我輩所爲何事而致親藩
流離瑣尾饑餓於我土地非特諸勳公之責亦諸老先
生之羞也若新府肯敬承先志敦厚天潢哀王孫而進
食又何煩不肖之片芹寸曝哉惟老先生裁察之

復盧牧舟司馬若騰書

壬寅

十餘年來南鱗北羽往來如織每於老祖臺曠焉聞問
豈其疏節知老祖臺閉門卻掃尋常寒暄不足以塵典
籤也近聞蒼梧不返炎鼎幾燼而飛熊星隕適與輻湊
國瘁人亡何能無淚今虜實徧布楚歌焚惑觀聽正恐

張蒼水集

卷七

十一四明叢書

約園刊本

成紀茂陵今亦不可復得自非乃心王室以申大譏卽
號召必且不靈未審尙有竇周公在否某才非鎖鑰勢
單援絕孤危特甚尙老祖臺肯教耳齊盟則元老臨戎
軍勢克振況并州士女誰不感切棠陰若糾一旅溯泗
流而北百里之內牛酒日至天下事尙可爲也祈早商
同志勿使祖鞭先著幸甚幸甚

答僞部院趙廷臣書

壬寅

台翰儼殞寶深內訟豈僕一片愚忠猶未足以取信於
天下也執事爲新朝佐命僅爲明室孤臣時地不同志

趨亦異功名富貴既付之浮雲成敗利鈍亦聽之天命
寧爲文文山決不爲許仲平若爲劉處士何不爲陸丞
相乎設云桑梓塗炭實爲僕未解兵則僕何難斂師而
去但未審執事果能保障否耶區區之誠言盡於此聞
使說辭請從茲絕冒復不莊

答僞安撫書 壬寅

不佞明室孤臣也有死無貲與執事非有同朝之雅義
無外交何必復通竿牘但天理民彝及不佞生平不可
不正告天下故勒書附使者以報竊觀古今來何代無

張蒼水集 卷七

十三四明叢書

約園刊本

廢興其興也天啟其機其廢也人基之謀或興而復廢
或廢不復興然有志之士尙謂人定可以勝天彼漢厄
十八年而光武重昌夏亡四十載而少康復祀蓋不特
覆楚復楚事在俄頃間也卽使曆運推移朝市遷改興
王每每賓禮勝國君臣錄用前朝宗室不但開基忠厚
卽爲享國長久之符亦將使忠臣義士戴新朝之盛德
慰故國之悲思且其當鼎革之際軫念瘡痍莫不省刑
薄賦偃武修文與天下更始所以四海謳歌羣雄歸命
其間雖有疾風勁草不以盛衰改節不以成敗易心者

無非欲爲萬古留綱常爲兩間存正氣英君察相尙能
略其跡而原其心感其誠而哀其遇故漢高以之封雍
齒蜀主以之禮劉巴唐太宗有堯君素之旌我太祖有
余闕福壽之祠祭其或不忠所事縱歸附獨先必擯斥
恐後如丁公可誅危素可謫前軌昭然豈好爲顛倒哉
帝王大度原欲扶名義以培風教故也今則不然夫昔
日之北庭非本朝之屬國乎建州之甲已忘休屠之恩
矣遼左之烽胡爲乎北平之旗似同回紇之義矣南牧
之馬又胡爲乎舊都嗣服正朔相承冠蓋方達乎薊門

鼓輦已震乎吳會自是而蠶食東南翦滅之不遺餘力
凡我天潢雖在遼荒靡勿芟穉夫以高皇帝駿德鴻功
而使其子孫禍酷徽欽祀荒祀宋宜人心之不服者一
也從來更姓改物皆因處置得宜然後人心豫附今不
過宋室之通臣而稱爲僞命無非晉家之遺老而被以
惡名甚至一人抗節而逮及一家一姓守義而株連他
姓遂使抱慙懷忠不忍逃避卽欲埋名變姓亦恥趨風
而喪師辱國者率秩以三公嚮主求榮者反爵以五等
是以不忠不義令也開國規模固如是乎宜人心之不

服者二也邇來清人初無招揣懷遠之誠止有納叛招
亡之術或使同輩操戈或令下人棄甲此豈足以訓型
天下而奸詐之徒以爲仕宦捷徑往往私鑄印符偽刊
牌劄以凱斷之功名當事明知其然亦陽爲網羅陰
行羈緊以冒招徠之功績殊不知黃綺衣冠必不輕出
商山夷齊薇蕨豈肯頓易周粟宜人心之不服者三也
若以近事而論濱海遺民旣苦朝秦而暮楚乃安邊勝
算惟聞竭澤而焚林俾百萬生靈棄田園毀廬舍捐墳
墓而又不知所以安插之蜚鴻滿道碩鼠興嗟將以爲

清野耶而野未必清將以爲堅壁耶而壁未必堅豈我
旌旄甲盾果繇蜀道遷人耶抑彼網罟益牢亦是新豐
鉅族乎名爲息黥補劓實則救燎助薪宜人心之不服
者四也它若征求無藝殺戮非辜選將遷官先論賄賂
登賢黷俊亦藉苞苴僨帥掩敗以飾功驕兵宣淫而肆
虐兼之毀裂冠裳崩壞禮樂蓋不待智者而知胡運之
不長矣如謂此日域中幅帙盡入版圖華夷庶幾一統
獨不見強秦方啟霸圖何竟亡於二世暴隋旣成王業
亦遂失於再傳况賴宗廟社稷之靈吾國已自有君行

當迎楚昭於雲夢奉齊襄於莒城又何煩執事之恫矜
虛喝哉至於不佞本末固可得而言矣不佞夙承先學
謬獵時名自遭國難輒棄家園始聲大義於江東既抱
孤忠於海曲自分戴髮含齒之倫幸南服尚同左袒倘
蒙踐土食毛之誼於北朝原等風牛矧豫讓漆身其妻
不識張良破產惟敵是求而有司不察籍我田宅矣未
幾囚我妻孥矣用是依牆乞援淚盡申胥啟冶鑄兵誓
深祖逖然志匡王室豈恃兵威念切神州尤愴民瘼如
長江之役樵蘇不驚市肆靡易凡搢紳之家輻鈐之族

張蒼水集 卷七

十五 四明叢書
約園刊本

效力清人者概無誅求以示寬厚諒執事之所聞也及
同仇挫衄不佞遂間道言還彼時豈不能提數千勁卒
以震蕩中原據數十名城以號召天下正慮鋒鏑橫及
無辜是以旌旗不妨左次何意秦運將開屯期尙篤枕
戈待旦又歷歲時但三戶亡秦讖緯已兆一成祀夏曆
數可徵不佞方以孤臣卓帽待真主黃衣安所事解甲
投戈俯首屈膝者哉卽或赤符未歸暫作隆中之臥黃
石已遇猶爲圯上之遊則爲龍爲蛇不佞進退固有餘
裕矣雖然不佞之所以百折不回者上則欲匡扶宗社

下則欲保捍桑梓因國事之靡寧致民生之愈蹙十餘年來浙閩諸郡芻蕘糗糧之供樓櫓舟航之費可謂百孔千瘡敲骨吸髓而曾不得鋒銷燧息波靜潮平執事亦可惕然矣尙復重之遷徙貽以流離哀我人斯汔可勞止今執事旣銜命而來以保境息民爲意莫若盡復海濱之民卽以海濱之賦畀我海上之師在清人旣能開誠布公捐棄地以收人心在海上亦何惜講信修睦且休兵以待天命不佞與執事輩從容羊陸之交往來僑胥之好旣省整堡守望之戍更免舟楫營繕之需藉

張蒼水集 卷七

十六 四明叢書

約圖刊本

我外兵以備他盜因而煎熬則鹽鹵可行矣因而采捕則魚鮮可給矣因而貿遷則商賈可通矣匪直暫解兵爭抑且稍甦民困是珠厓雖棄休息宜然朝鮮自存艱貞斯在特恐執事畏耳畏則無成也又恐執事疑耳疑則亦無成也不佞何心必欲重困此一方民耶則請與執事約但使殘黎朝還故里則不佞卽當夕掛高帆十洲三島莫非生聚教訓之區嘗臆卧薪別有扶危定傾之計恐臣靡尙在天意未忘禹功諸葛猶存正統終歸漢胄惟執事實圖之

答唐枚臣書 壬寅

某生也晚不及見盛明典型始策名而輒遭國難故署名削牘之儀益爲闕焉然自垂髫遙企岱斗久矣倡義以來南北各天遂弗獲親奉光塵茲捧雲翰驚與媿俱孔北海亦知世間有劉備耶獨計某一書生耳朽戈鈍甲與虜相持者十有七年濫膺節鉞之寄尺土未恢徒然傾家沈族誠天地間罪人而老先生顧以孤忠見許得毋愛瘿嗜痂之癖乎所幸垂翅之餘舊部復集兼僞庭奪魄胡雛蒙翼正可乘時奮袂祭兵單援寡惟有枕戈泣血而已大刻諸體並繇鐘呂而樂府直追漢魏以

張蒼水集 卷七

十七 四明叢書

約園刊本

上奉教之下眞足移情佩服溯洄杖履展謁難期專員肅候愧乏侑緘不備不莊統希鑒在

送馮生歸天台序 癸卯

夫髮者血之餘也於人身且若駢枝贅瘤然然而無髮吾未見其爲完人也所以羽手鱗介總成異類而戴髮含齒則獨鍾於保靈譬如百辰麗天萬卉附地蒼蒼莽莽振古如茲已則夫髮者亦人身之百辰萬卉也是故古今來元公以握髮稱名卿以濡髮著高士以散髮爲

放達通臣以晞髮爲艱貞卽使箕子佯狂滿頭霜雪左
徒顛頤雙鬢風塵未始不以髮短心長睥睨千載將人
以髮重乎髮以人重乎以是知凡有血氣者有髮則形
骸非幻無髮則鬚眉不揚蓋有老而禿者矣夫齒有童
而禿者也惟魑魅之鄉龍蛇之族始號窮髮之地故斷
髮者蠻俗也祝髮者胡教也辨髮者夷風也華戎所分
莫不於髮取辨焉今則敷天魑結率土髡鉗獨山阿海
湄猶然櫛風沐雨與鱗介爭此冠裳乃赤城馮生則謂
與其被髮而祭野毋寧披髮而入山含華隱曜始將十

張蒼水集 卷七

十四 明叢書

約國刊本

九年一日渡海來謁余衣冠甚偉鬢髮如漆儼然桃源
中人也且出舊製數篇相示其採芝之曲歟其採薇之
歌歟蓋不待卒讀而髮已上指矣余因以馮生之髮較
蘇卿之節則十九年畫粥斷齋固無愧於吞壘嚼雪也
異日明天子出而詢茲黃髮馮生雖顛毛種種乎而對
鏡彈冠卽一髮千鈞矣

祭監國魯王表文 癸卯

伏以龍逝橋陵璵璠結攀髯之痛麟游闕里桐珪含解
紋之悲況欲執羈勒而無從祇覺納筦鑰之莫逮魂銷

閩嶠淚灑越臺欽惟我主上位騰乾四德備咸三青社
雲從蔚矣東藩佳氣赤城霞起巍然南紀靈光屬以國
難頻仍遂爾義師首倡栖秦侯之甲盾豈僅虎賁三千
建梁孝之旌旗共仰龍飛九五而志梟逆虜故功高讓
皇月羽星鋌射江潮而立四極白旄黃鉞橫海嶠而總
六師追浙閩之瘡痍尙圖收燼適滇黔之擁戴是用歸
藩風雨飄流悲五蛇之失散波濤振撼悵六鷁之退飛
雖潛邸依舊瞻淵彌厲而許田易野髀肉漸生方期再
回靈武之鑿誰意遽返蒼梧之駕八音遏密百里靈鷲

張兼集卷七

十九 四明精舍
約園刊本

臣才愧鄒枚任同種蠶十九年之旄節屬國不殊廿四
郡之鼓旗平原無恙懷吳庭而未效嗟掃墓以何時投
壁還秦早慚孤偃扁舟去越敢學鴟夷徒蘊扛鼎之懷
逾抱號弓之慟於乎穢垣墜曜楓陛垂蘿穆王馭駿以
來歸已孤此願望帝化鵠而猶在莫慰餘思

祭延平王文 癸卯

惟王金符啟曜玉牒分光勳追武肅忠貫汾陽昔在草
昧翊我隆皇寵承西第謨建東廂山河茅社日月旂常
將壇專制甥館齊行赤靈幾斷丹腑彌彰難回駿馭益

厲鷹揚玄圭錫命黃鉞開疆霓旌鐵騎錦纜牙檣聲馳
沈木威震扶桑貫胸貢賦剖腹增璜始開朱邸仍總碧
幢蠱思幹父謙撝讓王乃戒跣韜爰整餘艘肅將九伐
勤宣一匡醜夷面縛雜虜屍僵陵遲展謁城高受降中
原冠帶夾道盃漿悲笳復勁鳴鏑猶強盟津雨洗閩島
雲翔再揮水犀以射天狼溫馬纓鼓屠者染斨肇基東
鄙拓地南荒乾坤獨闢夷夏咸康竝班師旅終仗尊攘
夫何月掩忽焉星亡九關翼折百谷瀾狂吹臺寂莫疑
冢淒涼樹還糜漢系尙存唐豈無雙鳥載彼歸航應有
三矢捧茲遺囊繫惟善繼厥後克昌某焦桐爨下苦李
蹊旁萬間庇廈十載依牆驚聞劍化痛切舟藏所愧匏
繫徒結中腸薤露在紙絮酒在觴匪敢告莫聊志不忘
彷彿袞衣翩然帝鄉

僧履端詩集序

甲辰

世之闢佛者率謂浮屠氏爲外教而瞿曇氏亦往往逃
於枯空謂不如是則非禪也然東林惠遠白社風高未
嘗不悅情吟嘯則詭於禪之外非禪而拘於禪之中者
亦非禪也夫善易者不言易今使進禪而賦詩而字摹

貝葉句勒曇花則亦偈而已何名爲詩夫詩本性靈禪亦本性靈要自有活潑潑地者此卽禪機也普陀端公吾未知其禪理何如而微吟高詠絕非枯空者可比彼豈欲以詩名哉毋亦禪機所觸不禁其洋洋洒洒矣余偶得其數言而諷之固無貝葉曇花風味以是知端公能超於禪而不拘於禪者也端公之師朗公有秋興數十首清微婉澹業剗剗傳世而端公復能繼其宗風真不愧傳衣鉢矣是爲序

貽趙廷臣書

甲辰

張蒼水集 卷七

三十四 四 四 讀 書

一 約 圖 刊 本

大明遺臣某謹拜書於清朝開府趙老先生臺前昔宋臣謝枋得有云大元制世民物維新宋室孤臣只欠一死竊以疊山業經市隱賣卜宜可以遠害全身而元參政魏天祐必欲招致之乃疊山有死無隕招之不來餽之不受卻聘書尙在可考而知也卒觸天祐之怒執之北去疊山遂不食而死蓋未嘗不歎古人守義之堅殉節之篤也況某今日南冠而繫視疊山所處已自不同而臺下尙欲貸其餘生屢遣貴屬存注有加勸之加餐嗟乎此固臺下衷忠錄節之盛心較之天祐真不啻霄

壤顧某自律斷不可因此而苟延旦夕也所以每思慷慨引決而爲館伴者防閑嚴切不克自裁絕餐三日迫於貴屬勸勉稍稍復食他人聞之寧不以某寡廉鮮恥晚節可嗤哉揣臺下之意不過欲生膏斧鑕始足爲忠義者戒然大丈夫冰視鼎鑊慷慨從容原無二義故鬱鬱居此耳猶記去歲華函見及某之報書有寧爲文山之語非但前識蓋齋心居念時已早辦此至今日敢有食言夫自古廢興亦屢矣廢興之際何代無忠臣義士何代無遭臣處士義所當死死賢於生義所當生生賢

於死蓋有舍生以取義者焉未聞求生以害仁者也某之憂患已過乎文山隱遯殆幾于壘山矣而被執以來視死如歸非好死而惡生也亦謂得從文山壘山異代同遊於事畢矣獨惜臺下之經綸仁厚可稱一代名賢後世不察猥云與張宏範魏天祐比倫不重可歎息乎哉謂某散兵在先歸隱恐後可以覲觐賒死殊不知散兵者憫斯民之塗炭歸隱者念先世之暴荒謬思黃冠故里負土成墳然後一死以明初志原非隱忍偷生自留賒死何期擁兵則歲月猶存解甲則旦夕莫保箕山

不有安瓢而潁水弗能高枕身爲纍囚貽笑天下是某之忠孝兩虧死難塞責者矣臨難苟免非我本懷偷存視息更何所待今羈留旅邸被累竄從並膺鎖鍊以日爲年生不如死伏冀臺下立賜處決俾某乘風馭氣翱翔碧落或爲明神或爲厲鬼是誠臺下大有造於某也不則某當追隨首陽之後塵必不俟炎午之生祭毋以館伴者不善調制而譴及之幸甚

壽鏞謹案此書爲高本黃本所無本擬不錄蓋先生一生未嘗稱清朝今旣在獄中求死而已豈復

張蒼水集

卷七

三

四明叢書

約園刊本

肯致書於開府哉況開首卽引謝疊山云云語氣亦復不合意者趙廷臣必欲得先生書以爲重而先生姑妄應之乎抑或趙廷臣左右冒先生名爲之乎未可知也錄之於外編之末以俟後之君子

評定焉

張蒼水集卷七

張蒼水集卷八

弟鄞張煌言玄著撰 同縣後學張壽鏞編次

北征得失紀略

壽鏞謹案諸家藏本有作北征錄者惟高本作北征得失紀略或先生原題如此今從之

余自乙酉倡大義於甬東距今己亥十有五載矣其間棲山蹈海艱險備嘗俱無足論猶憶丁亥歲持節監定西侯軍西征遭颶風覆舟陷虜中七日得間行歸海上嗣後三入長江登金山掠瓜儀而師徒單弱迄鮮成功至戊戌追隨賜姓延平藩北伐抵羊山復遇風碎舟返

張蒼水集 卷八

一

四明叢書

約園刊本

旆踰年歲在己亥仲夏延平藩全軍北指以余練習江上形勢推余前驅抵崇明余謂延平崇沙乃江海門戶且懸洲可守不若先定之爲老營不聽旣濟江議首取瓜步時虜於金焦間以鐵索橫江夾岸置西洋大礮數百位欲遏我舟師延平屬余領袖水軍先陸師入余念國事敢愛軀命遂揚帆逆流而上次礮口風急流迅舟不得前諸艘鱗次且進且卻兩岸礮聲如雷彈如雨諸艘或折檣或裂帆水軍之傷矢石者且骨飛而肉舞也余叱舟人鼓棹逆入金山同艚數百艘得入者僅十七

舟而本轄則十三嗜危哉次早藩師始薄瓜城一鼓而殲滿漢諸虜殆盡乘勝克其城延平卽欲直取石頭余以潤州實長江門戶若不先下則虜舟出沒主客之勢殊矣力贊濟師鐵甕而延平猶慮留都援騎可朝發而夕至也余謂何不遣舟師先搗觀音門則建業震動將自守不暇何能分援他郡延平意悟卽屬余督水師往且以直達蕪湖爲約夫蕪湖固七省孔道商賈集居江楚下流爲江介鎖鑰重地況踰金陵歷采石懸軍深入此不可居之功也余一書生耳兵復單弱何能勝任

雖然倡義之謂何顧入中原而不圖恢復耶余何敢辭於是江潮縮眇水下如駛海舟行遲余易沙船牽挽而前未至儀真五十里吏民齎版圖迎王師蓋彼都人士知余姓名有素故遮道來歸迄余抵儀真先一夕延平已遣李將軍單舸往撫余輒欲引去闔郡士民焚香長跪雨中固邀余登岸不獲已登江濱公署延見慰諭之眾以李將軍無兵恐虜騎突至則無以捍牧圉咸稽首留余保障余迄不可遂行鵠首所向遺民無不具辦香相送者而江濱小艇載果蔬來貿易如織若不知有兵者

余顧而樂之以爲儼然王師氣象矣舟次六合得報藩師已於六月二十四日復潤州余計潤城已下藩師由陸運北雖步兵皆鐵鎧難疾趨日行三十里五日亦當達石頭城下卽作書致張茂之卽所號爲五軍者謂兵貴神速若從水道進師巨艦逆流遲拙非策余恐後期因晝夜牽纜士卒瑟瑟行蘆荻中兼程而進抵觀音門乃六月二十八日也不意藩師竟從水道來故金陵得嚴爲之備余艤棹觀音門兩宿藩師戰船無一至者余乃發輕舟數十先上蕪湖而身爲殿泊浦口七月朔虜偵我大艨尙遠遂發快船百餘載勁虜侵晨出上新河順流而下擊棹如飛余左右不滿十舟且無風戰不利幾困忽一帆至則余轄下犁艚也余卽乘之復戰後艨續至虜始遁去而日已曠矣詰朝整師前進虜匿不出余部曲馳報江浦已破蓋方余與虜對壘也先一哨越浦口旁掠止七卒抵江城城中虜騎百餘開北門遁七卒遂由南城入亦一奇也捷聞延平止余毋往蕪關而且扼浦口以撫江邑此七月初四日事也翌日延平大軍亦抵七里洲正商量攻取建康而余所遣先往蕪

湖諸將捷書至蕪城已降矣爾時上游聲靈丕振而留都守禦亦堅延平謂余蕪城又上游門戶倘留都不旦夕下則江楚之援日至知非公不足辦此余謙讓至再延平但促余旋發於是率本轄戈船以行而幕府之謀自此不復與聞矣七日抵蕪城傳檄諸郡邑江之南北相率來歸郡則太平寧國池州徽州縣則當塗蕪湖繁昌宣城寧國南寧南陵太平旌德貴池銅陵東流建德青陽石埭涇縣巢縣含山舒城廬江高淳溧水溧陽建平州則廣德無爲以及和陽或招降或克復凡得府四

張蒼水集

卷八

四四明叢書

約園刊本

州三縣二十四焉先是余之按蕪也兵不滿千船不滿百惟以先聲相號召大義爲感孚騰書措紳馳檄守令所過地方秋毫不犯有游兵闖入剽掠者余擒治如法以故遠邇壺漿恐後卽江楚魯衛英雄多詣軍門受約東請歸禡旗相應余相度形勢一軍出溧陽以窺廣德一軍鎮池郡以扼上游一軍拔和陽以固采石一軍入寧國以徧新安而身往來姑熟問名爲駐節鳩茲而其實席不暇暖也余日夜部署諸軍正思直取九江然延平大軍圍石頭城者已半月初不聞發一鏃射城中而

鎮守潤江將帥亦未嘗出兵取旁邑如句容丹陽貴南
畿咽喉地尙未扼塞故蘇常援虜得長驅入石頭余聞
之卽上書延平大畧謂頓兵堅城師老易生他變亟宜
分遣諸帥盡取畿輔諸郡若留都出兵他援我可以邀
擊殲之否則不過自守虜耳俟四面克復方可以全力
注之彼直檻羊奔獸耳無何石頭師挫緣士卒釋戈而
嬉樵蕪四出營壘爲空虜謀知用輕騎襲破前營延平
倉卒移帳賞明軍竄未就虜傾城出戰軍無鬪志竟大
敗時余在寧國府受新都降報至遽返蕪已七月廿九

日矣初意石頭師卽偶挫未必遽登舟卽登舟未必遽
揚帆卽揚帆必且復守鎮江余故彈壓上游不少退而
虜酋郎廷佐哈哈木管效忠等遣書相招余峻詞答之
太平守將叛降於虜余又遣兵復取太平生擒叛將伏
誅然江中虜舟密布上下音信阻絕余遣一僧齎帛書
由間道款延平行營書云兵家勝負何常今日所持者
民心耳況上游諸郡俱爲我守若能益百艘相助天下
事尙可圖也倘遽舍之而去如百萬生靈何詎意延平
不但舍石頭城去且棄鐵甕城行矣留都諸虜始專意

於余百計截余歸路以爲余不降必就縛各將士始稍
稍色變而刁斗猶肅然余欲據城邑與虜格鬪存亡共
之復念援絕勢孤終不能守則虜必屠城余名則成於
士民何辜而轄下將士家屬俱在舟擬沈舟破釜勢難
疾馳欲沖突出江則池州守兵又調來集忽謀報虜艘
千餘已渡安慶余慮其與虜值最寡不敵因部勒全軍
指上游次繁昌舊縣池兵亦至其議進退咸言石頭師
卽挫江楚尙未聞也我以艤艘竟趨鄱陽號召義勇何
不可者若江西略定回旗再取四郡發蒙振落耳乃決

計西上初七日次銅陵海舟與江舟參錯而行未幾先
後失序余一軍將抵烏沙峽而後隊尙維三山所與楚
來虜舟果相值余橫流奮擊沈其四舟溺死女真兵無
算以天暮各停舟夜半虜舟遁往下流礮聲轟然轄下
官兵誤爲劫營斷帆解纜一時驚散或有轉蕪湖者或
有入焦湖者西江之役已成畫餅矣余進退維谷遂沈
巨艦於江中易沙船由小港至無爲州擬走焦湖聚散
亡爲再舉計適英霍山寨土來遮說焦湖入冬水涸未
可停舟不若入英霍山寨可持久余然之因盡焚舟提

師登岸至桐城之黃金泐有安慶虜兵駐守此地乃入山隘口余選銳騎馳擊之奪馬數十匹殺虜殆盡遂由奇嶺進山一望皆危峰峭壁矣余轄下將士素不山行行數日皆趺且多攜眷挈輜日行三十里余禁令焚棄輜重而甲士涉遠多疲余雖知必有長坂之敗而赴義之眾何忍棄置亦按轡徐行八月十七日已入霍山界去縣治七十里之遙而所稱陽山寨者直咫尺間耳寨在山巔可容萬人饒水泉向多義旅近爲虜招撫有一褚良甫者亦義師受虜符據寨中余令將佐先以書往

張蒼水集 卷八

七

四明雜語

約圖刊本

通欲借寨屯眾而彼已聞石頭師挫有向背心堅不納而寨居險萬夫莫能仰攻余遂移札東溪嶺思走英山入將軍寨但將士疲甚偶語沙中俱以途窮爲憂余強起按行占一數四應皆空陷余大驚因申令詰劄早發是日余率騎兵前驅但慮前有敵人而豈意追騎之躡其後哉余方踰嶺後軍忽報虜奄至急回馬而旗靡轍亂士卒皆驚竄山谷中虜騎已當面矣余顧左右止二十餘騎步卒不滿百因勒馬高坡以待後軍稍集而擊之詎料後軍已爲截斷首尾不相顧矣虜騎復合余念

鬪死無名單騎突圍走止一僮攜印相隨焉嗟乎余之
入山非避死也尙圖控聯江楚收河南之大俠雲擾中
原天下事未可知也奈何孤軍無援鼓聲不振卒以潰
敗東溪不爲控扼者幾希天耶人耶余去敵稍遠而土
人利散兵財皆手挾烏銃游奕四山余牙門將逃而復
返與余值呼之偕行紆迴山崗間迷失道士人在山麓
者愚知卽趨至山椒阻去路余出白金爲壽土人卽送
余山广期以日暮導余出山三人始變服而余將欲趨
行下惟恐土人之叵測也余曰死固我分也藉土人叵

張積水集

卷八

八四明叢書

約園刊本

亂吾當明言姓氏令昇至建康從容就義耳不然者脫
虎穴矣是蓋有命焉及酉土人果來導余復裹脫粟相
餉食畢乘月而去一夜行七十里皆羊腸鳥道崎嶇特
甚初余在馬上著靴後舍騎而徒偶得雙鳥納之實不
容足中宵涉水履益加窄迨曉十指血殷踵盡裂余尙
竭蹶奔趨而腹且餒乃望門投止謀朝炊主人問所從
來導者答余爲館師余將爲買客也皆以兵難避去而
導爲之往送因具盤飧余爲之進一匕復行適余散兵
十許遇諸塗見余驚喜欲相勞苦而導者恐耳目大駭

疾走余恐迷失道亦躡導疾走而村中豪傑觀者如堵
竟相遮問蓋村中惟聞余兵入山風鶴甚驚見蹶者趨
者必謂兵之躡其後也故執途之人而問之導者見村
中遮余疑必事露計不返顧并余襜被亦負之而趨回
顧余之將與僮尙鵠立隔溪余既失導不得不反就余
將與僮步履倉皇鄉音復異村中心疑余爲虜卒敗道
益環擁索金錢余恐村中或有他變亦姑妄應之且傾
囊分贈諸人始稍稍解去余視其中貌厚者俾之導行
強而後可其人姓胡昆季三貌厚者伯氏也時余但欲
導出山達康莊他不遑計是日又行三十里託宿焉逆
旅主人胡族屬也忽胡之季猝至招其兄出耳語已而
主人咸出余意其識余行踪必甘心於余然已無可如
何胡卻人語余曰君從海上來非虜卒也余曰然子何
以知之然則奈何胡曰君適在村中不見有數人過我
門乎避于旁舍予季問之知君亦海上人也恐吾等導
不力是以來耳然胡終不知余爲何許人也胡之老人
重具雞黍爲余言此村中豪傑向年亦舉義旗卒不成
受虜殘虐故今莫有敢窺左右而動者不料石頭師挫

君輩又敗績吾儕不復覩漢官威儀矣嗟泣久之復前
要盟余易姓氏里居相告兼謀所向僉曰當從安慶渡
江當余之離蕪關而趨江上也余舊時貨從歛人朱君
來謁叩其近狀云變姓名賣藥於安慶之高河埠市中
仍欲從余戎行余謂事已裂矣此行利鈍未卜贈以金
靡之使去至是余憶前語遂令胡導至高河埠而胡亦
云導至高河埠能事畢矣余益不得不訪朱君而問道
焉信宿達高河埠已薄暮余令導與童子先之問朱君
藥室所在詎知朱君別余後他往尙未返高河市人見
童子之問朱君也覺有異咸踪跡之市中豪傑徐某金
某皆歛產與朱善偶從橋上聞童子之問朱君市人之
踪跡童子亦覺有異竟以數語解散市人故余得無恙
然朱君未返無居停主轉投逆旅逆旅嫗亦歛人聞余
爲朱君來故止余宿而胡之導余者將於次早別余俛
偃無所問津益無聊晨興忽憶安慶向有賣稻舟往來
江南北必取道樅陽湖而高河之樅陽一水可通遂令
胡代余覓便帆將渡江出池州登九華山徐圖歸計買
舟既定舟人期亭午鼓棹余故暫止逆旅而徐某金某

自外入與余聯榻坐問余何來余告以館穀歸江南便道訪朱君逆旅中無賴子遂詰余訪朱君胡爲者余亦謬爲應對而金與徐素昧平生語言時陰左右余頃之金目余起引入空倉中問余曰君得毋姓張乎余詭曰吳姓金曰不然日者吾與朱某來江上從鄰舟窺見君半采君固司馬公也業提師入山矣何以至是將何之盍金同朱至江上余方作焚舟計事旁午金無從晉謁而朱別去金亦踴躍而歸以故朱君與余交誼金稔知之而金與朱君行踪徐固熟聞也先一夕余過市金固

疑之與徐謀曰茲二客之訪朱君得非山中使者乎盍往物色焉故是晚之解市人及是晨之過逆旅殆有天幸及見余徐不識也金識之余亦不諱告以故金轉告徐徐曰江上未解嚴誰能爲蘆中丈人者倘疏虞可若何固要余至其家匿之始通姓名備道夜來與朝來事如此二君其誠有心人哉適安慶虜兵經高河士民畏虜如虎盡室避村野余不得已亦相隨避兵至一何姓家亦金徐密友也翌日虜去金徐二人另買寶稻舟載余藏舟次令何某伴余由樅陽出江渡黃溢抵張家灘

登岸而金與徐別從安慶來相會於張家灘灘屬也之東流徐之兄賣藥於村中故問津焉於是出建德祁門兩山中走休寧辛腸鳥道較霍山尤甚余復病瘡扶疾而行頭涔涔汗下如雨形容枯槁幾作溝中瘠矣東建延袤高山多小寇出沒或乘夜剽掠土人相率持兵守嶺頭凡遇客皆權金名爲禦寇而實爲寇也余冒險奔馳道路以目將次祁門江右義旅陳九思屯朱橋村舍逋逃商旅裹足而獨余行行不止人多怪之顧導皆歛人得無他計程兩日可抵休邑買棹溪行即可達嚴陵未

至休寧三舍輒聞有兵阻抵郭外果蜂屯蟻聚闔闔盡閉蓋虜之叛將新復歸僞長吏慮有變登陴余緣是不得入止郭外招提戢羽潛鱗雖子胥吹篪不是過也而耳目漸集乘間抵城中寓徐之諸父家其諸父善岐黃有隱君子風余至盛爲治具然亦謂余館師與其猶子善不知爲余也兵退買棹嚴陵過新安亭亭長呵止之索篙師金始放行達街口有巡司廨邏卒登舟譏察見余將北音魁梧疑爲亡虜持之急徐起而與邏卒鬪而巡司適之郡不在廨是以事得解遂解維過淳安已入

浙矣會省有文符插民艇載虜兵絕浮梁余船藏他港
不獲進卒爲所司插去行路難一至是哉余乃紆道走
遂安凡兩買棹始達嚴郡余旣入浙晦跡益難計惟山
行可無恐乃自婺之東義出天台以赴海壖然羊腸鳥
道較微更甚時余將已令取道於杭而金徐諸人皆不
諳浙道里向者導導余而茲則余導導然余實茫然問
途已經得至海濱居民咸來問訊遠近閔然知余得生
還矣回思霍山奔走以來之安慶之池之徽之嚴之婺
之浦江之義烏之天台之寧海計程二千餘里閭闔百

張蒼水集

卷八

十三四明叢書

約圖刊本

折何其窮也復追思向者崇明進師而瓜步而潤江而
太平而寧國而後而池而廬之諸邑州乘勝長驅又何
其壯也然而轉瞬成敗異勢榮瘁殊形是又戲耶夢耶
余自丁亥迄己亥前後入江豈歲在雙魚而一再躡疑
若有數焉然以十五載之簡練揣摩旣得之而復失之
人壽幾何河清難俟不亦重可慨也夫永曆十三年己

亥歲嘉平月書

張蒼水集卷八

張蒼水集卷九

明鄭縣張煌言玄箸撰

鄉薦經義

君子務本本立而道生

君子以一本同天下故大業因之時起也蓋人莫不有其本事而立之自君子則固處於日生之勢矣又寧必他道之務歟今夫倫品至殊而唯翼育性緒者舉夫大共而其勢恆足以納天下於軌物蓋神明日茂則萬肇之源以開樸略寡文而百行之端莫越故雖操乎至約

張蒼水集卷九

一四明叢書

約園刊本

而亦可相觀以類也以今思孝弟行而犯亂不作何道之隆也意卽君子豈能舍是而他務與夫君子鴻明庶績必敷贊其天意然逆折之不必其有功而順習之每覺其多福則節節而懿曾不若一節之罔乖也所以君子泯其勞於至一而遂有羣相孳息之氣抑君子區觀眾類必肇定其人彛然眾酌之未免爲沿流而獨惇之適全其公溥則人人而胥匡曾不若一人之有覺也所以君子制其動以相深而因有環相會通之意然則君子亦惟務本焉而已而本立道生有斷斷不誣者天下

事不有所起不能有所濟故神靈之質格頑解悖而鏡
其源特建端於近類以其近者物本乎天之情而放而
準焉始有其權利君子行雖可矜不以留枝葉德雖可
矧不以外根柢人未始不疑爲平淡而進之至於明察
則經緯萬端具是矣天下理不有所尊不能有所統故
辰耀之業藝極尋常而衷其要特開麗於庸經以其庸
者人本乎祖之彝而推而行之始有其功名君子報所
自生可以感琴瑟反所自始可以致羽干人未嘗不矜
爲究圖而原之繇於敬凜則綱紀四方舉是矣而君子

張齊水集 卷九

一四 明倫彙編 家範典 卷九 續圖刊本

正非務之以表異於物也其銘之几杖歟於此悟迥同
焉其勒之杯棬歟於此宏式訓焉觀夫怯夫慕義身不
出閨箭而克廣其內心況君子之有倫有脊者哉而君
子正非務之以尊行於己也其載之衿佩歟爲之蒸順
氣焉其賑之戶牖歟爲之向樸衷焉觀夫蒙士辨志守
不離宮庭而適懷其內則況君子之無憚無敖者哉是
則一氣所召先率者爲能多功而大猷允升肇修者所
繇寡過君子尙何他務歟抑自父兄之教不先而孝弟
其榛蕪矣務本君子蓋將圖蔓固蒂以存水木之思者

乎

用其中於民

虞帝不自用其知使民協於中而已夫中者舜自允執之而且以用於民彼曷嘗以知自務哉嘗謂物情之難受齊也廣之以僉謀慮其紛紜而莫定伸之以獨斷又患其扞格而難勝唯本之於作稽而又不至過炫其聰靈天下所以服時又之猷耳如舜既好善而執其兩端矣萬幾之責而欲萃之一身則經文緯質大懼不洽於民庸乃廣集宏謀而內秉之爲心裁者外卽奉爲邦憲

張蒼水集卷九

三四明教書

約圖刊本

一日之理而欲垂諸百年雖忠箴懿獻有時不適於時宜乃參觀庶理而上建之爲皇極者下卽稟之爲民彝若是乎舜之中一民之中也今且用之矣彼其協濟哲於欽文得毋過恃其負明而舜則謂上哲之務施諸愚人而嘗苦也勿謂民頑從星惟好勿謂民愚就日惟瞻史之所以稱順則也夫空鑑平衡哲后豈有意爲參訓而羣品適協所不俟劑以五方之氣矣彼其耀光華於震且得毋自飾其真聰而舜則謂至一之業歷諸紛途而始定矣疇爲降中稱天而處疇爲建中近帝而居書

之所以紀從欲也夫訓勅采菲聖人原無患其紛馳而
嶽方克謂所不庸執爲一人之憲矣故有以參酌爲中
者而不知非貞憲之度矣疆友變友狃習各有柔剛而
惟神明其意者雖持疏觀而不毗其衡引旁斷而不爽
其等也所謂上有哲謀之君而風雨從象者此哉抑有
以混同爲中者而不知非式敷之軌矣會極保極制事
具有幾微而唯平康厥心者卽值彝撫而不病於迂達
權事而不詭於正也所謂上有化裁之主而錯綜盡變
者此哉蓋總諏謀度隨在可以見知而必歸諸度量

張蒼水集 卷九

四四明叢書
約國刊本

者用獨不若用眾之神極淺深高下觸緒可以稽中而
先詳其委典者任己不若任人之大退哉舜乎能不景
思大知而服之無斃哉竊意允執厥中者堯舜相授之
法也而十六字之傳又輔之以人心道心則用中云者
其卽精一之旨也夫

權然後知輕重度然後知長短

稽器而得其情亦平施之明鑒也夫輕重長短皆有其
情而藉非權度亦奚由知之哉是可爲稱施者之驗且
王者之於民等勢絜量以爲意之所轉耳而實爲情之

所緣故失平衡之智者事格於所懸而抱咫尺之義者力窮於所赴彼豈未明於工器之用歟胡不可引喻以鏡也大凡參劑王氣者莫過乎執方此君子有絜矩之察也而其湊於紘糾之或則非精應圓者無以準裒益之施覽揆人情者莫貴乎司直此古人有執繩之治也而若其推於參錯之塗則非庸稱平者無以律高下之宜故權與度兩者並要之不可不察也今夫權始亦辨之毫芒而已而推算於黃鍾爲萬事之本故王者以之生律焉乃等其洪纖則嘉量平而鍾石準考其銖兩則

張養本集 卷九

五十四明齋書

約圖刊本

宮候正而聲永依夫寧閭於大較乎昔者盛王當治安之餘而猶借闕石和鈞以宣其德意遂得與掌於王府者並昭典則之垂夫亦有取於權也哉今夫度始亦謹之尺寸而已而測數於周官爲萬化之原故王者因之制曆焉乃稽其贏縮斯圭表修而算數永積其空圜斯累黍定而規式昭夫寧煩於指畫乎今之世族挾喫咻之術而猶假豆區釜鍾以達其惠澤遂得因設於量人者其察章程之台夫亦有審於度也哉所以自曲之能其端原不恃旁斷以爲安迨一入於輔相之宜而裁成

悉利將所云制器以尙象者其道或出乎此也器巧之末其初亦不在外摩以爲智迫一物協於曲折之勢而本末大明所云稽器以展事者其道不由於此歟今卽以天下推之執杓而運亦足廣茲條教之風而一毫以乖遂爲輪鞅輻輳之所誤故操權度者不敢因任而憚推致之勞折衝而治亦可得其整施之序而相智相形斷在權奇質劑之所託則法權度者烏容抑牽而越公虛之量竊聞之執藝事以諫者師之職也孟子將無同乎

君子以容民畜眾

繹師象而撫眾貴養之於不試焉夫民與眾異實也容之卽所以畜之矣宜君子觀象而深有取乎爾且古之設兵原以衛民也昔人謂其不得已而戇之故以麾卽田功者寓其流禽鹽利之意而卽以載纘武功者示其表貉誓眾之心自後世伍兩之制異諸鄴鄙之政而兵農始判然矣君子觀地水之象而曰民與眾未始無異名也然亦不可使有異實也以素不相習之民而戒以鉦鼓則挾不祥之器眾皆奮於技擊張克詰之威眾皆

力於拘原是教之師者爲黷武之端也抑以素不相馴
之眾而責以干城則墜弧矢之利民勿急其公上黜免
置之用民勿扞其君侯是不教之師者爲玩寇之漸也
此其權有所隱而事有所陰誠莫善於容畜之方矣夫
師之時裒旅方旋懷桃棘者方自力於壯事而君子唯
講蒐苗之節將無謂其弛備歟夫國非澁兵之足患而
弭兵之足患也君子嚴黨塾之令則耕獵同乎田而精
勇秉虔於步伐飲射同乎學而俊秀厲志於弓矢又孰
非其成城之志也哉師之時藩封未建詠桓轡者誰其

奏其敵愾而君子惟明并牧之制將無謂其忘戰歟夫
國非武滿之足憂而人滿之足憂也君子篤比閭之慶
則禮以治乎兵而甲冑表容於羽翟樂以行乎軍而金
革寓理於宮商又孰非其同袍之氣也哉嘗見過劉之
代岷甲功高於泮水而夷氛孔熾猶薄伐而言歸若止
戈之武業潛於息事寧人豈有附土未堅致繹騷而動
者乎夫民猶水也潛之則爲安瀾斯其容之義歟又見
鞠旅之世脫劍祀美於明堂而國本先搖奚采薇之治
外若出車之期典示於型仁講讓豈有地著未廣以召

募而充者乎夫眾猶地也尊之則爲樂國斯其畜之旨歟由是極容畜之經雖迎貓迎虎作之可以授戰烈而揆民眾之名卽成旅成聚進之可以寄軍令彼君子豈誠無所取哉先儒有言井田爲兵法祖故國家有事而象弭魚服卿士亦履行間虎韞龍盾婦女皆識戎事亦容畜之道得焉耳

天地解而雷雨作雷雨作而百果草木皆甲坼解之時大矣哉

隆解道以察時當知所以敬奉矣甚矣解至天地而物

張蒼水集卷九

八四明張書

約圖刊本

無不受其澤矣乘其時者庸何忽諸聞之庶徵之應上究天心羣彙之升下占節序明平時之所趨造物者啟之也然而處瘴盈之終者極則必散而遭震盪之始者謹乃善承此古人設卦若與月令同紀焉夫時至於解爲何如時乎前此者凝陰墜戶水泉涸而氣斂於藏則實落材收天地亦憂其鬱而未暢而未嘗助宣之者恐干其紀也前此者農祥緝耒土膏脈而機出於穉則伏萌振稿天地亦患其滯而未舒而未敢升長之者恐爽其候也至於解矣而雷雨始作矣恩覃霖雨蕭艾等其

敷榮氣鬱驚雷莫裨同於華實夫解之時百果草木有
不用圻者哉雖然祁祁之雨膏彼黍苗紫勃得以滋長
其丰容若將之搏擊而沾潤由之摧折亦由之也然積
瘁之後不尤以震迅而生氣不全則撫養植而感同榮
何不可謂霖推而頌歲功焉湛湛之露蔭於杞棘斯物
得以暢遂其膚理若過爲鼓潤而禎祥由之災祲亦由
之也然久塞之餘不極以降騰而亨嘉未會則啟朝華
而步夕秀何不可推穹昊以察時序焉然後知解之時
誠如此其大也氛靄方夷非壯猶難發六字之蒙故解
有時可以糾刑而要非云過虔也天地之德方應乎緩
令適其時者爲之剽疾焉品彙何以有廣瑞之升引義
於此亦愈知匡時之非細矣因而知屯時乘滿盈之會
柔剛交而草木節解故雷雨之動正以試草昧之經綸
乃解時際西南之運陰陽和而草木甲拆故雷雨之作
遂足介庶靈之繁祉此吾所謂解者如此夫春秋紀災
異凡震雷雨雹殺草之類不勝紀豈天地之未欲解也
或亦其時爲之也

易知則有親易從則有功

木人情以爲端可斷言其所效矣夫易知易從者人情之所終也端乎此而親之與功可環至而立效則易簡之說豈且夫有元后之體者不恃其有不可拔之勢而恃其有不忍叛之心是豈可矜功虛願率己意以行之者乎蓋深父母之載由無炫其神明而效奔走之能在不侮於矜寡所以羣心一而大順章也則且爲易知易從者計之天下形氣之倫仇后罔定耳或者聯以臂指而不動數以腎腸而亦不歸此必有作聰明之君也非然則尊卑之情也疏非然則君臣之體也遠及乎降

與養水紀卷九

十四明裝書

物園刊本

大君而篤以家人之懼夫豈不躬被嘉祉乎宅命降康黎民莫避風雨之詔紀宗撫夏興王無俟雷震之文則其昭景飲醴者至矣極之省方以作樂而其情親辨俗以制禮而其性親蓋莫不函以如天之度也是以昔王十二年會朝方岳而又斂時錫福以優游嘉氣之洽則見裘笠者感尹媾於東都觀籥翟者念美人於西國張美翊曰此下易世猶親之况身沐其澤者歟天下瞻望之似奪五字眾去來靡常耳或者歆之以厚利而不嚮惕之以明威而不附此必上任詐力之臣也非然其蜡索之利未卑

歟非然其刑罰之禁未寬歟迄乎去其猜忍而降以蕃
輔之司夫豈不俗革風聲乎定銘迎書歸仁非關玉帛
之惠立監諱史凱樂非由鐘鼓之娛則其開誠示慤者
深矣推之建國以受球而多康功經野以置畝而多田
功蓋莫不祖於配地之行也是以昔王十五國辨定風
謠而又養欲給求以庶幾眾志之孚則金玉爲相四國
雖遠而必依雲漢爲章六師雖武而必及家邦之相保
荒服猶從之況耿揚其光者歟夫然而易知易從之至
於有親有功豈逆計其效之如此者而道有相連亦何
可疑也蓋撫有一國者懼其威尊而命賤故必屬之以
親以明人情之由而泄有兆民者恐其體異而情殊故
必嚮之以功以識王道之本信乎易簡之理若是其有
效也聞諸古云君不天則下不徧獲心不地則物不尊
安是則有親有功之一鑒

天地之大德曰生

好生之德惟天地有其撰焉夫天地以生物爲心而生
卽其德所由推本言之而見其大焉今夫民物之命皆
基於函三而或至忘其誕育之宗將世之馮形翼氣者

能無憂其頤濟哉雖然清寧之既原不設虔劉之心而高深之撰何所外亭毒之意此在天地每不以受德成其大而吾因得而指之曰生也原諸陰陽之始天地既以分形異性者行其咄植之仁原不欲使短折之徵並考終於福極則聰羽毛鱗介不必有局高踣厚之思矣卽稽乎壬林之後天地又以節性防淫者寓其邪郭之度絕不忍以傾覆之情別栽培於同類則等聖頑愚亦可知戴昊履地之寬矣斯其爲德不誠大哉有上古之天地焉其時法令罕雜俗進康樂爲一書民皆登乎

亶壽之域天地已不事其匡扶故雨露之施象其仁霜霰之流象其義若無意鄰於殺者而生乃安夫生安而天地之澤何普汜矣况春養秋育有降此而法其事者歟有中古之天地焉其時功利漸紛國靡生聚者十年物皆遵乎悔吝之途天地益不勝其振救故闔邱之祀告以譴泰折之享降以警若有心閔其危者而生始全夫生全而天地之惠何休宏矣况歲和月吉有贊此而佐者者歟乃或者謂舒慘之形天下未嘗悖馳也不知人道攸虧則用違日德王事將啟斯治本月刑在王者

猶不能以生而廢殺故有斷獄治兵之事況其爲樞極
之朕豈盡卽以棄毀觀天地而究不失其遂生之功又
或者謂哀榮之事天地亦所並存也不知四靈可畜乃
不礙蟻蝨三榮先殄亦無傷嶽降王者猶不克以生而
矜死故有斬木伐獸之期況其在爾蓋之宥哉盡卽以
剝落求天地而究不爽其含生之理不然聖人亦何所
取而必祖天地以爲德哉從來稱天地者曰大生曰廣
生而史之頌舜則又曰好生之德洽於民心吾謂其卽
言洽於天心亦可

張蒼水集 卷九

十三 四男 五書

約園刊本

膏繡綉公二十三歲爲明崇禎十五年壬午舉於
鄉主司房考姓氏已見於趙譜往歲王翼林復以

其叔謀道所藏浙江壬午科公鄉試硃卷見贈開

卷署第八十二名寧波府鄞縣學增廣生張煌言

習易本房座師錢批褚河南書如瑤臺嬋娟不勝

綺靡乃其人大節著宋廣平鐵心石腸而賦情

獨豔治此先輩於文章家神骨之外兼登氣靈傑

必以茂美韶令爲入格此卷勢如驚鱗躍波情如

翔鴻接翼步驟益閒符采倍耀取其章美足以衣

被天下矣論開創微言表聲出金石判比度不失
分寸五策敷陳時事條達通明知爲才識兼茂之
士竚看大受者也亟薦大座師左給事范批不事
高深澹然自足大座師編修吳批雅思雋筆萬籟
俱澄第一藝房師總批氣古質清如見禮樂器三
代以還無此體製矣散批榮昌愷樂之氣芊芊然
鬱鬱然動盪夫筆墨閒又批擲地可作金聲又批
包舉眾類彌見高深又批運圓成璧運方成珪無
不敏妙大座師批一痕都血百鍊皆金第二藝房

張谷水集

卷九

十四四明叢書

約園刊本

師無總批其散批云體莊傳以雋筆自足超勝又
批典雅高亮定非恆製又批朱絃之音疏遠又批
收法能束全題無一漏義大座師批典重第三藝
房師總批舉體淵深而氣溫詞惠真文章之雅範
散批如玉溫潤而栗又批分疏昭晰而不損旨趣
又批淡蕩足以自娛又批皆探源陟顛之論大座
師批考同經術不減固鴻第四藝房師總批風規
嚴重若其顧盼遨翔則又逸情雲上散批分疏清
老又批議論迴不猶人又批容與而軒翔又批便

見經濟深心第五藝房師總批發論皆在虛處而
名勝間自翹翹秀出散批頓折有致又批按接如
舞又批兵刑豎義善詮卦旨又批千門萬戶對答
如流同於江都繁露矣第六藝房師總批和中清
理幽激多姿顧彥先八音之琴瑟也散批含吐有
姿又批美哉銀乎如斷又批一折警絕又批每於
結處謹嚴望而知爲紀律之師第六藝房師總批
太虛廓落不復纖塵散批文情流澹又批秋水春
霞淡濃一碧又批芳潔溫栗如蓮荷被水秀實可
玩又批戰酣猶能透甲百重豪哉今校公經義取
殊卷對勘之改正一二字並錄原批如右以誌翼
林投贈之惠惜翼林墓本已拱矣爲之慨然又案
殊卷如寧字如苻字均避清諱則爲清代重刻可
知非原本也

張蒼水集附錄一

年譜

鄞縣全祖望紹衣輯

公諱煌言字玄箸號蒼水爲宋宰相張文節公知
白裔孫文節之後自滄州徙平江又自平江徙鄞
居鄞九世避元季亂泛海至於高麗明初始歸故
里時號爲高麗張氏張氏兄弟孝友世所稱雍睦
堂者也又六世生尹忠尹忠生應斗應斗生圭章
公之父也登天啟甲子科官刑部郎

張蒼水集附錄一

一四明叢書
約園刊本

明神宗萬曆四十八年庚申六月十九日公生

有作四日者說

太夫人趙氏中年艱於子禱漢壽亭侯祠得異夢
生公故小字阿雲是年八月以後稱泰昌

熹宗天啟元年辛酉公二歲

是年遼左失事

思宗崇禎元年戊辰公九歲

崇禎四年辛未公十二歲

太夫人趙氏卒

崇禎八年乙亥公十六歲

補邑諸生時天下多故朝議欲重武略命學使者於經義之後試以騎射諸生從事者新莫能中公挽強弓抽矢連三發皆貫革意氣閒暇學使者大奇之

崇禎十三年庚辰公二十一歲

公少好黃白之學嘗絕粒運氣困殆幾斃已而游於椎埋拳勇之徒扛鼎擊劍日夜不息忽又縱博無以償所負則私斥賣其生產刑部根焉

崇禎十五年壬午公二十三歲

張蒼水集附錄一

二四明叢書
約園初本

公舉於鄉

大清順治元年甲申公二十五歲

國難報至

順治二年乙酉公二十六歲

江南失守六月同錢公肅舉起兵邑中時浙東義旗四出姚江則孫公嘉績熊公汝霖會稽則鄭公遵謙東陽則張公國維金華則朱公大典臨海則陳公爾輝慈谿則沈公宸奎公奉監國至越詔以翰林院檢討張美翊素曰黃梨樹墓志銘作編修掌制誥兼行人司

事

魏公肅舉字希聲鄞人崇禎丁丑進士知太倉州事以循吏稱遷刑部郎乙酉起兵郡中拜浦陽中督師督兵侍從亡入閩與鄭彩

相唱而卒諡忠介年四十二

孫公嘉績字碩膚餘姚人五世祖燧諡忠烈補廬

浙大學士登崇禎丁丑進士第授工部主事調職

方司郎中遭讒下獄從徐忠襄投易踰年起為九

江總僉事二百大兵東渡閩六月九日東浙創為

卽墨之守縣官九命都御史京闕大學士

丙戌六月十四日卒于海外之翁口

吳公汝霖字兩慶餘姚人崇禎辛未進士知福建

同安縣事以考嚴補戶部出督上江漕糧敢言忤

旨謫福建按察司照磨南渡起原官晉吏科復與

權要不合因奉使歸乙酉起兵邑中是時江上方

王諸大將皆頓兵自守縮朒不前公身提孤旅從

小盪徑發直抵海寧分營別汛浙西響應而諸將

張整水集 附錄一

三四明張整水

約國刊本

無業之者屯兵置守而還公軍最弱每戰多挫而氣益銳一時號為熊兵累遷兵部尚書督師扈從入福建拜閣學時鄭建國彩專威權與平夷侯周鶴芝交惡公票擬恆右鶴芝彩恨之彩又與義興侯鄭德謙相仇彩之部將李茂守瓊琦與公奴子爭口益從亡諸臣之室皆保瓊琦元夕公以休沐至瓊琦熊鄭兩家同鄉相餽茂即以合謀告彩公遂為所害暨幼子俱投海中鄭公遵謙字履公會稽人僉事之尹之子側廩任俠輕財嗜酒與東陽許都為死友大兵南下奄人風尚忠至紹興左都宗周日凡洩官皆可斬也干守道穎字瀛長金壇人崇禎辛未進士遂繫尚忠以待公卽出而縛殺之因謀起兵盡縛降官斬之召故所結少年三千人與孫熊兩閩部應殺招撫使於江上迎監國至挂義輿將軍印進伯分守小甌累捷有功方王爭柄公鬱鬱不得志江上失守福州遣使召之甫至公扈監國於長垣與鄭彩爭洋船交惡熊閩部死公不平彩恐襲己遂誘殺之

沈宸荃字友棣慈谿人崇禎庚辰進士考選山西道御史馬阮亂政公連上十餘疏論時政安危得失直糾士英十二大罪出爲蘇州兵備道後蹈海死從兄其旋亦崇禎進士殉難台州時號爲一忠

順治三年丙戌公二十七歲

浙東失守富平將軍張名振守石浦棄之扈監國

至舟山威鹵侯黃斌卿不納名振乃奉監國入閩

迺承勝伯鄭彩卒擲鏢而行公留舟山

順治四年丁亥公二十八歲

公在舟山時定西侯張名振歸詔公以右僉都御

史監其軍是年松江提督吳勝兆乞師威鹵侯欲

張黃集

附錄一

五四四明叢書

一初園刊本

卻之右都御史沈公廷揚勸定西行公與馮御史

京第同往至崇明颶風大作全軍覆焉公閒行至

海上

公有送黃金吾馮侍御乞師日本詩按日本乞師之舉始於平彞侯周鶴芝鶴芝首號九玄福清榕澤人也少讀書不成去而爲盜於海其人饒機智齊輩皆聽其指揮嘗往來日本以善射名與撒斯瑪王結爲父子日本三十六島島各有王其所謂東京者乃國主也國王擁虛位政令皆聽之六將軍其三十六國王則如諸侯之禮撒斯瑪於諸島爲最強與大將軍相首尾鶴芝尋受撫得官乙酉關中詔以水軍都督副黃斌卿守舟山其冬遣人至墩斯瑪曰中國喪亂願假一旅以助軍將軍慨然許之期以明年四月發兵三萬一切軍資戰艦器械自備其國之餘財足以供大兵中華數年

之用自長崎島至東京三千餘里馳道橋梁驛遞
公館皆大脩葺以待中國使臣之至鶴芝大喜益
以珠璣玩好爲賂遣參謀林鶴舞將命而試卿止
之日監國命余尙書檄來言此三桂之續也且不
見世宗之優患乎鶴芝怒而入謁日本待鶴芝不
至其意漸衰丁亥鄭芝龍降督師張肯堂乃行鶴
芝之說請安昌王恭煥行鶴芝遣其義子林臯從
之不得要領而還於是馮侍御京第自松江歸言
日方北都借兵時尙有東南可乘今我無可失之
地比之前者不倫況世宗朝乃海盜耳我乞師國
王其又何害妖卿乃遣其弟孝卿隨京第往至則
適有歐羅巴之事初歐羅巴欲行其教於日本其
教務排釋氏所謂天主之學也日本佞佛乃盡殺
之埋於土中焚其船暨銅板於通衢刻天主像踐
踏之囊橐有歐羅巴物搜得卽殺無赦歐羅巴精
火器發摧數十里舉國來攻日本日本謝罪乃退
京第至長崎島則方戒嚴不得登陸京第朝服哭
於舟中會東京遣官行部如巡方者見之因收其

張勳集 附錄一

六國明使書

利國刊本

書撒斯瑪王聞長崎之拒京第謂大將軍曰中國
喪亂我不遑歸而使其臣哭於吾國國之恥也乃
議發各島罪人以往令孝卿待命長崎而遣京第
先遣致洪武錢數十萬以助軍需舟山之行洪武
錢以此日本故多放居大宅無壁以錢漫分爲私
室嘗日夜各懸琉璃燈諸妓爭賽琵琶孝卿溺焉
日本以是輕之出師之意中輟己丑有僧湛微自
日本來爲蕩湖伯阮進述請兵不允之故且言金
帛不足以動之誠得蒲陀山寺慈聖藏經爲費則
兵必發進與定西侯張名振疏請以澄波將軍阮
美爲使齎經以往其王聞之大喜已知舟有湛微
則悲湛微故嘗犯法於日本日本法不殺中國僧
有犯則遂再至則戮及同舟

始知爲其所賣遂載經而還

公有和黃虎癡承制強曆韻詩 初閱中班詔至

越江十諸臣會議朱相國大典首奉詔具表稱謝

登相國齋樂言今日事宜合力不宜遽示爭端張

相國國維恐窮人心力持不可熊相國汝霖亦以

爲然遂罷開讀之禮由是頗生嫌隙馬士英又構之已而相繼失守諸軍皆至海上鄭招討成功自以福州舊官不欲推奉監國用路相國振飛曾相國櫻計援天祐天復例頒東武四元曆以文淵閣印印之時錢相國強魯大統曆海上遂有二朔

順治五年戊子公二十九歲

公在舟山鄞故主事華夏等乞師威鹵侯請公偕行至則事泄謀內應者被執不克而還

華主事夏別號默農鄞人爲諸生時卽受知於倪文正公元璐黃文忠公道周乙酉與董主事志寧陸觀察宇燾張職方夢錫等同起兵于邑中所謂六狂生者也錢相國肅樂署爲監軍降紳謝三賓惡之謀敗其事不克遂與夏深讐夏之在江上不受官丙戌遷歸里中謀再舉時馮侍御京第密連

葉蒼水集

附錄一

七

初國刊本

慈谿義士聚眾夏與焉復爲三寶所告遂拘獄中以賂得免已而復乞師于舟山以屠主事家營弁爲應并聯李侍御王職方軍三寶聞之大懼陰竄得帛書告于巡方夏被執庭鞫其同謀對曰大行皇帝造謀某見殉難諸忠臣共焉在獄神色自若遇害時夏夫人聞變絕粒夏母尚在堂夫人奉甘旨如故既聞行刑卽密語夏諸友託以遺孤時議逮及妻子林時躍跪出墜子以聞而匿其子于家夫人手杵米數斗脰

進其姑因從容投縋云

屠主事獻宸者一名宸

鄞人乙酉棄諸生走江上從熊閣部汝霖孫闕部嘉績軍時寧波尙未起兵也郡中師起復歸傾家助餉已而失守匿于曾王父大司馬之故居與華主事等謀再舉時故居已半爲營弁所踞海道中軍陳天寵仲諫者皆北產也屢邀獻宸過飲醉後感慨故國事歎曰勿謂吾輩異國實皆故閣部史公奮將也當維揚決別時閣部各屬一印相誓曰

異日無忘舊盟此爲左券卽從衣領中出閣部印以示獻宸且指天曰公若能招海上軍以薄城若吾輩不翻城應者有如此日獻宸大喜會與華主事謀洩爲降臣謝三賓所告而諸父相繼被逮矣已而海師入海道孫枝秀曰海師不發矢第仰視城必有內應令諸營嚴守凡巷口市隘皆以馬兵紛馳有妄出者卽射殺之天寵等不敢動師退獻宸遇害方庭鞠時獻宸誓死不承天寵等得無恙然天寵等左右獻宸之力亦多

公有挽楊仲瑤張美翊案曰海東逸史作瑤仲廣文高錫推官文琦者鄞人諸生乙酉以流寓閩中得與隆武從龍恩充貢舊例以推官用進補監紀推官丙戌與弟弼弼史文瑣聞道鄞華主事之謀舉兵也文琦實爲介紹聯絡李侍御長祥王職方翊兩軍其後謀洩被逮時文琦適出城不獲遂逮其父有勸之遁者曰俱亡無益文琦哭曰天下安有倡義而陷父於理不顧而去者亟赴之抗辭不

振替水集

附錄一

八四明叢書

約園刊本

屈同華主事遇害文

琦夫人沈氏亦自縊

公有挽董若思明經詩

董主事德欽者鄞人右

都御史光宏之孫大兵南下德欽納衣領于文廟

哭而焚之錢閣部起兵邑中以家財助餉華主事

慈翁之獄德欽以千金脫之方事之殷德欽與屠

主事皆謂華曰人心不可知慎勿輕易託以肺腑

華性坦直卒用是致禍其時同謀十人爲首惟董

主事志寧得脫辛卯死于舟山之難王評事家勤

杜秀才兆祉借杜秀才懋俊施秀才元於相繼遇

害

順治六年己丑公三十歲

公募軍結寨於平岡時蕭山會稽臨海天台慈谿奉化之閭山師大起惟公與李公長祥王公翊軍

不事劫略居民安之連破新昌上虞諸邑浙東戒

嚴

公時屯兵山寨
有勸農遇雨詩

順治七年庚寅公三十一歲

公年三十時監國軍憤於閩定西侯以師迎厲會
諸勳鎮討威鹵侯殺之而奪其地因屯師焉公以
所部入朝晉兵左侍兼學士

公有弔黃虎癡詩 黃肅鹵賊卿字明輔別號虎
癡與化衛人甲申乙酉間累官鎮南將軍總江北
兵福州改元斌卿曾以向爲舟山參將上言舟山
形勢卽命以伯印賜劍屯其地便宜行事時張定

聚齋水集 附錄一

九四明叢書

約園刊本

西名振駐南田因結姻焉請用平彝周鶴芝自引
斌卿猜忌而平彝慷慨下士士多歸之由是見忌
而歸嘗出師窺崇明戰敗以周閩安瑞救得免斌
卿怯于大敵而勇于害其同類荆監軍本微建義
松江以兵敗至舟山其將士皆驍雄斌卿忌之因
鄉民之怨率而攻之監軍遇害江上失守張定西
名振護監國至不納寧國公王之仁至誘擊之得
并其眾寧國將張國柱因來爭斌卿傾師出禦勢
不能當時阮蕩湖進爲定西將精于水戰乃求援
焉國柱大敗而去斌卿并得其軍斌卿因說蕩湖
背定西已而賀君堯等至復擊殺之有兩王子至
復殺之而奪其贊劫義師將軍來貢繼斌卿思
仿南十司例世有其土令民年十五以上卽充鄉
兵男子死妻卽嫁其出入官年六十無子者則收
田別給日食時定西由崇明敗歸斌卿頗侮之定
西積恨復歸駐南田王平西朝先亦不得志于斌
卿別屯鹿頸適蕩湖以軍飢乞糴舟山斌卿不應
蕩湖怒遂與定西平西連營時監國失閩地諸將

因往迎之張相國肯堂曰將軍不奔同官乎而與諸雄爲仇某竊危之不聽斌卿標將黃大振者再盜也以得罪奔平西勸令攻之遂率監國來討斌卿大懼求援于安昌王恭棨張閣部肯堂皆爲上章待罪又議和于諸營會部將飯出洋蕩湖縱力劫之沈屍水中按陸宇燾所作傳盛稱斌卿之才略忠孝刻厲勤王不避艱色力以恢復爲志并辨定西平西之事皆以假誤之嫌非其本心自斌卿死舟山遂不可守與前所載不同讀公弔虎疑詩亦甚惋惜俟考

順治八年辛卯公三十二歲

八月聞有北師定西侯以恃險失備北兵悉抵城下
定西乃分軍扈監國北行直入吳淞欲以牽舟山之勢而舟山已陷時公從行

張蒼水集 附錄一

十四明叢書 約齋刊本

公有翁洲行詩 大兵之下舟山也使松江張天祿出濠關金華馬進寶出海門而陳錦總督全師以出定海張定西自恃習熟形勢謂諸將曰蛟門天險誰能飛渡吾坐而覆之此易事耳八月大兵試舟海口舟山人以三舟突陣獲樓船一隻戰艦十餘敵十一人而縱之踰日天忽大霧咫尺不辨大兵輕帆直下時阮蕩湖先詣海門請和欲以緩師大兵將誘之蕩湖適歸邀擊大兵于洋以火毯投樓船風轉反焚其舟蕩湖面創甚投水而死遂往抵螺頭門城上方覺定西以王跟賂而去諸將背城力圍大兵殺傷雖眾然眾寡不敵城遂陷文臣則大學士張肯堂禮部尚書吳鍾繼兵部尚書李向中吏部侍郎朱永祐通政使鄭遵儉兵科董志寧兵部郎朱養時吏曹楊思任戶曹江用楫林洪禮曹董雲兵曹李開國朱萬年王爾願欽工曹顧宗寬戴仲明中書蘇兆人武臣則安洋將軍劉斌之左都督張名揚楊錦署衛指揮王朝參將林志燦守備葉大俊定西參謀顧明楫內臣則太監

劉朝諸生則林世英俱死之

公有挽張相國肯堂詩 華亭相國在舟山時內
司文誥外調軍機鞠躬盡瘁刻無寧晷而吟咏之
事不輟亭臺竹木手自葺潔又有寓園秋色詩礪
灘鯨背之間詩筒唱和可以觀所養矣其雪交亭
者梳一梨一梅開時花嘗時相接覆於亭上有寓
生居繞屋皆種續斷續斷名寓木也并爲文記其
事

公有挽大宗伯吳繼稭詩 宗伯晚年嘗曰吾與
馬文忠世奇最善而李忠毅昇則吾弟子錢忠介
肅樂則吾門生皆死國難吾叔子福之乙酉起兵
以殉難死吾負吾君是負吾友吾負吾友是負吾
子時復告老居補陀聞變曰吾從亡之臣當死行
在卽入城中與張相國分城而守城陷作絕命詞
曰只爲同事催行急故遣臨行火浣衣
遂自焚于學宮宗伯所著有雉幽集

張蒼水集

附錄一

十四明鏡書

約園刊本

公有挽朱聞玄少宰詩 朱少宰永佑字爰啟號岡
玄華亭人壽錦繁海東逸史作上海人崇禎甲戌
進士授刑部主事晉吏部郎闕中以太常寺卿出
監平彝侯軍力勸鄭芝龍無降將遺力士刺之已
而不果丁亥偕張相國肯堂徐給諫孚遠至翁洲
晉侍郎加尚書城陷病不能起或謂之曰薙髮則
生罵曰吾髮可薙何待今日遂遇害僕負其尸出
郭流血不止僕號泣曰主生前好潔今無知耶歷
聲而絕

公有挽安洋將軍劉胤之詩 劉將軍胤之名世
勳江寧人也丁丑進士爲人奇偉個儻精于戰陳
復好儒雅能詩福邸命以副將安撫浙東因隸肅
鹵麾下累有功監國進都督挂安洋將軍印舟山
圍亟世勳開門許降內伏大砲大兵前隊
爭入砲發死者千八力竭終陷自刎而死
公有挽王完勳侍郎詩 王完勳名翊餘姚人初
從軍西興無所知名西興師潰翊歸餘姚私求計

士家貧授經以館穀量貲分給人感其意魯王在海
上遣人授翊御史使舉兵穀結壯士十餘人起
下管轉相號召浹旬得千餘人發辯士至舟山說
黃斌卿同攻寧波寧波諸生華夏以帛書來告內
應未幾夏等謀泄斌卿至寧波後期斂軍退翊遂
入四明與公同御一棹李長祥等分營互應而翊
軍最強以王江司餉沈調倫毛明山孫樹領部卒
兩破上虞殺攝令符其縣印於是大帥檄四明村
落結團練自爲戰守大兵踰清賢嶺攻丁山翊卒
死者四百人孫樹戰歿御史慈谿馮京第自湖州
軍敗開行入翊軍屯兵于杜壩爲團練所破邵一
梓亦戰敗于下管翊乃自天台收兵還擊團練破
之收散卒隨道招集得萬人使京第乞師日本將
會兵由海道入長江會斌卿弟孝卿敗其謀遂與
斌卿絕攻奉化不克戰于河泊所還入四明順治
六年魯王亥健跳翊往見加僉都御史次舟山再
見加兵部左侍郎時嚴我公爲招撫使湖州柏襄
甫會稽顧虎臣降之大兵將渡海發使者入四明

張新水集附錄一

十一四明叢書

綉閣刊本

山翊部將黃中道邀殺之翊謂京第曰今與我持
角惟舟山我破舟山無援舟山破我亦孤事未可
知然豈可孤乘桴之望哉明年破新昌越餘姚拔
許山紹寧道梗大兵將取舟山惡翊反內地乃分
兵二道金礪自奉化田雄自餘姚會擣大嵐翊戰
敗京第被獲于灌頂山翊至北溪爲團練所執過
奉化賦絕命詞軍府廷鞫之翊不屈總兵劉進忠
射之中肩田雄中賴金礪中脅不動貫植木絕其
吭乃仆毛明山暨鄞人陸宇燦嚙其首葬之王江
及調倫俱戰死于四明山翊執後一月舟山破魯
王奔

廈門

按順治十一年中張闓部會定西軍直抵金山
遙祭孝陵偕王御史江等題詩蘭若中此王江豈

另一人耶抑

記載誤耶

順治九年壬辰公三十三歲

公復扈監國入閩延平不肯奉魯但以糜餼供之而已時王去監國號以海上諸臣皆受慎命也惟公於王不改節是年刑部公卒

公有讀史詩 初延平以閩越舊嫌不欲臣於監國然監國在長垣在健跳在翕州皆有諸軍護衛時亦無藉于延平辛卯之後延平軍勢日盛遂執牛耳定西平彝聞安諸公皆稱郝苞而監國爲寓公矣故不得已而去尊號乾侯之辱良可悼也浙邸舊臣惟公始終一節不與延平附和公有讀史二首蓋情見乎詞矣公在海上当事防守其家刑部密遣人謂公曰吾寧爲李通之父不作姜維之母至是病卒李徵君

鄴嗣葬之城南

公有閩南行詩 是年鄭成功圍漳屬邑俱下獨郡城以援至不克成功防鎮門山以水之堤壞不

張蒼水集

附錄一

十三四明叢書

約園刊本

浸城中食盡人相食枕藉死亡者七十餘萬時又遣派梁索餉之慘夜敲瘦骨如龍瓦聲千門萬戶莫不洞開落落如游墟墓饑鼠飢烏白晝充斥圍解百姓存者數而指溝中白骨非其父兄卽其子弟屢數告人然氣息僅相屬言雖悲不能下一淚也時有一人素據檄率妻子閉戶一櫛而絕鄰舍兒竊煮噉之見腹中累累皆故紙字畫隱然鄰舍兒亦廢箸死延平陸梁海上以來沿海居民受荼毒亦至矣然莫暴於漳州之師總督陳錦實死於是役焉

順治十年癸巳公三十四歲

公在廈門時有言思文帝未死在五指山爲僧尋以敕書通問公疑其僞已而卒無可考還浙次於東甌尋入吳淞

壬辰八月前刑部侍郎王虞石至島言來自五指山思文帝實在彼爲僧初思文帝蒙難有告路相國振飛者云被執者非帝也至是皆信其言繼而勅使至厦門故臣皆不能決是年二月復遣使存問使言思文帝今離五指駐平遠不日起兵諸臣乃具公疏請勅驗觀卒不可得

順治十一年甲午公三十五歲

公在吳淞會定西侯軍北行時諸軍直抵金山遙祭孝陵三軍慟哭偕王御史江等題詩蘭若中南都震恐而上游人待接應者愆期不至諸軍不敢深入左次崇明

順治十二年乙未公三十六歲

張蒼水集 附錄一

十四 四明叢書

刻園刊本

公在吳淞再合定西軍入江掠瓜州儀真抵燕子磯卒以師徒單弱中原豪傑無響應者還軍於浙是年延平以去年出師未盡得志乃以正月祭旗大演陸師六月祭海大演水師遂下福之安平鎮漳州及惠安南安同安三邑墮其郭因破廣之揭陽澄海普寧峻揭陽城毀澄普又發師下浙之舟山國朝復遣使撫之不聽是時延平專任閩事朝議割漳泉潮惠四郡并賜延平及其父芝龍叔鴻達等封爵令島上雜髮延平不受世祖初遣鄭賈兩漢大臣繼遣葉阿兩滿大臣撫之延平乘機登岸措餉縱橫福興漳泉之地世祖怒安置芝龍于高祖延平不願是冬大發水陸諸軍于揭揚應廣東李定國軍十二月攻降泉州漳屬縣十降其九泉屬邑七降其六延平遂置六官分理庶事

順治十三年丙申公三十七歲

公在東甌間至閩中時定西侯以前年卒其部落無主者公盡統之軍勢漸振復還秦川

順治十四年丁酉公三十八歲

公在舟山初舟山既失守延平以兵取之丙申復陷是年中朝以舟山不可守遷其民於內公屯兵

焉

按舟山自辛卯後國朝以巴臣興守之乙未延平遣部將督諸軍圍舟山巴臣興降丙申八月國朝復取舟山部將之守城者俱赴水死丁酉國朝朝以舟山不可守乃遷其民過海遂空其地

順治十五年戊戌公三十九歲

張勳水集 附錄一

十五 四明叢書

約圖刊本

公在舟山滇中遣使慰勞晉關部會延平師北行已陷樂清等縣碇羊山孽龍爲禍海舶碎者百餘義陽王溺焉羊山者海中小島羣羊乳其上見人了不畏避然不可殺殺則風濤立至軍士不信執而烹之方熟而禍作復還舟山

是年五月滇中分道出師李定國下湖南馮雙禮副之劉文秀下四川王復臣副之以楚事急選兵俱隸定國六月定國駐軍武岡雙禮駐寶慶連戰皆捷恐孔有德在廣西或躡其後於是定國出新寧雙禮出祁陽分趨全州別遣一軍先趨桂林雙禮先之全州克之與定國合軍而前桂林方發軍救全州南師畢集遂閉城守諸軍攻入其陣孔有德自焚死踰時定國軍復趨湖南躡敬謹王於衡

州東南大震會與孫可望構隙遂不克終劉文秀入川以乘勝不備爲吳三桂所敗復臣死之蓋滇事大憤矣是年永曆駐蹕雲南依李定國以居孫可望已降矣前年已開緬甸爲省以沅江十一府爲總督不果是年永曆遣漳平伯周金湯航海晉成功延平郡王甘輝崇明伯萬禮建安伯黃廷永安伯郝文興慶都伯王秀山祥符伯餘俱拜爵有差公有聞行在所遣使至營宣諭有感詩自注時子官少司馬兼學士乃自述其故官非謂是年始授也是年乃晉閣部銜故詩中有黃麻紫綵不須多之句墓誌及諸傳俱訛

順治十六年己亥公四十歲

公在舟山尋會延平師北行以失利還海上見北
征錄

張蒼水集 附錄一

十六國明徵詩

約圖刊本

公有會師東甌漫成詩 戊戌七月延平全軍北指甲士一十七萬習流五萬鐵人八千習馬五千號十萬戈船八千相國亦以所部並發延平推相國爲監軍至浙江攻陷樂清縣次于羊山是年五月復由溫州而上

公有次觀音門詩 是時閩部爲前軍合延平師取瓜州諸將即欲直趨留都閩部以鎮江實大江門戶若不先下則選舟出沒主客之勢異矣力請先取鎮江延平猶慮留都來援閩部謂何不遣師先搗觀音門則留都自守不暇矣延平因即請閩部往并以直達蕪湖爲約已而延平果克鎮江閩部次觀音門業已兩日貽書勸乘破竹之勢疾趨留都會延平以水道進巨艦逆流留都遂得嚴爲備之

公有師次蕪湖時子所遣前軍已受降詩 閩部待延平不至乃發前軍先上蕪湖而以戈船繼之

遣部曲七人掠江浦大兵以不備開門走閩部乃扼浦口會捷書至前軍已受蕪湖降矣閩部乃親按之傳檄郡邑大江南北多響應者

公有師入太平府詩

太平即占丹陽郡公有姑熟既下和州無爲州及高淳溧水溧陽建平廬江舒城含山巢縣相繼來歸詩時閩部師所過吏民喜悅爭持牛酒進勞父老扶杖炷香挈壺漿以獻者終日不絕見其衣冠莫不垂涕閩部撫慰悲惻入謁先聖坐明倫堂長吏故官或青衣待罪或角巾抗禮考察黜陟如州牧行部故事閩部之趨蕪也軍不滿千船不滿百至是聲勢頗盛相度形勢一軍下溧陽以窺廣德一軍鎮池郡以絕上游一軍拔和陽以固采石一軍入寧國以通徽州江楚豪杰多詣軍門請歸禡旗以應大帥而身往來蕪湖問實席不暇煖也

張蒼水集 附錄一

七十四明裝書

約關刑本

公有驛書至偏軍已復池州府詩閩部駐軍海上最與居民相安師行所過野人童子或折名花以獻或攜濁酒以迎至是益嚴軍士之禁秋毫無犯有游兵闖入剽掠者即擒治如法遠近翕然故有歌吹已知來澤國樵蘇莫遺過田家之句閩部整軍將取九江以留都尚未下乃貽書延平謂事久易變氣竭則衰守鎮江諸師宜分兵取旁邑如句容丹陽皆畿輔咽喉地必加扼塞勿使援兵得入而大軍圍留都者日挑戰以困之勿使援兵得出俟吾四面克復收兵鱗集留都直阱中物矣延平不能用北征錄日初意石頭師即偶挫未必遽登舟即登舟未必遽揚帆即揚帆亦未必遽出海乃遣人問道致延平書勸其再戰并欲令益百艘以爲上游之助不意延平竟棄鎮江以去其時休寧方有兵阻閩部方有戒心賴導行皆錄人故得無恐既入淳安已是浙境遂由海上達海甯

順治十七年庚子公四十一歲

公在林門舊時部曲漸復來歸間至桃渚

順治十八年辛丑公四十二歲

公在林門是年滇中盡喪所有之地旁皇徼外公與海上諸臣謀結郎東郝李之兵一道出蜀一道出黔以牽其勢使無急進乃推吳職方鉏南行然滇中已不可守矣

延平渡海取臺灣公力阻之不聽會沿海民居有令內徙戀墳墓者或不願往公謀以軍撓之因再貽延平書欲令回軍相應延平終不能用

張美翊案曰是

張蒼水集 附錄一

六四明叢書

約園刊本

年十二月紅夷食

蕞延平始得臺灣

公有送幕客羅子木往臺灣詩 羅參軍子木者名綸溧陽人也海上水師提督蘊章之姪己亥閩部師入長江參軍謁于江上指陳形勢閩部大奇之曰李清河之客也將留用之以父老固辭去既而以告延平延平使水師強起焉署爲參謀軍事卽令從營將東下徇吳會會江師潰參軍請再戰不聽至于涕泣乃奉其父浮海而南時閩部自蕪湖收散亡屯林門參軍將往從之舟次三山忽遇大兵參軍率家丁力鬪矢集鎧如蝟墜水得生而其父竟被縛去參軍大慟傍皇滄溟間思出奇計以救其父卒不可得拔刀自殺爲人所救送之閩部行營閩部以伍胥之事慰之嘗爲詩序然參軍每思其父輒椎胸哭至于嘔血其後奉閩部命入臺灣致書延平不聽甲辰同殉難葬于閩部墓旁公有送吳佩遠職方南訪行在兼會師鄖陽詩 吳職方鉏嘉興人也東林復社名士乙酉謀起兵

應太湖不克逃去過走山寨海島之間嘗南觀滇
中北依魯邸謁韓王于巫峽朝益藩于江西以至
通城瑞昌諸營無不畢到瀕于死亡者屢焉家亦
以是落晚年江上烟沈海中潮落迹迹柴桑問與
閻孝廉爾梅徐孝廉枋等爲社游不媿謝臯父
一輩初桂王以己亥入緬至是三年李定國連
戰不利公集中送吳職方黎大行皆海上所使以
探消息者其冬緬人獻王明年至滇遇害然是時
定國諸軍皆在徽外安得有會師耶陽之舉按流
賊將郝永忠等反正北保湖南巴東之間駐軍屯
田自爲號令時有李來亨劉體仁等十三家分據
興山巫山房山施州均州涪州諸寨聲勢相倚所
謂鄖陽之師者也後都御史洪中丞吞鼉總督湖
南諸軍當桂王駐安陸時疏言十三家抗險據衝
觀礮而動方今楚蜀雖失諸軍未有貳志若有征
行可以兵應時蓋海上諸公之計謀結鄖師以抒
滇患忠臣區區相枕出于無可奈何事雖不成亦
可憫也諸野史皆失記賴閣部詩得以攻見鄖

張華水集 附錄一

十九 四明故書

約圖刊本

陽諸師雖與桂王連和然別奉韓王本鉞爲主改
元定武移書序長幼而不稱臣滇事旣平陝西總
督李國英等以七將軍出湖南分道討諸寨諸寨
據險拒守癸卯來亨以疾困甚合諸寨軍力闕四
晝夜國英大挫甲辰巫山不能守有鬻死之諸寨
繼破韓不終公有長鯨行詩爲鄭芝龍而作是
年十月有告鄭芝龍在高俎密謀不軌前此長江
之役與其于通有詔棄市張美瑚案曰南天痕鄭
芝龍傳是年芝龍爲家人尹大器所首十月磔於
市林太常時對曰芝龍爲海盜之首令行島上旣
就撫後海船不得鄭氏令旂罔敢往來每船例入
二千金歲入億萬以此故富敵國其擁立降武也
非有恢復大略不過以權勢自雄而已諸大臣頗
不悅陸武亦漸忌之堂廉遂積相忤又畏天兵之
盛知力不能抗潛思歸款而兩招撫洪承疇黃熙
胤故皆福人因與芝龍通問許以閩廣總督之官
芝龍喜于順命而兼得自莅其土也遂盡撤守禦
是卽詩中所謂不望鳳凰之池但乞蛟龍之穴者

也及員勦至絕兵殺掠負約挾之而北芝龍亦大悔矣成功少爲隆武所奇既有知己之感素薄其父之有貳志遂不願去芝龍入京授精奇尼哈番甲午扞撫閩島以海澄公封成功并賜芝龍同安侯爵成功不受芝龍遂入高祖辛丑破人所告終不免焉

康熙元年壬寅公四十三歲

滇中赴至

張美翊案曰永曆帝以辛丑十二月公被執是年四月望日蒙難年三十八

在東甌哭臨三日軍中縞素乃定策復奉魯王監

國然閩中自延平卒

張美翊案曰是年五月初八日延平卒於臺灣年三十九

諸將多暮氣雖曰推奉具文而已

公有贈陳文生侍御返閩嶠詩

是時滇中報至相國哭臨三日軍中縞素適延平亦卒相國歎曰

張蒼水集附錄一

千四明叢書

約園刊本

所謂人之云亡者矣因貽閩南諸將書議其奉魯王稱尊號復告延平世子以推戴之事遂具啟上詔書一道王遣陳侍御修報之侍御返命相國復上書於是諸將復奉王監國然不過虛名而已公有傳閩島近事詩
延平之未卒也忠臣伯張進守銅山爲部將郭義蔡祿所挾以叛進自焚死忠勇伯陳霸守南澳延平忽得蜚語遣將討之遂入廣降世子嗣位既殺其世父泰泰弟鳴駿子續緒降忠靖伯陳輝及蔡鳴雷蔡協吉蔡原楊富何義杜輝等相繼歸命故閣部有船閃軍散之語暨于甲辰周全斌黃廷林順等降臺灣之勢遂衰
公有得故人書至自臺灣詩
是年延平入臺灣張美翊案曰當在辛丑十二月國朝適有遷徙之令相國使羅參軍輪貽書以臺灣遠在海外得之不足爲重而以內地兵遠出是無經略中原之志況紅夷欲乞師萬一內外夾攻思明寸土亦未可保又以沿海居民憚于遷徙東逃西竄鮮從命者

若乘其機而圖之此良會也然延平以長江之敗
喪氣自度無若國朝何以得臺灣爲休息之計故
不聽相國之言是時盧司馬若騰王司馬忠孝徐
中丞孚遠沈中丞佺期皆在延平軍中相國望其
激發延平使之回軍西指故有只恐幼安肥遯老
萊牀阜帽亦徒然奇語避秦島上客衣冠黃綺纒
堪疑

公之句
公有北回示將吏詩 按辛丑冬關部有復曹監
軍書曰弟棧遲沙關幾三月矣金盡粟空誰能爲
景升仲謀者只得仍圖北返兩番鼓棹又以石九
留滯今春風至矣決計回浙亦且晚問事是關部
之北回在是年春也書中又曰沿海遷徙居民百
萬生靈盡入湯火洵思動借無動旅爲之號召
以致顛連莫告我輩坐視其荼毒而不能救真媿
殺也時部閣欲止延平臺灣軍專略海上而延平
不能用是以有
同仇計左之語

東華水集 附錄一

三四 勇義書

約圖刊本

公有甌行誌慨詩 溫州自戊戌爲延平所克次
年江師敗歸守溫州將劉猷與官軍戰敗績死之
是後已歸國朝今閩部詩有日豈知魏勝壘已化
李陵城又曰行矣河梁別翻爲送隴西似前此爲
海軍所有而是時有以溫州降者 是詩爲延平
世子而作島事自延平沒後世子無意西出親族
兵將大都望風投款以取封爵於是朝議銳意南
征合紅毛夷夾攻鄭人退守銅山官軍入島墮中
左金門兩郭收其婦女寶貨而北兩島之民爛焉
世子入臺部分諸將地頗有莫婁之志度曲徵歌
偷安歲月軍不滿千船不滿百兵甲戈矛
一切頓闕相國兩詩深有慨乎言之矣

康熙二年癸卯公四十四歲

公在東甌前年有台州鎮將張承恩者潛謀通海
公以書招之至是將窺浙東不克

是年招撫王總督趙皆以書招閩部閩部答招撫書曰執事既銜命而來以保境息民爲念莫如盡復徇濱之民卽以海濱之賦畀我海濱之師在執事既能捐棄地以收人心何在海上難息蠻爭以待天命使殘黎朝歸故里則不佞夕挂高帆矣其答總督書曰不佞功名富貴既等之浮雲成敗利鈍亦委之天命寧爲文文山決不爲許平仲若爲劉處士何不爲陸丞相國朝知不可屈遂收帛書

康熙三年甲辰公四十五歲

公在舟山監國卒於海上

張美翊案曰據神道碑銘監國卒於壬寅十一月

月趙譜卒於壬寅九月此作甲辰非是

癸

六月

公遂散軍七月降校欲致公以爲功從邏者暗中執公并及羅子木楊冠玉舟子三人公至寧波方

張蒼水集 附錄一

三三四 勇嚴書 約圖刊本

巾葛衣輜而入觀者如堵牆至省供帳如上賓每日求書堆積亦稱情落筆九月七日公賦絕命詞云我年適五九復逢九月七大廈已不支成仁萬事畢遂遇害子木冠玉舟子三人從死子萬祺先公三日戮於鎮江夫人董氏先時被繫獄中削髮爲尼以例當徙燕因尼得免今以再從子鴻福爲後武林張文嘉甬東萬斯大與僧超直葬公於杭州西湖南屏之陰

公有入山詩 是時海上諸軍零落散亡殆盡鄭氏既入東寧祇存閩部一旅然閩部以監國尙存

誓死不替是年監國薨于東寧閣部哭曰已矣吾其誰與事者遂以六月散軍入山世皆言閣部以援絕勢窮不復自持而不知使監國一日不亡則閣部一日不罷監國以是年亡閣部之命隨之可謂君亡與亡者也讀閣部之詩者尙其知閣部之心焉監國之死諸書失記以閣部之祭表定之有云十九年之旌節則甲辰矣近有造爲誣史謂鄭延平弑王於甲午是因延平不肯臣王而構之者王寅滙中蒙塵閣部三疏請王卽眞今具在可致也慢無證據信手捏造謂天壤地誰其是之公有懷王媿兩少司馬徐閣公沈復齋中丞詩按王侍郎忠孝字媿兩沈都御史任期字復齋皆以從亡入東寧與盧尙書若騰臺都御史朝薦郭侍郎貞一徐都御史孚遠紀儀部許國爲鄭氏國老凡有大事待訪而行當時謂之七公其後並卒于島

公有過故里詩 閣部被執入鄣至張提督署徘徊四顧歎曰此沈相公第也子二十年前曾會文

張蒼水集 附錄一

五十四明鏡書

約園刊本

于此今其子孫何在提督閣中門延入請閣部東向坐曰遲先生已久今得一見對曰國亡不能存父死不得葬今日之事但期速死提督更有所問閣部不答時提督憐民舍爲閣部寓列卒守之有一千夫長者有心人也夜半隔窗唱牧羊記傳奇蘇武罵李陵詞音調淒涼閣部擊節賞之呼與其坐倚歌而和和已淚數行下提督聞之乃令諸將選優人奏樂以娛閣部至省趨總督廷臣不見傳令獄中盛設帳具吏卒無得失禮司道府縣以總督命相繼來慰諭閣部坐胡牀但拱手不起舊時部曲多爲幕府僚屬總督謂曰此爾輩故主也何妨一見於是庭謁者踵至省中士民各路守者入見

張蒼水集附錄一

張蒼水集附錄二

年譜

會稽趙之謙搗叔彙

鄞張忠烈公年譜題全先生祖望輯其書出自鄭氏鄭氏言得之姚江黃氏董君孟如修鄞志時嘗據以校正之謙乞孟如段寫以歸今反覆讀之有大疑焉全先生所著書其弟子董秉純稱三十餘種年譜有作則見於張尙書集序然鮑培亭集與外編所存文字於忠烈學生志節行誼求之惟恐

張蒼水集 附錄二

一四明叢書
約圖刊本

不盡忠烈之女爲全先生諸母行先生年十八時已從之問遺事補黃楊二徵士志記闕失糾吳星叟嘯臺集謬誤一見之神道碑銘再見之與萬九沙趙谷林書蓋至審且慎矣年譜晚出一人之書復相違異若此或謂昔信以是今知其非先生之學擇精而語詳亦必識所據依明失得之故矣有絕異者忠烈賜諡在乾隆四十一年距先生之歿已二十年全先生以乾隆二今既特書首簡猶可十年七月二日卒曰點竄者過也北征錄奇零草冰槎集忠烈所自

作也而顛倒其歲月遂易其事實何爲者也鄭氏
又稱附錄詩話諦審之不類也文字孱且拙不類
也抑淺夫因先生原稿久佚鈔撮成之託名焉虞
後儒之滋議也不辨可也誣之不可也之謙年十
三聞從祖占旗先生談忠烈懸輿被執時事忽改
容而前從祖嘗哂之越六年於沈氏書攤得奇零
草殘寫本七葉雖斷闕不可讀繹之略存顛末辛
酉寇難復失之自乾隆中東南收繳禁書遺黎私
記窮里復壁罔敢伏匿抽燬既定殘牘百一今亦
之志亦慰忠烈於九京也

半歸滅沒幸故鄉者宿猶及此者每酒酣耳熱間
述齋闕以息諸譴三十年前口耳之師默記四五
雖老而健忘尙能說約略也忠烈之自序奇零草
也曰思借聲詩以代年譜竊仰斯旨聞疑載疑願
有述焉證諸木集期可徵信旁及異聞有資考索
仍其是者去其誣罔別爲年譜一通以竟全先生

明萬曆四十八年

庚申

一歲

是年九月光
宗改元泰昌

公諱燧言字玄箬號蒼水浙江寧波府鄞縣西北

庸人全祖望撰神道碑銘姓張氏宋文節公知白之後全祖

望表元時避兵入高麗全譜文節之後自滄州徙

九世避元亂以家世仕宋明初始歸稱高麗張氏

無名氏泛悔至高麗今稱雍睦堂張氏傳高祖伯祥起家孝廉

伯祥即築雍睦堂以居兄弟者曾祖尹忠祖應斗父圭章黃宗義

圭章字兩如甲子舉人嘗教授余家憲圭章官刑

部郎按公祭四叔父文曰叔父雁行有四吾父

居長止生姪一人二叔蚤亡無嗣三叔以壽終生

從兄弟三人長嘉言次昌言又次德言叔父無所

出昌言遂為承祀今叔父既逝姪與嘉言俱在軍

次德言尚稚弱恐不任箕裘則高曾之不祀忽諸

是姪未能報國先已亡家矣公之家世略具於此

祭文又稱吾姊與吾姊丈暨一二故交亦在不免

張養蒙集附錄二

三四男蔭書

約國刊本

則公尚有姊公奇零草有顯甥奔至一詩繫年王

寅詩云初聞購孺子何幸脫蘆中執手哀吾姊囊

頭並若翁死生盡一別忠孝已雙窮淒絕青山外

嗚啼血倍紅是公姊子惟不知其姓名公殉節後

購公首者朱相玉全氏書公甥或為一人又全氏

張督師畫像記公從弟從軍海上人山以後不知

所終聞有冒其名至錢唐者為諸遺民所詰而去

據公甲辰憶從弟嘉言詩秋聲蕭瑟到空山悵望

驚鴻去不還離別紫荆生死際平安黃犬有無間

疑相失在入山以前鄭志據國史館吳萬福傳以

總領林國梁謀內附煌言圍之國梁礙碎其船斬

煌言弟嘉言詩意似未審存亡當時海島隔絕故

不知確耗也母趙氏中年艱於子禱漢壽亭侯祠

則事在癸卯以六月初九日生公神道碑銘譜作十九日父生

時夢五色雲見故小字雲傳

天啟元年

辛酉

二歲

天啟二年

壬戌

三歲

天啟三年

癸亥

四歲

天啟四年

甲子

五歲

天啟五年

乙丑

六歲

始就塾

傳幼善病輒瀕死六歲就塾書上口即成誦

天啟六年

丙寅

七歲

天啟七年

丁卯

八歲

崇禎元年

戊辰

九歲

張蒼水集附錄二

四四明叢書續圖刊本

能詩

奇零草自序余自舞象輒好為詩歌先大夫慮廢經史每以為戒遂擊筆不談然猶時時

竊為之

崇禎二年

己巳

十歲

崇禎三年

庚午

十一歲

崇禎四年

辛未

十二歲

母趙氏卒

傳十二喪母父判河東巖署解州篆為壯繆故里煌言謁祠下撰文祭告以忠

義自矢

崇禎五年

壬申

十三歲

崇禎六年

癸酉

十四歲

崇禎七年

甲戌

十五歲

崇禎八年

乙亥

十六歲

補邑弟子員

補

思陵以天下多故令諸生於試經

義後試射莫能中公執弓抽矢三發三中

神道碑銘

崇禎九年

丙子

十七歲

崇禎十年

丁丑

十八歲

崇禎十一年

戊寅

十九歲

崇禎十二年

己卯

二十歲

崇禎十三年

庚辰

二十一歲

張蒼水集附錄二

五四明鏡書

約圃刊本

喜呼虛無以償博進則私斥賣其生產父怒全美

樟售己田爲清其逋勸以折節讀書

神道碑銘

擊絕粒運氣困殆幾斃已而遊於推埋拳勇之徒

打鼎擊劍日夜不息忽又縱博無以償所負則私

斥賣其生產全祖望穆翁先生墓志張督師蒼水

爲諸生放誕不羈呼盧狂聚窮盡極暮自其父兄

以至師友皆拒之先生一見曰斯異人也盡賣負

郭田三百金爲償其負而勸其折節改行穆翁諱

美樟字木千其仲子公壻也避地居台州黃巖縣
按公述懷詩其二有云弱齡尚遐異辟殺慕青
鷲骨肉相驚涕時復勸加餐因緣誤煙火塵鞅日
以攢上書獻天子索米走長安黃白之學當指此
又全氏張督師畫像記乃述其族母張之言稱子
年十八張年八十時爲康熙六十一年則公女當
生於明崇禎十六年

崇禎十四年 辛巳 二十二歲

崇禎十五年 壬午 二十三歲

舉於鄉 按是科主司為翰林院編修吳國華字蔡庵南直隸宜興人吏科給事中范淑泰字通施山東滋陽人另考知諸暨縣錢世貴字聖澤南直隸青浦人崇禎庚辰進士

崇禎十六年 癸未 二十四歲

國朝順治元年 甲申 二十五歲 明崇禎十七年三月十日流賊李自成陷京師懷宗殉社稷五月一日南都諸臣史可法等奉福王監國明年改元弘光 大清定鼎

京師

順治二年 乙酉 二十六歲

張蒼水集 附錄二

六四明鏡書 約園刊本

王師下江南 季介天香閣隨筆評定國殺高傑陳妻邢請於史閣部必報警定國懼納款請兵已為鄉導時攝政王初定北都得定國乃決策南下豫王以輕兵進行千里直抵揚州評重

熙甲乙彙略五月丙申開洪武門大僚統百官獻冊行四拜禮請豫王進城乙巳劉良佐奉豫王令

追至坂子鐵黃得功中營自刎 浙西郡縣咸望風

死良佐入其營挾福王回南京

下閩六月十有三日浙東士民競起無所期會城

守以外窮鄉僻澁各自為屯 左尹魯春秋 鄞士董志寧

王家勤張夢錫華夏陸宇燾毛聚奎與刑部郎錢

肅樂會鄉老合兵沈宸荃馮元颺亦起慈谿十八

日奉饒洵魯王監國 至祖望撰錢忠介公神道第二碑銘 公先至肅

樂卽遣公迎於天台監國授公行人至會稽賜進

士加翰林院編修兼官加故入典制誥出籌軍旅

禪道碑銘云詔以翰林院檢討掌制誥兼行人

司事云授檢討知制誥按魯春秋記同時並

起者會稽鄭遵謙王紹美王魯周晉王襄鄭之翰

張玉鉉餘姚熊汝霖孫嘉績縣吏王翊仁和陳萬

良馬雲龍道士范大倫富陽陸方侯於潛俞文淵

海寧朱大剛左尹周宗彝及弟啟琦沈陵俞元良

及兄元禮金華張國維朱大典東陽陳倉嘉興徐

石麒王焜張翊嘉善錢梅海鹽王雲衢及弟雲龍

雲鳳韓萬象平湖屠象美陸清原倪長吁馬鳴雷

朱大定湯雲章崇德呂宣忠長興金鑑歸安韓茂

貽王光祖德清蔡孺法蔡子標永嘉張實孚臨海

陳爾輝河夏則翁明英其江南江西嚮附者不勝

書諸人或絕脰捐軀或遜荒以死閩中詔使至議

事蹟久溲今日無能舉姓氏矣

張蒼水集 附錄二

七四明叢書

約園刊本

開讀不合公請充報使入閩從之神道碑銘

順治三年 戊 丙 二十七歲

大軍已克浙東江上師潰魯春秋監國奔台州宮

柱襲執以降元妃張氏見害復傳有妃周氏破套

樂扼喉死楊鳳苞南疆佚史跋七據魯春秋今魯

史江東閩位紀舟山紀略以資樂自到為公倉卒

張氏事蓋據戴周二家未見左尹書也 馳歸拜父曰兒將隨主航海竟去傳入翁洲從富

平將軍張名振奉監國入閩既至招討使鄭成功

不為用公勸名振還石浦謀再舉乃偕還加右僉都御史神道碑銘譜云張名振守石浦棄之扈監國至舟山黃斌刺不納乃入閩公留舟山

舊春秋是年秋七月鄭芝龍降入海門成功
黃漳泉爲守八月鄭彩迎監國保鷺門傳煌言入
海風風舟覆登海島飢困待斃夢神告曰餉吾千
年鹿俟十九年還我詰朝果得一鹿炙食之人嘗
一鷺屋旬不飢
遇他舟至獲免

順治四年丁亥 二十八歲

夏四月蘇松總鎮吳勝兆約張名振爲外援舊春

故都御史沈廷揚御史馮京第與公並勸名振應

之公監名振軍以行至崇明大風覆舟廷揚死之

公與名振皆被執有百夫長導使走至公壬午房

考錢氏七日間道按北征錄云遭颶風覆舟陷復

舊唐水集 附錄二

八四明叢書

歸翁洲神道碑銘勝兆乞師黃城嶼欲卻之沈

崇明颶風大作全軍覆焉春秋勝兆與舟師期

會夜中殺同知楊之易推官方重朗號眾以待適

海師破震潛蛟舟覆失約勝兆爲中軍營世勳所

縛就法按沈寓白華莊橋五梅公紀事略廷揚

字季明別號五梅乳名百五南都亡後斂眾舟山

丁亥春統舟北上四月十四日颶風大作舟膠於

福山之徐六潭灘遂見執姪元昇麾下七百八從

焉同行諸人皆易服雜亂軍中逸去巡撫土國寶

坑七百人於姑蘇婁門之李王廟廷揚檻送金陵
按察司獄七月二日受刑元昇從焉全氏撰崇明
沈公神道碑銘述廷揚言兵至必駐崇明禁打糧
然後可至崇明食盡名振重違前約乃趨壽生洲
打糧泊舟鹿苑五更風作舟自相擊軍士溺死者
過半大兵逆之岸上名振與煌言京第雜降卒中
逸去未嘗獲全軍也是年公在翁洲有九日陪安
昌王黃虎癡張侯服張鏡淵朱闡玄徐閻公沈公

子昆仲登鎖山和韻詩又留節翁城同請公行長
至禮詩云幾年臥節夢金鑿懸葛猶班舊握蘭薇
管初開周甲子蔥珩重見漢衣冠嵩呼恍覺鐘香
近海曙還疑扇影寒惟有臣心冰雪淨誓將採獲
續雙丸

順治五年戊子二十九歲

義興餘校復超出沒林麓春公集義從於上虞

之平岡

補道碑銘按山寨之起以錢肅樂在閩連下興化福清諸城華夏之師斌卿已言師

至姚張都御史當以平岡之師會可得三百人則
集義從正在是年及夏六月肅樂已卒矣公撰曹
雲霖詩序云戊子秋余入山寨此確證也譜以山
師起公軍平岡繫已丑大誤又肅樂之卒全氏書
五月魯春秋書六月攷是年閏四黃斌卿使弟孝
月時海上未奉正朔置閏遂異耳九十四明裝書

東華集附錄二

精國神本

卿隨馮京第再乞師日本公以詩贈行按魯春秋二次乞師

日本時同行者有凌士宏公送黃金吾馮侍御乞
師日本詩云中原何地足依牆惆悵徵師日出方
龍節臥持牙斧客魚書泣捧豹衣郎黃河北去浮
青雀滄海東回嶽白狼佇聽無衣萬里外繡弧應
復掛扶桑奇零草此詩
編年戊子譜繫丁亥談

順治六年己丑三十歲

公屯山寨

奇零草己丑有屯兵山寨勸農遇雨詩又答上虞偽令詩其端陽喜雨呈張相

國鯨鼎詩云海國懸符爲辟兵驅來雷激又縱橫
中天雨露天中節半夜風雲夜半晴繁露何須災
異對商霖原爲相公生憂民幸慰祈年意笑把菖
蒲泛酒鎗魯春秋是年秋七月張名振議迎監國
駐台州臨壺八月監國至舟山黃斌卿不即納王
朝先殺斌卿名振遂統其軍監國諭名振總督諸

師阮進治樓櫓東閣大學士兼吏部尚書張肯堂
加太子太保以吳鍾繼爲禮刑二部尚書兼左都
御史李向中兵部尚書朱永佑兵部右侍
郎向中永佑自鷺門依監國至舟山者

順治七年庚寅 三十一歲

公入衛舟山超拜兵部左侍郎魯春秋神道碑銘名振當國召公以

所部入衛加公兵部右侍郎兼宣加故諡稱云以所部入朝晉兵左侍兼學士按公官階在魯已授左侍郎桂藩選授尚書旋晉大學士全氏神道碑銘於歷官年次皆不誤惟左右字誤遂爲自止尚書以浙督所上印文爲信鄭志辨之是也諡則左字不誤而以授尚書之年爲加開部鄭志遂據諡以正神道碑之誤非也碑既泥舊制諡又無確證蓋兩家皆未見左尹書故也

順治八年辛卯 三十二歲

公奉監國命治兵鹿頸頭魯春秋九月朔大軍克舟

山公以鹿頸兵同張名振軍衛監國入閩魯春秋八月大

軍治舟艦從蛟門向舟山裨將江天保爲阮進先鋒以四船迎戰定海沈十三舟餘人斷右臂縱還監國詣蛟門祭江夜半見大星從西北隕舟山無數小星隨之卽還舟山未至聞警或請取二王子長宏柁次宏棟入舟張名振曰如是恐寒守者心監國不聽時舟山精銳分應南北洋越五日大軍復出天大霧咫尺不辨阮進戰於螺頭洋風逆不得前手發火桶倉卒觸桅焚進艦進劍甚躍水起之不能言廢日怒滅三日死月之廿一日也名振弟都督名揚閣前張肯堂猶櫻城隍歷十晝夜名振等護監國由外洋南泛監軍主事金允彥邱元吉內款言城中虛實導攻益急守者猶慮允彥子傳示四門九月一日午南門開肯堂一門皆死名揚被執不屈死戚履五十餘人焚死監國妃張

氏赴井死宮眷十三人從死一內監死并孝失其名尚書吳鍾繼李向中朱永佑給事中董志寧御史朱養時梁隆吉主事蘇兆人甘之瑛劉午陽董元楊鼎臣李開國郎中李國楨中書顧琦江中祀陳所學皆閩戶自焚死溫州義健林伯起張瑞初都督焦文玉及妻張同死總領劉世勳格鬪死煌言名振護監國走三沙國姓成功迎入廈門尋居之金門按全氏神道碑銘大兵下翁洲名振奉王親搗吳淞以牽制舟山之師拉公同行翁洲陷公扈王再入閩次鷺門諸亦云公軍北行入吳港舟山已陷注則稱阮進舟焚投水死名振以王跟踰而去諸將背城力鬪眾寡不敵城遂陷張督師畫像記云名振自以習熟形勢謂蛟關天險不可旦夕下乃悉其銳師奉王揚聲趨松江以牽舟山之勢聞變遽還則不及矣謂其輕出則可謂其奉王以逃則此定論也舟山同殉諸人諸注所載尚文文臣鄭遵倫楊思任顧宗堯戴仲明武臣楊錦王相林志燦葉大俊又顧明崧林世英內監則

卷之二十一 附錄二

十四 朔月書

劉朝也楊氏佚史故六有岐陽王裔李錫祚李錫貢錫祚佐阮進守螺頭洋進創甚錫祚趙救亦被創赴水死城破錫貢巷戰馬蹶被獲斬於四明又浙江通志有婁文煥舟山破痛哭撲坐海邊沙上潮至隨水湧去又按監國妃張氏據全氏舟山宮井碑為陳氏鄞人楊氏佚史跋七云陳氏監國紀年作張氏謂卽元妃之妹舟山興廢記雪交亭錄鮑琦亭集皆作陳氏魯春秋記王寅秋九月十七日監國魯王以海薨於金門年五十四繼妃陳氏明年生遺腹子宏甲周支長楊王銜桂今改寧靖王收養棲於東寧豈又一陳氏耶劉獻廷廣陽雜記明宗室從鄭克塽降者九人有王八子朱柏從與寧靖王子朱儼鈔皆安插湖南墾荒公有翁洲行一篇自從錢塘怒濤竭會稽之棧多鐵翻甬東百戶古翁洲居然天墮高碣石青雀黃龍似列屏蛟螭不敢波間鳴虎戰爭如秦婦女魚旒半是漢公卿五六年間風雲變帝子南迴開宮殿由來蜂國仗樓船烏鬼漁人都不賤堂怡穴關幾經

新國刊本

秋胡來飲馬滄海流其言滄海難飛越况乃北馬
非南舟東風偏與胡兒便一夜輕帆落奔電南軍
鼓牙將軍禽從此西軍罷水戰孤城聞警早登陣
萬騎壓城賊欲表進警如雷矢如雨城頭甲士多
瘡痍雲梯百道接齊起兩顧援師無幾賊裏劍奮
呵外宅兒誓帥痛哭良家子斯時希子在行間吳
滋渡口凱歌還誰知勝敗無常勢明朝間已破嚴
關又聞巷戰戈旋倒闔城草草塗肝膽忠臣盡瘁
伯夷山義士悉到田橫島亦有人自重園來向子
細說令人哀椒塗玉葉填晉井甲第珠璣掩劫灰
而今人民已非况城郭鬻餼跳號寧復肉上花新
蝕遺年黃石苔早鏽缺沂綠嗚呼問誰橫驪鐵兩
當翻令漢土虜龍荒安得一時提督田雄總兵張
劍掃天狼重酌椒漿慰國殤

杰巡海道王爾祿皆以誓招公不可屈公復書略曰兩間自

有正氣萬古自有綱常忠臣義士獨行其是而已
區區此志百折彌堅不過恪守人倫卽是深明天

張蒼水集 附錄二

十二四明鼓書 約國刊本

道又云河北羣盜皆以興復漢室爲名今日山中
義師大率類此故足下得以折東招之不孝面目
何如亦欲以此術相籠絡誤矣矧水陸自有長技
戰守自有定謀縱以全力來勝負未可知也我輩
相晤正自有期不孝未便以文山自況足下不必
以夢炎輩自居爾 按是時有司亦令公父以書
諭公公復父書言願大人有兒如李通弗爲徐庶
他日不憚作趙苞自贖故復書中自稱不孝云

順治九年壬辰 三十三歲

公與張名振及義英將軍阮駿阮進從子 按魯春秋辛卯夏四月

馬進寶使人密招蕩湖進於南田併拉從子義英
將軍駿同往駿不從以羣富平名振名振涕泣留
之延感 誠意伯劉孔昭諸軍入長江登山望祭
而止

孝陵時上游有宿約不至左次崇明魯春秋監國居金門遣名

張以己意乞師廈門成功不許名振譯其肯所刺
盡忠報國字數之節指腹為姻得助師二萬與煌
言及駿孔昭等直潮金塘獲金允彥陳之以祭舟
山諸死事者待約失期不進題詩金山寺而還有
十年橫海一孤臣之句 按名振詩奇零草別本
誤爲公作首句橫作淮末二句遙望孝陵應有感
會將大蘇抵龍津遙望句作松柏陰陰兵縞素會
將作矚看抵作禡下又注用前韻繫年甲午一作
壬寅皆誤惟和張侯服留題金山原韻六首繫甲
午不誤張美湖案曰據計六奇明季南略卷十張
名振題詩金山在甲午孟春月蒼水和作亦當在
是年又甲午立春日大雨雪駐師吳淞詩注會名
振之師初入長江登金山望石頭城祭孝陵時上
游有宿約不至左次崇明乃追述前事語公有同
定西侯登山以上游師未至左次崇明二首不
繫年其一曰割雲半壁倚中流天劈東南形勢收
鐵甕潮含飛鷺嶺牙檣影撼浴龍舟畫江何代空
鼙鼓橫海今來駐虎旂咫尺金陵王氣在可能瞻

張美湖集 附錄二

三三四 朔叢書

總圖刊本

掃問松楸正是年事也公北征錄言丁亥後二人
長江登山山掠瓜儀師徒單弱迄鮮成績皆在戊
戌以前全氏神道碑銘言癸巳冬復開行入吳淞
尋招軍天台次於翁洲明年軍行吳淞會名振之
師入長江趨丹陽掠丹徒登金山道祭孝陵上游
宿約不至左次崇明甲午再入長江掠瓜州侵儀
真抵燕子磯而所期終不至復東下駐翁洲按癸
巳之明年即甲午也既書明年下復繫以甲午誤
矣其云再入長江者據公甲午再入長江一詩蓋
全氏因北征錄三入長江之文而未嘗考定初入
長江爲何年又不知甲午之自春徂秋二入長江
故倘悅其詞否則癸巳字誤然以左次崇明屬之
明年於事仍不合諸則以癸巳甲午乙未三年分
紀復與神道碑銘相左又全氏撰定西侯張公墓
碑直以癸巳甲午兩入長江爲說則北征錄三入
之文爲不足據矣此實一大疑案賴左尹書於三
次入江詳記始末耳左尹與於乙酉義師會官兵
都督江之役身行在閩浙東事敗猶避荒野又後

公數十年殞雖其書不傳與
憶一二甚資考證非燕說也
是歲公父卒於家公
屯涓島曹雲霖詩序歲在壬辰余避地醫左雲霖
在島對然道故時樂棘人耳故不輕有
贈答癸巳春余附樓船北歸譜注公父病卒李
徵君鄴嗣葬之城南傳云既聞父亡一慟而絕比
甦不再哭念已被家殉國父死不葬妻子顛連無
以存活終身不蓄姬侍公甲午有遺孀二首曰國
難驅人出家傾待子歸可能磨墨否其奈冷斑衣
金革三年淚冰霜寸草暉髮膚雖不毀猶恨故園
非廿載嗟何恃長街柝捲愁節旄看盡落奔奔悔
遲謀燕去巢應改烏號屋焦留在堂有委蛻無計
剪青楸按公是年有長至
志感除夕宿涓洲禪院諸詩

順治十年

癸巳

三十四歲

公自涓島至琅琦經南日北還入浙尋入吳淞是

聚者水集附錄二

十四國明叢書
續圖刊本

有次琅琦兩錢希聲殞宮重經南日弔沈彤庵及
北還入浙入吳見雪忽憶車駕南巡諸詩譜言次
於東甌尋入吳淞者自闕入吳淞海道也公癸巳
除夕詩曰八歲他鄉臘鼓催鄉心捲亂鼓聲哀無
情天地猶堪甲有意山川獨盡灰兒女藏鉤離別
後君臣投壁播遷來年華加許人將老辜負春風
又幾

順治十一年

甲午

三十五歲

春正月公與名振會成功全師復入京口公立春
口大雨

雪駐師吳淞詩曰春信鶯催元臘殘江梅猶帶六
花蟠屠蘇飲出水餘冷組織光浮木末寒吹壩豈
期風入夢洗兵自合雨成團征人戰不利淹四日
威荷東皇意且逐年光奮羽翰
退軍成功復令陳六御程應蕃等協攻崇明不克

遷觸吳淞關掠戰艦二百九十名振以沙船九百

泛登萊及高麗乃還秋八月公復與名振合成功

所遣水軍總制官譚再鵬吳淞公再入長江詩曰

天險依盤踞水犀深應亦當經再戰虛龍應復待

三和瑞弓挽處處文武鎮甲還來失白題兵氣至今猶未洗自慚

無計慰雲霓 遣風變旋師移攻舟山鎮將巴臣

興陳虎禦之陳虎戰歿巴臣興降魯春秋成功軍

副將阮甲旋山平洋沙攻崇明失利平原將軍妹

志卓自剄死按巴臣與本名成功降始改名

是年名振卒魯春秋名振卒於舟山公辛丑祭

僅七載又哭定西侯墓詩注卒於甲午祭文別本

作乙未誤全氏定西侯墓碑書甲午卒畫像記則

張葆東集附錄二 十五 四明叢書

書乙未 遺言以所部付公公平岡入衛部下不滿

卒亦誤 三百至是始盛神道碑銘按成功陷舟山遺戎

之公既統名振軍是年當在翁洲公閒居詩有

云人居間處非佳境事到難時且放懷壽阮季方

云笑我尚為籠鶴客相期何日捧龍鱗又海上二

首其一有云浩氣填胸星月冷壯懷裂髮鬼神愁

順治十二年乙未 三十六歲

公屯臨疊神道碑銘乙未成功貽書於公謀大舉

魯春秋乙未秋九月成功還厦門改爲

思明州議設四屯公駐臨疊陳文達駐玉環山阮

春雷駐楚山牛頭門亦置勁旅遙爲犄角相聲應

東南遺黎 走集甚眾

順治十三年

丙申

三十七歲

公移軍秦川

神道碑銘丙申公軍於天台是冬軍於閩之秦川魯春秋丙申八月大軍

破舟山阮駿舟膠淺敗績劉永錫赴水死陳六御張洪德自剄死楊晉爵以孤軍戰橫水洋兩日夜

力竭自剄死大常少卿陸九徵被執不屈死永錫孔昭子也按公奇零草自序云綴緝新舊篇章

補稍成帙丙申昌國再陷而亡什之三是大軍攻舟山時公當自臨壘至既破乃入閩公壺江卽事

詩其一曰倦飛無路且投開滄海人來第幾灣真覺壺中留日月猶疑畫裏對江山飄零蛋戶還相

笑偃蹇柴門長自關閩越波濤千里關那能有夢寄刀環又云駭浪扁舟輕似葉重圍四馬跳如丸

創深已信傷弓數痛定應愁捲土難又夢中句云集候秋蟲偏解語失途老驥亦長鳴又舟次三山

云每擁麾幢欲淚漣萍踪無禁又三山才非命世空沈族事向因人亦強顏猿鶴秋深悲別岫魚龍

張譽水樂附錄二

十六四明叢書

約園刊本

夜舞泣問闕途窮未就行藏計華髮朝來已半斑可想見當日情事

順治十四年

丁酉

三十八歲

公還翁洲

神道碑銘丁酉大兵遷翁洲之民公還軍翁洲時魯王已去監國統通表嶺中

按公戊戌冬懷八首中潛邸一作有句云只今冷落蛟螭窟雲夜徒吟兔苑篇正謂此也魯春秋時

海禁嚴沿海居民內徙四十里限期勿後總田廬遠限者火之徙所許借居寄食於其姻族拒者有

法公有丁酉元旦駐師秦川詩

順治十五年

戊戌

三十九歲

公在翁洲桂王遙授兵部尙書

魯春秋按神道碑銘戊戌嶺中遣

使加公兵部左侍郎兼翰林院學士己亥告敗嶺中且引咎滇中專勅慰問加尙書兼官如故諸於

是年書澳中遣使慰勞晉閩部又據公聞行在所遣使至蒼官諭有感詩注中時余官少司馬兼學士謂白述其故官非是年始授良然取詩中黃麻紫綵不須多句爲公晉謁部之證皆誤譜於詩注兼侍講作學士尤誤鄭志辨已亥告敗滇中滇中專教慰問爲誤以晉閩部爲前一年事己亥則承明入緬何有往來之使是也不知全氏乃誤會公辛丑上桂藩疏中語而以加尙書云云牽連書之故有此失若以往來之使爲疑則是年滇使爲周金湯據公疏又有劉之清當時諸臣崎嶇險阻帛書驛表出死入生極非意計所及弗可議也七月成功以師會公北行

泊羊山風濤碎船復還翁洲北征錄戊戌隨賜姓延平王北抵羊山遇

風碎舟返沛神道碑銘成功仍推公爲監軍泊舟羊山羊山多羊見人馴擾不避然不可殺殺之則風濤立至軍士不信殺而烹之方熟而禍作碎船百餘義陽王擲焉魯春秋成功以舟師大掠掣寶

張家集附錄二

十七四明叢書

綸閣刊本

山兵部尙書煌言計資延平大力勇圖恢復舟山敗後凡大舉必與延平合議時監國往來鷓門無定轍是年公有撫時感事詩句曰人生百歲安得有我今草草三十九又縱橫露布浪飛書突兀星槎莽犯斗風雲縮牖帝應嘆日月膏肓鬼亦吼丈夫志氣清動名何況文章等芻狗樂府薤露吟赤風蕩海宇弱水羣飛揚日月長麗天中有蓬萊鄉桓桓國虎臣據圖畫封疆火生木必焚書金自相戕屏藩遂已撤干戈及寢皇白日窺野馬黃昏號國殤貴賤同一骨誰爲送北邙萬里曲猛獸在深山蔡籍亦壽考况也濟亂流干城國之寶一朝捐賓客三軍哭孤島李代桃亦儻劇易絲愈擾吁嗟周遺民去作流離鳥路逢故鬼語死生何草草野死媚烏鳶水死蛟龍能哀哉失所天人命不自保又舟山感舊四首一日孤雲兩角委魚磯極目滄桑事已非隔浦青磷相掩映傍溪紅雨自霏微牆烏轉逐危舟宿社燕空尋舊壘依獨有采芝人尙在天荒地老不知歸三曰江臯烽

盡燼猶紅獵火驚然滿故宮樓閣總隨屢氣散欃
華遊入魚聲空田橫島上淒涼月杜若洲前冷落
風翹首靈光何處是
五雲應復捧南中

順治十六年己亥 四十歲

夏五月公會成功舟師從大江突京口卽嚴家沙

爲壇禡告入七里港攻陷瓜洲直趨蕪湖魯春秋
堽言以

其師領前鋒開府蕪湖傳檄千里上印者三十有
七時掠餘大小八千餘號大將張茂之總五軍令
嚴掠一黍者死臨鎮江鐵索城中擲帽與操齊市
肆不驚商旅如故北正錄己亥仲夏延平以余練
習江上形勢排余前驅抵崇明余謂延平崇沙乃
江海門戶懸洲可守不若先定之爲老營不聽既
濟江議首取瓜步時金焦間鐵索橫江夾岸置西
洋大礮數百位延平屬余領水軍先陸師入遂揚

卷之二

六十四明故書

約圖刊本

帆逆流而上次礮口風急流迅不得前諸艘且進
且卻兩岸礮彈如雨水軍傷矢石者骨飛肉舞余
叱舟人鼓棹逆入金山水得入僅十七舟而本轄則
十三次早師克瓜城延平欲直取石頭余以潤州
實長江門戶力贊濟師鐵甕延平慮援騎朝發夕
至余謂何不遣舟師先擣觀音門延平意悟屬余
督水軍往約直達蕪湖時江湖縮納水下如駛易
沙船牽挽而前未至儀真十五里吏民遮道來歸
舟次六合得報六月廿四日復潤州余計潤州旣
下由陸逐北雖步卒皆鐵鎧難疾趨五日亦當達
石頭城下卽致書張茂之謂兵貴神速水道進師
遲細非策余恐後期晝夜兼程抵觀音門乃六月
廿八日也艤棹兩宿戰船無一至乃發輕舟數十
先上蕪湖而身爲殿泊浦口七月朔戰不利忽一
航至則轄下犁臚也乘之復戰後餘艦繼至始去而
日已曠矣詰旦整師前進部曲馳報江浦已破捷
聞延平止余毋往蕪關且扼浦口撫江邑此七月
初四日事也翌日延平亦抵七里洲商取建康而

余所遣先往蕪湖諸將捷書至矣延平謂余蕪城尤上游門戶促余旋發七日抵蕪城傳檄諸郡邑江南北相率來歸者府四州三縣二十四焉按是時公所部義從凡六千人見徐孚遠所撰奇零序

七月大軍破成功於江寧誅其將甘輝余新

日洪復等成功遁魯春秋海師戰桃灣不利甘輝營被劫大戰石灰山復敗績失

萬人沿江數百里舟師咸退去廣陽雜記賜姓攻南京余新爲梁化鳳所愚遂不爲備值其壽日開

神策門攻之余新甘輝洪復皆成擒余新跪請降甘輝不屈死洪復罵而死復泉州同安人丰爰如

婦人而勇冠三軍賜姓攻漳州值劫營失思文所賜七印復獨騎自敵後入營中挾印囊走追者至

發三矢連斃三人以印反命魯春秋既執甘輝責輝勸降成功酬大爵輝傲睨曰國姓父不能奪國

臺書水集 附錄二

約園刊本 十九四明徵書

姓乃仗輝且輝亦安肯勸國姓也請速死公猶在無他言怒叱日新丈夫得死所濡忍何爲

蕪湖江南江西總督郎廷佐等遺書招公公峻詞

拒之公與郎總督書略曰夫揣摩利鈍指畫與衰庸夫聽之或爲色變而忠貞之士則不然如

僕將略原非所長止以讀書知大義左祖一呼甲盾山立區區此志以濟則藉君之靈不濟則全臣

之節故不惜憑陵風濤之中縱橫鋒鏑之下迄今逾一紀矣同仇漸廣晚節彌堅此忠臣義士得志

之秋也卽不然謝良平竹帛抗黃綺衣冠亦之死靡它豈復浮詞曲說足動其心哉乃執事儼然以

書進似以僕爲可利鈍興衰動者虎狼戎途屢奴伺衣固無足怪來書溫潤諒執事非憤憤者遂附

數行以復斬使焚書適足以見不廣僕亦不爲也按公是書集中編年戊戌據北征錄則在己亥

入蕪湖後上魯監國啟亦及此事全氏神道碑銘書戊戌江督郎廷佐以書招公公峻詞拒之凡兩

見按江南通志順治四年設總督轄江南江西河南三省六年以後總督不轄河南會典九年總督又移駐南昌亦稱江西總督未幾復歸江寧郎公治十五年公方與延平入東甌舟覆復退翁洲未踰浙境郎公爲江南江西總督已越番涉海貽書勸降疑非事實集中編年傳寫易譌或係後人據書中逾一紀之久而改之不知成戎以後皆得言逾也茲從北征既知成功全師入海援絕路阻遂錄仍繫是年

棄舟登岸潛行山谷復歸臨甌

北征錄余之按蕪也兵不滿千船不

盈百惟以先聲號召大義江楚魯衛秦傑多諸軍門受約束余相度形勢一軍出溧陽竄廣德一軍鎮池郡扼上游一軍拔和陽固采石一軍入寧國信新安身往來姑熟間名爲駐節鳩茲實常不暇暖正思直取九江然延平軍圍石頭城者已半月余聞之上書大略謂頓兵堅城師老易生他變無

擬著水集 附錄二

一十四明後書

約圖刊本

何石頭師挫時余在寧國府報至遽返蕪湖已七月廿九日矣初意石頭師即挫未必遽登舟即登舟未必遽揚帆即揚帆必且守鎮江故彈壓上游不少退而耶廷佐哈哈木普效忠等遺書相招余峻詞答之又遣兵復取太平然江上下音信阻絕余遣一僧齋帛書由間道款延平乞益百艘相助詎意延平不但舍石頭去且棄鐵寨行矣余欲成城邑念援絕勢終不能守余名則威士民何辜欲冲突出江池州守兵又未集因部勒全軍指察昌地兵亦至其議以藤壘竟趨郡陽乃決計西上八月初七次銅陵一軍將抵烏沙峽後隊尙維三山與楚船相值余橫流奮擊沈其四船溺死無算以天暮停舟夜半楚船遁下流礮聲轟然轄下兵爲劫營起帆解纜一時驚散或轉蕪湖或入焦湖兩江之役已成畫餅余進退維谷差沈巨艦江中易沙船至無爲州擬走焦湖聚散亡適英霍山寨義士來說焦湖冬涸不若入山寨可持久因焚舟提師登岸至枞城黃金磯選統驍騎摩奪馬

數十由奇嶺進山十七日己入霍山界陽山寨在
咫尺先以書通褚良甫堅不納移札東溪嶺思走
英山將軍寨將士疲甚余強起披衣行占四課俱
空陷因申令詰朝早發余率騎兵前驅而追騎蹙
後方踰嶺後軍報奄至士卒竄山谷中余左右止
二十餘騎步卒不滿百勒馬高坡後軍已截斷首
尾不能顧余急鬪死無名單騎突圍走止一童攜
印相隨去稍遑身門將逃而復返呼之偕行三人
行進山隔間迷失道土人導余乘月行夜走七十
里望門謀與炊主人問所從來導者答余爲館師
余將別覓室皆以其難避導爲送往進一七復行
途遇賊兵十許見余驚警欲相勞苦導者恐駭耳
日余亦竄導失走林中原豪傑竟相遮問導者謂事
需不尺願覆被亦負之而趨余旣失道復失導傾
所有分贈諸人稍稍解去視其中貌厚者俾導行
其人姓胡昆季三人是日行三十里宿逆旅主人
胡族屬也胡之季猝至招兄且語卻入語余曰君
自海上來余曰然爾何從知之胡曰君在郟中不

張養水集 附錄二

三 四 明 故 書

約 圖 刊 本

見十數人過我門乎余季問之知君亦海上人也
恐吾導不力所以來耳胡之老人爲余言此郟向
年亦舉旂卒不成今莫敢動余謀所向僉云當從
安慶渡江余憶舊時實從徽人朱君變姓名竄藥
高河埠至高河朱君他往未返市人見童子之問
朱君也蹤跡之得朱君友徐某金某陰左右余令
密友何某伴余由縱陽出江抵張家灘登岸金與
徐別從安慶來會難屬池之東流徐之兄賣藥於
郟中故問津焉於是由建德祁門山中走休寧余
復病瘧扶疾而行冒險奔馳道路以目將次祁門
江右義旅陳九思屯朱橋鎮難導皆歛人得無他
計程兩日抵休邑未至三舍聞兵阻不得入止郭
外招提乘間抵城中寓徐諸父家其諸父善岐黃
有隱君子風余至盛治具然亦謂余館師與其猶
子善不知爲余也兵退買棹嚴陵過新安亭邊街
口邏卒登舟見余持之急徐起與聞事得解解維
過安已入浙矣會省符插民艇載兵絕浮梁余
船藏他港卒爲插去乃迂道走遂安達嚴郡計山

行無恐後自變之東義出天台以赴海隅鳥道羊
腸較徽州更甚時余將已令取道於杭而金徐諸
人皆不諳浙道里向者導導余與余與余與余與
實茫然問途已得至海濱居人咸來問訊遠近
判然知余得小遣矣魯者秋煌言師不統於鄭自
詩先登以是深入成功不爲登援急全師去煌言
不得退提殘枝入霍山界歷險巖衝擊死散營盡
至棄騎僞爲失路賈往往得故義建曲護之誓是
時中原婦豎無不知

大司馬煌言忠者

是年桂王遙授公東閣大學

士兼官如故

魯春秋秋桂王遙授公東閣大學士兼原官

冬築長亨鄉海塘公山頭重築海塘碑記略曰台
之緞城沈山員海東鄧卽厄閭
也有鄉名長亨谷吐湖汐民居與魚蟹爲鄰而地
脈湧出贅附沙與龍山對峙沈山頭實沮如場
也後馮袁諸姓卜築于此爲澮以繡山泉爲塘以
捍海潮而族始盛其俗樹藝之外皆魚鹽爲業久

雲著水集 附錄二

三四 明張書

之亦遂殷阜國家盛時海波不揚邑多賢長吏濱
海丸封尤鮮戎馬騷故上農以力田舉科蛋戶
以網罟牢益著姓氏家聘樂而戶詩書蓋彬彬
盛哉但邑居介山海間田阻山則多磽恆苦曠出
阻海則多鹹恆苦潮于是鄉之人聚族而謀茂木
春土隆其地複其障微滄海爲桑田卽焉商計此
膏腴矣十餘年來義旄徧海戎服繁興民力用是
益殫家室不保遑問封表由是沈潦內潰洪濤外
噴向之膏腴仍歸瀉鹵桑田亦幾爲滄海矣余自
乙酉飄泊海曲近復鞠旅于城外島閩之槍然
日民事寧可緩乎乃出金五十爲倡鳩工經始義
士馮某等爲之驢金錢聚土木以虔其事大抵富
者輸財貧者輸力靡不奔走恐後因就故址增新
防堦者崇之瓦者累之闕者修之薄者豐之自冬
徂春蓋三閱月而工竣慮人情之易逾也申約以
今時捐財之多寡爲池日授田之廣狹亦可爲計
及久遠者矣 公每安溪行詩 曲曲溪流曲曲
山青峰下折水千灣 山亭 瓊嶼遙疑塔水榭春雲

巧作關越榜下灘雙燕捷吳鹽到界一帆開卻看
兩岸楓林葉似送離愁照客顏 浮蹤同邱含山
感賦詩 蕭瑟干戈事浮蹤已似萍牛牀留破席
一室大疏橋霜月窺人白漁燈入夜青天涯知己

在猶自 歎零丁時大吏已籍公家夫人董氏及子萬祺速

繫鎮江 公有代內人獄中有寄詩 國破已飲泣

女雖有情不在別離間上堂潔脯脰下堂代煎爨
知君驅汗馬豈敢怨紅顏夷官張羅網忠義委草
菅奄忽大椿謝君帶滄海鷗兀然生死魂并作蛟
珠潛君行寶膚髮奔跳安所還安自感百罹飛蓬
任雙鬢衰門旣零落空聞誰貞艱哀哉井臼婦終
歲困瘁非不輕微生將羅寶且屏園扉滋味惡
燐青碧血殷古稱東海婦嚴霜暑露斑天胡嘗夢
夢莫辨珠與環如何貫索星獨照望夫山視彼摩
笄峰高名良可攀難將妾巾幗來佐君羽綸報君
還祝君旂常樹人寰 又擬答內子獄中有寄

張蒼水集 附錄二

約湖刊本

盛年不惜別客久始懷慚我非蓬蒿人江湖逐屨
淹沉復避豺虎誰能解征衫孤雁自西來傷佛壁
書函書中寄珍重書外派重絃恍見閨中秀吞聲
寫素緣聊今陷虎穴雙魚何從採珊瑚魂魄來關
河諒非諳棘林魍魎鄉骨肉各生嫌稚子亦衰頹
狼狽形影兼憶我初行役兵戈未解嚴馳驅悲九
折輾轉歲華添白雲空縹緲長此傷烏銜水鷗雖
忘機安得比鷓鴣名教自束躬柔情非所耽襟卿
持門戶鼎俎心已甘豐獄有埋劍紫氣苦煙炎莫
邪獨掩却干將慘不銖神物庶終合造化焉能感
生當挽鹿車 死當駕雲驂

順治十七年 庚子 四十一歲

公在臨甌 是年公有上魯監國啟略曰臣萬里孤

封章已亥夏於東甌晤錦衣指揮陳貴曾弼疏轉
達豈意陳陳貴隨踪北上因南師挫劔流落江上聞

今已往山東臣自入長江直隸鎮江破口傳檄而
下三十餘城駐札蕪湖水陸兵至萬餘豈意滿師
潰於金陵倉卒南旋臣之孤軍竟陷重地虜酋百
計阻絕歸路貽書招誘遂焚舟登陸提三千餘眾
轉戰千里相持二十七日終以勢孤援絕士卒罷
敗臣單騎突陣竄伏山谷中由間道徒步二千餘
里賴義士挾術始得生還海上然志猶未已力圖
收燼散亡漸集奈囊空斧傾力不如心倘浙海決
不可支亦當南帆一觀昨差官自思明州回始知
移蹕金門之信遵養時晦尚無其地是臣所爲日
夕旁皇者也臣垂翅之餘百事艱難芹曝之獻容
俟後期錦衣張士魁揚澄亦經患難俱得生全現
在臣營合併具報得朱子成書詩書來惜分
手正憶皖城秋入海仍精衛還山尙劇絳參差非
恨事倉卒少良謀異日傳心史孤忠冀見收按
子成疑卽高河賣藥朱君字又重過桃渚詩
一棹天台依舊迷重來秋爽足攀躋苔衣慘慘頻
偏美石磴鱗鱗未齊夢到赤城霞氣近感深滄

張蒼水集附錄二

三四四明叢書

約園刊本

海水聲低臨流空作桃花想愧煞仙源是武溪
復屯臨壘詩十年兵甲滿滄洲此日迴戈又卜
游人去鹿豕仍舊跡秋高蟹浦足晨羞空山餓犬
聲如豹失路窮黎狀似鳩自笑經營何太拙謀將
島嶼作并州

順治十八年辛丑 四十二歲

公引軍入閩次沙關神道碑銘時成功取臺灣公遣參

軍羅子木致書阻之成功不聽公與成功書略曰

和立大業者尤在地利故晉武以獨斷而平吳付
堅又以獨斷而敗於晉尉陀以僻處而據粵劉禪
又以僻處而亡於魏則人和地利審之不可不精
也殿下東甯之役豈誠謂外島可以割業開基不
過欲安插文武將吏家室無內顧憂庶得專意恢
勦但自古未聞以輜重眷屬置之外夷而後經營

中原者或謂女直起於沙漠我何不可起於鳥嶼
不知女直原在長窮荒適彼樂郊悅以犯難人忘
其死若以中國師徒委之波濤浩渺之中拘之風
土狂榛之地更乃入於幽谷其間感離恨別思歸
苦窮種種憤懷皆足以墮土氣而頓軍威況欲其
用命於矢石改業於耨鋤胡可得也茲暨暑徂寒
攻圍未下無他人和乖而地利失也誠能因將士
思歸乘士民思亂回旗北指百萬淮師可得百十
名城可取矣又何必與紅夷較雄于海外哉況
大明之倚重於殿下者以殿下能雪恥復仇也區
區臺灣何與於赤縣神州而暴師半載使壯士塗
肝腦於火輪宿將碎肢體於沙磧生既非習死亦
非忠大可惜矣思明一塊土何啻桐江一絲蠶漢
九鼎今守禦單弱兼聞紅夷乞師萬一乘虛窺伺
勝負未可知也夫思明者根柢也臺灣者枝葉也
無思明是無根柢矣安能有枝葉乎此時進退失
據瞻顧何及古人云寧進一寸死無退一寸生使
殿下奄有臺灣亦不免於退步孰若早返思明別

東齋水集 附錄二

約園瑣本 三五 四明叢書

圖所進哉昔年長江之役避敗猶榮倘尋徐福之
行蹤思盧敖之故蹟縱偷安一時必貽譏于古觀
史載陳宜中張世傑兩人喪貶可爲月鑒夫虬髯
一劇祇是傳奇豈說豈真有扶餘足王乎若箕子
之君朝鮮又非可語於今日也 公是年有感事
四首句云箠路曾無異桃源恐不同章女三千笑
孤兒五百嘆鳩居初得計蛋 滇中事急公復草疏
市轉生疑蓋爲成功作也

遺職方郎中吳鉏南訪兼會師鄖陽謀救滇

論道碑銘

公孤軍襄回兩島滇中事急成功方得臺灣不能
行乃遺職方郎中吳鉏挾帛書間道入鄖陽山中
欲說十三家之軍使撓楚以救滇 公陳南北機
宜疏略曰臣本書生遭逢多難自經倡義十有六
年雖棲山橫海備嘗艱苦而恢復未奏但覺有罪
之當誅實無功之足斂蒙主上綸綍頻頒節鉞謬
寄臣感極生慙憤極思奮故于己亥五月隨臣成
功直搗長江分道疾馳孤軍深入不意金陵挫衄

倉卒班師臣念上游父老火道遮留奮不顧身持
戰兩旬援絕勢孤遂至潰敗臣突圍闕行始得完
節而返復蒙土上遣監臣劉之清齋到專救一道
時臣方收虛於浙而使臣又停撓於閩未獲具疏
陳謝至今棟仄數年之間遠邇聽聞久不知天南
確信事機得失關係非輕茲以職方郎中臣吳鉏
不憚萬里開關願得陛陳大計特具木附奏 公
有送吳佩遠職方南訪行在兼會師鄖陽詩其三
曰鄖江稱斗絕咫尺向夔門雲棧凌霄起旌旗插
壁屯金貂皆上將鐵馬足中原一見隨何傲還應
報國恩 譜注桂王已亥入緬至是三年李定國
連戰不利公集中送吳職方黎大行皆海上使探
消息者其冬緬人獻王明年至滇遇害是時定國
諸軍皆在徽外安得有會師之舉按流賊郝永忠
等反正北保湖南巴東之間時有李來亨劉體仁
等十三家分據興山巫山房山施州均州涪州聲
勢相倚所謂鄖陽之師者也後都御史洪有據總
督湘南諸軍事桂王駐安隆疏言十三家抗險據

張蒼水集 附錄二

三四明叢書

新國刊本

衝觀燬而動楚蜀雖失未有貳志若有征行可以
兵應蓋海上諸公之計謀結鄖師以抒滇患出於
無可奈何事雖不成亦可憫也諸野史皆不載賴
閣部詩得以考見又曰鄖師雖與桂王連和別奉
韓本鉉爲主改元定武移書序長幼不稱臣滇平
陝西總督李國英以七將軍出湖南分討諸寨據
險拒守癸卯來亨以疾困甚合諸寨力鬪同晝夜
國英大挫甲辰巫山不守有鼉死之諸寨繼破韓
不終 按吳佩遠名福錫嘉善人與於復社
全氏吳職方傳別號稻田晚年亡命更名鉏

康熙元年 壬寅 四十三歲

公還軍臨甌

神道碑銘 按公復曹監軍從龍書

誰能爲景升仲謀者只得仍圖北返兩番鼓舞又
以石尤留滯今春風至矣決計回新亦且竟聞爭
弟非不知兵力單極況二阮一陳俱復舊境則
勢更熾然弟以爲寧進寸毋退尺寧玉碎毋瓦

全其素志然也但不知果能自存否近有小詠云
軋髻定擬浮家去鴈足空傳屬國還又云平沙一
旅真孤掌可有天戈時滇中已平夏五月成功卒
靈武間感慨係之矣

於臺灣公三上書魯監國不克行

公一書言春來
閩邸鈔知去年

十一月緬夷內變導虜入緬致我永曆皇帝蒙塵
扈從宗室官員無一得免惟吉王自縊以殉李定
國入海白文選亦遁深山臣聞變之日猶謂狡虜
詐傳疑信參半及西月中旬聞官眷竟從鎮江北
藝矣臣以爲延平諸當伸大義而至今寂寂道路
謠傳又有子弄父兵之事臣終夜旁皇恐孤島孤
軍難以持久況復加以他故譬羸虜之疾胸胃轉
增雜病其能久乎只今遣招撫於浙閩廣每省一
人以解散海上若不及早經營則報韓之士氣漸
衰思漢之人情將輟臣惟有致命以了生平所倦
倦者主上羈旅島嶼不獨與閩人休戚相關且與
閩海存亡相倚計閩動鎮正在危疑不若急用收

張蒼水集 附錄二

約國刊

羅之術以爲擁衛之資此非欲徵福也免禍亦宜
然卽未暇雪恥也圖存亦宜然伏乞密與寧靖下
及諸搢紳謀之發憤爲雄以慰遐邇二言臣違顏
以來忽經十載百折千回壯心未已原非動念動
名特以越國義旅魯邸侍從止臣一人尚在軍次
雖乖哭庭之志尙圖歸境之功以主上養晦潛躍
宜權區區之情盟之幽盼何期行闕游染胡氛攀
髻莫逮延平忽捐資客乘鉞無人臣以孤軍子處
荒墟又無蟻子之援日夜枕戈與死爲鄰亦以死
自誓若輕爲移蹕則風鶴頻驚仍棲梧鳥竊恐號
召既遠復與臣呼喚不靈乞與諸搢紳動鎮熟籌
妙策或揚帆海山或保據沙關結納忠義以絕窺
伺三言去冬緬甸之變君亡臣死天下已無復有
明室矣海上猶存一綫眞乃天留碩果願島上勳
貴罔識春秋大義臣實兵微將寡匱乏極窮見宗
國之亡而不能救幸舊主之在而不能扶中夜推
心淚盡繼而但得南國首爲推戴臣
敢効協力屢從恭進磨銀差官齎獻 秋九月監國

魯王卒於金門

神道碑銘作冬十一月魯王薨於

有十九年旄節語為語皆誤

按魯王以甲申薨

封至壬寅正十九年冬字或草書九月二字之誤

十一月則十七日三字因冬而改當時紀載傳寫

魚虎往往有此惟全氏畫像記亦云甲辰卒與碑

不合此當是年朝命招撫使書是時招撫使每首

從左尹書

二人在閩中則一為洪文襄承疇一為洪熙允見

林氏時對記鄭芝龍事浙中招撫據盧氏宜述公

答招撫書署為答岳招撫王兵道趙督院書全氏

神道碑銘又書招撫使王公皆不著其名疑浙中

二招撫一為岳公王兵道則巡海道王公爾祿兼

任其事爾祿已任巡海道公前與書有足下為昭代

六年爾祿已任巡海道公前與書有足下為昭代

巍科語必其人也至康熙六年海上事靖缺亦裁

矣岳公無攷又是時分守寧紹台道有王廷璧與

河南祥符人然守道無兵備不當稱兵道也

與

張蒼水集

附錄二

天四明叢書

浙江總督趙廷臣帛書招公公答書凡一千七百

七十餘言終不屈

公有閩族屬被逮且以告密波

遂顛覆威此多難生欲泣不成哭我生實數奇乾

坤方百六袞翰滿中原赤靈社已屋廛臣骨可糜

豈敢惜孳戮所悲諸父行班白櫻三木女兒與所

天棟運遭萃枯幸或作流人否亦登鬼錄稚子竟

何辜十載尚淹獄此離有寡妻墨幃兼縑爛國亡

家亦亡我固目巷族適聞告密風舊游復破錄白

虹慘欲垂黃金貧莫贖天地豈不寬誰念忠義屬

惟應千秋名芬芳追王蠋破涕慰親朋安知此非

瀟

先是公自編所作詩為奇零草至是復編其

文曰冰槎集

公冰槎集引曰嗚呼此子槎上作也

入女宿而得支機故至今羨為勝事余獨不然乎
踪浪跡當復嚴嚴霜不得已而棲託靈槎筆墨所

及率成冰聲則是槎非貫月也亦非掛星也而茲集所存又皆子晚節所作于是以冰槎名嗟乎水澤腹望天心盡見乃從成陰干尺間而欲論列古今辨正夷夏不失君臣父子朋友之倫不其難哉異日者東風解凍尙有想見枯槎中人而興節者否歲在壬寅菊月朔張煌言自識

康熙二年癸卯 四十四歲

公遣使入閩祭告監國公表文有曰十九年之旆節爲國不殊廿四郡之鼓

鉦平原無恙恨哭庭而未效嗟掃墓以何時投璧還秦早梅孤偃扁舟去越敢學鷓夷又曰穆王駮駿以來歸已孤此願望帝時大軍已克思明島師化鵲而猶在莫慰餘思

散盡魯春秋和蘭內附合攻思明思明敗而金門臨壘牛頭門楚山玉環山諸島師皆解按

公詩有歐行志慨三首譜疑指溫州事又疑爲鄭經作皆非也魯春秋言思明敗諸島多內款受職

張蒼水集 附錄二

三九 四明叢書 約稿刊本

周全斌先殺馬得功兵敗亦降詩中苦口吾同澤甘心彼喪名謂成功父子也吹笛悲自壯擊筑和誰親謂無同調也行矣河梁別翻爲送隴西謂解甲諸人也冰雪寒孤胆風雲怯病跡玉關雖咫尺敢復望芝泥謂終不敢復也常在是年作

康熙三年甲辰 四十五歲

夏六月公散軍居懸壘魯春秋作花澳一作范七月提督張

杰執公神道碑銘提督張杰募公故校使居補陀爲僧以伺公會公告羅舟至不之忌也故

傑出刀脅之其將赴水死又擊殺數人最後乃告之以夜半出山背攀藤入暗中執公并羅子木侍者楊冠玉舟子三人七月十七日也十九日公至杰以轎迎之方巾葛衣而入魯春秋是月廿三日煌言令裨將吳國華哨探至陶家尖會寧波人孫惟法伺得之國華被創投水死舟子林姓者至

死不言一火者導之執煌言及監紀羅綸字子木
勇士葉雲門者冠玉并二持槊者煌言素袍朱履
就道按無名氏錄遺集記言云張美羽案曰此
高斗樞廢翁所記甲辰七月望後八口有客來告
蒼水張公被執至矣子亟往覘之見公方巾葛袍
直至牙門外神色自若左右令公從角門進公不
動杰知之令啟中門延公入上坐此云望後八日
則廿三日爲公至郡之日可信也懸懇居海中不
能朝發夕至公以十七日被執二十三日至郡非
十九日左尹書廿三日執公又誤以至郡日爲被
執傳聞不若親見也全氏書同執者三人左尹則
書五人裨將及舟子故校姓氏全氏不詳左尹則
著之記言從死者僅舉客羅子木及童子二人鈕
誘郎賸同子木作自牧趙世安仁和縣志則云客
羅子木僕楊冠玉等五人徐逢吉清波雜志載從
死二人注阜隸葉雲侍者冠玉無羅子木子木
溧陽人木名綸以字行公羅子木詩序曰師指灝
水羅生謁余江上陳山川形勢余以清河客擬之

張蒼水集 附錄二

三四明藏書

然竟引去曰親在身未敢許人也余揚舲西上聞
羅生應延平招從其族父軍將往吳曾延平師潰
跟踉挂帆又聞羅生涕泣遮說不肯留遂隨軍道
江入海未幾舟次三山猝遇壓賊思以死衛父格
鬪逾時矢集鎧如蝟墜水得生而父就縛以去羅
生流離滄溟宛轉島嶼問欲出奇計救父卒不得
父生死音耗然後稅駕於子行營悲涼酸楚至於
嘔血子木出處具見於此冠玉鄞人公鄉人子故
家後裔父母死從之海上臨刑當事見其幼欲釋
之冠玉曰司馬公死於忠某義不忍獨生延頸就
刃見無名氏撰傳又全氏神道碑銘言公被執時
有王居敬黃岩人以計得脫林氏時對記曰公幕
客王畏齋黃岩諸生令披緇名超遜語子云公
執前一日夢金甲神持符稱帝命召公次早向畏
齋詫其兆俄有白氣一縷衝所居茅廡畏齋覘見
之夜半蒙難又公客徐允岩相從最久已亥入江
多所贊畫延平師遁公走英霍徐亦相從幾以指
嚙死公勸之祝髮伏匿山中公還海上徐復來歸

見公所作徐允岩詩序附記于此八月以公至杭州記言越旬日

命以四人與公公至城門令駐輿北向稽首曰臣

志畢矣復向城拜曰某不肖徒苦故鄉父老二十

餘年有辜屬望又再拜曰自此不復見張氏家廟

矣道旁數千人無不流涕按盧氏宜曰公少白

皆後乃高顛長髯嶽嶽千仞宜家去公宅僅三總

四十武幼時猶及親公色笑加之最詳亦最確總

督趙廷臣羈公於請室按傳云至武林處於舊府

居蕭寺公上總督書亦云羈留旅邸則未嘗置之

淫犴也舊春秋煌言至武林總督高其義禮延之

煌言抗賓座拱手曰昨蒙尺一下及賦性拘執不

知悔悟致煩使者左右進茶搖手曰從不知此味

或覆以衣必不可譜注云至省總督不見傳令

獄中盛設帳具吏卒無得失禮司道府縣以總督

命相繼來慰論閩部坐胡牀但拱手不起神道碑

銘時部曲內附者皆得末慰問官吏願見者弗禁

張蒼水集 附錄二

三 四明叢書 約園刊本

杭人爭賂守者入見或求書公亦應之公與趙

總督書曰昔宋臣謝枋得有云大元制世萬物維

新宋室孤臣尙欠一死竊以疊山業經市隱賣卜

可以遠害全身而元參政魏天祐必欲招致之乃

疊山有死無二招之不來餽之不受卻聘書尙存

可攻而知也卒觸天祐之怒執以北去疊山遂不

食死未嘗不歎古人守義之堅殉節之篤也某今

日南冠而繫視疊山所處已自不同而台下尙欲

貸其餘生屢責貴屬存注有加嗟乎此固臺下表

忠錄節之盛心較之天祐奚啻霄壤顧某自律必

不區此苟延旦夕也每思慷慨引決館伴防閑嚴

切不克白裁絕粒三日迫於貴屬勸勉稍復食

他人聞之寧不以某寡廉鮮恥晚節可嗤哉揣台

下之意不過謂某生膏斧鑊始足爲忠義者之戒

殊不知大丈夫冰涅鼎鑊慷慨從容原無二義猶

泥去歲華岳見及某之報書有寧爲文山之語非

無前識蓋齋心舉念時早已辨此至今日敢有食

言曰台廢與屢矣廢與之際何代無忠臣義上何

代無過臣處士義所當死死賢於生義所當生
資於死有舍生以取義者焉未聞求生以善仁者
也某之憂慮過於文山隱遁殆幾於屨山矣被執
以來視死如歸非好死而惡生也亦謂得從文山
辱山異代同遊於事畢矣獨惜白下經綸仁厚後
世不察獲與張宏範魏天祐比倫不重可歎息乎
或謂某散兵在前歸隱在後可以覲觀除死殊不
知散兵者偶遭民之塗炭歸隱者念先世之暴荒
謬思黃冠故里負土成墳然後一死以明初志何
期擁兵則歲月猶存解甲則且夕矣保致箕山不
有安瓢而穎水弗能高枕身為樂因貽笑天下是
某忠孝兩虧死難塞責矣臨難苟免非我本懷偷
存視息更何所待今嚙留旅邸波累資從并搜鎖
鍊以日為歲生不如死伏望台下立賜取決俾某
乘風取翼翱翔碧落或為明神或為厲鬼是誠台
下大有造于某也否則某當追隨首陽之後應不
必俟炎午之生祭毋以節件不
言調制而譏及之幸甚幸甚

九月初七日公赴

張蒼水集

附錄二

三十四明張蒼水
續圖刊本

市口占絕命詞曰我年適五九乃逢九月七大厦

已不支成仁萬事畢遂受刑子木等從死夫人董

氏子萬祺先公三日戮於鎮江

傳云夫人董先死
譜稱夫人董氏歟

中削髮為尼得免魯春秋煌言妻子久禁錢塘有
僧淡齋募飯括之十年張美翊案曰僧淡齋事亦
見南雷文案卷四書淡齋事後移獄至鎮江就法
公絕命詞各本互異傳作我年四十五今朝九月
七含笑從文山一死萬事畢陳景鐘清波小志補
作我年四十九卻逢九月七大厦已不支成仁事
始畢譜則乃作復僅一字異耳今從魯春秋按記
言公臨刑口占絕命詞令人書之偶訛一字不能
改正公笑曰他日自有知之者
鄞故御史紀五昌捐金令公甥朱
相玉賻公首張美翊案曰紀五昌字衷文江上受

監察御史事去歸隱太白山麓張司馬被執至省

其甥朱相玉貧不能從侍御資其襦被且以質首

之資付之相玉奉侍御之教得收葬於西湖僧超

直清波雜志僧問石法名超直鄞陳氏子年二十

餘出家來錢塘甲辰七月王先生被執至武林

九月七日就義從者二人同死其收而瘞之南屏

之原石公與四明萬充宗董巽子王曰民錢塘查

漢中兄弟並稱至好乙卯三月忽自經按全氏撰

碑不及超直清波小志補云王先生卽蒼水初時

人譯言之故暨杭人張文嘉沈橫書朱錫九錫蘭

稱王先生

錫旗錫昌兄弟鄞萬斯大收瘞於杭州南屏山荔

子峯下昌化伯邵林墳西按公被執後有憶西湖

一座無今墓與岳于兩墓相望從公志也

知夢裏卻模糊高墳武穆連忠肅參得新墳

以端溪石研背刻公姓名旁及羅楊姓名納墳以

志真字克生杭人按朱彝尊靜志居詩話公葬

乾隆壬子杭人勒碑表其墓錢廣伯弔忠烈一絕

云華表何年立豐碑此日題從教樵采者不到邵

墳西廣伯名饒海寧州布衣有小學齋遺藁嘗爲

張忠烈公墓募田說略曰蒼水張公就義之百十

三年皇帝命廷臣撰勝朝殉節錄公得諡忠烈王

子季秋與同人樹碑墓上春秋祭祀居省垣者以

時舉行費率捐於臨期恐久而或輟也莫若同志

各隨願力輸銀置田每歲所入納糧奉祭外爲

積累以贖祀產則公之享祀不替而祀堂坊表可

次第舉矣傳曰人之欲善誰不如我好義之士其

樂此盛舉乎慈谿鄭動年譜跋云公葬七十餘年

道士吳乾陽脩復墓道王子鄞萬斯大之孫福謀

裏着水集 附錄二

三三 四明叢書 約國刊本

立石墓門海寧陳鑑大書曰皇清賜諡忠烈明兵部尚書蒼水張公之墓勳等輸財設祀春秋薦以

葉蕓

張蒼水集

附錄二

三

四明叢書

約園刊本

張蒼水集附錄二

張蒼水集附錄三

傳略一

明史

東陽大學士兼兵部尙書張煌言鄞縣人初以舉人奉表迎魯王至紹興監國復以兵從至海外後桂王遙命爲大學士聞滇南平散遣部曲遁居懸壘爲大兵所襲執諭降不從死

仁和縣志

張煌言字元著別號蒼水明州之鄞縣人崇禎時舉於

張蒼水集附錄三

一四明叢書

約園刊本

鄉國亡營舉兵海上總督趙公廷臣遣札招諭不降康熙三年竄身懸壘懸壘海中小島在普陀之東極荒僻無民居煌言與客羅子木僕楊冠玉等五人結廬其上蓄一獲以候海舶每見有舟近則獲登樹顛哀呼號鳴煌言等輒避去趙公偵知之先伏兵於普陀一日煌言遣小舟買米遊擊某卽登舟叱縛二人不肯言隨殺之舟子懼告其處引兵夜至懸壘煌言坐處置一劍有警卽欲自裁是夜聞簷葦颯颯有聲急呼從者起時我兵已入室不及避遂就縛趙公尙勸其降煌言曰惟速死

爲幸九月初七日斬於市臨刑顏色不變且賦詩杭人哀之

光緒鄞縣志

張焯言字玄箬號蒼水廷章之子母趙感異夢生焯言

業全祖孽撰張忠烈年譜母壽洪寧亭侯祠得異夢生公故小字阿雲神骨清挺豪邁不

羈能文章善騎射思宗以天下多故台諸生於試經義

後試射焯言三發三中崇禎十五年舉於鄉常感憤國

事願請纓及錢肅樂起師焯言先至卽遣之天台迎魯

王授行人王以國紹興賜進士加翰林院編修入典制

張蒼水集附錄三

一四明叢書

約園刊本

誥出籌帛旅閩中旅詔之役自請爲使釋二國嫌旣歸

晉侍講兼兵科左給事中累有建白丙戌師潰汎海將

之舟山道逢富平將軍張名振扈王入閩從之行招討

鄭成功不奉命乃勸名振還石浦與威虜侯黃斌卿爲

犄角加右僉都御史明年松江提督吳兆勝請以所部

來歸斌卿不樂從焯言說名振應之魯王給印二百道

命焯言監其軍至崇明颶風覆舟焯言脫身走閒道歸

海上己丑復集義旅駐上虞之平岡諸山寨咸事鈔掠

焯言獨屐畝勸稅相安無擾庚寅王居舟山名振當國

召煌言入衛加兵部右侍郎辛卯秋舟山破虜王再入
閩次鷺門時成功縱橫海上奉隆武年號於魯王則修
寓公之敬而已惟煌言以名振軍爲衛成功因之加禮
煌言極推其忠嘗曰招討始終爲唐真純臣也成功亦
曰侍郎始終爲魯與吾豈異趨哉癸巳冬返浙招軍於
天台明年復會名振之師入長江登金山遙祭孝陵三
軍慟哭失聲烽火達江寧以上游師失期左次崇明四
年再入長江掠瓜洲儀徵抵燕子磯而所期終不至遂
乘流東下聯營浙海是年名振卒遺言盡以部下歸煌

聚書水案

附錄三

三

四明叢書

約圖刊本

言於是軍容始盛丁酉王去監國號通表滇中戊戌桂
王在雲南遣使閒道赴海封鄭成功延平郡王命煌言

爲東閣大學士兼兵部尙書

案桂藩紀年以爲官兵部侍郎兼翰林院學士釋史

從之非也別有案語詳大事紀

七月監成功軍北行抵羊山堡龍爲虜

海船碎者百餘義陽王溺焉乃回舟山修葺己亥成功

全師犯江寧煌言以所部數千人並發謂成功曰公不

如先取崇明崇沙江海門戶懸洲可守脫有疏虞進退

有據不聽以煌言爲前軍同提督羅蓬章充長江鄉導

使官兵已於金焦間以鐵鎖橫江所謂滾江龍者譚家

洲岸皆西洋大礮煌言出入其間令善泅者截斷滾江龍將奪上流水城而舟多爲礮所擊不得前乃登舵樓焚香祝天以十七舟翦江渡水城俱潰直抵瓜州明日成功至官兵出禦死者千餘乘勝克其城先是議師所向成功欲先江寧煌言欲先鎮江成功曰吾頓兵鎮江金陵援騎朝發夕至爲之奈何煌言曰吾以偏師由水道薄觀音門金陵將自守不暇豈能分援他郡成功然之卽請煌言往未至儀徵五十里吏民迎降六月二十八日抵觀音門成功已下鎮江水師畢至七月朔哨卒

七人掠江浦取之五日煌言所遣別將以蕪湖降書至成功虞江楚援師且至也請煌言控扼蕪湖以制上游乃至蕪湖相度形勢一軍出溧陽以窺廣德一軍鎮池州以截上流一軍拔和陽以固采石一軍入寧國以逼徽州傳檄郡邑江之南北相率來附郡則太平寧國池州徽州縣則當塗蕪湖繁昌宣城寧國南寧南陵太平旌德貴池銅陵東流建德石埭青陽涇縣巢縣含山舒城廬江高淳溧水溧陽建平州則廣德無爲和陽凡得四府三州二十四縣煌言令甚嚴諸軍肅然秋毫無犯

所至城邑考察黜陟良吏如州牧行部事江楚魯衛人
士多詣軍門受約束歸許起兵相應亡何而江寧之敗
聞焯言方受徽州降乃返蕪湖初焯言語成功曰師老
易生他變宜遣諸帥分徇郡邑金陵出援我則首尾邀
擊如其自守我則堅壁以待倘四向克復收兵繼集金
陵如在掌中矣成功不聽自以爲江寧旦夕且下士卒
釋戈而嬉縱飲奏樂官兵謀知之以精騎襲破前屯成
功倉卒移帳質明軍竈未就官兵傾城出戰眾無鬪志
成功亦遂乘流出海并撤鎮江之師而去於是橫江之

艘皆屬官兵焯言歸路已梗乃引舟趨鄱陽八月七日
與楚師遇而兵潰焚舟登陸軍士尙數百人屢霍山英
山登東溪嶺追師奄至士皆竄止一僮一卒迷失道路
路土人爲導變服夜行天明而蹤跡者眾導者亦去茫
然不知所嚮念有故人賣藥於安慶之高河埠求一人
導至其所至則故人他往而故人之友識爲焯言憐其
忠義教之由樅陽湖出江渡黃湓抵東流之張家灘潛
走建德祁門兩山中焯言方病瘡力疾趨休寧買棹入
嚴州恐浙人熟其而改而山行自東陽義烏出天台以

達海掃樹讎鳴角散亡復集成功聞之遣兵來助煌言
巡視海上有長亭鄉者多田而苦潮乃募義民築塘捍
之至今猶蒙其利尋遣使告敗於滇且引咎桂王專敕

慰問

案此事誤姑依碑書之語詳大事紀

庚子移師林門旋軍於桃渚辛

丑入閩次沙關成功將謀臺灣已抵澎湖煌言遣幕客
羅子木以書挽成功謂軍有寸進無尺退今一入臺則
將來兩島恐不可守是孤天下之望也不聽時成功雖
東下而官兵尙懼其招煽沿海之民遂有遷界之役民
多不願以威脅之猶遲延不發煌言頓足歎曰棄此十

聚書集

附錄三

六十四期嚴書

約圖刊本

萬生靈而爭紅夷乎已而滇中事急成功方得臺不得
行煌言乃遣職方郎中吳鉅挾帛書入鄖陽山中說十
三家使之撓楚救滇而十三家已衰敝不敢出壬寅滇
中陷成功亦卒煌言大哭還軍林門適閩南諸遺臣復
謀奉魯王監國貽書來商煌言喜甚則以書約故尙書
盧若騰等勸以大舉并約成功子經勉以亞子錦囊三
矢之業復厲兵束裝以待是年浙督與中朝所遣安撫
使各以書招煌言煌言復安撫書略曰不佞所以百折
不同者上則欲匡扶宗社下則欲保捍桑梓乃因國事

之靡寧而致民生之愈感十餘年來海土芻蕘糗糲之
供糧糧舟航之費敵骨吸髓可爲惕然况復重之以遷
徙而以流離哀我人斯亦已勞止今執事旣以保兵息
民爲言莫若盡復濱海之民卽以濱海之賦畀我在新
朝旣捐棄地以收人心在不佞亦暫息爭端以俟天命
當與執事從容羊陸之交別求生聚教訓之區於十洲
三島間而沿海藉我外兵以禦他盜是珠厓雖棄休息
宜然朝鮮自存艱貞如故特恐執事之疑且畏耳則請
與幕府約但使殘黎朝還故土不佞卽當夕挂高帆不

繫齋集附錄三

七十四明政書

終國刊七

重因此一方也又復督府書曰執事新朝佐命僕明室

孤臣區區之忱言盡於此是冬十一月魯王薨於臺

請甲辰公石舟山監國卒於海上年分互異 煌言哭曰孤臣之棲棲有待徒

苦部下相依不去者以吾主上也今更何所待乎癸卯

遣使祭王會故將阮春雷據閩之東蚶長腰各島嶼福

寧煌言率五十餘船往與之合適總鎮林國梁謀降大

清機洩煌言圍之國梁以礮碎其船斬煌言之弟嘉言

案煌言有憶從弟嘉言詩在甲辰散軍以後玩其詩意似未審存亡者蓋嘉言必被擒而死當時海島隔絕故不知殉節確耗也 復乞援於福寧總兵吳萬福萬福遣游擊李

熈先劉成海等毀東甌長腰寨甲辰三月煌言與春雷
復集百餘艘泊三都三山等島萬福約水師總兵夾擊
追至大洋陣斬及溺死者甚眾春雷赴泉州煌言回浙
六月乃散軍居南田之懸巖懸巖在海中荒瘠無人煙
山南有汶港可通舟楫煌言結茅以居從者祇羅子木
門生王居敬侍者楊冠玉

案鈕玉樵鳳庵作羅自牧楊寶玉均誤

將卒數

人舟子一人是時閩粵俱靖惟煌言獨存議者謂煌言
不死海寇且復逞也朝旨急購之係累其妻子族屬以
待總督趙廷臣乃遣騎將徐元等詐爲僧人服

案釋史南天痕

張蒼水集附錄二

八四明叢書續編刊

煌言小校降欲致煌言爲功走普陀
爲爲行脚僧則小校當卽徐元也

率健丁潛伏普陀

山未家尖蘆花巖三路伺之值煌言糴者至急擊之獲
其將使言煌言竄處出刀脅之其將赴水死又殺數人
最後者乃告之曰張公不可得也公蓄雙猿覘動靜敵
舟在十里外猿輒鳴樹杪得爲備矣乃卽駕所獲船以
夜半至懸巖出山之背攀藤上煌言坐處置一劍有警
卽欲自刎是夜聞蘆葦颯颯有聲急呼從者起而官兵
已入室不及避遂就縛并執子木冠玉舟子三人七月
十七日也此至杭州廷臣勸之降煌言正色惟求速死

廷臣知其意不同命寄獄中供帳甚盛許其舊時部曲
得來慰問官吏願見者弗禁杭人爭賂守者求入見或

求書煌言亦應之九月七日起市遙望鳳凰山一帶曰

好山色賦絕命詞挺立受刑年四十五子木冠玉舟子

並從死案南天痕作子木冠玉并二水手從死子木名綸以字行溧陽人

冠玉鄞縣人案無名氏撰張公傳云冠玉臨刑鄞事見其功欲釋之冠玉曰司馬公死於忠某義

不忍獨生延頸就刃子萬祺先三日死鎮江煌言精於六壬兵屯

東溪嶺時占得四課空陷方大驚而追騎已及釋舟未

返占課大凶徘徊假寐夢金甲神來招與王居敬案原作王

吳蒼水集附錄三

九四明故

采薇當係居敬之字今據神道碑改正言之言未既而罹難案神道碑云被執居敬以

後為僧計得脫煌言既死故御史紀五昌杭人張文嘉沈積書

等殮之而鄞人萬斯大與朱錫九錫蘭錫旂錫昌兄弟

復葬之南屏之陰案清波小志煌言遺骸及楊羅二骨俱為煌言同郡釋問石暨武林好嚴

之士所葬據是朱氏兄弟當係杭人國朝乾隆四十一年賜諡忠烈

兵部左侍郎張公傳

關名

明之亡也死義者連鑣接衽若播遷窮海而之死靡他

稱一代碩果者則有宋文丞相而後推明之張司馬煌

言云煌言字玄箸號蒼水鄞縣人遠祖當元時逃入高

龐以家世仕宋故至明初始歸籍甬東稱高麗張氏高祖伯祥起家孝廉爲令列郡志孝友傳父圭璋號兩如甲子乙榜母趙孺人艱於嗣虔禱關壯繆生時父夢五色雲現故小字雲幼善病病輒瀕死六歲就塾書上口卽成誦十二喪母父判河東嵯署解州篆爲壯繆故里煌言謁詞下撰文祭告以忠義自矢年十六補邑弟子員迅筆皆驚人語性豪宕喜聲歌六博兼致談兵挾策之徒父庭訓甚嚴屢杖之勿改年二十三中壬午鄉榜卽操選政弁其集曰銘燕名大噪乙酉寧紹兵起躡屬

張蒼水集 附錄三

十一 四明叢書

續編刊本

走台郡迎魯藩

諱以海孝王第八子癸未兗州破孝王與世子咸殉南渡襲封僑居台州授

檢討司誥敕時豪帥擁兵自衛目無共主士驕民困雖

有建白勢不得行煌言感憤時事恆聲淚俱咽丙戌六

月勅錢塘師潰倉卒馳歸拜其父曰兒將隨主航海竟

去監國駐舟山爲行在雖有城郭人民而彈丸地孤峙

海中諸豪帥若王之仁方國安輩或死或降餘皆市僧

菜備惟老將張名振一軍獨全且擁戴無二心煌言依

名振與之協力希爲一成一旅計張歿代統其兵晉少

司馬王兵道爾祿以書招之不應俾親屬開諭百端又

不應令其父諭之降終不應最後報曰兒不孝寧爲趙
苞不爲徐庶大人善自爲計聞者痛之舟山破監國往
依閩帥鄭成功其父芝龍故海中劇盜崇禎初受招安
倚海爲窟歲以番船通日本琉球暹羅諸國積金錢無
算陽奉唐藩子冒賜姓跋扈甚性實懼怯無大略丙戌
仙霞關不守芝龍投款倭而北去弟鄭彩子成功踞厦
門海島以嫌殺閩部熊汝璽他若名搢紳之從亡者如
錢肅樂沈宸荃皆怛怛死悼言決其無成不往獨以孤
軍留浙海忠信所孚鄭亦敬而愛之不敢犯也既聞父

鄭東來集

附錄三

十一 四明叢書

續圖刊本

亡一櫛而絕比甦不再哭念已被家殉國父死不葬又
妻子顛連無以存活故終其身不畜一姬侍蓋刻厲如
此吏議拒命久籍其家家屬發京口養贍冀其來歸而
卒不動初煌言入海時遇颶風舟盡覆登海島飢困待
斃夢神告曰餉君侯千年鹿侯十九年還我詰朝果得
一黑鹿炙食之人嘗一嚮歷旬不飢遇他舟至獲免已
亥鄭成功下鎮江犯金陵煌言亦率其部下樓船揚帆
直抵安慶未幾成功兵敗宵遁煌言聞報勢不能獨留
而江路已截舍舟從陸入霍山縣境止一童子相隨紆

迴山谷間迷失道乃賂土人爲導日暮飯脫粟棄足上
靴易雙履乘月而行至黎明走七十里履不容足中宵
涉水益加窄足趾血殷踵盡裂腹且餒望門謀朝餐凡
有問者皆以館師避難對村中聚觀如堵導者尙隔水
遠見村民之遮道而問也必謂事露遽逸去旣失道復
失導主僕兩人步履徬徨知音又異皆疑爲逃卒盤詰
紛然仍以館師對久方解去視其中貌厚者胡姓復賂以
金使導行強而後可是日又行三十里宿旅店亦胡族
屬也忽胡之弟至招兄出一耳語良久卻入而曰君從海

上來非館師也問何以知之曰頃有十數人過弟舍予
弟固問之知君爲海上人吾兄弟意本無他不須過慮
也胡之老人聞之亦具雞黍焉凌晨謀所向僉云應從
安慶問渡當煌言之離蕪關而趨江上也有舊時賓從
朱某來謁叩其近狀云嘗藥於安慶之高河埠市中因
囑胡導往其地令童子先問朱某藥室所在市人見童
子之問朱也覺有異羣踪跡之市豪徐某金某皆歛產
夙與朱善偶從橋上過聞童子問朱君市人又蹤跡童
子亦覺有異以數語解散市人竟去而朱適他往未返

無居停主投宿逆旅媼亦歎人聞爲朱君來乃下榻而胡姓導者將於次早別去勢不可留益悵悵無聊倏記安慶向有賣稻船往來江南北必取道樅陽湖高河之樅陽一水可通令胡覓便帆渡江出池州將登九華山徐圖歸計買舟旣定暫止客店金與徐又自外至引入空室問曰君得毋姓張乎詭曰吳姓金曰不然君固司馬公也日者與朱某同謁公江上而軍務旁午余無從晉謁竊於舟次窺見丰采耳遂不諱而告以故金固要至其家始通姓名詰朝令一何姓者爲伴由樅陽渡黃

湓出江抵張家灘池州東流縣所轄也再歷建德祁門山中走休寧皆何姓所熟識逐伴同行惟烏道羊腸較霍山尤甚又患瘡扶病走頭岑岑汗下如雨蹣跚而前東建延袤高山多小寇出沒或乘夜剽掠土人相率持兵守嶺頭凡過客皆攫金爲費有戒心焉將次祁門江右有兵出屯朱橋村舍速逃商旅裹足賴同行多歛人得無他計程兩日抵休寧即可買棹溪行信宿達嚴陵矣乃休邑有客兵過闔闔晝閉乘閒得抵城中寓徐之諸父善岐黃者家治具相款然實認爲館師與其猶子

善而不識其根柢也兵過買棹將趨嚴陵過新安亭
長呵止之索篙師金始放行達街口有巡司麻邏卒登
舟譏察睥睨久之而去解維過淳安乃入浙省會有文
符捉民艇載兵紆道走遂安凡兩買棹纔得嚴郡而晦
迹益難乃自婺之東義出天台以赴海壩烏道羊腸視
徽州爲更甚而辛苦艱難亦復倍之邈自霍山奔走以
來之安慶之池之徽之嚴之婺之浦江之義烏之天台
寧海計程二千餘里間關百折志不少挫歸而招集散
亡寄身孤嶼在南田臨壘間飄泊數年恆以一劍自隨
誓死不貳甲辰秋邏者獲二卒爲導突往執之被執登
舟所畜一小猴相向哀鳴躍入水死至郡城提督張待
以客禮角巾葛衣輿而入張曰張先生何以屢邀而不
至答曰父死不葬不孝國難無匡不忠不孝不忠羞見
江東勸之降不答次日送之赴省前此投誠諸將卒送
者幾千人齊聲號慟煌言神色自若出西門曰姑緩望
北四拜辭闕也望郭門四拜辭鄉也隨與岸上送者拱
手而別登舟左右翼而行慮其赴水笑曰無庸此非我
死地至武林處於舊府時總督趙勅之降甚力始終不

答曰被執卽不食日賦詩自娛守者叩頭哀懇煌言徐
曰既辦一死何苦累若等乃復食亦惟啖時果數枚而
已一日督院赴館蹙額曰老先生部文到矣煌言卽起
肩輿至官巷口口占曰我年四十五今朝九月七含笑
從文山一死萬事畢端坐於地而正命焉會城義士朱
廩生張文嘉等葬其遺骸於西湖南屏山杭人稱爲南屏先生淨
慈寺左邵皇親墳翁仲後之左側遙與岳武穆于忠肅
兩墓相望煌言詩西子湖頭有我師從初志也夫人董
先死子萬祺前三日亦被刑於京口幕客句容羅綸鄧

張蒼水集 附錄三

十五 四明叢書

約園刊本

人楊冠玉與煌言同死俱葬於左右三家巍然楊冠玉
者大家後裔與煌言比鄰父母死從之海上臨刑當事
見其幼欲釋之冠玉曰司馬公死於忠某義不忍獨生
延頸就刃今寒食酒斃春風紙蝶歲時澆奠不絕而部
曲過其墓者猶聞野哭云自丙戌至甲辰蓋十九年矣
煌言死而明亡

林時對曰公幕客王畏齋黃巖諸生今披緇名超邁
語余云公被執前一日夢金甲神持符檄奉上帝命
召公次早告畏齋詫其異俄有白氣一縷直衝至所

居所廠畏齋親見之夜半子時卽蒙難嗚呼公之生
死固非偶然也

盧直曰蘇子卿之使漠北也十九年公之處海上也
亦十九年而公所歷有倍難者其一生一死固可勿
論也公少自誓美丰姿後乃高穎長髯嶽嶽千仞宜
家去公宅僅三四十武幼時猶及親公色笑知之最
詳亦最確當執公時得一篋滿中皆書札提督張應
連染滋禍取火焚之適里中朱氏婦在署中爲女紅
師乞得公詩文名奇零草兩帙今與北征記祭張侯

張蒼水集附錄三

士六四明故書
物類彙編本

服名振

字又啓王招撫王兵道趙督院書並傳於此然

則天地之正氣固鬼神所呵護也公誠文山之後一
人而已嘗攷文文山小字雲孫而公降生之兆適與
文山同是又一奇也

張美翊案曰
見續表忠記

張公蒼水傳

沈冰壺

張公煌言字玄箸號蒼水浙之鄞縣人宋相知白之裔
也父圭章天啓甲子舉人官至刑部郎公生而頗學秀
眉削面吐音如洪鐘目瞳炯炯有光顧盼非常輕財結
客喜陳法務瑰璋大節不修邊幅細行漁酒色時時從

博徒游擲立盡輒大噉稱快爲笑樂數私斥賣其生產
刑部公恨之不能禁也然風骨棱棱不可一世識者早
以國士許之年十六補邑諸生莊烈帝以天下亂欲諸
生習武備著令試文後較射一時諸生非素習多倉卒
應故事觀者皆匿笑不止公引滿三發皆中一時驚服
膺壬午鄉薦申酉兩都之變舊臣奉魯王監國於紹興
郡人錢忠介公肅樂舉兵應之公與同事受翰林院編
修丙戌浙東師潰魯王航海公依肅虜伯黃斌卿於翁
洲次年我松江提督吳勝兆陰與吳中士紳定謀復歸

聖朝本集

附錄三

十七

西明叢書

約圖刊本

明魯王命定西侯張公名振往援公以侍講兵科給事
中拜右僉都御史持節監其軍至崇明遇颶覆舟幾被
獲匿於房師故諸暨令錢公世貴所得免聞道歸海上
戊子移軍上虞之平岡山與四明山王少司馬翊相倚
角焚上虞破新昌浙東列城爲之晝閉庚寅魯王入居
翁洲公朝見次年翁洲破扈王至閩海時延平王鄭成
功遙奉永明正朔王居金門爲寓公而已癸巳冬返浙
復監定西侯軍北權入長江登金山遙祭孝陵三軍皆
慟哭失聲定西侯題詩山寺公屬和一時軍聲大振以

上游師未至左次崇明甲午復入長江掠瓜儀抵燕子磯金陵震動終以孤軍無應迄無成功乃乘流東下聯營浙海戍戍承明王自滇中遣使授公爲兵部左侍郎兼翰林院學士我總督郎廷佐寓書招降公答書曰夫揣摩利鈍指畫興衰庸人聽之或爲色變而忠貞之士則不然其所爭者天經地義所圖者國恤家讎所期者豪傑事功聖賢學問以故飄雪自甘膽薪彌厲而卒以成功古今來不可勝計如僕者將略原非所長祇以讀書知大義痛忿虜氛左袒一呼甲盾山立區區之心以

張蒼水集

附錄三

六十四明故書

經國刊本

濟則賴君之靈不濟則全臣之節豈繁詞曲說足以動其心哉乃執事儼然以書通似僕亦庸庸者流可以利鈍興衰動者譬之虎狼戒途雁奴伺夜旣受其役竟忘其哀在執事固無足怪而僕聞之髮且衝冠矣且執事固我朝勳舊之裔而遼左死事之孤也念祖宗之厚澤宜何如悲傷痛父母之深讎宜如何報雪稍轉一關不失中興人物甚爲執事不取也云云是年七月從成功北伐抵羊山復遇颶覆舟返櫂踰年夏五月成功以公練得江上形勢令率所部數千人爲前驅次崇明公謂

成功曰崇沙江海門戶也且懸洲可守盍先定之進退
可以有據成功不聽後卒爲守將梁化鳳所襲始悔不
用公策云將取瓜步時金焦間鐵索橫江夾岸置西洋
大礮公揚帆逆流而上風息行遲礮聲雷錙洪波爲沸
水軍傷者甚眾且進且卻公叱舟人冒險徑進同艚繼
之時得入者僅十七舟而十三舟皆公轄也於是直薄
瓜洲城下次日成功師始至會戰斬獲我滿漢兵無算
乘勝入其城成功卽欲取金陵公請先京口成功曰奈
金陵援師朝發夕至何公曰吾以偏師先擣觀音門則

秦書本集附錄三

十九四明樓書

續圖刊本

金陵奪魄將謀自救不暇豈能分援他郡成功然之且
以直達蕪湖爲約未至儀徵吏民齎版圖迎降五十里
外公紀律甚嚴瀕江小艇載果蔬貿易如織若不知有
兵者六月二十八日抵觀音門而成功於二十四日下
京口矣七月朔公哨卒僅七人掠江浦取之初五日公
所遣先往蕪湖別將以降書至成功謂公曰蕪關居江
楚下流爲江介鎖鑰重地倘金陵不旦夕下則江楚之
援日至可虞也非公遏之不可遂行傳檄郡邑江之南
北皆歸附恐後府則太平寧國池州徽州州則廣德無

爲和陽縣則當塗蕪湖繁昌宣城寧國南陵太平旌德
貴池銅陵東流建德青陽石埭涇巢含山舒城廬江高
淳江浦溧水溧陽建平句日間凡得四府三州二十四
縣當是時公所過兵不血刃吏民爭持牛酒以獻深山
窮谷中遺老來見日數輩竟莫測所自來公皆款顏慰
勞莫不歎息泣下每入城必先謁先聖廟坐明倫堂招
諸生勉以忠孝大義不宜忘三百年養士之報莫不人
人思奮而江楚魯衛豪傑亦詣軍門願受約束爲響應
公亦自以爲功在旦夕相度形勢一軍出溧陽以窺廣

張蒼水集

附錄三

二十四明教書

續國朝本

德一軍鎮池州以扼上流一軍據和州以固采石一軍
入寧國以偪新安無何而金陵之敗書聞矣初成功之
既取京口也公謂兵貴神速若從水道進師巨艦逆流
遲拙非策使敵得爲備而成功竟從水道進及圍金陵
復上書成功謂屯兵堅城師老易生宅變宜激勵將士
一鼓下之不能則宜分遣諸帥盡取畿輔旁郡若城中
出援我師首尾邀擊如其自守我則堅壘以待俟四面
克復乃以全力注之蔑不濟矣而成功徃於屢勝士皆
釋兵而戲我師諜知之出不意發輕騎掩擊之人不及

甲遂大敗公方在寧國受新安降報至乃返蕪湖時七月二十九日也初意師卽挫未必遽登舟卽登舟未必遽揚帆卽揚帆必且復守京口故彈壓列城無有變志我帥卽廷佐哈哈木管效忠等以書相招峻詞拒之遣人至成功所請立益百艘相助天下事尙可圖也而成功竟踴歸海矣北艘千餘載於下流歸路旣梗公計江楚敗問未至姑引舟趨鄱陽以爲後圖八月七日次銅陵與楚師遇兵潰有言英霍山寨可投者乃焚舟登陸霍之陽山寨方就撫拒不納將之英之將軍寨公精六王占數世應皆空大驚俄而追師突至士卒皆竄去公單騎脫走止一僮一卒相隨崎嶇山谷問迷失道厚賂土人得導以出變姓名易服夜行曉伏遇故人之友金生徐生陰左右之始得全方病瘡力疾奔走閒道至安慶之池之徽之巖之浦江義烏之婺之天台寧海得達海壖計程二千餘里足指血殷踵盡裂當是時索公急有詣軍門自稱曰我明朝張司馬也來就死談笑受戮一時嘖嘖皆傳爲公已死而不知實陰爲公規脫死者也公旣歸樹蠶鳴角散亡復集庚子駐師林門辛

丑入閩海上啓魯王陳恢復大計勸其親征使天下曉
然知報讎雪恥之心時成功方經營臺灣與紅夷構難
不復措意中原公遣客羅子木寓書諫之曰殿下寧
之役豈誠謂外島可以創業開基哉不過借以棲息文
武將吏家室使免內顧憂自古未聞以輜重眷屬置之
外夷而後經營中原者所以識者危之況大明之倚重
於殿下以殿下之能雪恥復讎也區區臺灣何與於赤
縣神州而暴師半載使壯士塗肝腦於火輪宿將碎肢
體於沙磧生旣非智死亦非忠亦大可惜矣且今日普

天之下止思明州一塊乾淨土何啻桐江一絲繫漢九
鼎故思明者根柢也臺灣者枝葉也無思明是無根柢
矣能有枝葉乎古人云寧進一寸死毋退一尺生倘尋
徐福之行蹤踵盧敖之故跡縱偷安一時必貽譏千古
卽觀史載陳宜中張世傑兩人喪貶可爲明鑑殿下寧
不自愛乎夫虬顙一劇祇是傳奇濫說寧有扶餘足玉
乎若箕子之君朝鮮又非可語於今日也成功卒取臺
灣復作感時詩四首以諷遷界令下公痛萬姓流離予
我安撫書云但使殘黎朝返則不佞夕挂高帆十洲三

島莫非生聚教訓之區嘗膽臥薪別有扶危定傾之計
何忍重困此一方民也明年永明王爲吳三桂所害宗
室勳戚皆死惟吉王自縊以殉太后中宮送北爲尼公
復上啓魯王乞速正大號以存正統不果俄而成功卽
世魯王亦薨公憤悒不得志復歸浙海居懸壘懸壘在
海中荒瘠無居人山南有汶港可通舟其陰則峭壁千
尋林木蒼翳公結茅其中人莫能窺從者惟羅子木楊
冠玉餘惟舟子役人而已甲辰我聖祖仁皇帝卽位之
三年是時海宇寧謐鄭經東匿不出八閩安瀾獨公風
帆浪楫傲岸於明台之間議者益忌公於是索公愈甚
械繫公之妻子族屬懸重賞購之公之校降於我朝者
欲致公以自效與其徒數人僞爲行腳僧投普陀山寺
會公遣羅舟至以其僧也昵之竟爲所縛脅告公處擊
殺過數人而後肯言曰雖然公不可得也公所居畜雙
猿時緣木杪以候動靜船在十里之外則猿見急號公
得爲備矣乃從中宵繞山之背暗中猿不及覺遂執公
并及子木冠玉舟子三人時七月十七日也方羅舟未
返公占數主有非常之變悲哀假寐竟及於難豈非命

平十九日公至寧波方巾葛衣乘肩輿而入觀者嘖嘖
歎息同於畫錦入提督府顧盼謂人曰此沈相國第也
我昔曾會文於此今忽忽二十年後不勝丁令威化鶴
歸來之慟耳張帥舉酒屬公公曰父死不能葬國亡不
能救死有餘辜今日之事速死而已八月送至會城作
詩辭故里曰義幟縱橫二十年豈知閭位屬于闕桐江
空繫嚴光釣震澤難迴范蠡船生比鴻毛猶負國死留
碧血欲支天忠貞自是孤臣事敢望他年青史傳其二
曰國亡家破欲何之西子湖頭有我師日月雙懸于氏

張蒼水集 附錄三

壬酉四月叢書

續編刊本

慕乾坤半壁岳家祠慚將赤手分三席敢爲丹心借一
杖他日素車東浙路怒濤豈必屈鴟夷旣至供帳如上
賓公南面坐故時部曲降我朝者雖參將提鎮皆行庭
謁禮司道郡縣至者公但拱手不起一時皆望公爲天
神士民欲得覩公面爲幸賂守者絡繹不絕求翰墨者
積几案如山公稱情揮灑應之無倦色作歌書獄壁曰
嗚呼滄海揚塵兮日月盲神州陸沈兮陵谷崩余生則
中華兮死則大明寸丹爲重兮七尺爲輕惟彼文山兮
亦羈紲乎燕京黃冠故鄉兮非余心之所警等鴻毛於

擲兮何難談笑而委形念先人在淺土兮忠與孝而無成繫嗣子之牢籠兮痛宗祀之云傾已矣乎苟瓊謝玉兮亦有時而彫零余之浩氣兮化爲風霆與日星尙足留綱常於萬禩兮垂節義於千齡何分孰爲國社孰爲家聲歌以言志兮肯浮慕乎箕子之貞若以擬夫正氣兮或無愧乎先生九月七月公詣市復賦絕命詩曰我年適五九復逢九月七大廈已不支成仁萬事畢遂死年四十五武林張文嘉石門呂光翰甬江萬斯大與僧超直葬之南屏之陰符公三席一枝志也

公憶西湖詩亦云夢

裏相逢西子湖誰知夢醒卻棋檮高竇武穆連忠肅參得新祠一座無似非偶然故誌銘有一時發言皆同議

語云公娶董氏陷獄中久之得解子萬祺先公三口戮於

京口以再從子鴻福爲嗣所著有奇零草冰槎集子木

冠玉舟子皆從死子木名綸溧陽人已亥之役謁公於

江寧陳山川形勢甚悉公異而欲留之曰親在未敢以

身許人也旣而從成功招將徇吳會會成功兵敗欲還

子木遮說不肯留於是奉其父隨軍浮於海未幾父苦

風濤眩暈奉之北歸次閩之三山猝遇我兵子木以死

衛父鬪逾時矢集鎧如蝟墜水得出而父竟就縛以去

子木慟哭嘔血流離跋涉百方求出奇計以救父卒不
得父音耗乃復投公營膂力絕人能詩與公相倡和悲
歌慷慨有古烈士風冠玉鄞人年少美姿容諧媚謹愿
公絕愛幸之臥起飲食必與其居恆邑邑得冠玉立解
及公被難流連不忍去旗人有豔而欲得之者堅不可
乃同被害

論曰華亭徐孚遠闔公公同年生也敘公奇零草引梁
史江陵淪陷王子珩以一州之力聲義抗旌雖兵敗身
執益以復讎爲事終不北面於陳陳慶之以兵八千北

張蒼水集

附錄三

壬午四明叢書

初編刊本

伐乘勝下元魏數十城直據洛陽及勢失兵燿閒行得
達江南此二人者其行事與公絕相似而其志與日月
爭光則徐公又擬之諸葛武侯文信國矣夫公之才遠
不及武侯望亦遜於信國而時之艱境之奇則更甚於
武侯信國自丙戌航海甲辰就執三度閩關四入長江
兩遭覆溺首尾十有九年其經營爲倍蹇矣己亥之役
功在漏刻而復敗之天也然而談其事者迄今猶懷懔
有生氣何耶

張美翊案曰冰壺字清玉號梅史山陰歲貢生性孤

峭於時寡合熟於勝國諸老軼事曾舉乾隆鴻博報

罷壽

壽編案寔叟校及沈傳託其友余森檢查山陰縣志余報書云沈冰壺見縣志卷十五鄉賢傳云注

孫峭喜博覽家貧無書獨借書披閱有所著述以一缸貯之往往爲人取去最熟勝國諸老軼事著有古調自彈集今原書猶在可想見蹇叟旁搜之勤矣

瓜贖

張玄箸先生於康熙甲辰被執不屈與愛僕楊冠玉幕友羅自牧同死於杭所著詩詞貯一布囊悉爲邏卒所焚有遺在僧寺及民家者僅數篇其律詩云何事瓜臣竟息機魯戈不復挽斜暉到來晚節慚松柏此去清風笑巖薇雙鬢難容五嶽住一帆任向十州歸疊山遲死文山早青史他年任是非

倚略二

嘉慶系鄧寶琳公集別有傳略補今編爲傳略二惟於首行題自來與傳略一稍有不同焉

張玄箸先生事略

行朝錄

張玄箸先生

卽煌言寧波舉人

先從魯監國監國敗率殘兵數

百人飄蕩海上延平招之入島表爲兵部尙書俱至金陵王謂煌言蕪湖上游門戶儻留都不旦夕下則江楚之援日至控扼要害非先生不可七月初七日煌言率

師至蕪湖馳檄郡邑江之南北相率來附未幾延平敗
走煌言趨銅陵與楚師遇兵潰變姓名從建德祁門山
中出走天台以入海仍與延平同定臺灣見延平甘王
扶餘不復與太原公子角逐爲詩刺之曰中原方逐鹿
何暇問虹梁曰圍師原將略墨守亦夷風曰只恐幼安
肥遯老藜牀早帽亦徒然曰寄語避秦島上客衣冠黃
綺總堪疑延平一笑而已未幾延平薨曾東寧有難不
能出海年餘鄭經定位益庸劣無比不足與謀乃散其
部曲拂衣竟去浮海涉江竄至杭州西湖上負山僻小

張蒼水集

附錄三

二六四明叢書

約園叢書

庵隱焉瞻望邊藩猶有所冀爲杭守臣覘得與健僕楊
貫玉愛將羅自牧同被執

兩人皆萬人敵

就逮之日先生烏巾

葛衣不言不食越數日唯啜水而已臨刑二卒以竹輿

舁至江口先生從輿中出見江上青山夾岸始一言曰

大好山色因索筆硯賦絕命詞三首付行刑者端坐受

刃自牧貫玉同斬笑一振臂綁索俱斷立受刃屍不仆

刑者惟跪拜而已正甲辰年中秋日也故東莊聞而誅

之所著詩詞貯一布囊悉爲邏卒所焚其絕命詞曰

張美

詞曰下詩非絕命詞也第一第二甲辰八月辭
故里詩第三甲辰七月十七日被執進定關詩

義幟縱橫二十年豈知閭位在于闔桐江空繫巖光釣
笠澤難回范蠡船生比鴻毛猶負國死將碧血欲支天
忠貞自是孤臣事敢望千秋青史傳 國亡家破欲何
之西子湖頭有我師日月雙懸于氏墓乾坤半壁岳家
祠漸將赤手分三席真不愧三賢特爲丹心借一枝他日素
車東浙路怒濤豈必盡鴟夷 何事孤臣竟息機魯戈
不復挽斜暉到來晚節慚松柏此去清風笑薺薇雙鬢
難容五嶽住一帆仍向十洲歸疊山遲死文山早青史
他年任是非

張應來集附錄三

三九四明叢書

約圖刊本

思舊錄

黃宗羲

張煌言字玄箸其父圭章字兩如甲子舉人嘗教授余
家玄箸爲人躍冶而明敏過人故能就死從容有文山
氣象當其被獲也已散遣士卒懸洲獨處亦如田橫之
在海島而已而補陀僧有借之以殯大帥者遂遇難

張煌言列傳

羅編葉振名

東南紀事

張美翊曰餘姚邵廷采字念魯康熙
熙間人撰東南西南紀事二書

張煌言字玄箸寧波鄞縣人崇禎壬午舉鄉試時年二
十二篤邁自喜常著絳衫已聞寇勢迫更刻意勤苦澹

泊求論兵事乙酉五月南京敗與同郡錢肅樂沈宸荃
馮元鵬等倡義奉魯王監國紹興授翰林修撰掌敕令
丙戌師潰歸別父母妻子扈王石浦明年以右僉都御
史持節監定西侯張名振軍援吳勝兆於松江龍興覆
舟陷敵中七日再戰黃巖北軍射而圍之以數騎突免
於是益習騎射又明年丁亥移節上虞之平岡山與王
翊等犄角結寨庚寅以平岡兵授劉翼明陳天樞率親
軍朝王舟山屢請益兵當定關辛卯父艱訃至晨夜痛
哭大清提督田雄海道王天錫以書來說使解兵煌言

張家集附錄三

三十四明叢書
續圖刊本

復言不屈其年舟山破及名振奉王南入金門閩政自
鄭氏出煌言和謹調護王賴以安壬辰監名振軍過舟
山抵崇明沙指金山江淮響應癸巳上洋山再駐崇沙
冬破崇明步騎萬餘於平洋甲午再入鎮江觀兵儀真
夏逼吳淞戰捷皆與名振俱乙未延平王朱成功遣阮
駿陳六御與名振復舟山台州守將馬信舉城降使煌
言以沙船五百迎之名振卒信棄台州明年丙申舟山
再破煌言移軍秦川時魯邸舊城皆盡而孤軍流寄窮
島鄭氏部曲陵暴煌言惟御之以忠誠阮美陳文達爭

餉地爲婉解曰大敵在前何暇私鬪美軍有犯輒曰我
大臣寧與麾下爭曲直獲內地邏謀亦好語酒食遣之
由是主客浹和邊陲感悅遺黎亡卒多爲耳目者戊戌
大清兩江總督蔣廷佐以書陳說天命曉諭利害復之
略曰夫揣摩利鈍指畫興衰庸夫聽之或爲變色而貞
士則不然所爭者天經地義所圖者國恤家仇所期待
者豪傑事功聖賢學問故每甌雪自甘膽薪彌厲而卒
以成事自古以來何可勝計若僕於將略原非所長祇
以讀書知大義痛恨災氛左袒一呼甲盾山立區區之

意以濟則賴君靈不濟則全臣節遂憑陵風濤縱橫鋒
鏑之下迄今踰一紀矣豈復以浮詞曲說動其心哉來
書溫慎故報數行如斬使焚書適足見吾意之不廣僕
亦不爲也煌言勸成功取南京日與偏裨較射鹿頸頭
神氣勃厲羅致中土名士商度方略山陰葉振名三渡
海從煌言其年奉桂王命以兵部尙書視師浙直同成
功北舉復抵羊山遇風碎舟還故延佐等急招之而煌
言措置開廣成功亦以是重之謂其知江上形勢使前
驅己亥六月成功師至崇明煌言議崇沙江海門戶懸

洲可守宜先定之爲老營不聽大清於金焦間用鐵索橫江夾岸置西洋大礮煌言次浦口風急流迅且戰且卻露香祝江神遂鼓棹而入詰旦成功克瓜洲欲取鎮江慮南京援騎至煌言議舟師先擣觀音門則建業震動自守不暇何能分援他郡卽屬煌言西上至儀真吏民賣版圖迎進次六合聞成功已拔鎮江卽作書致五軍張英謂兵尙神速若由水道遲拙非策煌言已抵觀音門令輕舟數十徑抵蕪湖身爲殿自浦口轉戰而前七日掠江浦入之次日成功抵七里洲先遣蕪湖諸將捷書至蕪湖已降成功趣煌言急趨蕪湖以遏江楚之援於是江南北相率來歸太平寧國池州徽州廣德及屬邑皆下無爲和州含山舒城廬江高淳巢遣吏請降凡得府四州三縣二十四時煌言兵不滿萬船不滿百惟以先聲號召大義感孚騰書縉紳馳檄守令所過秋毫無犯入謁先聖坐明倫堂長吏故官或青衣待罪或角巾抗禮考察黜陟如州牧行部事父老望其衣冠莫不流涕江楚魯衛豪雄多詣軍門受約束請歸禡旗相應方部署諸軍思直取九江而南京敗書聞先是瓜

鎮既下不出兵攻略旁邑丹陽句容皆虛無墩蘇松援
騎平行陸走南京成功師圍南京二旬邸廷佐哈哈木
管效忠守益堅煌言馳書成功謂頓兵堅城下師老易

生他變宜分兵盡取畿輔諸郡若金陵出援可邀擊殲

之無何

原書無此二字
據北征錄加入

大兵盡出再戰成功大敗煌言

在寧國得報急返蕪湖思彈壓上游與瓜鎮掎角鎮江
書生羅子木亦勸成功乘敗出不意轉帆復西成功遽
退師并棄瓜鎮上游兵因遂潰太平守將首變志煌言
遣兵復取太平斬其將大清軍水陸邀煌言楚將羅八

張東集

附錄三

三三

四明叢書
約圖本

戰艘數百已渡安慶煌言恐眾寡不敵勒全軍指繁昌

欲以朦朧徑趨鄱陽合召義旅回旗再取四郡進次銅

陵眾散與麾下數百人至無爲州焚舟登岸歷銅城黃

金棚入霍山界以書通於陽山賊帥褚良輔求借屯不

納移札東溪嶺思走英山爲追騎所及將士疲困皆竄

山谷煌言突圍得土人爲導乘月變服夜行兩日至高

河埠投逆旅有徽豪金某徐某揣知煌言入見曰江上

未解嚴誰能爲蘆中丈人者乃匿煌言於家數日由樅

陽出江渡黃湓走徽嚴山行道東陽天台以達海墘海

濱人傳張兵部得生還相與悲喜久之先是羅子木在江中遮說道路虜目遂奉其父從大軍入閩庚子煌言收燼於浙駐師林門子木復奉父北行至三山父被執去子木詣林門以家國之難慟哭告煌言邀成功再舉兵煌言曰吾力不獨克彼意似不欲本朝復興徒以我素謹弱爲彼禦定關通中原音息故不我圖且彼無愛民之心來亦正毒百姓姑待之子木遂留事煌言及大清遷界海上餉絕佐煌言開屯南田順治十八年辛丑成功攻臺灣煌言以書力諫是年移軍沙埕康熙元年

張蒼求學

三西國明藏書

約圖刊本

壬寅間緬甸信欲復擁戴魯王上啓言莽移漢祚光武中興丕廢山陽昭烈踐祚懷愍北狩晉元稱制徽欽蒙塵宋高繼立以視今日誰曰不然願島上勳貴罔識春秋大義而臣實兵微將寡匱援窮既見宗國之亡而不能救且幸舊主之在而不能扶所以中夜椎心淚盡而繼之以血也謹遣官齎獻膳銀南望倉皇罔知所措時成功已入臺灣僭帝制王在金門不免飢寒煌言以舊從歲時供億又慮鄭氏見疑十年未敢入覲成功死海上解散煌言益不振眾議入雞籠島煌言謂偷生朝

露寧以一死立信卒不行癸卯王殞於金門甲辰移營

桃花山

張美期日移營南田懸標作桃花山誤

買米舡爲補陀僧所獲降

人孫維法引張杰龔煌言遂被執從者羅子木及守備

葉雲王發侍童觀毓

崇卽楊冠玉

七月十九日至寧波方巾

葛衣轎而入觀者如堵牆張杰與酒屬煌言曰遲公久

矣答曰父死不能葬國亡不能救死有餘罪常進功謂

子木海上知我名否子木曰但識張司馬何知常進功

他有所問大笑不爲語至杭州總督趙廷臣禮以上賓

聽故部曲來庭謁司道府縣至者但拱手不起列坐於

張集集

三五四明叢書
約圖刊本

側士民賂守者求視煌言翰墨酬接無虛日九月七日

死於弼教坊有絕命詞曰我年四十五恰逢九月七大

廈已不支成仁萬事畢候卒致詞請坐與子木同畢命

觀毓大聲曰我亦不跪者雲發面煌言跪是日驟雨晝

晦杭人知不知皆慟哭同郡萬斯大仁和張文嘉與僧

超直葬之西湖南屏山夫人董與嗣子先羈管杭州防

久而疏煌言遣力士引嗣子出曰母可借乎我獨往母

以死敬拜力士而辭有勸煌言納賸者曰吾妻子如是

何忍倡義以來未嘗一近女色且死生成敗殊未料多

累何爲馬信將陳木叔女奉煌言謝曰忠臣之裔不可
以辱吾義不再娶厚贈遣之病不飲藥大洋中能自運
舵每歎曰沿海膏脂盡矣幸其出戰勝則進取否則一
跳海中畢吾事耳嘗與葉振名論古今人物曰紹興死
事者多吾慕之清夜嘗愧之歷十九載卒踐其言故其
經故里詩有蘇武管寧求仁得仁句云自煌言仗節寧
波士風振起同時如諸生華夏楊文瓚等皆以死殉義
知名當世子木名綸嘗爲書責成功浙中傳之振名字
介翰以隻雞哭煌言於越王岑其文累數千字死於康

熙壬戌窮無子女壽七十餘見張司馬二客傳

按此云壽七十

下又云六十有人未知孰是

論曰王文成公有言死天下事易成天下事難此責成
於可成之日不以一死塞也若以律文天祥張世傑豈
其然哉世傳已亥長江之役有壬午舉人方會試下第
歸對其家人如醒如嚙咄咄仰天曰同年作何等事而
我自願爾乎信由斯言煌言固死而不死不成而真有
成也余未得見先生而曾讀冰槎集奇零草悲其志又
從介翰翼明兩君悉先生生平乃鄉人尙有不爲徐庶

加之罪者於乎九原可作其何敢辭

附錄逸事

煌言壬午舉人出山陰令吳淞錢世貴之門下朱夏
夫兆殷曾受知於知府于穎穎遷寧紹台分守與煌
言同謁穎以意氣相許談朝政得失朝臣覆餗狀不
勝髮指勸穎招技勇備不虞亡何有東陽許都之變

事寧肄業駝峯 十七年秋至南京交劉伏陽

按伏陽奇

零草作復陽

孔昭子永錫見伯溫先生遺書祕記

金陵

不守于穎移檄浙東煌言來會同盟於學宮誓以死

張東集附錄三

三十四別叢書

約圖刊本

衛社稷 至杭州候巡撫張秉貞議所立上潞王璽

綬王長齋繡佛無帝王氣概大失望煌言別祖廟聯

絡紳士痛哭於王之仁張名振散家財俟大舉田雄

導大軍東下潞王率文武降閩六月七日煌言合錢

肅樂沈宸荃馮元颺元颺同之仁名振舉兵寧波移

檄遠近九日孫熊舉兵姚江十一日鄭公子舉兵紹

興 先是于穎命徐允升募兵金華使夏夫募瓶沿

海會內臣高起潛引所部五百餘艘重數萬自海道

至白洋夏夫留之不果得其副將余應元都司王有

功守備孫勇等數十人與遵謙約日舉事于潁駐兵西郭使夏夫促遵謙出兵曰公在驛候進發今張慄彭萬里已授首事至此寧可緩乎杭城一葦朝發夕至何以處之遵謙以事未集需後期夏夫曰若爾浙東魚肉矣于潁自率團練兵五百道陸至西興而夏夫水師由海道會遂統應元等并鄉兵百餘船百艘薄暮抵錢塘值大軍半渡邀擊斬其前鋒六十餘級而退于潁至又調蕭山團練五百配以中軍郎文明任朝督張宏兆寧波義師亦來會乃定守江之計

張家集 附錄三

三式 四明叢書

約圖刊本

于潁督師丙戌移屯三江夏夫以護軍從時大軍在前內多悍將眾歎悲時事不支煌言獨慷慨必矢興復酒閒歌嘯義形詞色侍者莫不髮指衝冠迨五月富春竊渡士卒不戰而潰于潁疾馳留方國安王之仁固守不可煌言與張國維護魯王過曹江歸別父母妻子從駕石浦越日孫熊鄭三家繼至聞于潁以船溺微服去魯王至舟山黃斌卿曰臣受先帝命守舟山主上猶的也的所在思射之矣乃幸補陀夏夫同王有功孫勇聞道歸戊子越中鄉兵復起夏夫

使魯恂至舟山候定西肅北二藩進止煌言以定西
護軍同肅北護軍曹從龍將軍黃朝先入三江煌言
復大會諸將於駝峯亡何二藩構隙阮進護魯王至
閩曰迎定西至林壘曹從龍大掠而歸煌言不得已
上會稽山列營平剡與王完勳王虎等辱齒以書招
夏夫會魯恂被胡錦首死獄中不果行庚寅夏魯王
至舟山有旨召煌言歸山中諸將以不相統攝散亡
卒卯吳淞定關分道入海煌言同定西護魯王親
行先退大軍於崇明以阮進守大泥灣劉世勳守舟

張蔭棠集

附錄三

三

四明叢書
續圖刊本

山陳錦田雄覘知精兵北去乘霧而出進不之覺及
至接戰倉卒擲火毬遇桅反擊自焚下水被擒輿之
以說城中進至言煌言等已大捷旦夕凱旋令城中
死守被圍十日礮火俱盡定西中軍金允彥踰城降
具告虛實遂百道攻城夜分星隕如雨九月二日城
遂破定西太夫人全家自焚定西聞報急返至火燒
門止隔兩潮無及遂護魯王入閩明年春討舟山守
將巴臣興降乘勝入長江煌言同英義將軍阮駿先
登陷陣崇明鎮江二戰俱捷爲文祭孝陵三軍縉紫

興聲雷震徹城中會以闕師被撤無援而退大軍以
巨艦鐵鎖橫金山遏之大戰沈舟截鎖而出是役也
以少擊眾士氣百倍明年復統師入江江北豪傑聚
眾歸者接踵適謀者聞於鄭撤回闕來歸者慟哭別
事遂不可爲矣及至與鄭極陳利害謀不可信和不
可從鄭聽之乃再引兵北上駐舟山以圖恢復密微
匹出招徠人心響應乙未馬信以台州降值定西以
酖卒信聞訃大慟遂棄城入海以煌言在鰲挾陳木
叔女奉之曰忠臣之裔不可以辱且室人董爲我陷
獄義不再娶厚贈而遣之葬定西舟山之沈家壘由
是權歸陳六御而將士解體 煌言屯鹿頸頭以書
招夏夫由臨山航海至咨以軍旅宜帥出海八月廿
四日大戰於蛟疊阮駿恃勇輕敵陷陣失水自辰至
未大軍番休疊戰遂不支并喪劉永錫張晉爵陳六
御張宏德降顧忠王有才舟山復破夏夫從煌言至
沙埕而還

葉羅二客傳附

越有志節士曰葉振名字介韜山陰湖塘里人少方

迂行六人呼六腐氣獨喜自負家貧居壞室敝帷結
席不能拒蠅蚋旁一土甌管冷不燃几欲朽雜疊爛
編數本目不遠矚行持一短檠藉鄰火煨柏葉代茗
就餅啖客不廢酒客不飲則自盡之外扉粘心喪討
客實無喪也柱上署聯大約以死爲樂擇死之最首
者迅雷事親孝母吳垂革時泣曰使名終身困窮可
也否則此心之痛何如耶嘗娶婦婦逝卽不續過人
卽索酒取架上書徧讀讀竟輒哭能古文謂自周秦
至今不入九家而自詡充其數書法解學士前無古
人已書足紹之冠道士冠行道上穆穆如無人張煌
言屯軍鹿頸頭渡海訪之煌言曰比年無一端人至
君來吾輩其有與乎攜之觀射酌以大觥因歎息人
才難得振名謂煌言取人當以守爲尙煌言曰軍中
須才智不須道學道學何與兵事振名曰忠道學不
眞耳眞道學必善用兵且昔烈皇帝尙才劉子尙守
其後國破君亡未見才之效諸殉難者悉有守清節
士豈非明鑒時振名以煌言委信非宜左右或緣奸
僞故語及之煌言作留侯李陵論譏切時輩又欲作

陶潛論以斥道遙泉石無意當世者振名曰人心胥
溺幸二三遺民高尚其事留此面目公論出無乃激
使往乎乃止己亥夏候煌言金堂陳三策大約欲暴
延平之罪擒斬之奪其兵以圖興復言多闕迂不可
行其秋師潰安廬島上未得煌言消息符文煥遣官
延請振名暫護視師之署振名至會煌言返晤於鹿
頸辛丑正月又謁煌言林門至秋而歸其後鄭氏東
入臺灣煌言竟被執死杭州振名持隻雞黍酒獨登
越王嶺哭祭爲文六千五百餘言時京口羅子木隨

吳興集 附錄三

四三四期 叢書

續編 刊本

侍煌言同殉節君爲作行略振名官翰林修撰兼兵
科給事中生萬曆戊午卒年六十有八無子友人王
某爲之殮葬

聚張公傳末稱葉死於康熙壬戌此云
生萬曆戊午核之則六十有八當作六

十五
候考

羅綸字子木鎮江丹徒人或曰應天溧陽人性尙義
家貧授徒蘇州一日讀史可法安攘疏大慟不止延
平王朱成功師度金焦亟往觀變謁煌言於儀真一
見器之命草檄諭江南北煌言欲留之子木曰親在
未敢許人也族叔羅蘊章時爲成功左鎮乃入其營

不數日成功東奔子木在金山猶疑陽敗已望見大
船過焦山乃乘小艇徑奔成功船大呼曰我羅總兵
姪也起登曰公何力費十年之力舉天下望成功不
答子木大慟曰公兵勢尙強奈何以小舫挫志彼戰
勝而情轉帆復進南都必破失此事機欲再振其可
得乎持成功手頓足號慟不已成功默然竟令左右
扶去乃急入鎮江扶父隨蘊章至溫州尋到廈門中
所知成功不可恃復奉父北行至三山父被執去慟
哭詣林門叩焯言告難請邀成功北出焯言曰彼力
憊而視眊不來也子木曰小子以書請何如焯言曰
可遂自作書奉成功不報在焯言帳中遇事直言左
右皆忌之會遷界禁下餉絕佐焯言開屯南田甲辰
焯言移桃花山實佐多散子木朝夕敬護不去左右
已同被執入定關常進功款宴問子木曰海上知我
名否曰但識張司馬何知常進功他有問大笑不爲
語至杭城會議府不跪次焯言席地坐焯言與總督
趙廷臣語次往復子木抗聲曰公先後死耳何必與
若輩絮語焯言初欲絕食子木笑曰大丈夫死忠任

其處置可也飲啖如平時九月七日死於粥教坊
論曰張公恭以禮士士不憚險阻歸之然所得客獨
葉羅二人爲最羅之從死天下業見之矣葉先生無
日不以死自處者偶不死也余三過先生湖塘被其
容接出濁醪酌余語及興亡之際言隱而慮深同坐
者不知也朝議方事臺灣先生輒上姚督書勸其綏
攻事雖不行然於故國之義亦已盡矣附舟人遙示
書囊署其函曰葉六腐氣受而展之滔滔萬言不可
窮竭其意氣之盛固與羅生同其壯哉

張燿言附錄三

四十四明叢書

續圖刊本

張燿言列傳

子萬祺甘輝羅子
木僕楊冠玉附

海東逸史

張煌言字玄箸號蒼水鄞縣人刑部員外郎圭章子少
時跌宕不羈常負博進錢醉臥社祠中夢神謂之曰君
宜自愛他日成大事者君也由是感悟折節讀書崇禎
十五年舉鄉試明年下第歸京師陷憤不欲生乙酉閏
六月錢肅樂等舉兵移檄會諸鄉老煌言先至卽遣迎
魯王於天台授行人至會稽賜進士出身加翰林院編
修改兵科給事入典制誥出籌軍旅頗見其優紹興
破泛海入舟山道逢富平將軍張名振扈王入閩從之

既至招討使鄭成功以前頒詔之際修寓公之敬於王而不為用煌言勸名振還石浦謀再舉加右僉都御史

自立一營曰平岡軍時黃斌卿守舟山名振以石浦之

軍與為犄角明年春小腆紀年作丙戌四月監國紀同吳淞提督吳勝

兆請以所部來歸斌卿不欲往煌言勸名振應之遂監

其軍以行抵崇明大風舟覆煌言等皆被執乘閒脫歸

已諸將殺斌卿王至舟山煌言以所部入衛拜兵部右

侍郎辛卯八月紀年作九月監國紀同舟山破煌言與名振扈王

再入閩次廈門時慎中已封鄭成功為延平王軍容甚

東坡水集附錄三

四五四明叢書

約圖刊本

盛不肯奉王煌言獨以名振之軍為王衛時時激發諸

藩使為致貢然煌言極推成功之忠嘗曰招討始終為

唐真純臣也成功閩之亦曰侍郎始終為魯豈與吾異

趣哉故成功與煌言所奉不同而其交甚睦癸巳春會

名振之師入長江烽火逮金陵江南震動時上游故有

宿約而失期不至左次崇明甲午再入長江故誠意伯

劉孔昭以軍來會或以孔昭南都亂臣宜絕之煌言曰

孔昭罪與馬阮等然馬阮再竄浙東而孔昭以操江規

兵樓遲海上累年則其心尙可原也明年名振卒遺言

以所部歸煌言時王已去監國號通表滇中桂王遣使
加煌言左侍郎兼翰林院學士已亥成功與煌言會於
天台悉師北上六月成功攻鎮江煌言以偏師薄觀音
門乘虛入江浦會所遣別將以蕪湖降書至乃至蕪湖
傳檄郡縣大江南北相率來歸其已下者四府三州二
十四縣而成功以累捷又聞江北如破竹謂金陵可旦
夕下前鋒將余新銳而輕士卒樵蘇四出營壘一空北
師謀知之以輕騎襲破前屯擒新去成功倉猝移帳諸
營瓦解其將甘輝紀年云
澄海人以馬躓被擒死之軍遂大潰

臺集附錄三

四六

四明叢書
紛囂刊本

竟撤鎮江之師出海煌言歸路已梗乃引舟歸鄱陽八
月七日與楚師遇而兵潰焚舟登陸士卒尙數百人歷
霍山英山度東溪嶺追兵奄至士卒皆竄止一童一卒
從迷失道乃賂土人爲導變服夜行由縱陽湖出江渡
黃溢抵東流之張家灘陸行建德祁門兩山之中由休
寧入嚴州旣而山行自東陽義烏出天台以達海壩樹
蘇鳴角散亡復集遣使告敗滇中且引咎桂王手敕慰
問加煌言兵部尙書兼東閣大學士命仍奉魯王監國
而成功自喪敗之後不能自振思取臺灣以休士煌言

胎書挽之謂軍有進寸無退尺今入臺則將來兩島皆
不可守孤天下之望矣成功不聽王寅春滇中陷五月
成功亦卒於臺北安撫使以書來招煌言煌言復書略
言不佞所以百折不回者上則欲匡扶宗社下則欲保
捍桑梓乃因國事之靡寧而致民生之愈蹙十餘年來
海上芻蕘糗糒之供樓櫓舟航之費敲骨吸髓言之慘
然況復重之以遷徙訖以流離哀我人斯亦已勞止今
執事既以保民息兵爲言則莫若盡復濱海之民卽以
濱海之賦畀我在貴朝旣捐棄地以收人心在不佞亦
暫息爭端以俟天命當與執事從容羊陸之交別求生
聚教訓之區於十洲三島閒而沿海藉我外兵以禦他
盜是珠崖雖棄休息宜然朝鮮自存艱貞如故特恐執
事之疑且畏耳則請與幕府約但使殘黎朝還故土不
佞卽當夕掛高帆不重因此一方也十一月魯王薨於
金門煌言泣曰孤臣之栖栖有待徒苦部下相依不去
者以吾主上也今何望乎甲辰六月遂散軍於南田之
懸壘小腆紀年
作懸山壘其地在海中荒瘠無人山南有汶港可
通舟楫而其北爲峭壁煌言因結茅居之北帥懼終爲

患募得其故校以夜半從山背緣蘿踰嶺而入暗中執
之七月十七日至寧波

紀年云十七日被執越二日至寧波

北帥舉酒屬

曰待公久矣煌言曰父死不能葬國亡不能救死有餘
罪今日之事速死而已何必多言至杭州供帳如上竇
自督撫而下無不敬禮之浙人賂守者得覩一面為幸
煌言方巾葛衣終日南面坐不言不食唯啜水而已見
者以為天神九月七日臨刑赴市在竹輿中遙望鳳凰
山一帶始一言曰好山色因索筆賦絕命詞數章挺立
受刑年四十五參軍羅子木僕人楊冠玉殉焉子萬祺
已先三日死鎮江子木名綸以字行溧陽人已亥煌言
師出長江子木挾策上謁煌言奇之欲留之幕以父老
辭成功因強其奉父泛海子木至海上不欲參成功軍
事因奉父北行將赴煌言軍猝遇北兵格鬪子木墮水
得救起而其父被縛去子木展轉閩南思出奇計以救
父逾時不得音問嘔血幾死復赴煌言軍煌言勉以立
功即為報讎遂相依不去竟同死冠玉鄞人

張煌言列傳

冠玉子木楊冠玉王所敬附

南疆釋史

張煌言字玄著號蒼水鄞縣人崇禎壬午舉於鄉父圭

璋荆部員外郎母趙感異夢生生而神骨清類豪邁不
戰能文章善騎射思陵以天下多故令諸生於試經義
後試射矢三發三中常感憤國事願請纓及錢肅樂集
師檄會諸鄉老煌言獨先至肅樂且喜且泣卽遣之天
台迎魯王授行人紹興監國賜進士加翰林院編修入
典制誥出籌軍旅閩中頒詔之役自請爲使釋二國嫌
既歸系有建白丙戌師潰泛海將之舟山道逢富平將
軍張名振屢監國入閩從之行招討鄭成功不奉命乃
勸名振還石浦與威鹵侯黃斌卿爲犄角加右僉都御
史明年松江提督吳勝兆請以所部來歸斌卿不樂從
乃與故都御史沈廷揚御史馮京第共說名振應之遂
監其軍以行至崇明颶風覆舟廷揚死煌言名振等皆
被執有百夫長者導之走閒道復還入海時肅樂已奉
監國出師於閩浙東山寨亦羣起遙應煌言復集義旅
劄上虞之平岡諸山寨咸事鈔掠獨大關王翊東山李
長祥與煌言而三履畝勸稅相安無擾己丑從居健跳
庚寅閩師敗諸將以監國退保舟山名振當國召以所
部入衛加兵部右侍郎辛卯降將田雄官浙江提督以

書來招峻拒之是年秋大兵下翁州名振奉王搗吳淞
翼有所牽制邀與俱舟山城破扈監國再入閩次鷺門
時成功縱橫海上軍獨強遙奉隆武爲號於監國則修
寓公之敬而已惟煌言以名振軍爲衛成功因之有加
禮煌言亦極推其忠嘗曰招討始終爲唐眞純臣也成
功亦曰侍郎始終爲魯與吾豈異趨哉癸巳冬復開行
入吳淞尋招軍天台明年軍吳淞會名振之師入長江
趨丹陽掠丹徒登金山望石頭城遙祭孝陵三軍慟哭
皆失聲烽火連江江寧震動而上游有夙約失期不至

案案集

附錄三

五十一

四明叢書

約圖刊本

乃左探樂明俄復入江掠瓜洲儀眞薄燕子磯而所期
終不至師徒軍弱遂乘東流下仍駐翁州是年名振卒
遺言盡以部下歸諸於是軍容始盛乙未成功書約大
舉丙申駐天台冬又駐秦川丁酉大兵遷舟山之民煌
言遣軍舟山王去監國號通表滇中戊戌承明王遣進
使成功延平郡王加煌言兵部左侍郎兼翰林院學士
江督耶廷佐具書相招峻詞拒之七月成功與師以監
軍會之北行泊舟羊山山故多羊見人馴擾然弗可殺
殺則風濤立至軍士不能戒烹之羊熟而禍作碎船百

餘義陽王瀾焉遂返旆之翁州常刊己亥五月會於臺
悉師以行游軍至鄞之東鄙師次崇沙煌言曰崇沙爲
江海門戶有懸洲可守不若先定之以爲老營脫有疏
虞進退可據不聽因請以所部爲前軍時大兵於金焦
閒以鐵鎖橫江所謂滾江龍者潭家洲岸皆西洋大礮
雷鞫而煌言孤軍出入其閒成功遣將助之令善泅者
截斷滾江龍將奪上流木城而舟多爲礮沒不得前乃
登舵樓焚香祝天飛火夾船下遂以十七舟躡江渡木
城俱潰明日成功至城中出戰不利成功欲趨金陵煌
言欲先鎮江成功曰我頓兵鎮江金陵援騎朝發夕至
爲之柰何煌言曰我以偏師水道薄觀音門金陵自救
不暇豈能他顧成功請卽行煌言遂襲儀真未至五十
里而士民迎降六月二十七日成功來告鎮江之捷煌
言兼城還抵觀音門致書成功請以步卒陸行赴白下
時江督鄧廷佐懼甚不意成功仍從水道來而大兵之
征黔者凱旋聞信馳至請同城守於是嚴備已具秋七
月朔以哨卒百人乘虛掠江浦取之初四日成功水師
方至次日蕪湖降書至煌言所遣之將也成功慮江楚

援師且及必得控制上游蕪湖往來要道也七日燿言
至蕪湖相度形勝一軍出溧陽窺廣德一軍鎮池州截
上流一軍拔和州以固采石一軍入寧國以區徽州傳
檄郡邑大江南北相牽送款郡則太平寧國池州徽州
縣則當塗蕪湖繁昌宣城寧國南寧南陵太平旌德涇
縣貴池銅陵東流建德清陽石埭含山巢縣舒城廬江
建平高淳溧水溧陽州則和州廣德無爲凡得四府三
州二十二縣燿言考察官吏黜陟廉明江楚營衛人士
多詣軍門願受約束歸許起兵相應八月方諸徽郡受

降而江寧之敗乃聞亟返蕪湖初燿言貽書成功曰師
不可老老則生變宜速遣諸將分徇近邑如金陵出援
我則首尾相擊如其自守我則堅壁以待如四面克復
則收兵鱗集金陵在我掌中矣成功以累捷自驕又聞
江北如破竹勢謂城可旦夕下但命八十三營牽連立
設屯雲梯地雷置木柵釋戈開宴軍士率捕魚縱酒爲
樂而官軍之各路援師已長驅偵至其不備乃以輕騎
穴城出襲破前鋒擒其將余新倉猝聞士氣已餒拔營
遁竄猶未安大兵復傾城出諸營瓦解成功之良將

甘輝馬蹶被擒死遂大敗成功亟登舟流乘下海鎮江諸師并撤去先是鎮江之捷有漕督以援兵中道溺死松江水師提督密以書請降自巡撫而下皆欲出走以故力勸成功持久觀變至是江督邱廷佐復以書招嚴拒之廷佐乃發舟師扼其歸路下流已梗煌言與諸將議將入鄱陽招集故楊萬諸子弟號召江楚八月七日舟次銅陵與援師之自楚來者遇奮擊之沈其四舟已而夜戰不利義士魏耕請赴英霍山寨乃焚舟登陸士卒尙數百人初之霍山已受撫轉乃入英山甫度東溪嶺而追者至眾皆竄相從止一童一卒迷失道路土人爲導變夜服行天明而跡之者夥導者亦脫去以賂散諸迹者然茫茫無所歸念皖有故人賣於藥高許埠復賂一人偕之姑投之投則故人無在也故人之友亦以觀變自江上來識者爲張司馬憐其忠悃教由樅陽渡黃溢湖江而上抵東流之張家灘登岸走建德祁門亂山間比又病瘡力疾趨休寧買棹入嚴陵浙之人熟其貌仍作山中行自東陽烏義出天台達海壖復樹籟鳴角招集亡散成功聞之遣兵來助海上有長亭鄉者多

田而苦湖乃募義民築塘捍之至今猶蒙其利遣使告
敗於滇且自引咎永明王專勅慰問晉本部尙書庚子
駐師林門諄駐桃渚辛丑入閩次沙關時成功已抵澎
湖乃遣幕客羅子木以書責成功出師謂軍有寸進無
尺退今一入臺則將來兩島恐并不可守是孤天下之
望也不聽時成功雖東下而大兵尙忌之懼其招煽沿
海之民於是遷有界之役民多不願以威脅之猶遲延
不發煌言頓足歎曰乘此十萬生靈而爭紅夷平復以
書招成功謂可乘此機以取閩南卒不聽乃遣書故侍
郎王忠孝都御史沈佺期徐孚遠監軍曹從龍勸其力
挽成功而終不能用於是孤軍徘徊兩島間已而滇中
事急復遣子木入臺苦口責之成功以方得臺不能行
無已乃別遣職方郎中吳鉏挾帛書入鄖陽山中說十
三家軍使之撓楚救滇而十三家已衰敝不敢出壬寅
滇中陷成功亦卒於臺乃哭曰已矣吾無望矣復還軍
林門會閩南諸老以成功卒謀復奉魯王監國貽書來
商焉甚卽以書約故尙書盧若騰而下勸以大舉又擬
上詔書一遣并約成功子經勸以亞子錦囊三矢之業

復膺兵束裝以待是年浙督與中朝所遣安撫使各以書相招煌言答簡謝之略曰不佞所以百折不回者上則欲匡扶宗社下則欲保捍桑梓乃因國事之靡寧而致民生之愈蹙十餘年來海上芻蕘糗脯之供樓櫓舟航之費敲骨吸髓可爲惕然況復重之以遷徙訖以流離哀我人斯亦已勞止今執事旣以保兵息民爲言則莫若盡復濱海之民卽以濱海之賦畀我在貴朝旣捐棄地以收人心在不佞亦暫息爭端以俟天命當與執事從容羊陸之交別求生聚教訓之區於十洲三島閒

而沿海藉我外兵以禦他盜是珠崖雖棄休息宜然朝鮮自存艱貞如故特恐執事之疑且畏耳則請與幕府約但使殘黎朝還故土不佞卽夕挂高帆不重因此一方也又復督府書曰執事祈朝佐命僕明室孤臣區區之誠言盡於此閩南消息旣杳鄭經則偷安海外因悒悒日甚甲辰六月乃散軍居南田之懸壘懸壘在海中荒瘠無人煙惟山南有汊港可通舟楫而其北則峭壁巉巖人不能及遂結茅以居從者祇故參軍羅子木門生王居敬侍者楊冠玉將卒數人舟子一人是時閩粵

俱靖惟煌言獨在議者謂煌言不死海寇且復逞也奉
旨搆之有司繫累其妻子族屬以待募得其故校使沒
翁州之普陀偽爲行腳僧以伺會煌言告羅之舟至羅
人昵其故侶且爲僧不之忌故校遽出刀脅之其將赴
水死又駢殺數人最後者乃告之曰雖然公則不可得
也公蓄雙猿覘動靜船在十里外猿輒鳴樹杪公得爲
備矣故校乃於夜半潛出山背緣蘿踰嶺而入暗中執
煌言并子木冠玉舟子三人七月十七日也越二日至
寧波提督張杰以轎迎蓋故校之募出杰意也煌言方
巾葛衣入歎曰此沈文恭故第今而爲厩乎杰延以客
禮舉酒屬曰遲公久矣曰父死不能葬國亡不能救死
有餘罪今日至此速死而已比至杭州供帳如上賓督
撫而下皆敬之凡故時部曲之內附者許得存問官吏
願見亦勿禁省中人賂守者以得覩一面爲幸九月七
日赴市遙望鳳皇山一帶曰好山色賦絕命詞挺立受
刑年四十五子木冠玉舟子並從死子萬祺械至鎮江
先三日死煌言精王遜之學己亥渡東溪嶺占得四課
空陷方大驚而追騎至糴舟未返課象大凶徘徊假寐

夢金甲神告曰上帝日中取汝方呼居敬告之言未既而兵入浙人張文嘉萬斯大等爲舉其骸葬諸南屏山麓子木等三人附焉

勘本曰吾於蒼水張公傳勘補初畢而惻乎有動於中也觀其孤行守忠投荒落海蓄猿備警神夢告終非一片至誠所格耶全氏云公解軍後將以懸壘爲首陽向非張杰生事微功公似可以無死然是時年未五十非甘心以黃冠老者若留至十年以往三藩之禍起亦決不肯晏然坐視而謂中土能忘情於公

張集 附錄三

五七 四明叢書 約圖形本

乎此文山之所以不見保於夢災也 案壬寅冬十一月魯王薨於臺公哭之曰孤臣之栖栖有待徒苦部下相依不去者以吾主上也今更何待乎癸卯遣使祭告於王初公之航海也倉卒不得盡族行我世祖以公有父命勿籍其家但令公父以書諭之公乃復之曰願大人有兒如李通弗爲徐庶兒他日不憚作趙苞自贖父亦潛寄聲云汝弗以我爲慮也壬辰父以天年終有司又強公夫人及子招以書不發趣焚之己亥家始被籍然猶令鎮江將軍善遇之勿囚

嗚呼自來亡國大夫所未有者我世祖之所以待公也至矣其先入海時嘗遭風絕食飄至一荒島夢金甲神告曰翌日贈君千年鹿遲十九年還我果得一蒼鹿食一瓣積日不飢及被執神又來招蓋十九年云赴省時大吏遣官護行公出寧波城載拜曰某不肖有孤故鄉父老二十年之望比登舟有防卒史丙者中夜坐篷下唱蘇武牧羊曲公披衣起扣舷和之且酌予酒勞之曰爾亦有心人也吾志已定爾無慮後公之詩文集皆丙所藏或有從而購之者丙曰公

之真蹟吾日夕焚香拜安得付予是不可謂喻等無奇士也渡泉塘時於船中拾一箋句云此行莫作黃冠想靜聽先生正氣歌公笑曰此王炎午後身耶夫入董公子萬祺送鎮江先公三日受刑死杭有朱孝廉璧嘗投狀請以百口保其母子不得公著有奇零草冰槎集北征錄采薇吟 羅子木名綸以字行溧陽人已亥公在江上乃挾策上謁以其年少負奇氣欲留之幕下以父老辭金陵之役其族父引之見成功及敗子木頓首涕泣固請勿遽去成功弗聽且強

令之奉父入海旣而不樂參其軍復奉父赴三營中
道與大兵遇格鬪墜水得救起則父已被縛去因展
轉閩南思出奇計以救父久之不得嘔血瀕死公以
立功卽屬報仇遂相依以及於死楊冠玉鄞人制府
謂其年少也將脫之固請從死卒死之王居敬字畏
齋一字采微黃巖人公被執以計得逸後爲僧名超
遜頗能道遺事亦不負於公者前張杰所募之故校
以誘執公功授千戶後奉師巡海島猝遇公之舊將
憤其害主也突刺殺之此與熊公汝殷錢公肅樂兩

傳同列第十六卷古高易氏吳郡李瑤勦本於目錄
後各有論案茲就論忠烈公者附錄於後曰張司馬
蒼水則顯事監國而其節尤苦始也在江上則力爭
頒詔自請使閩釋嫌在海上則轉移鄭氏化舊隙以
致用洎至晚歲以蒼頭異軍流離山海間屢起屢蹶
未復欲奉王再舉逮夫力必不支而後撤軍遊世是
蒼翁之始終爲監國結果也謝山全氏曰公富安撫
督前半如謝嶺山之卻聘後半如陳文龍之請濟宗
三都以存宋祀凡此數大節目皆爲蒼翁十九年中

之最大作用也觀其堅持苦節百死不移而惟我仁祖膏卹孤忠惓惓無已直是亘古所罕覲備之詳之正所以見我朝列聖如天之度拾遺補闕攬溫氏之本則陋矣

慈案吳興溫晒園氏原本繹史作然史而勘本作繹史云借繹爲佚者非襲馬駟之稱蓋以此爲尋繹諸史以成之書爾說詳李氏自序又案本朝之不遠籍公之家及籍而不遠殺蓋欲降公耳及公卒不肯降而公之夫人與公子卒不免全氏諫山乃謂本朝待公厚豈其然哉

明季南略

張煌言字玄箸號蒼水鄞縣人崇禎壬午舉於鄉魯王監國授翰林院編修丙戌師潰泛海己丑從魯王居健

張蒼水集附錄三

六十四冊藏書
一約刊本

跳庚寅間師潰諸將以監國退舟山張名振當國召以所部入衛時鄭成功縱橫海上遙奉隆武爲號於監國則修寓公之敬而已惟煌言以名振軍爲衛成功因之加禮煌言極推其忠嘗曰招討始終爲唐真純臣也成功亦言公始終爲魯與吾豈異趨哉迨後勢孤力竭與心腹十餘人將至普陀落伽山祝髮爲僧內一人欲降大清遂私見浙江趙部院趙曰汝欲爲官必先建功爲進身地其人以某日張煌言至普陀告糶遂率師擒獲公方巾見趙略敘寒溫蓋趙曾入海與公會者只論海

中事降公之意絕不談久之趙始曰公若肯降富貴功名可致公正色曰此等事講他恁的在小弟惟求速死而已趙知公意不回遂館公疏聞廷議有謂宜解京斬之者有謂宜拘留本處者又有謂優待以招後來者久不決部覆云解北恐途中不測拘留恐禍根不除不如殺之臨刑挺立俟死乃曰陣上交鋒被獲死亦甘心今如此死於心不服作絕命詩四章

張美翊曰非是

張美翊曰非是眾競傳之方

殺時刀折爲兩咸大異焉其詩曰義幟縱橫二十年豈

知閭統屬于闕桐江只繫嚴光鼎震澤難迴范蠡船生

張美翊附錄三

六

四明叢書

比鴻毛猶負國死留碧血欲支天忠貞自是人臣事何

必千秋青史傳

張美翊曰據墨蹟此係將入武陵二首之第一首

何事孤臣竟

息機暮艾不復挽斜暉到來晚節慚松柏此去清風笑

歲歲雙鬢難堪五嶽往一帆猶向十洲歸疊山遲死文

山早青史他年任是非

張美翊曰墨蹟此人定闕之作

擲揄一息尙圖

存吞炭吞氈可共論復望臣靡興夏祀祇憑帝眷答商

孫衣冠猶帶雲霞色旌旆仍留日月痕贏得孤臣同碩

果也留正色在乾坤

張美翊曰墨蹟此復趙督臺之第二首

不堪百折播

孤臣一望蒼茫九死身獨挽龍髯空問鼎姑留燈燭餘

當輪謀同曹杜非無鬼哭向秦庭那有人可是紅羊剛
換劫黃雲白草未曾春

張美翔曰此復趙督臺之第一首

附記當鄭

成功趨圍南京張煌言一軍抵蕪湖令甚嚴一兵買麪
價直四分止與十錢店主哄起曰張張問兵曰誠有之
時無錢耳張曰汝食大糧何云無錢將藍旗投下曰拿
下去左右縛兵兵問故曰張俞令斬汝兵大驚曰吾罪
豈至此乎容吾回稟張曰吾有諭在外卽一錢亦斬況
四分乎遂斬之諸軍肅然秋毫無犯商舟數百隨張張
俱給一小旗白心玄色鑲邊豎舟前軍士望見卽呼曰
壞俱稟張總管故兵呼船板云

小腆紀年

臣竊曰煌言仗劍起義跋涉海隅部卒僅三百人歷年
幾二十載痛厓門之流離私草文山之檄憤錢鏐之玩
愒再投羅隱之詩迨至舉樹鳴猿信字異類荒島贈鹿
誠格皇天戍兵錄零丁之詩弟子志西臺之慟史傳忠
諫如公幾人純皇帝之諭曰諸臣瑣尾閒關有死無二
人臣忠於所事實爲無愧大哉王言垂教萬世而明史

不爲煌言立傳謂非史臣之不職哉

案紀年一書詳敘明季諸王始末近六合徐彝舟檢
討蕘撰於咸豐閒者書例如通鑑綱目而一條之後
多自爲評論則劉氏書法尹氏發明又兼而有矣所
紀張公事實例屬按年分隸語雖詳備自與列傳之
體不同其說且時見於他書亦未容修合爲一篇也
抑攷原書別有紀傳未之刊行慈故祇錄公遇害後
評論數語而已惟書中復載公受刑時一振臂綁索
俱斷屍不仆行刑者跪而拜之此說據慈所見均未

臺東集附錄三

卷三十四 明叢書
續編刊本

之及爲附紀焉至注中所攷引行朝錄及南略所載
絕命詞後稱按行朝錄謂詩詞貯一布囊爲遷卒所
焚而南疆繹史勘本謂煌言所著有奇零草冰槎集
北征錄采薇吟又謂詩文集皆防卒史丙所藏有購
之者曰公之真蹟吾日夕焚香安得付子或丙死後
遂無傳歟觀此則公集殆徐氏未見乎然吾郡藏書
家實多什襲而儲矣案徐氏攷異復有一則茲亦錄
而存焉考曰煌言久抗朝命竄伏海隅有謂己亥之
役兵敗出赴官軍曰我侍郎張煌言也死當於明處

遂遇害

慈案此疑是以北征錄所稱死固我分也藉土人叵測吾當明言姓氏令昇至建康從容就義耳云

云傳誤

李世熊寒支集張玄箸先生傳則誤以元

著爲定西侯張名振所敘事蹟亦誤合名振煌言爲一人傳聞異詞謬誤如是賴黃宗羲全祖望萬斯大諸人表章之有功先生不淺王慈識

明季殉節諸臣事迹

張煌言字玄箸父圭章刑部員外郎煌言年十六補諸生莊烈帝時多命學使於試文之後校射煌言三發皆破的舉崇禎十五年鄉試錢肅樂之起兵遣煌言迎魯

聖朝集附錄三

卷四四明叢書

約園刊本

王於天台授行人魯王至會稽賜進士加編修魯王敗奔閩煌言聚眾於上虞之平岡閩魯王保翁洲以所部入衛加兵部右侍郎大清兵破翁洲復以兵從魯王入閩次鷺門時鄭成功兵最強自以唐王舊臣不肯奉魯王煌言亦稍稍籠絡冀收其用尋返海上數以舟師由海道入江窺伺京口桂王在滇南遙授兵部左侍郎煌言後據勳州順治十六年與鄭成功合兵由海道入煌言以所部攻江浦抵蕪湖諸城頗有響應者及成功敗於江寧遁入海而煌言之眾亦潰變服聞道歸天台部

眾復集桂玉加以兵部尙書東閣大學士煌言移軍林門往來海島閒聞滇南平散遣部曲遁於南田之懸壘裏在海中惟山南汊港可通舟楫從者惟故參軍羅子木門生王居敬侍者楊冠玉將卒數十人舟子一人浙江提督張杰慮煌言終爲患募故校爲僧者偵之乃以夜由山後襲執之諭之使降則曰父死不能葬國亡不能救今日之舉速死而已賦絕命詞從容就義子木冠玉及舟子三人亦同死鄞人紀五昌出資購其首葬於西湖之南屏乾隆四十一年賜諡忠烈

張煌言集

附錄三

六五 四明叢書

續圖刊本

張煌言列傳

象山縣志

寓賢傳

張煌言字玄箸號蒼水鄞縣人崇禎壬午舉人乙酉與錢忠介同事師潰泛海至翁洲依黃斌卿旋監定西張名振之軍入長江遇颶風舟幾覆斌卿爲名振等所誅大兵破翁煌言至閩復監定西軍再入長江登金山遙祭孝陵而還時閩事皆主延平而煌言與之抗禮順治十六年延平統舟犯內地煌言亦掠寧國等郡總兵梁化鳳等大破之未幾滇南潰乃散兵歸象山之南田結茅居焉從者羅子木王采薇其僕則楊冠玉也康熙甲

辰七月十七日孫維法等夜半緣藤穿後壁踰入執煌
言自石浦至邑錢司寇祠方巾葛衣觀者如堵至杭總
督趙士麟勸降當以原官大司馬起用煌言抗節不從
九月七日畢命於杭臨絕詩曰我生適五九更逢九月
七大廈已不支成仁萬事畢葬於岳墳于墳之閒子木
冠玉俱從死子木名綸句容舉人冠玉鄞人采薇爲僧
不知所終同時有史謀者參名振軍陳映字壁園鄞人
參陽信王軍皆坎壈而死

附錄軼事

張蒼水集附錄三

空六四明叢書

約國刊本

張玄箸寓懸壘畜一猿奴候動靜其性通靈每海舶
在十里外猿輒呼鳴樹杪公得爲備若僕卒之護其
主然故以奴目之後降卒以夜出山背不令猿知遂
獲之猿竟失所在或云跳躑而死

當時學士家
爲作猿奴行

張煌言列傳

定海廳志寓賢傳

張煌言字玄箸號蒼水鄞縣人崇禎十五年舉於鄉常
感憤國事願請纓及錢肅樂起師遣煌言之天台迎魯
王授行人王監國紹興賜進士加翰林院編修入典制
誥出籌軍旅丙戌江上師潰煌言泛海入翁洲道逢富

平將軍張名振扈王入閩從之行招討鄭成功不奉命
乃勸名振還石浦與威爾侯黃斌卿爲犄角加右僉都
御史庚寅王居舟山名振當國召煌言以所部入衛加
兵部右侍郎辛卯九月舟山陷扈王再入閩晉兵部尙
書兼翰林院學士乙未名振卒遺言以部下歸煌言於
是軍容始盛戊戌七月監成功軍北行抵羊山壁龍爲
虐海舶碎者百餘乃回舟山修葺已亥成功全師犯江
寧煌言以所部二千並發連下徽州等處四府三州二
十四縣旋以成功江寧之師釋戈縱飲爲官兵所襲破
成功倉卒移帳遂乘流入海并撤鎮江之師而去煌言
歸路已梗乃變服潛行二千餘里出天台以達海壖樹
蠶鳴角散亡復集壬寅十一月魯王薨於臺煌言哭曰
孤臣之栖栖有待者以吾主上在也今更何所待乎癸
卯遣使祭王甲辰遂散軍居南田之懸隩提督張杰懼
煌言終爲患募得其故校詐爲僧人服使居普陀以伺
會煌言糴舟至故校出刀脅之詢以所在遂導以執焉
監紀溧陽羅子木綸故人子鄞人楊冠玉等俱被執煌
言烏巾葛衣途中吟詠不絕至寧波張杰以容禮延之

煌言求速死至杭總督趙士麟再三勸降煌言正色答曰二十年窮海孤臣豈至今日忽改節耶九月七日起

市賦絕命詞挺立受刑鄞萬斯大與朱錫九兄弟葬諸

南屏之陰國朝賜諡忠烈

參南疆釋史南天痕臺灣記賜姓本末黃宗義撰墓志全附錄諸縣志寓費傳傳

祖望撰神道碑殉節諸臣錄

云張煌言號蒼水鄞縣人壬午舉人初煌言與錢肅樂

同事授翰林編修出籌軍旅入典制詰丙戌泛海依蕭

鹵於翁洲後復往來於閩海溫臺之間己亥金陵軍敗

王寅復歸浙海甲辰兵散居懸壘懸壘海中荒瘠無人

處結茆於巉巖峭壁之下從者為深陽羅子木輪鄞人

楊冠玉有降卒欲致煌言以為功與其徒數人偽為行

脚僧蹤跡之夜半出山背緣藤蔓而入執煌言及子木

冠玉時七月十七日也十九日至寧波方巾葛衣坐竹

輿觀者如堵至省供帳如上賓總督趙士麟勸煌言歸

張東集附錄三

六五四明叢書

約圖刊本

誠煌言抗首陽節不從有書答趙督海內傳誦謂勝曼山卻聘書也九月七日戮於武陵之西市子木冠玉皆從死子萬祺先三日死於鎮江

節附遺事

舟山既平凡海外浙閩之境皆屬偽延平王鄭成功

節制獨煌言一軍自屯鹿頸頭不肯隸藩下延平亦

以主賓禮待之延平死煌言率舊侶數人捨舟登懸

巖斬茅居之諸部多散去康熙甲辰七月十七日孫

維法及曼和尚夜半緣藤蔓穿後壁踰入生獲煌言

解至寧波有以瓦礫寫詩投之者云此行莫作黃冠

想靜聽先生正氣歌九月乙亥受戮於省城

此從舊縣志節

鈔者
慈誠

四明人物傳

蛟川
劉慈孚 午亭

張公諱煌言字玄箸號蒼水鄞縣西北鄉人舉崇禎壬午鄉試當宏光出走南都既覆公家居聞之慷慨而起與同里刑部郎錢公肅樂立魯王於紹興思爲畫江以守大兵東渡江干失守公偕張名振奉王退居翁洲且招義兵屯四明山遙與鄭延平相呼應尋大舉入內江圖京口薄金陵軍聲所播幾搖動東南半壁閩師敗績

要彙集 附錄三

卷九 四明叢書
附圖 九本

公出入萬險僅以身免歷重險保彈丸翼爲厓山之偏局而終以勢去不能挽回魯王薨於臺公乃散部曲遁入南田爲提帥張杰購獲執赴杭州防守卒史丙者夜坐船頭唱蘇子卿牧羊歌公披衣起扣舷而和之至守獄中終日南面坐諭降不從正命以死遺民數人覓其骸骨葬南屏山荔支峰下公舉義凡十九年魯王朝賜進士晉翰林院編修加兵部右侍郎權兵部左侍郎兼翰林學士乾隆閒高宗純皇帝以勝國諸忠臣繫於綱常名教賜諡忠烈公著有冰槎集奇零草采薇吟北征

錄詳載鮑琦亭集

鄞志大事紀

聖祖仁皇帝康熙三年六月

年月據張
六年譜補

張煌言散遣部

曲居懸壘為官兵所襲執降不從死之

勝期殉節
諸臣錄

煌言散軍居南田懸壘在海中山南有汊港可通

舟楫而其北為峭壁提督張杰懼煌言終為患期必

得而後已煌言部將孔元章符瑞源等皆內附

全集
張尚

書碑總督趙廷臣赴定海與杰議邀水師由寧台溫三

府出洋搜剿降副將陳棟知煌言竄海島遣徐元張

張亮集附錄三

七十四明報書
續國朝本

公干

○案二人
亦公故校

飾為僧率健丁潛伏普陀朱家尖蘆

花壘三路以伺

國史趙
廷臣傳

會煌言告糴之舟至

張尚
善碑急

擊之擒林生陳滿誘使言煌言竄處即駕所獲船乘

夜至懸山自山後潛入擒煌言獲其敕印

○趙廷臣傳
案鎮海

定海二縣志並云孫維
法及曼和尚獲為言

數日送杭州煌言方巾見廷

臣略敘寒溫久之廷臣曰公若肯降富貴功名可致

煌言正色曰何出此言弟惟求速死而已廷臣知其

意不同遂疏聞

○案廷臣疏云張煌言盤據浙海抗
不就撫借名歸隱徇伴海外臣密令

徐元張公午扮成僧民獲活口林生等知煌言現在
懸山花壘即駕所獲賊艘乘夜進小港從山後覓路

突入帳房遂擒煌言及其親信餘黨有謂宜解京師

擄出偽視師兵部銀印一偽關防九

斬之者有謂宜拘留本處者有謂宜優待以招後來

者部覆云解北恐途中不測拘留慮禍根不除不如

殺之南略九月乙亥斬於市縣志臨刑挺立俟死刀折

為兩咸大異焉南略詳見人物傳

西渡僧擲詩瓦 四明談助

冰槎之被執也舟次西渡有和尙特擲詩瓦於前疾行

而去其外有紙裹之紙上有詩今僅傳其二句云此行

莫作黃冠想靜聽文山正氣歌冰槎笑曰此王炎午之

張君不集附錄三 十一 四明叢書 新闢刊本

後身也然此和尙究莫知為何人吾鄉遺民爭物色之

不可得亦異人也見續者 舊傳

早隸葉雲

茶香室續鈔

國朝徐逢吉清波小志云甲辰七月王先生被執至武

林九月七日就義從者二人同死焉自注云早隸葉雲

侍者冠玉按王先生卽張蒼水也當時諱之故曰王先

生攷觚臚所載從蒼水死者一姓羅一姓楊此乃云葉

雲冠玉知之者罕故表出之

慈案觚臚作羅自牧楊冠玉自牧卽于木質玉卽冠

玉楊冠玉諸書多載及之惟葉雲洵知之者罕矣又據新鄞志張公列傳注中引清波小志有煌言遺骸及楊

羅二骨云云觀此則同死二人小志亦彼阜隸耳蘇轍當作子木冠玉而此注忽出葉雲何也魯東南紀事所載又有王發其人均作守備殆鄴志注中所引爲陳氏小志補遺乃得流芳後

世此與桃花扇傳奇所載徐公子之爲阜隸而薰猶異矣

張監門供招敘

查伊璜

余擬東海爰書爲張監門作也以其罪無可逃斷當播告天下萬世夏書六律律已不赦三宥弗及矣一律曰海若眞無賴姑容逖遜兒箕狂作客後連蹈帝秦時浪拍窮微動風哀水族疑長才無不可竟爾畔時宜二律

張蒼集附錄三

主三朝明藏書
續國朝本

曰望歎汪洋在蛟人故不平生魂依屈子死黨結田橫冒險逋蓬鬢癡心待鼎烹匹夫不解事溝壑欲成名三律曰虞兮久不臘天祐尙存年孤竹原無粟蓬萊不見仙爲貪一是字錯讀六韜篇此案豈容沒由他百世傳四律曰掉頭六合外痼疾一身中潮弩終無力蜃樓久自空氣曾凌北固乞不與東風未審王誓句能存雍齒功五律曰求藥三山去俄揮落日戈人雖工擊楫澗竟不揚波顛覆追厓島從容共汨羅黃冠如可託其柰古人何六律曰自負潢池大空教雨露寬天南誰起霸地

底欲偏安敢附睢陽籍私題武穆看十年流水事東望
只漫漫於是集其諸供招之在范澳者以見其一不合
二不合以至三四不合有如此嗟非主法者之失入而
故誤之也不省氏識

壽鏞案查氏有張司馬供招輯略葉君譽虎所收
藏者也借鈔一過其供招皆見於集中惟原敘爲
世所罕見因附錄於此

張蒼水集附錄卷四

墓錄

乾隆杭州府志

兵部尙書張煌言墓煌言既就執受刑制府趙濟獻公殮而葬之雷峰之右至今有包麥飯而祭者

光緒杭州府志

兵部尙書張煌言墓乾隆四十三年賜諡忠烈墓在九曜山陽昌化伯邵林墓左

兩浙防護錄

張蒼水集附錄四

一四明叢書

約園刊本

東閣大學士兼兵部尙書張煌言墓煌言字玄箸鄞縣人崇禎甲午舉人奉表迎魯王至紹興監國復以兵從至海外後桂王遙命爲大學士闖滇南平散遣部曲遁居懸壘爲大兵所襲執諭降不從死國朝乾隆四十一年賜諡忠烈墓在城西二圖南屏山之麓

附請入防護冊呈

竊維鞠躬盡瘁道著忠貞表墓式闕事關節義況聖德廣如天之度斯人心殷好德之誠如故明兵部尙書鄞蒼水張公者篤生浙地初舉孝廉暨事魯王游

加閣部維泰運值龍飛之日炎劉火井敢與日月爭
光且中原非鹿走之場趙宋匡山行與風濤俱逝遂
使羈縻懸舉滿目盡沙赴義杭州甘心斧鑕北征有
集全謝山追紀其書東市無歸萬充宗助營其葬一
方殉視三百年正氣所鍾四尺荒墳十九載艱貞可
憇聖祖仁皇帝愛之而不忍殺也特諭降以試其心
高宗純皇帝憐之而有所取也爰賜諡以彰其節墓
門木拱應知帝澤宏深棘陸麻宣其仰皇仁浩蕩惟
是先賢之祠墓防護例有明文惜茲忠烈之幽墟登

張蒼水集 附錄四

一四 明 卷書

約園刊本

載猶虛縣册倘其黃腸不保馬鬣徒封任樵豎以行
吟作颺颺之窟穴是錫命之榮已銘泉壤而犁田之
歎莫保佳城冥漠君之稱良可傷矣王先生之號其
可繼乎昔齊王禁展禽之墓士著美談宋帝修卞壺
之墳道光史册用敢聯名叩請上體易名旌獎之天
恩庶幾入册流傳永爲此地湖山之勝蹟遠接梅花
嶺畔舊叨賜祭史公應跨鶴而來近觀荔子峰頭新
沐仁風張公亦驂鸞而笑矣敬瀝輿情上祈鈞察

有明兵部左侍郎蒼水張公墓誌銘

語曰慷慨赴死易從容就義難所謂慷慨從容者非以一身較遲速也扶危定傾之心吾身一日可以未死吾力一絲有所未盡不容但曰古今成敗利鈍有盡而此不容已者長留於天地之間愚公移山精衛填海常人藐爲說鈴賢聖指爲血路也是故知其不可而不爲卽非從容矣武林張文嘉雨水萬斯大與僧超直葬蒼水於南屏之陰余友李文允謂文山屬銘於鄧元薦以元薦同仕行朝也今行朝之臣無在者蒼水之銘非子而

張蒼水集 附錄四

三 四明叢書

約園刊本

誰余乃按公奇零草北征錄及公族祖汝翼世系次第之以爲銘公諱煌言字玄著別號蒼水宋相張知白之裔也曾孫集賢修撰襲自滄州徙平江集賢子顓又自平江徙鄞九傳至景仁避元末之亂泛海至高麗洪武初始返鄉里又四傳而張氏以雍睦名長伯祥舉成化癸卯賢書次珽次玠次璟里人以孝友名之玠生錫錫生淮淮生尹忠尹忠生應斗應斗生圭章字兩如天啟甲子舉人仕至刑部員外郎公之父也妣趙氏封宜人公幼頗跡弛不羈好與博徒游無以償博進則私斥賣

其生產刑部恨之然風骨高華落落不可一世年十六
爲諸生時天下多故上欲重武試文之後試射諸生從
事者新射莫能中公執弓抽矢三發連三中暇豫如素
習者觀者以爲奇崇禎壬午舉鄉試江東建義公與錢
忠介同事授翰林院編修出籌軍旅入典制誥丙戌師
潰公泛海依肅魯於翁洲明年松江吳勝兆反公以右
僉都御史持節監定西侯軍以援之至崇明颶風覆舟
公匿於房師故諸暨令家以免得間道歸海上又明年
移節上虞之平岡山寨與王司馬相倚角焚上虞破新

張蒼水集

附錄四

四 四明叢書

約園刊本

昌浙東列城爲之晝閉庚寅翁洲爲行在公復從之翁
洲墮扈蹕至閩海時閩事主於延平遙奉桂朔監國爲
寓公而已公激發潛鎮改鶴首而北之癸巳冬返浙明
年復監定西侯軍入長江登金山遙祭孝陵三軍皆慟
哭失聲燿火通於建業題詩蘭若中以上游師未至左
次崇明頃之再入長江掠瓜儀抵燕子磯南都震動而
師徒單弱中原豪傑無響應者亦遂乘流東下聯營浙
海戊戌滇中遣使授兵部左侍郎兼翰林院學士延平
北伐公監其軍碇羊山孽龍爲禍海舶碎者百餘義陽

王溺焉羊山者海中小島羣羊乳其上見人不畏避然不可殺殺之則風濤立至軍士不信執而烹之方熟而禍作於是返旆明年五月延平全師入江公以所部義從數千人並發至崇明公謂延平崇沙江海門戶懸州可守不若死立之爲老營脫有疏虞進退自依不聽將取瓜洲延平以公爲前茅時金焦間鐵索橫江夾岸皆西洋大礮礮聲雷錫波濤起立公舟出其間風定行遲登舵樓露香祝曰成敗在此一舉天若胙國從枕席上過師否則以余身爲壘粉亦始願之所及也鼓棹前

張蒼水集 附錄四

五四明張蒼水

約圖刊本

進飛火夾船而墮若有陰相之者明日延平始至克其城議師所向延平先金陵公先京口延平曰吾頓兵京口金陵援躡早發夕至爲之柰何公曰吾以偏師水道薄觀音門金陵將自守不暇豈能分援他郡延平然之卽請公往未至儀真五十里吏民迎降六月二十八日抵觀音門延平已下京口水師畢至七月朔公哨卒七人掠江浦取之五日公所遣別將以蕪湖降書至延平謂蕪城上游門戶倘留都不旦夕下則江楚之援日至控扼要害非公不足辦七日至蕪湖相度形勢一軍出

溧陽以窺廣德一軍鎮池郡以截上流一軍拔和陽以固采石一軍入寧國以偏新安傳檄郡邑江之南北相率來歸郡則太平寧國池州徽州縣則當塗蕪湖繁昌宣城寧國南寧南陵太平旌德貴池銅陵東流建德青陽石埭涇縣巢縣含山舒城廬江高淳溧陽建平州則廣德無爲和陽凡得府四州三縣二十四江楚魯衛濠傑多詣軍門受約束歸許馮牙相應當是時公師所過吏人喜悅爭持牛酒迎勞父老攜杖炷香挈壺漿以獻者終日不絕見其衣冠莫不垂涕亡何而金陵之敗聞

張蒼水集附錄四

六一四明叢書

約園刊本

公方受新安之降乃返蕪湖初公語延平師老易生他變宜遣諸帥分巡郡邑留都出援我則首尾邀擊如其自守我則堅壁以待四面克復收兵虜至金陵如在掌中矣延平不聽自以爲功在刻漏士卒釋兵而嬉樵蘇四出營壘爲空大兵謀知以輕騎襲破前屯延平倉卒移帳質明軍竈未就大兵傾城出戰兵無鬪志大敗延平亦遂乘流出海并撤京口之師而去公之聞敗也亦謂雖控未必遽登舟卽登舟未必遽揚帆卽揚帆必且退守鎮江故彈壓列城無有變志遣人至延平請益百

艘天下事尙可爲也已而知其不然大兵千餘艘截於下流歸路已梗引兵趨鄱陽以集散亡八月七日次銅陵與楚師遇兵潰有言英霍山寨可投者乃焚舟登陸士卒尙數百人十七日入霍山界縣有陽山寨在山巔可容萬人饒水泉故義師所據已受招撫聞公至拒之英山有將軍寨轉而至彼渡東谿嶺追師奄至士卒皆竄公相依只一僮一卒迷失道士人止之公賂土人爲導變服夜行天明而蹤跡者眾導脫身去蹤跡者得賂乃解然茫然不知去向念有故人賣藥於安慶之高

河埠求一人導至其所至則故人他往而故人之友識公爲張司馬憐其忠義導公由樅陽湖出江渡黃溢抵東流之張家灘陸行建德祁門兩山中公方病瘧力疾零丁至休寧買棹入嚴陵浙人熟公面目改而自行自葵之東義出天台以達海壖樹鸞鳴角散亡復集庚子駐師林門辛丑冬入閩海道客羅子木至臺灣賁延平出師時延平方與紅夷構難殊無經略中原之志公作詩謂之云中原方逐鹿何暇問虹梁明年慎事敗延平師旣不出公復歸浙海甲辰散兵居於懸壘懸壘在海

中荒瘠無居人山南多以港通舟其陰巖巖峭壁公結茅其間從者爲羅子木楊冠玉餘惟舟子役人而已於時海內承平滇南統絕八閩瀾安獨公風帆浪跡傲岸於明台之間識者急公愈甚係累其妻子族屬以俟公之小校降欲致公以爲功與其徒數十人走補陀僞行脚僧會公告糴之舟至糴人謂其僧也昵之小校出刀以脅糴人令言公處擊殺數人而後肯言曰雖然公不可得也公畜雙猿以候動靜船在十里之外則猿鳴木杪公得爲備矣小校乃以夜半出山之背緣藤踰嶺而入暗中執公并及子木冠玉舟子三人七月十七日也十九日公至寧波方巾葛衣轎而入觀者如堵牆皆歎息以爲晝錦張帥舉酒屬公曰遲公久矣公曰父死不能葬國亡不能救死有餘罪今日之事速死而已後數日送公至省供帳如上賓公南面坐故時部曲皆來庭謁司道郡縣至者公但拱手不起列坐於側皆視公爲天神省中賂守者得睹公面爲幸翰墨流傳視爲至寶每日求書者堆積几案公亦稱情落筆九月七日幕府請公詣市公賦絕命詩我年適五九復逢九月七人屢

已不支成仁萬事畢遂遇害于木冠玉舟子三人皆從
死子木名綸溧陽人冠玉鄞人公生於萬曆庚申六月
初九日年四十五娶董氏子萬祺先公三日戮於鎮江
今以再從子鴻福爲後公精於六壬兵屯東谿嶺占得
四課空陷方大驚而追騎已及籬舟未返占課大凶主
有非常之變徘徊假寐卒迫束縛問嘗以公與文山竝
提而論皆吹冷燄於灰燼之中無尺地一民可據止憑
此一縷未死之人心以爲鼓盪然而形勢昭然者也人
心莫測者也其昭然者不足以制其莫測則亦從而轉

矣惟兩公之心匪石不可轉故百死之餘愈見光彩文
山之指南錄公之北征錄雖與日月爭光可也文山鎮
江遁後馳驅不過三載公丙戌航海甲辰就執三度閩
關四入長江兩遭覆沒首尾十有九年文山經營者不
過閩廣一隅公提孤軍虛喝中原而下之是公之所處
爲益難矣公父刑部管教授余家余諸父皆其門人至
余與公則兩世之交也念昔周旋鯨背蠟灘之上其此
艱難今公已爲千載人物比之文山人皆信之余屈身
養母茆茆自附於晉之處士未知後之人其許我否也

銘曰

廬陵之祠四忠一節文山自許俎豆其列誰冠貂蟬增
此像飾曰惟信公終焉是揭西湖之陽吞香秋霧北有
岳墳南有于墓公亦有言窳窳是附同德比義而相且
墓前之廬陵後之雨水五百餘年三千有里一時發言
俱同識語天且勿違成人之美

明故權兵部尚書兼翰林院學士鄧張公神道碑

銘

全祖望

世祖章皇帝之下江南也浙東拒命雖一歲遽定而山

張蒼水集

附錄四

十一四明叢書

一絢園刊本

海之間告警者尙累年吾寧之首事者爲錢沈二公其
間相繼殉節者四十餘人而最後死者爲尙書張公方
錢忠介公之集師也移檄會諸鄉老俱未到獨公先至
忠介相見且喜且泣旣舉事卽遣公迎監國魯王於天
台王授公爲行人至會稽賜進士加翰林院編修兼官
如故入典制誥出警軍旅公雖與忠介共事而持議頗
不盡同閩中頒詔之使至議開讀禮張公國維與熊公
汝霖爲一議朱公大典與忠介爲一議公出揭以爲常
如張公之言因請自充報使入閩以釋二國之嫌王從

之及自閩還累有建白不見用江干之破也公泛海入舟山道逢富平將軍張名振扈王入閩公從之既至招討使鄭成功以前頒詔之隙修寓公之敬於王而不爲用公勸名振還石浦招散亡以謀再舉乃偕還王加公右僉都御史時威虜侯黃斌卿守舟山名振以石浦之軍與爲犄角明年松江提督吳勝兆請以所部來歸斌卿心不欲往而都御史沈公廷揚御史馮公京第與公竝勸名振應之遂監其軍以行至崇明大風覆舟沈公死之公與名振等皆被執有百夫長者識公導之使走

張蒼來集 附錄四

十一 四明叢書

雜圖釋本

乃得至公之故壬午房考知諸暨縣錢氏七日間道復歸舟山時忠介已奉王出師於閩浙東之山寨亦羣起遙應之公乃策義從於上虞之平岡山寨之起也因糧於民民始以其爲故國也其餉之而其後遂行抄掠民苦之其不以橫暴累民者祇李公長祥東山寨王公翊大蘭山寨與公而三履畝輸賦餘無及焉庚寅閩師潰諸將以王保舟山名振當國召公以所部入衛加公兵部右侍郎兼官如故辛卯浙之提督田雄總兵張杰海道王爾祿竝以書招公公峻辭拒之是秋大兵下舟山

名振奉王親搗吳淞以牽制舟山之師拉公同行舟山陷公扈王再入閩次鷺門時鄭成功軍甚盛既不肯奉王諸藩畏之亦莫敢奉王而公獨以名振之軍爲王衛時時激發諸藩使爲王致貢然公極推成功之忠嘗曰招討始終爲唐貞純臣也成功聞之亦曰侍郎始終爲魯亦豈與吾異趨哉故成功與公所奉不同而其交甚睦癸巳冬復間行入吳淞尋招軍於天台次於舟山明年軍於吳淞會名振之師入長江趨丹陽掠丹徒登金山望石頭城遙祭孝陵三軍慟哭失聲烽火逮江寧時上游故有宿約而失期不至左次崇明頃之再入長江掠瓜州侵儀真抵燕子磯而所期終不至復東下駐舟山是役也誠意伯劉孔昭亦以軍會或曰孔昭南都之亂臣也公何以不絕之公曰孔昭罪與馬阮等然馬阮再竄浙東而孔昭以操江親兵樓遲海上者蓋累年矣則其心尙有可原倘疾之已甚使爲馬阮浙東之續將何補乎聞者服之是年名振卒遺言以所部付公自公平閩入衛之後部下不滿三百至是始盛乙未成功貽書於公謀大舉丙申公軍於天台是冬軍於閩之秦川

丁酉大兵遷舟山之民公還軍舟山時王已去監國號
通表滇中戊戌滇中遣使加公兵部左侍郎兼翰林院
學士江督郎廷佐以書招公公峻辭拒之是年七月成
功以師會公北行仍推公爲監軍泊舟羊山羊山多羊
見人剛擾不避然不可殺殺之則風濤立至至是軍士
不信殺而烹之方熟而禍作碎船百餘義陽王溺焉復
還軍舟山治舟明年五月成功會公於天台悉師以行
游軍至於鄞之東鄙師次崇明公曰崇沙江海之門戶
也且懸洲可守不若先定之以爲老營倘有疏虞進退

張蒼水集 附錄四

十三四明叢書

約園刊本

可依也不聽而請公以所部爲前軍向瓜洲時大兵於
金焦間以鐵索橫江所謂滾江龍者也譚家洲岸皆西
洋大礮雷鉤而公孤軍出其閒成功遣水師提督羅蘊
章以所部助公又令善泅水者斷滾江龍而支軍進奪
譚家洲礮相約滾江龍既斷則公卽進踞上流奪其木
城以夾擊之滾江龍雖斷然舟多應礮而沒不得前公
登舵樓焚香祝天飛火夾船而墮遂以十七舟竟渡公
渡而譚家洲守礮者亦走木城俱潰操江都御史朱衣
祚被禽明日成功始至城中出戰不利提督管効忠走

攻城克之議師所向成功欲直趨江寧公請先取鎮江
成功恐江寧之來援也公曰吾但以偏師水道薄觀音
門彼將自守不暇何援之爲成功卽請公行未至儀徵
五十里士民迎降六月二十七日成功來告鎮江之捷
公兼程晝夜進次日抵觀音門而致書成功請以步卒
陸行赴白下時江督邵廷佐懼甚不意成功卒以水道
來大兵之征黔者凱旋聞信倍道而至入同守城於是
嚴備已具七月朔公哨卒七人乘虛入江浦初四日成
功水師方至次日公所遣別將以蕪湖降書至成功謂

張蒼水集

附錄四

十四四明叢書

約園刊本

蕪湖爲江楚所往來之道請公往扼之公頗以成功年
少恃勇爲憂欲留軍中與之共下江寧而後發辭之不
得乃至蕪湖相度形勢一軍出溧陽以窺廣德一軍鎮
池州以遏上流之援一軍拔和州以固采石一軍入寧
國以逼東道休歛諸城大江南北相率來歸其已下者
徽州寧國太平池州四府廣德和無爲三州當塗蕪湖
繁昌宣城寧國南陵太平旌德貴池銅陵東流建
德青陽石埭涇巢含山舒城廬江高淳溧水溧陽建平
二十四縣初公之至蕪也軍不滿千船不滿百但以大

義感召人心而公師所至禁止抄掠父老爭出持牛酒
犒師扶杖炷香望見衣冠涕泗交下以爲十五年來所
未見瀕江小艇載果菰來貿易者如織公軍人以船板
援之而上江濱因呼爲船板張公之軍公所至城邑入
謁先聖遣臣故老赴見者角巾抗禮撫慰懇至守令則
青衣待罪考其政績而去留之遠方豪傑延問策畫勉
以同仇多有訂師期而去者日不暇給於是徽州降使
方上謁而江寧之敗問至初公貽成功書以師老易生
他變宜遣諸將分取句容丹陽諸城邑如已下出援則

張蒼集

附錄四

十五

四明張蒼集

首尾夾擊之如其自守則堅壁以待倘四面克復汝兵
日至白下在掌中矣成功以累捷又聞江北如破竹謂
城可旦夕下雖有遣水師提督羅總章招撫吳會之命
而未行但命八十三營牽連立屯安設雲梯地雷并造
木柵而蘇松總兵梁化鳳等以馬步兵相繼至浙之駐
防兵亦來援長驅入城莫之遏者前鋒將余新銳而輕
士卒樵蘇四出營壘一空化鳳諜知之以輕騎襲破前
屯擒新以去成功倉卒移帳質明軍竈未就大兵傾城
而出諸營瓦解成功之良將甘輝亦以馬蹶被禽死之

軍遂大潰初議取崇沙甘輝之言與公合及議遏蘇常
援兵輝言亦與公合而成功皆不聽以致敗公之聞信
也以爲雖敗未必遽登舟雖登舟未必遽揚帆雖揚帆
亦必入鎮江以圖再舉故彈壓列城祕不使諸將知而
更貽成功書以爲勝負兵家之常乞益百艘以相助不
知成功并撤鎮江之師竟入海先是鎮江之捷漕督以
師援江寧中道溺死松帥馬逢知密以書請降其自巡
撫而下皆欲出走故公勸成功持久以觀變旣不得請
江督郎廷佐等復以書招公公峻辭拒之廷佐乃發舟
師以扼公歸路期必得公而後已公與諸將議以下流
已梗而九江一帶尙未知我之敗我麾下已萬餘前此
豪傑來見者又多成約不如直趨鄱陽招集故楊萬諸
家子弟以號召江楚八月七日次銅陵與大兵之援白
下者遇公奮擊敗之沈其四舟是夕大兵以不利引而
東下礮聲轟然而公軍誤以爲來劫營遂潰或勸公入
焦湖慈谿義士魏耕遮道說公以爲焦湖入冬水涸不
可駐軍而英霍山寨諸營尙多耕皆識其魁請入說之
使迎公乃焚舟登陸士卒願從者尙數百人十七日入

霍山寨已受撫不納乃次英山甫度東溪嶺而追至士卒紛竄相依止一童一卒迷失道賂土人爲導變服夜行天明而蹤跡者多導脫身去又以賂解散諸蹤跡者然而茫然不知所之念有故人賈藥於安慶之高河復賂一土人導以往至則故人適他出而其友有識公者蓋亦以觀變從江上來至安慶者也遂導公由縱陽出江渡黃湓抵東流之張灘陸行建德祁門山中公方病瘡力疾零丁至休寧買棹入嚴陵又恐浙人之多識之也改而山行自東陽義烏以出天台公之在途中也海上人未知所向或曰抗節死安慶或曰殞英霍山寨中或曰爲浮屠矣父老多北向泣下者及聞公至婦女皆加額壺漿迎之人謂是役也以視文丞相空阬之逃其險十倍過之而其歸則郭令公之再至河中也遂駐節天台樹纛鳴角故部漸集成功聞公還亦喜遣兵來助公公巡視天台海上有長亭鄉者多田而苦潮乃募諸義民築塘以捍之至今猶蒙其利乃遣人告敗於滇中且引咎滇中賜公專敕慰問加官尙書兼官如故明年移師林門尋軍於桃渚時大兵兩道入海討成功皆失

利而成功以喪敗之餘雖有桑榆之捷不足自振乃思
取臺灣以休士公聞之不喜辛丑引軍入閩次於沙關
成功已抵澎湖公遣幕客羅子木以書挽成功謂軍有
進寸無退尺今入臺則將來兩島恐并不可守是孤天
下之望也成功不聽成功雖東下而大兵尙忌之懼其
招煽沿海之民於是有遷界之役沿海之民不願遷大
兵以威脅之猶遲延不發公頓足歎曰棄此十萬生靈
而爭紅夷乎乃復以書招成功謂可乘此機以取閩南
成功卒不能用公遺書侍郎王公忠孝都御史沈公荃
期徐公子遠監軍曹公從龍勸其力挽成功而卒不克
公孤軍徘徊兩島要其劉琨祖逖之志未嘗一日忘也
而滇中事急公復遣子木入臺苦口責成功以出師成
功方得臺不能行公乃遣職方郎中吳鉅挾帛書間道
入鄖陽山中欲說十三家之軍使之撓楚以救滇十三
家已衰敝不敢出師壬寅滇中遂陷成功亦卒於臺公
哭曰已矣吾無望矣復還軍林門會閩南諸遺老以成
功卒謀復奉魯王監國貽書來商公又喜卽以書約尙
書盧公若騰而下勸以大舉又擬上詔書一道又以書

約成功子經勸以亞子錦囊三矢之業於是公厲兵束
裝以待聞中之問是年浙督趙公廷臣與中朝所遣安
撫使各以書招公公復安撫書大略言不佞所以百折
不同者上則欲匡扶社稷下則欲保捍桑梓乃因國事
之靡寧而致民生之愈蹙十餘年來海上芻蕘糗糲之
供樓櫓舟航之費敲骨吸髓可爲惕然況復重之以遷
徙詒以流離哀我人斯汔可勞止今執事旣以保境息
民爲言則莫若盡復濱海之民卽以濱海之賦畀我在
貴朝旣捐棄地以收人心在不佞亦暫息爭端以俟天
命當與執事從容羊陸之交別求生聚教訓之區於十
洲三島閒而沿海藉我外兵以禦他盜是珠厓雖棄休
息宜然朝鮮自存艱貞如故特恐執事之疑且畏耳則
請與幕府約但使殘黎朝還故土不佞卽當夕挂高帆
不重因此一方也又復督府書執事新朝佐命僕明室
孤臣區區之誠言盡於此聞南消息旣杳鄭經偷安海
外公愾愾日甚壬寅冬十一月魯王薨於臺公哭曰孤
臣之樓樓有待徒苦部不相依不去者以吾主上也今
更何所待乎癸卯遣使祭告於王甲辰六月遂散軍居

南田之懸巒懸巒在海中荒瘠無人山南有汊港可通舟楫而其北爲峭壁公結茅焉從者惟故參軍羅子木門生王居敬侍者楊冠玉將卒數人舟子一人初公之航海也倉卒不得盡室以行有司係累其家以入告世祖以公有父弗籍其家卽令公父以書諭公公復書曰願大人有兒如李通弗爲徐庶兒他日不憚作趙苞以自贖公父亦潛寄語曰汝弗以我爲慮也壬辰公父以天年終鄞人李鄴嗣任其後事大吏又強公之夫人及子以書招公公不發書焚之己亥始籍公家然猶令鎮江將軍善撫公夫人及子而弗囚也嗚呼世祖之所以待公者如此蓋亦自來亡國大夫所未有而公百死不移不遂其志不已其亦悲夫於是浙之提督張杰懼公終爲患期必得公而後己公之諸將孔元章符瑞源等皆內附已而募得公之故校使居舟山之補陀爲僧以伺公會公告糴之舟至以其爲故校且已爲僧不之忌也故校出刀以脅之其將赴水死又擊殺數人最後者乃告之曰雖然公不可得也公畜雙猿以候動靜舟在十里之外則猿鳴木杪公得爲備矣故校乃以夜半出

山之背攀藤而入暗中執公并子木冠玉舟子三人七月十七日也十九日公至寧杰以轎迎之方巾葛衣而入至公署歎曰此沈文恭故第也而今爲馬廐乎杰以客禮延之舉酒屬曰遲公久矣公曰父死不能葬國亡不能救今日之舉速死而已數日送公於杭出寧城門再拜歎曰某不肖有孤故鄉父老二十年來之望杰遣官護行有防守卒史丙者坐公船首中夜忽唱蘇子卿牧羊曲以相感動公披衣起曰汝亦有心人哉雖然吾志已定爾無慮也扣絃和之聲朗朗然歌罷酌酒慰勞

之而公之渡江也得無名氏詩於船中有云此行莫作黃冠想靜聽先生正氣歌公笑曰此王炎午之後身也浙督趙公寄公獄中而供帳甚隆許其故時部曲之內附者皆得來慰問有官吏願見者亦弗禁公終日南面坐拱手不起見者以爲天神杭人爭賂守者入見或求書公亦應之嗚呼制府之賢良在張宏範之上然非聖祖如天之度則褒忠之禮亦莫敢施非公之忠亦無以邀聖祖之倦倦也九月初七日公赴市遙望鳳凰山一帶曰好山色賦絕命詞挺立受刑子木等三人殉焉

公諱燿言字玄箬別號蒼水浙寧波府鄞縣西北庠人也父刑部員外郎圭章祖應斗曾祖尹忠太夫人趙氏感異夢而生公公神骨清削勁挺生而跣跣不羈喜呼盧無以償博進則私斥賣其生產刑部怒先宗伯公之中孫穆甫雅有藻鑒曰此異人也乃以己田售之得金三百兩爲清其逋而勸以折節讀書思陵以天下多故令諸生於試經義後試射諸生從事者新莫能中公執弓抽矢三發三中舉崇禎壬午鄉試感憤國事欲請纓者累矣而卒以此死公初以爭頒詔事與同里楊侍御文瓚忤遂不復面及戊子侍御一門死節公哭之慟曰負吾良友所親有失節者公從海上貽之書曰汝善自衛勿謂鞭長不及汝吾當以飛劍斬汝公之初入海也嘗遭風失維飄至荒島絕食夢一金甲神告之曰贈君千年鹿遲十九年還我次早果得一鹿蒼色人食一麋積日不餓及被執又夢金甲神來招之蓋十九年矣雅精壬遁之學己亥之渡東溪也占得四課空陷方大驚而兵至糴舟未返卽以金甲之夢占之大凶方呼居敬告之而兵至生於萬曆庚申六月初九日得年四十有

五娶董氏子萬祺並先公三日戮於鎮江女一卽歸子族祖穆翁爲子婦子族母也初杭有舉人朱璧者抗詞作保狀以百口保萬祺母子不得今以再從子鴻福爲公後公之未死也嘗賦詩欲葬湖上岳忠武王于忠肅公二墓之間於是鄞人故御史紀五昌捐金令公甥朱相玉購公首而杭人張文嘉沈橫書等斂之有朱錫九錫蘭錫旂錫昌兄弟者豫爲公買地經紀之而鄞人萬斯大等葬之南屏之陰從公志也姚江黃公宗毅爲之銘子木等三人附焉至今七十餘年每逢春秋佳日游

人多以隻雞絮酒酌公墓下者而吾鄉亦以公忌日祭之羅子木者名綸以字行溧陽人也己亥公在江上子木挾策上謁公以其少年而負奇氣有清河李萼之目欲留之幕中以父老辭及公之蕪關子木之族父蘊章故在成功軍中引見成功江寧之敗也子木涕泣頓首固請成功無遽去而不能得成功因強子木奉父泛海子木至海上不欲參成功軍事旋奉父北行將赴公營卒與大兵遇格鬪子木墜水得救起而其父被縛去子木展轉閩南思出奇計以救父逾時不得音問嘔血幾

死復赴公營公勉以立功卽爲報讐遂相依不去以死
冠玉鄞人制府以其年少將脫之固請從死王居敬者
字畏齋一字采薇黃巖人也公破執居敬以計得脫其
後爲僧名超遜頗能言公遺事亦不負公者而前此誘
執公之故校得以功授千戶奉大帥命巡海島猝遇公
之舊將憤其害公執而殺之予嘗謂公解軍而後已將
以懸壘爲首陽向非張杰生事微功公似可以無死然
是時公猶未五十非甘心黃冠以老者也若留公至十
年以往三藩之禍公決未肯晏然坐視者而謂中土能
忘情於公乎此文山之所以不見保於夢炎也且天下
無惜死之忠臣剖肝絕脰正所以全歸也公丙戌以前
文字皆無存者今所存者奇零草甲辰六月以前之作
也冰槎集其雜文也北征錄己亥紀事之編也采薇吟
則散軍以後之作而蒙難諸詩附焉其八卷公旣愛防
守卒史丙之義遂日呼與語因得藏公之集有宜與人
徐堯章者從丙購之曰公之真跡吾日夕焚香拜之不
可以付君堯章乃鈔以歸嗚呼吾鄉死事諸公公爲最
後而所成亦最偉然世人但知誇公之忠誠而予更服公

之經路故涉歷山海之間且耕且屯而民樂輸賦招撫
江北三十餘城而市不易肆小住縱城而陂塘之利傳
之無窮惟其深仁以成遺愛斯在古人中諸葛孔明渭
南之師不過爾爾諸葛有荆益之憑藉所以得成三分
之業而公無所資終於齋志以死則天也嘗有盜公之
衣者部下禽而獻之公曰衣在我爲我煖在爾爲爾煖
其煖一也卽以其衣賜之其大度如此姚江黃公之誌
其敘公北征稍詳而前後多所罣漏至於公之官階終
尙書浙督趙公會以其印上之而高氏雪交亭集以爲

閣學黃氏墓誌以爲侍郎皆不合翁洲新志則謂公於
己丑已官尙書亦不合若杭人吳農祥所作公傳尤誕
妄不足取信予乃攷公集中諸事跡合之野史所紀并
得之先族母之所傳者別爲碑銘一篇或曰公子萬祺
在鎮故嘗有侍婢舉一子守者憐其忠嗣私爲育之然
今無可攷矣張美翊案曰蒼水有後詳見
四明談助卷二十四第八葉嘉慶三年浙
江提督蒼保其嗣裔也其銘曰

天柱不可一木撐地維不可一絲擎豈不知不可聊以
抒丹誠亦復支吾十九齡啼鵲帶血歸南屏他年補史

者其視我碑銘

清波小志

僧問石法名超直鄞州陳氏子來錢塘雍髮湖南白蓮洲甲辰七月王先生被執至武林至九月七日就義從者二人卑隸葉雲侍者冠玉同死焉石公共收而瘞之南屏之原

陳景鍾曰徐先生忠中所稱王先生葬處卽蒼水先生也其初人多諱言之云

清波小志補

雍正丙午予遇曰明董小缶

胡駿

於遂安縣署言蒼水

先生死節事甚詳方其被執至杭送居蕭寺足下常著

張蘆集附錄四

三十四明叢書

初圖刊本

木屐臨刑時亦然至市口占四語云我年四十九卻逢九月七大厦已不支成仁事始畢其遺骸及楊羅二骨俱爲先生同郡釋問石暨武林好義之士收葬南屏山原邵皇親墳外郡士胡克生

漢

以一端石硯背刻張先生姓名旁刊羅楊二諱藏諸墳中其詩文集名奇零草至今鄞人尙有藏其副本者

雍正乙巳春予外父俞公漢卿曾誤買其墓前地欲營葬太岳後土人告曰此忠臣墓也訪之得實急退還不索其值予是時偕外父過其墓松柏鬱然馬鬣之封尙

無恙因奠一卮而返近傳遺骨已爲萬九沙先生攜回
四明卜地改葬者誤也

張忠烈公祠堂碑銘

董沛孟如

前明張忠烈公正命於杭州實我聖祖皇帝康熙三年
九月七日越二百十二載爲今天子光緒元年同郡諸
君始建祠於仁和眾安橋之側與岳忠武廟毘近又十
七年八月沛以事赴省垣拜公於祠諸君請爲記公以
勝國遺臣飄泊海上幾二十年亦嘗深入長江震動半
壁世祖幸南苑將議親征而以延平金陵之挫列城崩

張蒼集

附錄四

卷二四明叢書

約關刊本

潰倉卒揚帆公亦流離轉徙一蹶而不可復振嗚呼豈

非天也永曆主殉於滇魯監國殂於金門

明史本楊陸榮之說謂魯

王爲成功所沈全氏張公神道碑則云薨於
臺灣皆誤時成功已先卒王亦未嘗入臺也延平之子

鄭經偷息於臺灣公始無望散軍居南田踰月被執又

兩月被難完名一死以作三百年來忠臣之殿公之有

光於明何其偉歟方公之逮杭也總督趙公廷臣延入

賓座與之抗禮

忠烈年譜注總督不見公誤也

盛設供帳處公於藩府

神道碑云寄公獄中亦誤公與總督書云羈留旅邸其
非獄舍明甚陳景鍾清波小志補則云送居藩寺亦非
獄也○張美翊曰公寶寄獄墨蹟放歌注云書於獄
又有武林獄中作三首甲辰九月感懷在獄中作諸詩

司道守令以次入謁公終日南面拱手不起警部歸命者皆來慰問杭人爭賂隸卒以一見爲榮或出縑素求書公亦應之總督有意生公而疏入於朝刑部議不可公遂就市挺立受刑故御史紀五昌捐金購公首杭人張文嘉鄞人萬斯大等收瘞於南屏山荔子峰下乾隆四十一年高宗皇帝子公謚忠烈杭人陳鱣鄞人萬福等始書故官立石於墓門議爲公設田以供祀事而逡巡未及是祠成桐城吳大令廷康與鄞人范教授樾倡其議按察使蒯公賀孫主其事鄞人錢理問鄞包同

知傳萊襄其役集資於眾而鎮海方君義路復出千金佐之堂宇竣工奉安神版衣冠俎豆歲祭如典例洵鄉國之盛舉也沛昔闕廬宜續表忠記謂公少白哲中年以後高顴長髯嶽嶽干仞迄今過公祠下徘徊瞻仰猶恍見當年羈管杭邸巍然高坐方巾葛袍鬚髮森動之槩公死此邦公祠亦此邦千載而下猶凜凜有生氣而况相去僅二百餘年耶至公墓在湖上乾隆中一修於道士吳乾陽嘉慶中再修於秦臬使瀛道光中三修於慈人張君梅咸豐中四修於慈人馮君珪同治中五修

於鄞人陳君政鑰今建靈堂與城內之祠同時告成預
其事者亦附及焉銘曰

矯矯張公起自甬東始終爲魯仗義從戎左拍錢沈右
挈孫熊西陵一潰乃駕縲艦指揮鯨鱷驅策蛟龍銜石
填海噓氣成虹毘倚大木儼若附庸監國降號通表安
隆再登金山題詩梵宮遙祭孝陵涕淚沾胸長驅入江
逞其軍鋒魯陽揮戈日幾再中天實厄之大舉無功隻
身南歸草澤潛蹤告敗於滇爵秩加崇明代樞輔公乃
其終夷王訖命西主塵蒙一線已絕公亦橐弓散軍未

張蒼水集

附錄四

五十四明徵書

約圖刊本

久遽入羈籠斷頭瀝血慷慨從容公魄在土公魂在空
願以祠祀表厥精忠岳廟之右堂廡垣墉丹心報國前
後符同我作此文維石斯礪下馬過者式茲英風光緒
壬辰四月吉立

張蒼水先生墓圖識

補

張美翊

南雷文案卷一陳葵獻偶刻詩文序云今年秋月與余
同寓吳山尋張司馬墓桑間土堆乃精衛口中一丸也
葵獻案形家書謂後來香火當不下鵬舉節閭二公非
徂者久之按年譜黎洲至南屏尋蒼水墓在康熙十八

年巳未黎洲年七十矣上離康熙三年甲辰蒼水正命之歲巳十五年據此黎洲蓋長蒼水十歲云宣統二年庚戌九月廿八夕蹇叟記

張蒼水先生祠廟志

補

張美翊

杭州眾安橋側有張忠烈公祠寧波鄞縣學西偏有精忠廟前殿祀錢忠介張忠烈兩公後殿祀先後同難諸公

象山縣志卷十張忠烈公廟在縣西四十里蚶嶼乾隆年間村人於舊址創建嘉慶年間重修

采訪冊

張蒼水集

附錄四

三

四明叢書

約圖刊本

象山姜炳璋尊鄉集張公自南田被執至城各官餞於錢司寇祠爲康熙甲辰

象山縣志七參軍廟在縣西四十里周俞魯嘉慶年間創建相傳七人皆張烈公麾下公南田被執七人自殉於淡港

縣西三十里

等處墓在烏岩其廟分建一在閩嶼一

在雙汪隴一在西塔一在黃家塘一在長坑一在釘斗山原案云張公將士散處卽在蚶嶼亦相傳有屯兵之說

案象山蚶嶼有張公廟及七參軍廟分建七處皆附

錄所未及特補錄於此甲寅五月二十二夕蹇嬰記
時客上海

重修西湖張蒼水祠紀實

張壽鏞

壬子之秋壽鏞既奉檄司浙計政展謁蒼水先生祠蓬
蒿滿目感極而悲時吾甬人士若范仰喬賢方若陳季
衡時夏均先壽鏞莅杭已創議重修公祠而仰喬尤汲
汲期其速成願省款既無從撥而寧波軍政分府甫經
裁撤積有公款遂由仰喬商諸六邑人士提款壹萬元
爲興修之資六邑人士諾焉於是不足者更募諸旅杭

張蒼水集 附錄四

三十四明嚴書

約圖刊本

人士凡募得之款爲幣貳千柒百陸拾貳圓購置鄰近
地爲五畝七分八毫建築大樓一座樓三層可供遠眺
其下爲饗堂供奉畫像卽鄭氏勳墓於杭藏於萬氏者
是也顧以款止於此公之祠旣別建於眾安橋而墓祠
遂不獲改作仍其舊構而遷於墓之旁時吾甬人居鄉
者頗以鄉先生死明難於杭者有三忠曰魏白衣明始
志注霞傳封土爲牧馬所壞好義者面竹葬之靈隱西
之五寺橋大同鵬題曰慈谿魏長白山人夫婦之墓
曰楊職方文綜周世緒南屏拜張忠烈墓曰蒼水今大
漢光復以公款修墓宜及三忠不應僅及蒼水一人耳

公款尙未見報銷羣相指摘時仰喬已亡命海外壽鏞與張苞船善厥後款項由苞船主之而隨時告於壽鏞都凡建築饗室及牆宇茅亭爲幣伍千捌百元購盆地畝爲幣捌百叁拾捌元捌角填地潛蕩種樹爲幣柒百伍元伍角駁砌築路遷碑假山爲幣壹千肆百叁拾壹元肆角修墓爲幣伍百元遷祠爲幣貳百叁拾元玖角搭棚木器用具爲幣貳千肆拾陸元叁角雜用爲幣陸百壹拾壹元玖角統爲幣壹萬貳千壹百陸拾肆元捌角以收抵支尙餘伍百玖拾柒元貳角存作善後之需

張叢集

附錄四

三三

四明叢書

約園刊本

此款項支銷之大略也祠前有地七分二釐有奇爲西湖南冷亭故址因由莊崧甫景仲李霞城鏡第張苞船世杓等商諸杭縣知事陶鏞易以祠右瀕湖地一方爲之重建新亭湖山旣得點綴祠宇亦昭隆重此又易地之大概也爰附錄重修西湖南冷亭碑記於後

重修西湖南冷亭碑記

西湖名勝甲天下自白文公蘇文忠先後刺杭以撥葑築隄治湖灌溉爲當務光兩朝之史冊爲百世之利賴厥後官斯土者則之倣之若惟恐其不及焉循

良之選往往而有逮南宋建爲行都紛華靡麗寔於
兩京數歷三朝汔於清季足履其陸舟行乎水其勝
景何可謔謔計耶自乾道咸淳兩志而後言西湖掌
故之書約略記之當在二百種以上又何可殫竭述
耶今試以亭言之曰斷橋殘雪曰平湖秋月曰花港
觀魚曰薦菊曰蘇隄春曉曰曲院風荷曰湖心曰三
潭印月曰來鳳曰雙峯插雲曰月波曰夢榭曰聽水
曰集賢曰柳浪聞鶯曰南屏晚鐘曰南山曰雷峯西
照曰聽泉曰丁山曰振衣曰見湖曰可汲曰依雲巖

張葦集

附錄四

三

四明叢書

約圖刊本

皆記載習見樵牧能言其建於祠堂別業梵宇琳宮
者猶不與焉更進而言五冷之亭若東冷若西冷若
南冷若北冷若中冷冷各有亭亭傍各有社額曰某
冷福主爲鄉人伏臘報賽之地焉而何以名不挂於
士夫之口事不見於地志之中蓋築亭立社者一鄉
之服田力耜耳春蒸秋嘗者城闈之販夫走卒耳孰
爲載筆孰任題碑迨乎凶年饑饉水旱薦臻疇爲徹
彼桑土綢繆牖戶者乎於是亭圯矣社墜矣悠焉忽
焉冥焉漠焉而歸於無何有之鄉矣然白頭宮女詎

無能談天寶之人今之能指某冷亭者殆類是耳尚
屏之麓舊有亭曰南冷鄰於蒼水張先生之祠歲久
湮滅明州莊君景仲張君壽鏞李君鏡第會甫之薦
紳新忠烈之祠修其墓道列入地方祀典結社於杭
顏曰張社匪特維桑與梓必恭敬止所以建謀猷利
邦國而宏濟艱難者靡不於此集焉彼僅視爲流連
文謙敬業樂羣之地猶淺之乎視斯社也諸君退食
之暇僉以南冷舊址揜隱於叢薄之中故址多爲民
居侵占地不濱湖又爲左右屋宇所蔽卽建而新之
無以供遊客之眺覽行人之偃息謀諸鏞令掾吏清
丈猶存地七分二釐有奇以畀張社而易祠前園地
一方重建斯亭於甲子歲冬月落成井然翼然足以
卻炎日而蔽甚雨亭之外林密荔鬱鳥叫鉤輦夏之
旦荷香襲人秋之夕菱角分甘於是行者息其足耄
者駐其杖肩者弛其擔相與喟然歎曰斯亭也何愛
旅人之深而慰旅懷之擊乎余爲之檄亭長陳疆吏
白其移建之情示以與人之樂大府曰可因記其事
而勒於石嚮所謂悠焉忽焉冥焉漠焉者至是而可

免也此皆甬人士點綴湖山保存古蹟之盛心吾民不能忘者也據事書之以諗來者

大中華民國十四年歲在旃蒙赤奮若立春日杭縣知事陶鏞撰新州葉爲銘書

南田張蒼水公祠堂始末紀實 范賢祥

南田自前清光緒初年弛禁清廷設官建治開闢依山田地出示招墾勸富戶興築海塘闢沿海窮黎衣食之源時墾務委員杜冠英有幕賓王炳號芷汀鄞籍人也辦錢穀丈量土地事宜履勘各島見桃源蓬萊兩鄉天

張蒼水集 附錄四

三五 四明叢書 約圖附本

漲沙塗甚廣興築塘工可得良田五六萬畝詳報於省招人建築王炳奉令赴鄞敦勸鄞地紳商設法進行多經費同於是在籍工部主事梁秉年知縣陳勸及孝廉施瀛芳張世訓富商史久銘等邀集資本家二十餘人合資興築蓬萊鄉龍泉塘桃源鄉鶴浦塘闢成熟田二萬數千畝當建築兩塘之始乏地辦公商同駐南提標中營參將段生福購得樊嶽山平地二十餘畝就其間建築正屋三間餘屋五間定名曰古鄞公莊嗣後兩塘次第告成按資分派田畝各立田莊而公莊虛懸王

炳等建議謂我鄞人張蒼水先生抱民族主義與清廷
奮鬪到底敗居南田懸壘

即花
山

被執之所占蹟猶存不

屈成仁瞻仰忠風頑廉懦立我鄞人來此築塘幸賴先
生神佑得以告成顧念孤忠無祀廟之存非所以聯繫
梓慰先賢也議定莊屋改建張忠烈公祠撥助田產供
奉春秋祭祀並將公莊前後基地二十餘畝及龍泉塘
否字號田抽助一百二十畝鶴浦塘畝字號田抽助一
百畝議立章程設董經理又將公莊改祠助產辦法詳
請省道府立案以垂永久當時公推莊董史久銘經理

張蒼水集

附錄四

三六

四明叢書

約圖刊本

其事詎久銘因營業不振錢業倒閉公產被抵經施瀛
芳之子施仁緯向鄞縣控訴涉訟多年規復公產其後
南田政治改變光緒十六年浙撫奏請南田戶口不上
五千田地山蕩祇有六萬九千畝設官治理徒耗公帑
遂將南田委員裁撤歸石浦同知兼管以節糜費汎地
兵役一律遣散南田盜匪因之猖獗鄞人有田產在南
田者爭欲售脫冀免危險經管公產之鄞幫司帳王明
山乘此時際盜賣鶴浦塘公田數十畝潛逃回鄞至意
大利覬覦三門灣鄞縣張給諫嘉祿奏請自闢商埠延

寄浙江巡撫飭議其時重設專員派兵防守盜匪斂跡
鄞邑業戶公舉施仁緯爲古鄞公莊董事整理公產改
變章程所有公產歸鄞邑大業戶經管藉免盜賣宣統
三年清政府遜國民國成立南田縣知事孫乃泰擅將
張忠烈公祠宇基地收回官有請撥省帑建造施仁緯
等竭力抗爭邀同鄞士范賢方赴省幹旋恢復舊業整
理內部而公莊前後隙地因失管被居民佔爲已有按
冊考查已十之七八施仁緯以公莊基地被佔殆盡思
用石作圍牆藉清界限卒以經費支絀欲提公產出息
及存款爲強力者把持未竟全功民國三年南田縣設
立聖廟呂耀鈴知事不問情由擅將張忠烈公神主改
移下席而中堂兩廡設立聖賢神主多位施仁緯力爭
無效因呈控於省巡按使屈映光派員調處由南山縣
政乃議立借約期以三年爲限嗣後屢經催遷各任縣
長多置若罔聞

借約存施
仁緯處

民國十一年施仁緯年老回

籍十三年鄞幫業戶史經緯房司帳顧子雲盜賣樊巖
公莊教場後地十餘畝以史三多戶名義出售於周上
武經王廉清查實先後起訴此案至今未結自施仁緯

同籍後張公祠事乏人管理田畝因失管而被人侵佔盜賣者甚多十八年十月賢祥充玉泉場知事由寧波旅滬同鄉會委託整理張公祠事查得在樊密祠宇一所基地二畝七分二釐五毫平地一畝五分八釐七毫並剩餘龍泉塘田十畝鶴浦塘田二十三畝八分八釐九毫零卽由賢祥以鄞縣公民名義與何祥熊陳隆福具書向毛縣長請求備案其經人盜賣及侵佔俟查得確有證據再行呈請縣政府設法追回經毛縣長核准在案十九年毛縣長卸任後在厲縣長任內縣政府屢次欲將張公祠宇舊產收歸公有經賢祥力爭保留不敢動益疊催將祠宇歸還二十年夏厲縣長始將先聖賢神主遷移他處歸還故址而忠烈公得以正位當時祠宇正殿三間勢將傾圮由賢祥鳩工修繕於是年秋後完就

照相帳目報告寧波旅滬同鄉會有案

惟正殿丹牖之費及祠宇

側餘屋修理所需由賢祥暨張壽鏞等募集捐款正在加修以冀留一古蹟藉慰靈魂此南田張蒼水公祠始末之大略也

張蒼水集附錄卷五

題詠上 詩詞

哭兵部左侍郎兼翰林院學士鄞縣蒼水張公

壬午

人舉

鄞縣 林時對 蟹庵

浴日扶桑不計年，難將振旅賦闐闐。宜中已遁占城島，君實終沈碇海船。只有精誠酬國士，空留熱血答皇天。孤臣軼事憑遺老，寫向琅函萬古傳。

遙把生芻一奠之，五坡吞腦是今師。丹心百折還扶鼎，直道千秋應奉祠。從此星躔高北斗，也知花發向南枝。

張蒼水集附錄五

四明叢書 約園刊本

素冠祖祭懷炎午，莫向西山飯伯夷。

君以孝廉從龍上台，授翰林簡討越城。潰卽棄毫父及妻子入海，依張元戎名振振歿。代統其兵，己亥入江。公長驅至蕪湖，赴義者踵接。題詩金山以擬燕然。事敗復微服至象山，隱於百丈街。在臨甌南田中間，孤懸絕島。甲辰七月解甲，散兵將披緝行道。道標弁駕小艇訪舊識於翁洲，令爲嚮導爲邏者所獲。引至百丈街，夜半就縛，不屈。解至武林，遇害。有致命詞。我年四十五，今朝九月七。含笑從文山，一死萬事畢。幕

客句容羅綸童子鄞人楊冠玉從死會城好義者爲
醵金葬於西湖南屏之麓君蒙難著有北征記與文

山指南錄竝傳又詩鈔名奇零草醵庵先生哭殉難諸公詩百餘首合

爲一卷此其第七首見鄞陳氏鈔本

哀蒼水南雷詩歷八哀之一

黃宗幾梨洲

廿年苦節何人似得此全歸亦稱情廢寺醵錢收棄骨
老生秃筆記琴聲遙空摩影狂相得羣水穿礁浩未平
兩世雪交私不得只隨眾口一閒評

尋張司馬墓

前人

張蒼水集附錄五

二四明叢書約園明本

草荒樹密路三义下馬來尋日色斜頑石嗚呼都作字
冬青憔悴未開花夜臺不敢留眞姓萍梗還來酌晚鴉
牡蠣灘頭當日客茫然隔世數年華

哭蒼水見兩浙輶軒續錄續錄作斗權蓋高公原名也高允權辰四

壯心未得同狐偃大節還能愧李陵十九年來精衛恨
故人永夜哭寒燈

甬上擬薤露詞以下四詩均見勾餘土音全祖望紹衣

試一擲張尙書呼盧尙書少喜呼盧以此爲其尊公所怒幾乎破遂

百萬亦僭石何妨試一擲阿翁懼我不保家小草遺志

定難測他年更一擲幾幾席捲大江北

蘇卿諒弗聽

小枝勸忠

著水尚書被逮有小校在其船首唱蘇子卿牧羊曲尚

書笑曰有心哉中夜起而和之

穹廬雲冥冥下有李陵說蘇卿蘇卿諒弗聽我懼蘇卿
稍愛生莫將百鍊精一旦喪令名蘇卿諒弗聽我假清
歌爲寄聲

重九前二日張尙書忌辰設祭

全祖望

少陪九沙萬太史春秋歲祭南屏山九沙忽騎白鶴去
南屏慚恨絮酒艱去年燕子磯下泊訪求題字渺禪關

張蒼水集附錄五

三四明發書約園刊本

燕子磯寺中有尙書題名今爲僧剝去

菊香正茂被露馥故園酒熟尙可

攀

甬上雜歌

全祖望

羊山吟

爲蒼水尙書作昌國大洋有羊山多羊然不可烹蓋神物也尙書泊軍山下軍

士不知而烹之未熟而風濤大起軍士溺者無算義陽王亦與其禍

殺函失鹿鹿有歸芒碭斬蛇蛇弗違赤烏白魚歸新命
陳倉雌雄寶雞雙雙飛孤臣徒搏雕虎將何爲爾羊來
思角戢戢馴擾直似鷗忘機鷗兒軍士偶不戒誰知忽
震天狼威鞭龍鬣擊駭羸羸梁疲騎鯨鯨尾赤跨鼉

鼇背危神鮪出沒封豕隨水犀百萬聲如雷鶴乎鵝乎

一網盡爾羊助天爲虐是耶非孤臣獨抱啼鵑悲吁嗟

乎孤臣獨抱啼鵑悲羊山以羊得名今謂以唐之羊府君得名謬府君固有助於吾土然

今海上香火之盛則以山神並非府君也 案府君名傑

燕子磯蘭若尋蒼翁題字

全祖望

江東王氣已全枯豈有重興赤伏符半夜秋風出靈谷

十船軍火竄焦湖孤生逐日空三足碧血沈淵尙一壺

此日彌甥輯遺事可憐題字竟模糊

予約同人每歲爲蒼水先生設祭今年將有渡江

張蒼水集 附錄五

四一四明叢書 約園刊本

之行先期舉之

全祖望

此行定是過南屏爲道寒山片石成時新爲公撰墓碑故社莫

虛黃犢唱同八豫擬白鳩聲神傷土室袁闕泪謂先儀部也以

公親家共事其後畜瘡者二十年得免腸斷弼州杜潞兵謂先侍御也香

火敢忘先子命先王父贈公遺命以公祀事爲屬殷勤雞黍展微忱

蒼水先生墓道漸湮道士吳乾陽謀修復之和鈍

軒韻

全祖望

一區發鳩巢千年夸父宅豈期世外人而念此窳窳在

昔正氣歌三分席自擇紀朱張萬沈相與成勝迹我我

南雷銘光照長虹白久久未開雕貞珉眠荒陌我續第

二碑遺事吐格格一從小跛亡

張美翊案曰小跛謂萬九少

莫問南

屏魄何家新貴瑩祁連宵層碧應憐寒谷中隻輪獨運

策編詩錄許劍諒屬我之責

紀九峰朱穆生兄弟張文嘉萬充宗父子沈橫書呂

東莊浮屠題遊

我聞形家言茲邱真吉宅渺渺流泉流藹藹夕陽夕天

定妥忠魂楊癩不及擇他年萬香火鄂王其靈迹冬青

花未開我亦已頌白中爲鼯鼯居旁爲狐兔陌翩翩有

羽衣高情見風格朽骨尙關心何況此毅魄

吳君方埋枯骨於南

張蒼水集附錄五

五

四明叢書

約園刊本

屏當年雪竇翁茲山先埋碧丸土不可尋誰爲問故策

行當更訪求與君共此責

謂魏山人耕也

長至日展蒼公墓同江聲用離合格

張美翊案曰金志章字江

聲

全祖望

九沙仙去後瓣香過者希觀察真多情借我踏山蹊

聲致江今日正南至一陽氣霏霏太史多雅懷來看朱鳥

飛江聲答謝山墓前麟辟邪亦是故園儀一枝借孤忠星火

以爲依謝山承聞豐狐筆已草黃絹碑明年速上石長作

山中輝江聲

逸田以人日祭蒼翁得三絕句 全祖望

春來猶自怯霜風
人日題詩酌信公
畢竟學蘭家法在
細挑七種菜叢叢

最憐民部遊仙日
正是元樞授命年
地下雙雙埋碧血
人間久久發陳編

華屋山邱一望中
誰來城北弔遺忠
張徐楊葉都零落
賸有平陵松柏桐

張遺民徐石耕楊竹欽葉天益皆居城北附近尚書里第今其後人俱亡矣

戊辰元夕村庭以其世父忠介公生辰爲蒼水先

張蒼水集附錄五

六四明叢書

約園附本

生設祭卽用蒼水瓊江殯宮韻 全祖望

淡句春色碧於油
崧嶽神靈在上頭
丞相尙傳弧矢怒
中樞誰寫蕨薇愁
冰槎客散重修祀
村泚堂高續紀遊
落落通家幾子弟
隻雞猶克溯弓裘

故國當年事未灰
五千甲盾傍江開
卧龍伏鳳成羣出
鯢壑蛟宮取次陪
一自遺民湛絕島
更無過客上西臺
瓊江死別吞聲後
重見南屏白馬來

七夕鈍軒集祭蒼翁於隱學山房 全祖望

今夕是何夕
良辰好祭忠
秋江潮汐壯
銀漢女牛通耿

耿扶韓志堂堂，
砥下功我歌降神曲。
天半吐長虹，
蒼翁正命之辰重九前二日也同人聚散無常故不能盡同此日

爲歎五君子，
天中畢命時。
其美宣母教，
樞使有孫枝。
姪清門重寶，
寮合食宜多情。
仗羣從聊以慰，
陵夷是日配食

爲若思先生共美若思母周太安人也大節詳予所傳姍姍卽見蒼水哭若思詩

正翁洵舊德，
扉屢幾傾家。
掉首辭塵劫，
低眉查法華。
薇

應清似粟梅，
亦大於瓜。
此日陪靈馭，
寧慚博望槎。
純軒曾祖

正先大行晚受戒於大梅法幢禪師與桐城方子留輩並稱上座是日別設伊蒲饌以配之

招魂如可作，
移榜不須嫌。
故國無星史，
伊人在水兼。
欲

張蒼水集 附錄五

七 四明叢書

約園刊本

推辦香力遍爲國，
殤拈竚待禮成日。
新題樂府鹽，
時余方議

合祭甲乙以後二十八忠爲之立祠

道光壬辰八月朔日同葉二元塔姚大燮 詣張忠

烈公墓下并置公詩卷祭之

定海 厲志 駭谷

南屏颯秋爽，
蒼陂鬱迴環。
中有張公墓，
石碣立嶙峋。
墓傍松林樹，
樹經千年悲。
風來眾響淒，
切裂人肝腸。
國當叔末大，
運固不旋用。
公監國初，
諸鎮豈足患。
九州四府地，
或挽半壁天。
千鈞旣已墜，
一髮烏能援。
徒使忠悃

忱披露楮墨間波濤觸憤猛縲絏結貞堅湛湛一握血
化碧灑九淵平生萬甲兵宇內駭聽觀斂納成文字與
望孰推詮嗚呼不朽業小儒難仔肩探懷出諸有經綸
本自然鄉里慕諸葛私祭列孟盤精誠信難邀鉅製猶
赫煊惶恐贖子疏淪邁流源明州後起人奮力階躋
攀姚子蛟門秀奉公心拳拳同來熱瓣香倒地拜空山
層雲積不行夕鐘咽潺湲遂巡返徑路四望野漫漫

南屏拜張忠烈公墓

謝寄金縷曲

鄧周世緒克延

張蒼水集附錄五

八

四明叢書
約園刊本

便鐮刀鉞血尙從容湖頭遙望鳳凰山
巨席卷大江南北去快比呼盧一擲怪樹梢
雙猿聲澀采蔽南山吟未罷牧羊歌完了
蘇卿節秋九月初七吾家素近先

生宅慘蕭條楊家河畔滿門荆棘岳墓于墳
留隙地補種松楸青密更殉義三人同穴
明日孤山梅下拜再東

頭靈隱尋殘碣先酌酒麗牲石

楊天壁職方葬孤山
魏雪嶺山人葬靈隱

謁張忠烈公墓

海寧

吳騫
槎客

南屏山頭樹撐鐵下有孤忠埋碧血
山空雲散樹亦摧碧血團成鐵
同熱君不見浮萍一昔遭雨擊
海水羣飛

白於雪何處輕裾尙可繫背倚金釐立宮闕公時獨把
魯陽戈欲挽羲和麾列缺百里朦朧蔽江下千仞石頭
飛礮熬雞鳴垓畔露香焚鐵甕城高亦掀揭白雲遙望
一軍哭桴鼓滎陽況連結羽書競欲名城射烽火旋看
西浙達天於宋德久已厭運去空坑終一蹶八公山色
寒蒼涼鐵鎖游龍滾江絕十九年來金甲破還汝迦羅
不留脫飄流懸壘軍已散并命江城皆空裂卽今孤豕
鄰棲霞寒食年年芳草茁故鄉路隔遺裔盡夜祭墻間
定誰醞聖朝寬仁超萬禩易名曠典昭忠烈相從卻憶

張蒼水集附錄五

九國明叢書

約園刊本

諸義士穴傍田橫葬猶渴

謂朱相玉張文嘉諸人

英雄事往雖已

矣牧豎樵童忍輕窳人心不死在後死麗牲特表穿中

碣江海可塞天柱傾此石君看終不折

南屏拜張忠烈公墓

公諱煌言號蒼水前明累官兵部乾隆四十三年賜諡忠

烈墓在九曜山昌化伯邵林墓左

仁和 仇養正

黃葉秋風路青山異代臣易名榮國典拜墓哭詩人碧

澗湖邊水花殘海上春英靈欣會合于岳兩家鄰

湖上展張忠烈公墓

德清 戴高 綠

懸壘孤臣淚滿襟南天風雨晝陰陰星河難挽猶援手

國脈微延未死心夜壑已隨銅馬陷霜鐘還應鐵龍吟
牧羊和曲聲悲壯欲問蘇卿何處尋

圖土南冠尙漢官斷魂山色繞江干潮回滄海黃塵捲
日落荒原碧血寒四鎮蟲沙誰撫劍八公草木舊登壇
行人指點南屏路岳墓千墳一例看

謁張忠烈公墓

海寧 查 揆 梅史

魯藩兵氣黯翁洲丞相祠堂叱牧牛雁宕寒深虹貫日
羣山濤落雪驚秋頭顱已送田橫島妻子虛隨范蠡舟
更向江南懷閩部梅花嶺上暮雲愁

張蒼水集 附錄五

十四男讀書

約園刊本

西湖謁明權兵部尙書蒼水張公墓

鄞縣 張庭學 詩農

收拾殘灰劫火餘茫茫天運竟何如山頭羊肉烹難食
樹上猿聲慘不舒墓地兀參雙少保海天遙寄一尙書
我來謁鄉前輩正是西風落木初

落日南屏暮色闌羣峰不改舊時觀西湖碑碣諸忠聚
東浙河山一局殘巡邏心爲遺老使殉身兼及僕夫難
纍纍高冢傳千古松柏蕭森風雨寒

南屏弔忠烈公墓

煌言

墓

饒塘

汪

端允莊
女史

窮島猿聲嘯遺林翁洲兵氣結秋陰孤臣自抱餐薇志
節士同聖蹈海心就義江頭寒浪急遺墳湖畔與煙深
青山落日留殘墨一樣東臯浩氣吟

謂張忠宣

南屏山謁張忠烈公墓

錢鼎元石卿

南屏山上愁雲黑黃土一抔埋不得八尺豐碑三字存
大書特書好山色忠烈寄命百里時地維欲絕攀一絲
江干已破崇明陷海天一角猶支持招降有書詞激切
一日再至紛如雪精鐵雖堅尙可磨此心更欲堅於鐵
英霍山下浮屠高文山幸作空坑逃誰說浮屠瘞殺骨

張蒼水集附錄五

十一四明叢書

一約閣刊本

壺漿爭見迎師勞滔滔莫挽狂瀾勢魯王旋逐秋風逝
大廈安能一木支待時豈作偷生計結茅懸壺別春蒿
散軍解卻金獅袍草木無聲萬籟寂長鳴惟聽雙青猿
沈沈星月夜將半附葛何人來枕畔夢醒燈殘鹿已亡
奈何徒事同聲喚牧羊一曲誰歌公十有九載墜奇功
滿腔熱血灑何處鳳皇山外苔花紅御史捐金購公首
賃地者誰朱錫九歸然古冢南屏陰愷公素志事非偶
君不見西泠橋邊岳武穆八盤嶺下于忠肅一片孤忠
兩地同與公鼎峙成三足

南屏張忠烈墓

鄞縣王 燾 梨門

秋風白草亂荒墳獨向南屏拜夕曛亡國山河留正氣
中原涕淚泣孤軍頭顱可斷無降將魂魄相依有舊君
賜劍不關天子事莫將于岳論三分

弔張忠烈墓

海寧錢 馥 廣伯

華表何年立豐碑此日題從教樵采者不到邵墳西
此案詩据梁玉繩簡記乾隆王子杭人勒碑表墓後作也錢爲海寧布衣有小學齋遺藁

南屏山謁鄉先輩張忠烈公墓

鄞縣徐甲榮

張蒼水集 附錄五

十二 明叢書 一約園刊本

十九年來事漫論荒塋翦紙奠清尊穴中老狄應腸斷
林外啼鵲尙淚痕于岳至今成鼎足湖山自古屬忠魂
我來更有傷懷處黃檗何人拜墓門錢忠介公葬黃檗山

再過錢司寇祠兼憶張司馬司馬被執南田各官

餞於此祠案寧波府志錢公名唐字惟明象山人官刑部尚書洪武時諫廢孟子配

者 象山姜炳璋 白巖

有明三百年之蓋忠司寇開其始司馬收其終有明三
百年之學案司馬以苦節司寇以苦諫憶昔司馬起行
時衣冠再拜司寇祠合城官府望威儀里老至今能言

之我曾拜讀司馬集司寇遺文不存一作志幸有黃南

南山簡要志載公坦腹事甚悉後爲楊誠之所刺墓

山遂致周文穆之疑絲案坦腹卽諫廢配享事也碑恨少梨洲筆梨洲有張吁嗟忠義聚吾鄉前有鏡公

後有張白石山青甬水蒼司寇號白石山人司馬號蒼水黃魚正熟白

蟹香我欲建祠祀二公土羹一孟永蒸嘗

擬謝山先生甬上薤露詞

徐甲榮

好山色

張忠烈公煌言

一食千歲鹿遲以十九春大厦既不支殺身以成仁柴
市當年日昏黑鳳皇今日好山色山色蒼蒼染宿草翹

張蒼水集附錄五

十三四明叢書

約園刊本

首湖頭兩少保企前型歸南屏瀝丹誠問青冥

南田篇弔張忠烈公

象山 陳維垣 澹川

南田之田稱沃壤彭姥諸峰氣滂泱境緣澆僻轉荒蕪

地以紆回得宏敞尙書忠義頌文山周粟不食殊殷頑

永明殘局已灰燼復何恃此軍力辱當年逐鹿中原走

露紛提師下京口睢陽竟失賀蘭援玉璧難爲孝寬守

蒼頭回瀆如隼颺拒車弱臂悲螳螂麻韃千里血流肝

止無陌路歸無鄉左右從者羅王楊誓死不去同履踏

新輿所轄無首陽白雲何地供遊翔八排天壑通雌浪

大小浮圖作屏障甌瓦東趨暗礁鈴佛頭西悅諸峰護
千年老竹宅猶獐一握懸瓠絕依傍公來託足狸姓名
簪冠荔帶清風清飽餐薇蕨枕書卧犇濤落木猶疑兵
三聲淚竭靈猴死絕壁姦奴入金齒未容嘯傲隱蘇門
竟綆銀鐙赴柴市駁學林巒鬢霧包誰翻小海續離騷
祇今合電門邊水猶似錢唐白馬塵

南田篇弔張忠烈公

象山 歐景岱 仲真

南田界象南較象居大半沿革溯宋元回浦隸鄉貫洎
自朱明興洲島撥叢亂遂禁民居山遷徙絕薪爨不黍

張藎集 附錄五

十四 四明叢書 約刊本

積莽榛巖密錯圩埠傑哉湯信公握籌有成算以識三
百年當來義師竄吾郡蒼水公英毅等曹冠甲申京師
昭憤起挽狂瀾瓜步初進師戈矛礪乃鍛蕪湖繼登城
旗幟奪防扞孰意延平藩督練殊快僕同仇非腹心一
挫輒背畔反俾單弱軍整旅作絳灌成敗既異形寤寐
深扼腕霍山困奔走踵裂頭亦汗劇覺行路難行行抵
鄉南原非黃冠旋聊作遊汗漫翁洲暨缸片禁山名跋涉
苦昏旦遂入甌瓦門窮樓謝屣絆奴養猴一雙出入驚
嗚嘆託此無糧區版籍不能按孤枕效采薇餓作首陽

看不知天戈揮翼翼下飛翰日出罔率俾河海詎清晏
搜擄窮其區方等不庭軼六位共占空原早識父象成
仁古所難取義今已斷官爵不能磨刀鋸非所悅舉首
好山色正氣肅嚴憚但瞻明社屋推比中谷煥嗟嗟公
雖死讀集尙薰盟回望洪濤中佛山卓天漢

南田篇弔張忠烈公

象山王詩蘭清山

結壤何顯僻所爭忠義居蕞爾一丸島疣贅鄉南隅風
濤礪危石榛莽盈暗衢遐哉抗吾想張公曾託軀明鼎
際淪沒羣英咸義趨我郡更多士奮鋏爭前驅公亦縱

張蒼水集附錄五

五 四明叢書
約園刊本

踪起憤氣胸臆據魯藩始監國請纓扈行輿退則守崇
沙進則摩蕪湖拈棊剖枰盼著著籌贏輸得機便乘勢
偶躋還引辜心力縱云瘁山水敢思娛海島地偏僻何
來結吾慮因人非善策厦木難獨扶食言勢瓦解痛彼
無術夫謂延平霍山逃險來身命幾見屠豈惜藐躬徇後
事將誰圖覓地得首陽不受興朝效年惟永曆紀志有
羅王孚觀時切興寐占課驚噬膚風波起不測故校心
眞狐扼運挽無術雉乃懼董孛遂令一片壤卽爲致命
途斧鑕任加彼山色殊悅吾就刃氣何壯許國心猶初

是時暗天日慘淚乾眾徒正氣藉扶立文山今不孤從
義有雙猿猶應媿降奴今餘三百戰事已滄桑徂公名
滿天壤童穉猶能呼晒茲懸境想傷逝邪居人久
絕跡誰爲芟荒蕪

南田篇弔張忠烈公

象山 歐景辰 星北

諸藩盡離叛大厦難獨支自分化外身頌頌終采薇南
田荒確區宅蜃畫生瘴徠處同狔獠懸洲四無傍壯哉
忠烈公樹節何嶙峋遙奉永曆朔再監定西軍雁石與
鯢洲所事兩不遂滇南一旅孤復聞遭岷潰皇朝既定

張蒼集 附錄五

十六 四明雜志

約圖四本

鼎逼域搜亡遁或乞旦暮生覲顏投降書否則抗大義
頸血濺屬鏤公知事已償散軍奔崎嶇竟效魯仲連長
蹈南海隅鉤峙開石堂牛盤坦沙磧龍虎夾兩壘於中
結茅宅朝作采薇吟夕校冰槎詩兩猿趨箬杪和以商
聲悲真宰下呵護夔魑不敢闕成則天之功不濟豈臣
事亦旣干鈞沈難爲一髮繫蒼頭夜縋壁暗藤淒鴉鴟
竟受意外禽反接爲囚俘毅然赴臨安刑脅志無奪決
嘗看南屏猶言好山色載賦南田篇南田今崔巍蜒霧
百八塊精靈相往來

南田篇弔張忠烈公

象山 陳致新

天兵如龍不可角且抱丹心潛舉確恥遵新制改衣冠
抗命窮洋遠奉朔惟公夙受前朝恩官雖未服科目存
天台泣拜魯王詔帥五千旅馳八閩十九年來百餘戰
凍雪彫髯沙陷面羽書聽報滇南平灑血林門投誓箭
東瀛懸塊兀以孤蹊荒土瘠人煙無兩沙紆港通一鬼
暗礁牙錯舟難踰坦塘北豎森鸚鵡馬童下瞰如懸壺
誅茅且學魯連蹈有書可讀田可鉏友者誰羅子木僕
者誰楊冠玉更有門生居敬王等月松廳競歌哭幅巾
大布稱遺民抵向空山尋結局不警巢中雙守猿竟庖
夢裏千年鹿後來錫謚褒殊忠白浦彤庵望竝崇箬魚
山色今無恙開遍愁花躑躅紅

南田篇弔張忠烈公

象山 鄧克旬 譜莽

魄魄巍巍大佛頭嶼溟鬱峴寒雲浮四十六山戲穀獵
一百八塊呼鷓鴣未須薜荔唱山鬼忠魂毅魄茲千秋
當年勝著置棋局不資援應難度劉大小壺盧扼要書
南閩縱水通咽喉上龍潭背耀芒戟下龍潭背排長矛
標飛燭發出新壘鷹麟鸚視驚鳴騶猿佻忿竝疾馳騁

左龍右虎相螭螭伊鴨嘴大八丈靈後守隘丹其旗
延平王亦萬戶侯背盟左計無良謀臺喬一去不復返
分營各竄車飛輶獨木支厦尙何補孤軍枵腹誰傳餼
風聲鶴唳結疑陣瞻望弗及中心愁沈陰凝沍霧逢淨
一朝被執如楚囚竊比蘇卿仗漢節十有九載潛蛟蚪
褚淵之生不足齒采薇遺集長歌謳一寸丹心照懸海
求仁得仁何怨尤遙空獨立恣流覽蒼茫但見林與邱
題張忠烈公遺像

歸安王 涑 溝泉

嗚呼忠烈求君丹穴鐵鎖燒絕金甌擊缺卷土志決回

張蒼集 附錄五

十六 西明叢書

續國刊本

天力竭岷山世傑空餘碧血

錢唐 高廷蘭

冬穎凌厲其節不屈崇蘭委友其香不滅矯矯張公忠
炳日月劫逢龍漢運當陽九天步方艱義兵倡首張旃
舉幟膏膽枕戈率爾組練鞭爾龜鼉奮然聞鼓遑知其
佗頽陽西邁乃欲挽之大厦方傾以一木支其愚難及
功墜名垂舍生成義厥維在斯南屏之麓祁連巍巍天
馬雲掩明湖鏡開岳于精魄與爲往來聖朝表微哲人
臧像四明淑靈百代瞻尙

張萱

不朽有三太上貴德措拄彝常爲民之則有明末造魯
邱蒙塵南畿失守賴有孤臣三十一城藉以恢復一十
九年力支危局維公仗節凜然枕戈義旅直指邊顧其
佗欲憑赤手廓清函夏豈知一木難支大厦鷺門振旅
馬嶼興師臣力旣竭以死繼之西子湖光南屏山色維
岳與千貞珉竝勒盛朝褒卹炳烜乾坤衣冠故國碑碣
新恩非絲之繡非金之鑄留貌丹青寶茲尺素

仁和孫世學文伯

張蒼水集附錄五

五十四明叢書
約圖刊本

天柱將傾一木何以撐地維將裂一絲何以紆知不可
爲而爲之秀夫文山公其師集著冰槎詩草奇零丹心
碧血歸葬南屏

張蒼水集
天戒跋

孤蒼圖殘局遁容儼若生翁洲伸大義鼎鑿簡并吳地
已三吳略天雞一手擎南屏荒塚在高興岳于爭

東治
林則徐

聖代重喪忠諡典光泉壤耿耿心不磨臨風每弔往憶
昔明季時張公人共仰川城不日收中興如指掌一木

竟難支精忠委叢莽至今展遺容神姿何英爽校香一
再拜臨風起虛幌

孫燮勳 鐵樓

紅日出海天宇清中涵搏雲跋浪之蛟鯨長星十丈忽
墜地天門鼓角如雷鳴我聞明季有忠烈義旂轟舉鬼
神泣三十一城不日收狼烽飛亂羽書急天心不與九
廟靈竟使孤軍作雞肋英霍一潰大勢傾雨覆雲翻江
月黑嗚呼秀夫蹈海拚一死鳳山血染苔花紫西湖往
往見漆燈古來忠骨多埋此忠武岸北忠肅南鼎足三
忠相對時惜哉簫鼓降靈旂不識真容空仰止喧傳公
像出甬江英英凜凜蒼水張畫工極意摹壯烈忠憤滿
腔摹不得惟餘嶺上萬枝松不改蒼蒼舊顏色

朱文翰

忠介集師迎魯王首先舉事蒼水張自天台還奉監國
籌軍整旅殊威強翁洲之役廣集議上虞山寨從平岡
田雄張杰王爾祿招徠峻拒詞堂堂鄭招討軍勢最盛
要約莫肯相扶將孤軍獨出樹一幟滾江氣截長江長
大義感人爭拜道船版張公姓氏香無奈天心判鼎革

子子孤忠暗自傷黃湓偷渡次祁門長亭召募空徬徨
成功死矣大事去散軍懸壘走遐荒遙望南屏好山色
于墳岳墓同褒揚

海鹽

崔以學

蒼雨

閣部收明局東南又有公讀書思往哲瞻像拜英風魯
國相終始唐藩竟合同延平如聽筴半壁掌心中

獨與李

裊王

軍屯田不擾民師中無義餉海角有純

臣荔子峰頭月鮎埼亭畔春朗歌文謝句一體共成仁

公有覺山運死
文山早之句

張蒼水集

附錄五

王

四明叢書

約圖刊本

十九年心事何如蕉夢長蘇卿寧貶節信國豈歸鄉鍾
阜悲龍虎臨安感鳳凰好山千里望如畫亦蒼涼

已定采薇志蕭然滄海湄警關仗猿子賣主恨雕兒

王用

貴事史筆石園闕碑文雙非彌騎箕今慰否正氣凜須眉

王

燾

梨門

曾向南屏拜墓門空山荒草夕陽昏餘生肯作黃冠想
大地難消碧血痕海外冰槎歌正氣墳前杜宇哭忠魂
畫圖省識英雄面重醅尙書酒一樽

草沒銅駝玉殿寒孤臣猶是漢衣冠平生事業皇天在

再造河山赤手難，萬里滄波雙鬢白。
十年烽火寸心丹，鬚眉不改英靈氣。
擬向凌煙閣上看。

董沛覺軒

留得忠臣像，鬚眉萬古新。
地無奔鬲路，天重報韓人。
膽水殘山局，峩冠博帶身。
凌煙高閣上，肯與鄂襄鄰。

謁忠烈墓卽以拜題遺像

無錫秦瀛小峴

孤臣夜向翁洲泣，要保殘明一點血。
淚痕滴海海已枯，化爲精衛心不滅。
白楊何處弔西泠，雲車風馬來南屏。
荒墳月出山鬼叫，荔支峰下楓林青。

張蒼水集附錄五

三四明發書

題張忠烈奇零草

鄞縣王震梨門

漢祚終難復，英雄劇可傷。
君臣悲草莽，生死繫興亡。
風景河山恨，乾坤戎馬場。
千秋留正氣，不獨是文章。

書張忠烈公煌言采薇吟後

會稽張邁哲夫

風雨厓山噩夢催，運丁陽九總堪哀。
山中甲子隨春盡，海上魚龍跋浪來。
辛苦不慚文相節，艱難休說武侯才。

長江不盡東流恨，占得湖山土一抔。
慈案公詩集曰奇零草而采薇吟起

甲辰六月七日已被執矣，詩數首耳。
茲張君詩題曰采薇吟，殆於奇零草末獲一見耶。

明張忠烈公手書睢陽聞笛詩墨蹟

仁和 李紹城 淡明

睢陽城下援兵絕城頭笛聲夜鳴咽軍中聞笛氣慷慨
吟成五字皆沾血前明張公竄海甸手提孤軍猶轉戰
時危懷古更堪傷磨盾餘閒親筆硯嗚呼殺身成仁同
一死千載忠魂竟相似君不聞金陵馬阮工填詞白綾
小冊寫烏絲家山慣唱無愁曲長笛雖悲總不知

題張忠烈公石刻遺札

郭傳璞

光緒乙酉八月偶客西泠晤慈谿鄭君海曙以

張蒼水集 附錄五

三四 四明叢書
約園刊本

所刻張忠烈公冰槎集手蹟訂本見遺敬賦長
律二十四韻奉報繕請點定

北極櫓槍互南都日月昏擎天摧一柱負海撤重藩命
世丁衰運孱兵募宿屯六狂生竝起三佛地稱尊密布
山爲寨分繚水作壘少康期反正靈武慟過奔走檄傳
江上全軍覆浦濱不圖高克潰空有褚淵存獨溯中流
楫潛棲敵瓦門偃偃新鼎革役役莽乾坤寶主遭青犢
尋仇到白猿株連甘誓幕簿對殉司闢敢幻黃冠想奚
鳴楮服冤倡酬娛請室醜問枉高軒赴義堅臣志成仁

懷聖言九歌追汨澤三表抵平原幽壤于墳拱穹碑岳
墓鄰易名邀曠典觸諱赦殊恩久歎冰檠軼常疑翠墨
髣忽然披訂本直欲廢兼殮書勢含飛動精誠鬱際燭
誰招蒼雪隱儘借絳雲燭小影摹鸞筆哀辭酌鶴魂多
勞詒谷口寶貴百瑤琨

張忠烈遺硯詩

見澹齋詩集

定海

曹偉皆 我妃

余於長安市得公遺硯裂紋斜拆完好如初左
有銘二十四字隸書旁蒼水二字正書謹作詩

紀之

張蒼水集

附錄五

五

四明叢書
約園刊本

憶過夔天居讀公聞笛詩

同鄉范我亭孝廉藏有公聞笛詩扇秋江寒月

落慷慨憶憂思宮井水已湮雪交亭久鼓惟公激豪帥

海上猶連師溯江越金陵傳檄到彭蠡一旦失所援傾

厦無人支國步已云蹙臣節無可虧當時事戎旅何暇

文字爲被逮繫錢塘揮濡幾忘疲聊以寄素志非欲求

人知要其獨到處神采紛騰飛布囊富篇什一炬稀留

遺公在錢塘獄時有求詩者大吏後輩得遺迹一字猶不禁稿貯布囊中爲獄吏所焚鐘彝詎意一片石流傳天之涯舊紋逾坼裂磊落存銘

詞購求竟入手如接公光儀慚余愚且賤何足付畀之

顧惟景仰心忠魂或憑依遂令扇與硯均爲同里私珍
藏返句甬璧合交光輝

張忠烈遺硯歌

時避地舟山
西垣屬作歌

上元

劉雲倣

寶函

吁嗟乎倒傾海水濡長毫難寫義士心勞切編摩崖石
揮墨汁難爲孤臣罄歌泣有明忠烈蒼水公間關來往
滄溟中百折不回冀恢復是何氣概真英雄千秋姓氏
傳濱海一硯猶存甬水東吁嗟乎萬里河山都破裂多
文士徒消滅無功筆硯直須焚百戰疇能挺奇節提師
憶昔抵蕪城號召大義騰先聲傳檄幸能通郡縣貽書

張蒼水集 附錄五

三五 四明發書
一約園刊本

不克挽延平石頭鐵竅倉皇走英霍途窮空欲行痛心
家國無收拾惟將一硯託平生讀公采薇吟一片忠貞
鐵石心讀公北征錄戴磨戴勵何堅確讀公冰檉集淚
痕隨筆淋漓溼讀公絕命詞不磨血性死何辭締結石
交非一日竟與成仁萬事畢毅魄長留天地間歷劫不
渝剛正質王君奇士非好奇讀書論世擴襟期感公忠
義寶公硯珍藏重若鼎與彝我來海外探奇跡獲觀公
硯爲深惜不是尋常滑澤光墨漬爛斑凝血碧難與燕
然竝勒勛數行古篆銘心赤吁嗟乎赤心與石結精誠

百計深圖事未成古來大節文山竝此硯何殊玉帶生

張忠烈公遺硯歌

楊泰亨

硯藏定海王西垣明經榮沐家余於咸豐辛酉
八月朔見之長八寸有奇高厚稱是西垣屬余

作歌

蟾蜍一滴蛟蛇掣誰其用者張忠烈哀哉故國無片土
茲硯不與山河裂崎嶇馬角十九年中原虛喝張空拳
側身天地成孤注采薇吟罷墨漬鮮公心如石不可變
半壁南朝廷一綫補天無力起媧皇落落銘詞鑿石硯

張蒼水集

附錄五

三六 國朝叢書

約園刊本

讀銘二十有四字字字如銘公素志忠肝鐵石夙研磨
海上孤軍公舉義小臣拚爲高皇死瓦全不得玉碎耳
視硯爲海筆束雲血戰龍腥上激水三十一城旦夕復
鸚鵡往歌來卽哭蠟丸閒道失師期鎖鑰金焦坐棄速
師行不戒羊山濤何物石君能遁逃壁友竝聯羅子木
摩挲盾墨天爲高徵兵一紙淚眼枯偷安鄭經總非夫
勾勾海水梵音亂糴舟未返公已倂山邑好向南屏望
青花未殉孤臣葬故老猶談劫燼灰世軸掀翻硯無恙
吳山物色萬九沙海內典型文獻家多善陶法奉以走

夢隨飄瓦落天涯三寶老人亦好事得之陝右如釋
攜歸海嶠經兵燹瓦礫斜陽秋草地王郎博古論空數
購求公硯窮不醜我來海外訪成連翁洲風雨鷲龍吼
自昔石交零落存雪交老梅爲公壽南田不死死西湖
湖海不枯石不朽吁嗟乎玉帶生卜卦硯文山疊山竟
不面公之忠魂石一片

張忠烈公遺硯歌

王元圻 芹香

王郎寶硯踰珪璧重爲殘明忠烈惜忠烈苦將敗局爭
補天無功遺片石衰尺有咫廣如之二十四字隸劃劉

張書來集附錄五

三七四明叢書

約園刊本

磨劫不渝銘勒在明明爲表堅貞姿昔公誓師赴海縣
移檄長江幾鏖戰陣雲翻墨天水昏氣振軍聲晴曜電
無何陽九厄運遭一十九載心徒勞慨從被逮甘就義
詞成絕命猶引辜殉身友僕惟恐後轉恨不予一攜手
南屏悵別陝右奔滿目風塵眾增醜九沙三魏賞鑿精
後先歡結文字盟物色今從楊太史招邀昌國歸四明
人言神呵護我道忠魂附碧血爛斑繡石花二百年來
質如故吁嗟乎志雖未遂名不湮錢唐義合柴市仁玉
帶生應笑相慰吾曹亦復同千春

題張忠烈公遺硯

王迪中 硯

硯藏年伯楊理莽太史家長八寸有奇裂紋斜
拆左有銘云投鼠支牀幾經磨劫堅貞不渝何
嫌破裂佐我揮濡長此昕夕計隸字二十四旁

題正書蒼水二字

山河破裂石猶靈想見揮濡照汗青片念同堅天日曠
一軍傳檄海風腥負嶠自盡孤臣力入地雖寬勝國刑
可惜當時好山色不曾蘸墨向南屏

題雙忠書畫冊

一倪文貞公畫蒲石圖一張
忠烈公自書江上聞笛詩

張蒼水集 附錄五

二天四明叢書
約園刊本

厲志

鑿武靖康不可爲大江日落寒溝推攀髯驂龍追帝馭
出郭望山還賦詩二公心迹揭日月遺墨暗慘生塵埃
媯皇束手已莫補睢陽在圍空自哀姚江董江水縈迴
江頭蜀魄啼陰霾柳棺雙停無人哭南鎮冬青花又開
倪文貞張忠烈兩公書畫卷爲范大我亭 永祺 題

邵志純

南都事尙可爲倪尙書語史冊垂南都事不可爲張尙
書起荒江陸兩尙書先後死名節兼通書畫旨倪公畫

蘭破陳格不著繁華著孤石張公手書聞笛詩詩中字
字精光射嗚呼兩公書畫餘事耳長卷裝成誇合美姓
氏由來重天壤後人寶貴良有以盡日空齋把卷看回
首春燈與燕子

題明倪文貞公蘭石畫筆張忠烈公江上聞笛詩

澹合卷爲葉琴樓作

尹元燁

鼎湖龍去頽陽滅滄海橫流大地裂誰歎慷慨誓捐軀
前有文貞後忠烈兩公勁節世罕有一死長安一浙石
只今遺墨留人間尙覺英光射牛斗祝融回祿不敢篡

張蒼水集附錄五

五十四明叢書
鈔圖刊本

輾轉今落琴樓手琴樓嗜古好弄藏閒來示我千縹緲
沉復忠魂墨氣所凝聚尺素烈烈含秋霜我觀倪公畫
巉巖一卷峙疾風勁草知勿渝石可朽爛心不死我讀
張公詩江聲笛嗚咽舵樓焚香發長嘯老魚出聽潛蚪
泣珠聯璧合聚光怪倏忽風雷起暗噫君不見衣雲閣
下竹蕭蕭落日翁洲響暮潮萬事回頭如轉燭百年劫
火已全銷此卷流傳至今獨不滅以手摩挲三歎息請
君珍重慎勿褻此中恐有千載未化長宏血

題倪文貞元璐蘭石便面張忠烈煌言自書江上

聞笛詩合裝冊子贈琴樓光祿 王 燾

琴樓手持畫卷長百尺呼我焚香拜毅魄摩挲雙眼翦
燭看滿幅淋漓血痕碧知是忠烈之詩文貞之石殘牋
贖墨落人間惆悵江山分半壁蘭葉森森不著花清風
江上聞孤笛英雄豈屑事雕蟲聊借霜毫寫胸臆憶昔
龍飛鼎湖水黃狐跳梁遂封豕杜鵑啼老海棠秋銅狄
銅駝相對愁孝陵白日高皇哭寧武雄關亂鴉鏃姜瓖
唐通降表來大同宣府城門開題詩抱石淚如霰綱常
羞殺卑田院藍袍跣足出宮門相隨只有王承恩天留

張蒼水集

附錄五

三四明叢書

約園刊本

倪公作男子赤手攀髯髮上指破碎山河奉魯王南都
更有張蒼水十九人中鳴礮力挽天河回大造朗讀
文山正氣歌丹心嘔出奇零草霜清月白城如斗鐵騎
依然向南走五色文章鍊不成空費媧皇補天手血戰
歸來白袍紫報國無成天意耳天意不諒人孤臣投縵
死談笑謝羅生從容赴柴市海枯石爛孤竹裂一片精
誠留素紙石勢崢嶸軒欲舉詩情激烈聲淒楚天半陰
風捲雨過啾啾似聽忠魂語此卷舊藏石湖家卷係范氏舊物
文綾玉軸籤紅牙名公鉅卿爭題跋陸離文采披雲霞

光燄上燭祝融怒號召喧呼紛攫捕萬卷灰飛獨無恙
定知道蹟神靈護琴樓琴樓君家翰墨高充屋六朝金
粉半腰束千秋浩氣在乾坤莫其尋常書畫讀

題甬上范氏所藏雙忠卷卷爲倪文貞公蘭石畫

張忠烈公江上聞笛詩墨蹟各一紙調寄百字令

孫德祖

浙東人物染前朝碧血儘多同調殘局崖山全局汴殉
國何論遲早玉碎蘭焚江淒笛怨合寫孤臣照海雲如
墨幾人到此憑弔遺記旭始堂前壁泉文錦渴筆題鴻
餘此卷完好

張蒼水集 附錄五

三十四則 叢書

寶文貞爲先院判公題旭始堂額辛酉已前尚無恙那更湘纍描恨譜印向奇

零殘紫紅藕湖秋白蓮舉夕綠遍孤墳草憑誰呵護劫

范莪亭孝廉得二扇面一爲倪元璐畫石一爲張

煌言自書江上聞笛詩合裝成卷索題敬書於

後

趙翼

巡遠睢陽哀張陸匡門厄皆因同死事連傳在史策此
卷兩忠臣先後廿年隔一壘鼎湖龍一銜精衛石死固
非豫訂生并或未識手筆乃各傳無端作合璧四明范

莪亭夙有嗜古癖書畫廣購藏兩篋快新獲歎其義烈
同聯之幅盈尺我閱倪公畫片石寫寒瘠想見骨力堅
卓立千仞壁我讀張公詩聞笛秋江夕和以激楚音直
迸煙竹裂二公染翰時豈意其素冊遺墨一朝聚相映
光愈赫遂覺橫卷中淋漓滿紙熱石無巨鼇戴笛有老
蛟泣當年滄桑痛耿耿尙如結兩氣化一虹雙血凝一
碧自非搜剔勤曷萃此名蹟殉節前賢事表忠後人責
繖素垂千秋應可慰毅魄

張蒼水集附錄卷六

題詠下文

張督師畫像記

全祖望

吾鄉傳張督師畫像者頗多其遺集卷首亦有之而神氣骨相各不同先伯母自黃巖歸予以叩之則曰無一肖者嘗聞先公於甲辰錢塘獄中曾寫一像當有存者汝盍訪之予乃貽書訪之萬九沙先輩而九沙曰有之因摹寄焉先伯母曰是已予遂取姚江黃先生之志楊徵士遴之記及吳農祥傳讀於旁先伯母曰惟吳傳外

張蒼水集附錄六

一四明叢書

約園刊本

戾無可信者然吾所記軼事雖毫忘十九尙有足以補黃楊之闕汝其識之先公生平不執宿見畫江之役閩中以詔書至張公國維熊公汝霖謂不宜開讀以阻軍氣朱公大典錢公肅樂恐啟爭端相持未下當時庶僚疏論此事者李侍郎長祥與先公右張而楊侍御文瓚右朱先公卽出揭力排楊由是相爲水火及議遣大臣入閩先公方以翰林兼行人請得輔行以折閩人之詰難已而楊之兄弟娣姒一門死義先公在海上貽書汝諸祖以爲媿良友今其牘尙有存也舟山之陷也張名

振初聞大兵三道竝出自以習熟形勢謂蛟關天險不可旦夕下乃悉其銳師奉王揚聲趨松江以牽舟山之勢是時先公亦爲所拉同在行間不料蕩胡失守以火攻死一夕昏霧大兵畢渡名振已抵上海聞變遽還則不及矣謂其輕出則可謂其奉王以逃則誤也是時名振老母愛弟妻子俱在城中卒以一門殉使其逃則何不盡室而行乎甲午名振邀先公入長江誠意伯劉孔昭亦同行或言孔昭先朝巨奸豈可與共事先公曰孔昭之亂南都擢髮不足罄其罪然當趙之龍輩迎降恐後獨全軍出海則尚有可錄者今託同仇之義以來疾之已甚恐其爲馬士英之續也聞者違焉乙未名振病卒遺令以部卒來屬先公麾下始盛鄭氏遣人來通好先公言監國乾侯之辱鄭氏修唐藩頌詔之隙也然鄭氏不肯負唐吾又豈敢負魯故雖與鄭氏合從而終爲魯鄭氏亦諒先公之誠也以公誼相重焉是時鄖陽山寨有所謂十三家軍者滇事之急先公嘗遣吳職方祖錫往說之令出兵撓楚以救滇而不克壬寅而後先公貽書汝諸祖以事不可爲欲散其軍然日復一日以王

在也直至甲辰王薨而後決計入山故采薇之吟自此而始先公有從弟從軍海上入山以後不知所終聞有冒其名至錢唐者爲諸遺民所詰而去先伯母之所傳如此是時年八十矣牙齒俱脫懸畫像於房喃喃然且泣且語每語又於邑聞者皆泣下而督師之鬚眉亦浮動紙上予時年十八據觚而聽聽已卽記之然其文章草未就也未幾先伯母返黃巖踰年而卒雍正己酉始重爲詮次而記之畫像之首歐公記王彥章畫像多正舊五代史之謬者予文雖劣亦不爲無補也

張蒼水集

附錄六

三四明叢書

約園刊本

與趙谷林辨嘯臺集中紀蒼水事迹書

全祖望

吳農祥嘯臺集其文散漫冗長固不足言而所紀明季事尤失實如謂劉閣部中藻與李尙書向中揮戈海上

瞿臨桂死黔中陳大樽之殉節隆武贈官

大樽死於丁亥隆武亡於

丙戌章格庵爲閣部

章官少宰

信口妄言欺世人之不知愚不

能屈指數也請但以張侍郎一傳言之其曰監國賜公進士出身授兵曹按公釋褐官檢討掌制誥事兼行人使閩非部郎也其曰改兵科監張名振軍出松江颶風

覆舟六日錢唐失守屬監國出舟山依名振名振死公
領其眾舟山破扈監國至廈門按公由檢討擢僉都非
兵科錢唐破監國至舟山黃斌卿拒不納監國入閩至
長垣而公始監名振軍出松江斌卿敗監國始入舟山
舟山破名振尚未死農祥所言無一不錯其曰是時隆
武亡鄭成功聞監國至而喜來受約束迎公廈門按監
國再由舟山人闖成功起兵已六年謂隆武至是始亡
異矣成功以隆武與監國不相能始終不奉監國謂受
約束異矣公與成功雖往還而未嘗合軍謂迎入廈門

張蒼水電附錄六

四四明叢書

約園刊本

異矣其曰己亥之役琉球日本師皆會按周崔芾霄使
日本乞師不得阮美又嘗乞師俱在舟山未破之先成
功未嘗乞師也其時成功全軍而出公以所部別爲一
營無外番之師也其曰河北圻南響應犖下議遷都以
避則野人之言矣公師欲下九江以取楚聲息何能達
近輔襲曹魏畏關公之語不知本朝德威之盛也其曰
公之散軍脫歸九死一生惜無記錄之者然則農祥并
公北征錄亦未見而妄爲公傳無惑乎其妄言也王謂
公屯田林門島中被執則不知公被執時已散兵謂公

子死白下則不知其在京口總之無一語足據者郢書燕說混淆信史吾不知其何意也農祥自負博物近則方文輒杭大宗皆力推之不知其言無足采也

張忠烈公遺像徵詩啓

徐淳 泗亭

乾隆四十有一年我高宗純皇帝追諡明臣蒼水張公曰忠烈易名異代猶炳丹青補傳勝朝長留氣概廿載之孤忠斯慰千秋之曠典恭膺以視赦季布之誅崇余闕之祀者不尤幸歟何其盛也公有遺像藏自先人什襲以珍六丁斯護鬚眉勁挺骨格清癯寫警欬而如生

張蒼水集 附錄六

五四明徵書

約園刊本

覺憔悴其可憫惟公慷慨尙義跡弛不羈一騎若飛三發皆貫當鄉薦之伊始卽國步之方艱濤翻炭海日隕煤山魚羊食人龍蛇厄運烈帝遐升北闕赧王失守南畿乃有遺臣圖存故國爭迎魯邸新唱錢來稽山之甲楸五千江岸之軍屯十七公招兵媽舉扈主翁洲流離鰲島之間屯練鷺門之下諸將已皆挫衄鄭氏且有訾嫌爲唐爲魯旣各奉其君若黃更交構其隙公獨周旋悍帥之府籠絡義旅之心潛入吳淞頻居台越合清河之眾出沃海之師遂掠丹陽進窺白下遙瞻石闕

望孝陵乞九廟之威靈誓三軍而慟哭顧乃上游失
信空還旋統名振之軍再結成功之約山羊啖而
銅鑪碎江龍斷而鐵鎖開礮火灼大舵樓雪浪濺其巖
帳秣陵烽急瓜步雷轟鄭自京口而南趨公自蕪湖而
東徇時則艘未盈百兵不滿千連下三十一城祇及旬
有五日神機捷於風雨黎獻慰其雲霓幾幾乎大義同
伸中興可冀矣不謂成功敗北變計東歸遽撤鎮江之
舟圖霸臺陽之島公以孤軍獨留重地遂潰師於英霍
爰遁迹於岩巖還駐天台仍集故部惠溥陂塘之利恩

張蒼水集 附錄六

六 四明樓君

約園刊本

結隴畝之歡有茲一旅一成終欲十盪十決旣乃親王
弗祿率土皆平清涼夏社祇有巢人斬絕姬宗寂無宣
靖天柱難擎於一木地維詎繫乎單絲公卽解散部曲
棲遁屢阿參軍侍史猶從從叔家人早逮仙鹿隨夢神
而逝靈猿引邏卒而來桐棺之餘米未餐竹簾之遺編
若蘇西市就鳳山之麓南屏崇馬鬣之封蓋從公之命
欲與岳于而爲鄰而論公之忠則較文謝而尤苦也恭
際不諱之朝每興追慕之感尙書集在笑貌猶新遺挂
圖存清高可仰所冀學林威鳳韻府文獅惠以瑤華

之石墨搜軼聞於浙水傳寶繪於甬江益增松柏之榮
抑亦枌榆之幸也道光甲午夏

壽鏞案卷叟以斯啓文筆庸陋似不足存竊謂徐
泗亭家藏先生遺像出而徵求海內題詠使忠義
之氣不致泯沒豈可以文之優劣論耶

張忠烈公像贊

并序

宜興

吳德旋

仲倫

勝國之季鄞張忠烈公事魯王以一身膺重任歷艱危
者十有九年卒之從容就義忠蹟彪炳史乘黃黎洲徵
君旣誌公之葬其後全謝山太史復撰公神道碑銘益

張蒼水集

附錄六

七

四明叢書

約園刊本

詳哉其言之矣徐君泗亭夙秉懿德之好尤切桑梓之
慕以公遺像徵題敬爲贊曰

烈烈張公遭時之艱有赫帝命曷知其遷大厦之傾許
身一木孰與爲旁疇員於輻豈曰失圖險不可踰日之
暮矣云何其吁臨危致身旣鞠旣瘁困上滅頂志亦云
遂廬仁襲義終焉處休舍生獲所抑又何求仰瞻光儀
式欽遺則頌聲洋洋垂之無極

題張忠烈公遺像

童

槐 粵君

前六十年吾宗老以六月九日會同人城北祀蒼水公

歸語客曰往年但剪紙爲神主今乃有人出公獄中像
贈拜幸甚因具道公狀貌客色駭連詰像藏誰氏蓋一
發難將立禍者宗老笑斥之喻以朝廷曠典方專諡公
曰忠烈矣乃逡巡避去旣而有書謂受富人雇爲繕公
奇零草竝代覓工繪像卷首者忽相約獻之官欲以違
悖制富人良久方解是時錫諡蓋已十載餘猶尙如此
及嘉慶戊午余在武林以寒食拜公墓則丙辰詔舉孝
廉方正之徵士吾浙十一人咸在或議樹碑以彰褒諡
且欲購公像上石萬近蓬先生福其祖父故謀葬公者

張樞水集

附錄六

八四明叢書

約園刊本

私謂余曰當時之人度朝廷視公爲擾攘草澤故從而
詬病莫敢贊公一詞豈知聖度如天披發白日若此哉
余因對華表占句云神化留丹青人情枉翻覆蒼蒼南
屏山見公眞面目此數事常往來余胸中不能釋者今
徐孝廉忠代其宗人屬題此卷余思公事詳南雷鮑埼
兩集鴻筆之人自必能精以發藻抑天褒震耀萬古矣
更需揚挖爲獨數十年來國恩所被收藏家得無意外
之虞以至於今是其可深幸而更宜慎守之者觀縑書
此誌幸也道光己亥九月朔

錢唐趙之琛次翠

忠烈張公大名垂於宇宙史冊昭昭奕禩無不景仰曩
在吾杭何丈春渚家見有小傳一本係陳句山太僕所
作載公生平行事甚悉余甚愛之惜以價重未得購求
余家亦舊藏有公手書尺牘及詩彙裝潢成冊寶若連
城暇日燕鷓鳩斑偶一展玩令人欽仰不已今林君雲
樓從甬上歸來出示公像云是徐泗亭所藏鬚眉蒼古
忠義之氣湧於眉端何時得三者合成一冊卽南面王
不易也道光丙申二月十九日觀於補羅迦室并識數
語以質雲樓并質之泗亭

張蒼集附錄六

九四明叢書

約圖刊本

句吳錢

泳時年八
十有七

余自乾隆四十一年以後卽往來杭州每至湖上必謁
表忠觀及岳鄂王于忠肅張忠烈諸公墓下仰瞻松柏
俯視几筵輒令人慷慨悲歌而不能自已也偶見甬東
徐君泗亭所藏忠烈蒼水公畫像而又屬西梅顧君縮
臨小卷卽以刻石適余將回吳門不及賦詩作讚於後
聊書數語以志泗亭博雅嗜古表揚前哲之義云

翁洲屬志

往從諸君子與祭於佑聖觀瞻公遺像烏帽緋袍面長
一尺眉高於目寸有二分額與耳齊鼻中懸如柱鬚五
出索索如有聲目平視而微俛黯然若有憂色夫公與
定西侯奉魯王出翁洲定西死而兵屬公十九年任大
責重公之有憂色也固宜至其道服乘輿來武林正命
之日猶歎賞南屏山色之佳則可知公之知不可爲而
爲之者特以求遂其志而已矣此小像甬上徐君泗亭
家藏謂是其先世留遺當時繪於獄中者公獄中所爲
詩文讀之悠然怡然如在江湖不覺其爲縲絏中人今
觀其標石兀坐悠然怡然又可想見公在獄中作詩文
時意象信在江湖非縲絏中人也以此爲獄中所繪或
可信歟

張蒼水集附錄六

十四明叢書

約園刊本

胡敬

甬上徐氏寶藏蒼水張公像云已三世今從馮君秋田
郵示索余跋語夫公之爲人誠千古所景仰而徐氏又
遍徵題詠使忠義之氣不致泯沒於天壤其志誠可嘉
也天下忠義男子孰不當鑄金事之丙申四月題

陳勤詠橋

吾堇城北徐氏舊藏張忠烈公遺像已歷三世復倩顧
君西梅摹爲橫卷廣徵題詠童萼君師特著乾隆嘉慶
間近事爲收藏家幸時爲道光己亥越咸豐辛酉粵賊
寇郡此卷輾轉流落明年寇退有攜此求售者純舫童
君素欽張公忠義大節且以先人手澤所在出重價購
之屬題數語使展卷者知流傳之緒焉

秦童君二字
原作五世兒

任邱邊葆誠仲思

明季死事諸臣如張忠烈公及瞿留守被執不屈從容
就義迹略相類然留守時永曆尙在据粵西地猶翼可

張蒼水集

附錄六

十四國叢書

約園刊本

以有爲公則監國已亡故地已失蒙犯險難獨以其身
著人臣之義而持明運之終此固論人者所深惜而干
古所同悲矣公會駐兵林門至其被執稱在懸壘同治
乙丑秋海寇竊踞南田官軍往勦余身在行聞訪公遺
迹偏歷南田一百八嶼無所謂懸壘者惟樊壘一島峻
拔雄奇据全山之勝意公結茅當在於此樊與懸音相
近載記所傳或語訛耳余嘗議於樊壘林門兩地爲公
建祠公弟嘉言子萬祺及從難之羅子木楊冠玉均得
附祀因地屬禁山不果迨南田得請弛禁而余亦旋去

官矣歲戊寅余將移官江蘇同年童純舫農部出公小像屬題薰沐展卷肅然起敬公之書法鄞故家尙有存者尙異日建祠南田卽以此像及公墨蹟上石俾垂久遠庶公之靈爽可遇諸層巖疊嶂間乎

楊泰亨 理菴

光緒庚辰九月七日爲張忠烈公康熙甲辰正命之日童純舫農部集同人於舊第中像設而祭泰亨與焉因得瞻禮是卷急請歸屬工別摹一幀以爲瓣香之奉公之事蹟具在史冊正氣彌綸於兩間非唯浙東人士所

張蒼水集 附錄六

十四明故書
約園刊本

得私其欽瞻泰亨爲公鄉人同治甲戌秋郡人醮貲祠祀公於會垣眾安橋宋岳鄂王廟右以公獄中詩遺蹟上石寘諸祠壁且營享堂於南屏山墓所至丙子春次第落成泰亨得襄其役嚮往之私竊用自慰曩者多方購致得公墨蹟巨幅一屏幅八比又得公遺硯一方於翁洲王氏篆二十四字則公手製銘也忠肝義膽一展觀而如或遇之謹什襲以爲家寶附志於此以諗後之景慕我公者

南屏社簿序

童揆尊 藕舫

同治壬戌郡城初復王英甫舍人茂煥於營卒處得忠烈張蒼水公遺像一卷示余因出重值購之昨歲七月章藥卿舍人整攜一立幀來則慈水鄭簡香勳所藏余又購之見狀貌清癯兀坐石上面帶鬢色與前卷逼肖余既珍藏前卷將此幀重付裝池糾合同志結會以祀公每歲值公生辰六月九日及成仁之期九月七日皆設祭夫公生卒設祭自雙非全氏始踵之者已不乏人余之斯舉專爲輸藏遺像而設定海厲慕韓學潮謂其先人

驍谷先生志

有題誌決爲獄中所繪此幀蓋即摹於此

張蒼水集附錄六

十三國明叢書

新國刊本

卷者冠履衣飾曾不少改余先君亦題於卷端述乾隆初欲以像嫁禍事甚悉則斯像顧不重哉因名其社曰南屏凡簿正祭器皆列於冊願我同志永傳是會以保是像於勿失焉

壽鑑案斯序據卷叟刪節者刊之

雙忠硯室記

會稽

孫德祖

彥清

物聚於所好珠玉錦繡服玩之屬之可以財力致者不與焉其在圖書金石彝器古人靈爽之所憑固將呵護於冥漠而出之於歷劫之風霜水火待其人而傳之世有專所好者神與迎斯合矣哉夫植兩間之正氣扶

千古之大節而片石磨其碧血貞珉勒其忠肝有若雙
忠視者由勝國已來閱二百餘年而聚之於慈谿楊太
史泰亨之室非偶然也太史勵學好古尙友曩哲鄉先
正之以忠節傳者尤珍其手蹟寶若球琳嘗以兼金購
得鄞張忠烈公草書巨幅什襲藏之洎光緒己卯而獲
忠烈遺視於定海王氏視之脩可四寸廣有其三之一
裂紋斜上勒銘其左公手筆也有曰堅貞不渝何嫌破
裂蓋奇零屬草石亦慘傷固已金甌俱缺矣萬九沙得
之吳山書肆不知何年流轉入陝嘉慶朝定海曹偉皆

張蒼水集

附錄六

十四四明叢書

約圖刊本

官於其地物色以歸英吉利之瓠淪棄荆礫王榮沐收
之而歸於太史明年而趙戶部家薰獲上虞倪文貞公
之視視之銘凡十二言亦文貞所自製兼勒小像於其
背須眉疏逸縈拂豪芒拭背方畫僅乃可察然而渟淵
嶠嶽英氣儼然洵瓌寶也中間收藏者凡幾姓亡所於
攷意其再更夷粵之變不玉碎者幾希乃完而屬之戶
部太史以爲得是而忠烈之視不孤也從而求之戶部
亦無所靳從而歸之乃合二視置以文檀弢以蕃錦絮
精舍而並弄之謂其室曰雙忠視室又明年以示會稽

孫德祖爲之記德祖文貞郡人先人院判府君文貞執友也文貞嘗爲先院判顏其堂曰旭始而以百年燕翼承前哲萬卷貽謀啟後人題其楹楮寇之難敵廬燼焉寶墨劫灰蓋精氣猶懸於心目而鄞范氏所藏文貞蘭石畫箑忠烈江上聞笛詩草合之以爲雙忠卷者德祖嘗填詞於其尾及觀斯硯有以贖先正之遺容想見我祖之與其晨夕而以文字相贈貽也可不謂厚幸哉嘸夫有明甲申之事攀胡髯而上升者吾越施忠介周文節諸公光照汗青而文貞實爲稱首渡江而後則明州

張蒼水集

附錄六

十五

四明叢書

約園刊本

忠義肩比踵接至忠烈就逮於懸壘而後朱家殘局死灰不然太虛浩氣畢萃於浙東矣二公者居之相去百有餘里文貞之以大司馬筦中樞也忠烈方罷公車居於鄉其生平殆未有一日之款曲何況正命之日中更三紀乃雙忠之卷既合之范氏而雙忠之硯復聚之於太史之室竊謂谿上界乎明越之間東望赤堇不隔雲煙西瞻稽陰僅限帶水將使江山故宅魂魄猶在手澤所經精神斯屬茲二硯者勿亦二公之靈寶式憑之而聚而傳之於太史之專所好尋常財力之所能致者固

不可同日而語也抑亦有以見太史之嗜好殊俗而聚
之之洵非偶然焉

張忠烈遺硯跋

萬經授一

讀銘詞見公忠烈之氣隨在流露經於吳山書肆得之
裂文斜圻完好如初手澤所存默有呵護者矣雍正甲
寅九沙萬經敬識

王榮沐

忠烈公遺硯經萬氏之後不知流傳幾姓嘉慶間吾邑
曹澹齋先生偉皆自號三甕老人爲陝右貳尹得之如

張蒼水集

附錄六

十六 四明叢書

約園刊本

獲拱壁徧告同鄉徵詩紀幸道光庚子三甕後嗣攜歸
故里會遭兵燹復遺棄於瓦礫間沐百計購得之每於
明窗淨几焚香端坐摩挲舊物雜誦銘詞并朗詠采薇
吟奇零草北征錄數過精神激越如聞警教之聲而公
之正氣乃長留於宇宙間矣勿僅作文房寶玩也咸豐
十一年辛酉八月四日定海西垣王榮沐敬識

王榮沐案
硯於光緒

緒己卯秋歸慈南經奮
墓楊氏以百金質之云

前明張蒼水尙書燼言破硯題詞

臨海 宋世舉 嶼山

蒼水自銘曰投鼠支牀幾經磨劫堅貞不渝何
嫌破裂佐我揮濡長此昕夕八分書款蒼水二
字昌國曹少府偉皆得之陝右市肆中索題

天枯海竭曾訂石交投鼠支牀猶留墨繡摩挲太息
纒長言夫以尙書志切移山技窮返日礪厓已覆憐塊
肉之僅存種蠶并殲矢裹尸以報國當夫烏沈匱壑燿
奮當車招揭竿斬木之徒支牀水殘山之局蠟丸封去
烽火條達於金陵羽檄草來樓船尙環於幕府惟此硯
供其揮灑鑿厥忠誠助墨海之波濤走筆鋒之精銳嗚

張蒼水集

附錄六

七四明叢書

約園刊本

呼何其壯也泊乎長城竟圮大厦全傾崎嶇鼉鱷之瘡
破碎山河之痛膾芙蓉之一片浪說補天弔羅辟於三
生幾時填海歌成正氣鳳喙爲之銜悲賦就懷沙雖眼
爲之滴淚旣而林猿不叫楹虎就擒後至終戮夫防風
先鳴難賈夫郭最攀龍髯而有路甘作周顧騎箕尾以
長征仍持漢節而此硯未渝海底尙存人間氣欲貫夫
白虹名直齊夫玉帶休嫌破裂試招屈子之魂怪底欄
斑定染長宏之血三百年鏹沙劫換石不能言廿四字
鴻爪痕留銘還可讀

壽鏞案此篇見
嶺山駢體文鈔

題張忠烈公石刻遺札

孫德祖

德祖自束髮習史事竊聞之先大夫謂宋之亡也以崖山明之亡也以懸壘兩張公者一息尙存雖天命有歸而兩朝統系猶未絕也由是始知有鄭張忠烈公歲己巳與修鄞志於范氏獲見雙忠卷其一爲忠烈公江上聞笛詩爲題百字令一闕今來與修慈谿志於楊氏雙忠硯室獲見忠烈遺硯又爲之作記則皆與吾越倪文貞公爲合璧蓋自聞庭話於今餘三十年再克遂其嚮往之私矣今年冬志事告竣且別去鄭君海曙以冰槎

張君水集

附錄六

十六四明叢書

約園刊本

集見遺則楊氏所刻海東逸史忠烈傳附注七律五首及江上聞笛一律皆在焉蓋忠烈就逮後獄中手書亦范氏所藏海曙購以兼金不可得因假以摹勒上石者也忠烈正命武林墓在湖上宜有祠粵難後建造墓祠又修復岳鄂王廟當事者議以廟壙隙地助爲忠烈祠海曙力任興築祠成而此石刻適斷手遂奉以嵌之祠壁祠之建海曙旣出資爲倡其工力皆出自四明吾聞江上之役明州忠義爲多宜其風烈所傳至今多好義之士不惟敬恭桑梓私於其鄉先正也海曙名寅慈谿

半浦人其族祖秦川先生濠亦明室遺老行蹟類天水所南翁舊志有傳今志德祖所修訂也

張蒼水先生墨蹟跋

錢維喬 竹初

右張蒼水先生遺翰前後無款惟首著玄箸印一先生

諱煌言字玄箸國朝康熙間張美湖素曰此誤追諡忠烈此橐

乃先生手膾雖改竄塗抹字字皆有規矩不失常度實

爲奇蹟洵足寶諸盥讀之下令人肅然起敬想見孤忠

大義盎然溢於天地間矣至其時事詳載誌乘茲不復

贅我亭范君出以示予因識數語乾隆四十八年歲在

張蒼水集 附錄六

十九 四明叢書 一 約園刊本

癸卯九月望日毘陵錢維喬跋於四明官舍

跋張忠烈公墨蹟

王家振

張忠烈公墨蹟藏鄭范氏光緒初元鄭君海曙借摹上

石揭諸忠烈祠壁爲文一詩四十三詩餘七所謂被執

在獄中遺稿也忠烈所著奇零草采薇吟詩也冰槎集

北征錄文也其書未付削氏傳鈔之本遍于鄉國此冊

乃公手書流逸之中時露勁氣間有塗乙點竄處核以

諸本齟齬尙多莫知適從予謂奇零草冰槎集宜錄其

長者若采薇吟則當以此冊爲定本以出公手書故也

忠烈生平世以方文信國其忠義氣節真不相下卽詩若文亦文山之亞以此知匹夫雄民能激一時之義至夫春容計畫百折不回非知道而能文章者不足與於斯也今夏四月邂逅鄭君於邑西善堂予與棠齋詢以此册鄭君見遺一帖遂跋數言於後

再跋張忠烈公墨蹟

王家振

壬辰午日日下遷會虞君印軒棹西津詣周氏觀藏卷周君瑞卿出示蒼水先生遺墨凡二十頁予取教忠孝堂石本讎之多七律一首題爲感懷步扇頭韻遍檢全

張蒼水集附錄六

二十四明叢書

約園刊本

集無有也其紙幅寬於石本者寸字亦較大明窗展玩光彩奕奕逼人視石本索然矣大抵雙鈎雖極精工恆形不副神况未必工乎詩中塗乙改竄間有不同莫辨爲初定本其非贗本則斷斷無惑也未附乾隆癸卯前鄭令毘陵錢維喬跋語謂范君莪亭出以示予石本則錄范君自跋兩册似不相謀先生當日稱情落筆其遺翰或尙不止於此而范君先後獲此雙璧而其子孫不能世守物以好聚聚無不散良用惋歎感懷詩曰誰復高樓醉月筵到來天半落青霞葡萄宛馬風塵暗蘆荻

驚鴻雪影斜山寺磬中吟桂子江城笛裏賦梅花可憐
燕趙多遊俠不及投金一浣紗似亦羈囚中作異日有
爲先生全集計者次補采薇吟後可也

祭着水張公文

以下文三篇均見
鮑琦亭集外編

全祖望

嗚呼十九年之旄節此日全歸三百載之瓣香一朝大
去漢皇原季布聖朝之大度如天柴市瘞文山異世之
孤忠若一爲問南屏深處孤魂已爲忠武忠肅之鄰試
看朱鳥飛來野祭半在重三重九之日惟茲榜社雖甲
乙之侶無存瞻彼蠟灘願羅爲之遺未替適逢忌日薄
薦生芻溲遺事於七十八歲之遙若存若歿夸豐功於
三十一城之捷可涕可歌固知此志之長存更幸熙朝
之不諱重歌薤露以當平陵

合祭錢張二公文

錢公以六月五日卒
張公以六月九日生

嗚呼瓊琦江上溯往事以魂消雍睦堂中間遺年而腸
斷豈意上相歸魂之日正值元樞降嶽之辰前輝後光
同符合撰悲風來黃檗百年尙有孤兒夜雨落南屏一
綫更歸何處古稱忌日不著生朝屬在故人何妨台席
敬陳二簋以迓雙車

四明談助蒼提督保一條又云公苗姓世爲淇弁嘗
語黃東井曰吾姓非苗也祖上爲鎮江都統有故明
忠臣張氏者其子執於鎮江祖上憐其忠密爲娶婦
生子而以爲己子以至於今吾張氏也東井聞此語
筆於蒼公傳後以爲世傳蒼水有子存於旗下其言
猶信慈旼蒼公任浙江提督時在嘉慶三年此說謝
山先生固未之聞也故文中有一綫更歸何處句王
慈識

台祭錢張二公於砌街李氏文

張蒼水集

附錄六

三 四明叢書

約園刊本

嗚呼義公魯公爲梓里忠貞之重此堂此祭原砌街文
獻之遺黯淡南雲魂魄化爲朱鳥蕭寥北郭精英猶在
蒼宮唯甲乙之子弟尙存卽蒿薶之哀思弗替敬陳明
水酌茲息辰謹以李氏宗海先生杲堂先生配席尙享
旌忠廟祭正室錢張二公文

黃桐孫

孤臣九死之心莫扶墜日聖代十行之詔深恤遺忠恭
承綸綍之頒宜潔蘋蘩之薦惟神畫江翌主浮島麾軍
勵身世於滄桑幹乾坤於板蕩志同張陸在天顛十三
世之靈事異宗韓亡國綿十九年之緒一呼而摧閩嶠

三度以震吳疆風馬雲車頻戰怒壽於東海心城血路
幾開半壁於南天碧血終埋丹忱未折久蒙盛典敢布
明禋嗚呼返文山之骨燕市招魂收國子之元齊廷著
節今則琅琦南驚羅刹西流空思表墓於他鄉幸奉崇
祠於故土廟麗膠庠之右近接馨香時逢霜露之需同
歸屏蠻衣冠漢相羣瞻舊日之儀型介冑殷遺其沐興
朝之雨露魯社則僮鴛竝祀下家宜父子同登某等居
梓里以仰精忠卜良日以陳俎豆春秋時獻與雙湖日
月而俱長檐宇憑依偕泮水宮牆而竝永敬奉侍從某

張蒼水集附錄六

三十四明叢書
約園刊本

某耐席尚饗 見四明談助

楊氏經畬塾祭文

楊家駒

鳴庠維公大節異代孤忠維公偉烈震耀浙東緬公降
生明敏軼類奉使行人錢來起義從魯入閩成功合兵
遵漢正朔響應諸城大事再去遯迹南田妖僧偵謀飲
刃呼天頭則可斷膝不可屈文山疊山庶幾志節天子
褒公崇封綽楔士民仰公享祀勿替南屏荔子靈爽式
憑山川修阻鞠踞不勝爰就鄉塾肅奠椒漿敬恭桑梓
鑒此馨香

明張忠烈公墓石記

邵志純

皇帝御極之四十一年詔定勝朝殉節諸臣錄凡三千六百餘人其通諡忠烈者百二十四人鄭蒼水張公名煌言者赫然在其列越十六年壬子公故人萬斯大之孫福謀立石於墓之門海寧陳鱣大書曰皇清賜諡忠烈明兵部尙書蒼水張公之墓嗚呼公亡百三十年矣當我大清兵之南下也名城大邑望風瓦解其時重臣宿將投戈棄甲北面新朝爲前驅以圖功名者豈勝數哉公顧以一孝廉逆魯王爲建國嘗率所部集譚家洲

張蒼水文集

附錄六

十四四明叢書

約園刊本

舟皆衝飛礮以渡及鄭成功圍金陵公別略地至蕪湖而成功驕不受要約師先潰下流道梗公乃間行走天台以集散亡軍復振厥後魯王被成功害公始竄海上然且招之不至威之不降殺其身而不悔夫豈不知魯王之弱成功之驕不足與有成歟大廈之傾非一木所能支歟又豈豫計身後之榮名而好爲其難歟乃自起義以迄於亡積十有九年之久自古亡國大夫抗命新朝未有如此之烈者洪惟我皇帝度越天地德邁隆古發史家未有之公論植萬世忠義之大綱凡昔之爲前

驅以圖功名者類標其名曰貳臣分爲甲編乙編矣如馮銓龔鼎孳輩之曾給美諡者且按名追削矣梁雲構衛周祚之曾祀鄉賢者又廷議撤出矣而十九年抗命之孤臣轉得邀國家易名之典則今立石表墓之舉所以昭聖度之宏勵臣道之防者甚鉅志純幸與斯役執筆以紀誠非有私於公爲之闢潛德而發幽光者比也公字玄著蒼水其號墓在西湖南屏山荔子峰之下北嚮塚凡三公居中旁則葬其幕客羅子木侍者楊冠玉及舟子一人聞之長老言渴葬時以尺許端硯刻姓氏

納壙中先是諱其名爲王先生又以所著有奇零草或曰奇零先生至今識與不識皆稱忠臣墳立石爲九月二十八日前數日積雨凝晦屆期林木暉朗湖山爽耀仁和朱文藻作文祭之同時集墓下者十有五人鱸文藻志純而外鄞萬福海鹽張柯海寧吳騫錢馥餘姚盧文弨盧文韶仁和王丞錢塘張凱關洲及志純之兄志顯志錕于書稼又輸財而不果至者若干人墓地若干畝其輸課也向爲土人翁耀卿得附書按公配董氏子萬祺先公三日畢命鎮江士大夫或先或後必有推聖

天子廣大之恩以表其墓者志純尤樂得而記之也

書張忠烈公墓石記後

無錫秦瀛小峴

國初浙東鄞縣錢公肅樂以勝國哲臣首創義旅起海上而張公煌言實襄其役公之死以康熙三年甲辰於殉節諸臣中死最後故參軍羅子木門人王居敬侍者楊冠玉及舟人從公死鄞人紀五昌出貲購公首葬諸西湖之荔子峰下公死後閱百十三年特荷今皇帝褒錄賜諡忠烈乾隆五十七年其鄉後進萬福陳鱣等立石墓門而錢唐邵志純爲之記嗚呼天之棄明久矣方

張蒼水集附錄六

壬辰四月錄書

約園刊本

公督師行間明命已訖公詎不知事不可爲而乃流離遷徙之死靡他其自九江遁還歸隱海南嘗自製一棹置寺中俟糧且盡死有兩猿守之有警猿必跳躑哀鳴蓋公之精誠亦足以動天地泣鬼神矣姜西溟氏序奇零草謂齊武帝令沈約立袁粲傳元爲宋李芾建祠明長陵不罪藏方孝孺書三者皆帝王盛德事今天子詔錄遺忠其抗命本朝者均予易名之典尤爲度越千古而浙中士夫尙節好義訪公之墓設祭立石其事皆可書公官或稱兵部尙書東閣大學士或稱兵部侍郎或

稱權兵部尙書兼翰林院侍講學士今墓碑稱兵部尙書者蓋以公之死浙江總督曾以其尙書印上之以是稱兵部尙書云至公之事蹟已見於黃梨洲先生墓志全吉士祖望神道碑銘及志純所爲記不復詳

按梨洲先生墓志全吉士嘗其多疏漏且當公薨葬時未識曾納諸壙否吉士文甚詳備而辭太冗今公神道亦無是碑得邵子是記公不朽矣 又記

張蒼水集

附錄六

毛

四明叢書
約園刊本

張蒼水集附錄卷六

張蒼水集附錄卷七

人物考略

國朝黃仲則先生兩當軒集附錄先友爵里名字考一卷其以先友稱者考爲黃氏後人爲之也茲援例以作考略於名無取焉故但曰題中人物而已說所從出隨所見書紀之惟傳列明史者則曰明史有傳不更詳他書所出如府志有傳者則不稱及縣志焉有所不知蓋從闕如但仍列其曰曰某某而紀本詳俟考四字於下

後如別有考得者
擬此條下注補

張蒼水集 附錄七

一四明叢書
續圖本

見後三字

至於次序先後隨見隨錄不復以詩文篇第

爲準凡重出者從省不復列目云慈禱昧遺漏多

人愧未詳盡獨念張公所與交者爵里名字藉見

一二斯則知人論世之微意爾所期諸君子匡我

不逮他日作爲重考俾後之讀者一無缺憾豈惟

是慈爲之快觀已哉歲在光緒乙未孟冬全滌王

慈識

案王氏考略原分冰槎集奇零草雖云隨見隨錄不復以詩文篇第爲準然細爲勘比條理井然攷

四明清詩略續稿君字學洙慈谿人已酉徵舉孝
廉方正著有蒼水集校勘記四卷散見於鄧刻本
考略其一也今重付梓仍其原文惟全集編次先
後既易則人物參考未能悉循舊轍更爲編定綴
補一二若云作重考固未能也癸酉夏張壽鏞識

奇零草

安昌王

名恭楊

楊或
作規

爲周藩安昌王長子浮海朝唐

王封安昌王張公肯堂議行日本乞師之說嘗請

王偕行張定西王朝先輩討黃斌卿又嘗與張公

張蒼水集

附錄七

二一四明叢書

約園刊本

肯堂上章待罪且爲之議和於諸營見張公年譜
及海東逸史東南紀事

黃虎癡

名斌卿字明輔福建莆田人

海東逸史作
興化衛人

其

先以禦倭功授千戶父奢死崇明之難又曾世襲

崇禎末爲翁洲參軍福王時陞九江總兵改廣西

征蠻將軍未赴唐王立擢水陸官義兵馬招討總

兵官封肅鹵伯太子太師賜尙方劍印屯舟山後

晉爵威鹵侯性沈毅好聚書夜讀史雞鳴治軍日

以爲常著有來威堂存彙東南紀略駢麗疏鈔閩

浙雜詠凡數十卷己丑九月

全撰張公年譜作庚寅年

爲諸將

所討沈於水死國朝賜諡節愍海東逸史東南紀

事及福建通志均有傳

張侯服

名名振山西人南京錦衣衛籍

結埼亭集作南直隸江寧

人崇禎末以副將任臺州石浦游擊封富平將軍

乙酉杭州失守潞王降浙東起義以兵赴之魯王

監國封富平伯江上師潰棄石浦扈王出海投黃

斌卿於舟山不納遂飄泊海外及王居廈門晉爵

定西侯討斌卿後王駐舟山加太傅當國政舟山

張栻水集

附錄七

二四明叢書

鈔國刊本

陷居南田屢經提師北發乙未冬卒遺言以兵歸

張公張公爲葬於蘆花畧海東逸史東南紀事及

南疆繹史均有傳

据朱氏讀書志稱張公曰少溪其弟曰名甲名陽名堂名榮則

爲名衣見帝里人文略一篇

張覲淵

南疆繹史小腆紀年覲均作覲

名肯堂字載寧華亭人天啓

乙丑進士崇禎末以僉都御史巡撫福建乙酉南

都亡鄭氏擁唐王入閩以勸進功擢兵部尙書改

掌都察院事尋復加少帥少保兼戶工吏三部尙

書丙戌八月閩陷飄泊海外嘗出私財募兵己丑

十月至舟山韓王拜爲東閣大學士加太傅張定
西奉魯王搗吳淞以爲留守舟山破衣蟒玉南向
坐從容賦詩自縊死國朝賜諡忠穆明史有傳

朱聞玄 名永祐字爰啓南直隸上海人崇禎甲戌進
士授刑部主事改吏部文選司罷歸南都亡豫於
松江陳夏之事唐王立以郎中召改戶兵二科都
給事中遷太常寺卿兼原官張公肯堂薦爲北征
監軍閩中破魯王擢拜刑部侍郎監軍如故尋轉
吏部左侍郎舟山建國晉工部尙書仍兼吏部事

張蒼水集

附錄七

四四明叢書

約園刊本

辛卯城破執之令跪挺立不屈大罵而死國朝賜
諡烈愍海東逸史及南疆釋史有傳

徐闇公 名孚遠號復齋南直隸華亭人南京刑部侍
郎涉曾孫崇禎壬午舉人兩京陷與夏允彝陳子
龍謀勤王不克遂間道入閩唐王時由司李加兵
科給事中閩浙繼陷魯王航海從之至舟山擢祭
酒從至廈門拜左副都御史滇中遣使通問隨使
入覲至交趾而返有交行詩囊松江破死島中
死所其說非一詳楊本海明史有傳
張美翊案曰
公
東逸史注中茲從明史
全謝山外編

有徐都御史傳黃東井文鈔有書鮑琦亭
集徐聞公墓誌後以傳爲墓誌殆誤記也 著有

釣璜集行世

壽鑑補

沈公子昆季 疑是慈谿沈公彤庵子若崇明沈公五

梅子据海東逸史稱丁亥松江之役有嗣子元泰

同就戮一語夫曰嗣子似崇明無子而以從子爲

嗣者則卽稱嗣子爲公子恐無昆季之說未知是

否

黃金吾 疑是黃斌卿弟孝卿考海東逸史監國紀己

丑三月黃斌卿遺其弟孝卿偕僉都御史馮京第

張蒼集附錄七

五四四明叢書

約園刊本

乞師日本今觀題與馮侍御並列則金吾爲孝卿

蓋可知矣故全撰詩話亦舉以爲說孝卿官金吾

無明文可据以補他書之闕

馮侍御 名京第字躋仲號簞谿浙江慈谿人福王立

以禮部主事召未赴南都亡與浙東諸公起義魯

王擢御史尋晉僉都江上師潰從王航海入閩已

而結寨四明山中山寨破爲其叛將所縛致之寧

波諭降不從死之海東逸史及鄞縣寓賢志有傳

馮貞羣輯其遺著曰馮侍郎遺書

壽鑑補

楊玄石

結坊亭集
古作圓

名文瓚字贊玉瑤仲季弟也景禎

己卯舉人父秉彝監紀推官盡江之役嘗率諸子
從軍魯王授玄石監察御史閩中頒詔力言宜合
不宜分入閩命掌貴州道又力言當聯絡以爲同
仇閩浙繼亡乃返故里戊子豫於翻城之役事洩
被執不屈死魯王還舟山贈右僉都御史國朝賜
謚烈愍海東逸史南疆繹史及鄞縣志均有傳夫
人張氏名玉如杭人工翰墨侍御死負屍歸以紉
聯其身首慟哭盡哀已衣其故時衣服題絕命詞

張蒼水集

附錄七

六一四明叢書

約圖刊本

一首拜謝太公前遂解所佩帶自縊而絕寧波府

志有傳

海東逸史南疆繹史
史事載玄石傳中

屠天生

名獻宸一名宸

本張公
年譜

初名懿忠

本屠氏
見閩錄鄞

縣人

小腆紀年
作定海人

兵部侍郎大山曾孫以諸生從軍

魯王授兵部車駕司主事江上師潰失守而歸戊

子豫於翻城之役事洩被執不屈死魯王還舟山

贈大理寺丞國朝賜謚烈愍海東逸史南疆繹史

及鄞縣志均有傳夫人朱氏賢而有文天生死姥

恐其殉也守之夫人好言如平日潛賦絕命詞俟

姥歸自縊死鄞縣志有傳 族孫屠用錫輯六經

堂遺事六經堂者公所居也

壽鑑補

楊瑤仲 名文琦號楚石鄞縣人鏡川文懿公之後唐王立以貢生召對授惠安訓導尋加監紀推官視惠安諸軍闖亡返浙豫於翻城之役事洩被執不屈死魯王還舟山贈兵科給事中海東逸史南疆經史鄞縣志均有傳

華吉甫 名夏一字過宜號默農世爲浙江定海人

卽今

海後遷鄞以恩貢入太學嘗與王石雁同受業於

張蒼集附錄七

七四明叢書

約園刊本

倪公元璐黃公道周又竝參劉公戢山講席乙酉與錢忠介起義蓋時所稱六狂生之一也魯王授兵部司務晉職方皆不受請以布衣從軍江上師潰慟哭歸戊子復謀翻城之舉事洩被執當事詰問同謀者慷慨獨承之在獄中鼓琴賦詩如平日絕命時有白光一縷衝天而去魯王還舟山贈簡討門人私謚曰毅烈海東逸史南疆經史及鄞縣

志均有傳 所著存過宜言八卷

齊鋪補

董若思 名德欽鄞縣人

小腆紀年作定海人

兵部侍郎光宏孫

南都亡納衣巾於文廟慟哭及浙東起義以諸生
從軍海上魯王授監紀推官不受師潰乃歸戊子
豫於翻城之役事洩被執不屈死魯王還舟山贈
兵部郎中海東逸史及鄞縣志有傳

古虞僞令 疑是施鳳翼字子翔考上虞縣志職官表
載國朝知縣順治朝首末應鯤江南崑山人次劉
方至山東人次卽施江南上元人順治丙戌進士
表雖未詳年分而張公詩作於己丑時丙戌進士
自可爲令矣詩旁注有乃祖官尙書五字明史表

張彙集

附錄七

八

四明叢書
約園刊本

宣德十年有施禮任刑部尙書或禮爲鳳翼先世
又鮎埼亭集諸書載王公翊事稱戊子三月破上
虞殺其署縣事者据縣志兵事稱是年三月破上
虞視篆劉方至遇害然則繼之者卽施鳳翼雖諸
書有再破上虞走其知縣云云亦在己丑春意者
張公貽詩後施仍居是官故再破而走之耳

案上虞志

兵事所殺者既爲劉方
至走者爲施鳳翼無疑

卜天種

翁永年

希聞上人

吳穉穉 名鍾巒一字峻伯別字穉山學者稱爲霞舟

先生南直隸武進人少爲諸生海內推爲名宿晚

以明經教諭光州從河南鄉舉崇禎甲戌成進士

年已五十八矣授長興知縣辛巳謫紹興府照磨

踰年移桂林推官福王立授禮部主事

南疆釋史作吏部

未至而南都亡轉赴閩中唐王以原官召轉員外

郎痛陳國事王不能用出爲廣東副使而閩又亡

魯王監國入朝拜通政使尋晉禮部尙書原官如

張蒼集附錄七

九四明叢書

約園刊本

故兼督學政辛卯舟山破賦絕命詞至文廟右廡

奉先師神位舉火自焚死年七十有五國朝賜諡

忠烈海東逸史及南疆釋史有傳

劉胤之 名世勳南直隸上元人好儒雅能詩崇禎末

以武進士歷官都督僉事助防舟山魯王時晉安

洋

海東逸史
安作平

將軍辛卯張定西奉王出海而使爲

城守城陷朝服北面望海拜謝自刎死國朝賜諡

忠烈海東逸史及南疆釋史有傳

王完勳 名翊號篤庵慈谿人

越殉義錄作上虞人少
南疆釋史作餘姚人

孤爲諸生有智略魯王監國因與王公江司起兵
海濱爲江上諸師聲援授兵部職方主事浙東
守航海至舟山已入四明山結寨於大蘭居之號
大蘭洞主設五營五司己主五營之軍而五司主
餉俾江任之魯王次健跳擢河南道御史及朝見
行在拜右僉都御史魯王駐舟山再入朝陞兵部
侍郎兼官如故尋晉尙書大兵惡山寨積年倔強
遂分道進伐乃爲團練兵所執在獄中賦絕命詞
從容東幘謂守卒曰使汝曹見漢官威儀也及

張蒼集

附錄七

十四明叢書

約園刊本

帥會訊不屈死國朝賜諡烈愍海東逸史東南紀
事及南疆繹史均有傳 馮貞羣輯其遺書

壽鑑補

沈五梅 名廷揚字季明南直隸崇明人少爲諸生崇

禎中由國子生爲武英殿中書舍人以海運功擢
郎中尋加光祿少卿仍督運駐劄登州京師陷福
王立命以海舟防江尋命兼理餉務南都失守航
海入浙魯王加以戶部侍郎兼右僉都御史總督
浙直未幾爲時相所忌乃至舟山閩中亦授以總
督

海東逸史云唐王在福建授
以兵部右侍郎總督水師

丁亥以應松江吳

勝兆之師被執不屈死之年五十三後贈戶部尙書國朝賜諡忠節明史有傳

駱亦至 嘗從桂王於梧州又嘗爲僧

姚興公 夏校本云法號耀公名翼明鮎埼亭集錢忠介公碑文稱葉尙寶謀葬公海寧故職方姚翼明披緇海上尤力助之又云姚爲僧卽所稱獨耀上人也見葬錄題詞

萬美功 鮎埼亭集外編李杲堂先生軼事狀云癸巳黃岡僉事允康來吾鄉及別去先生餞之座客爲

張養蒙

附錄七

十二 四明叢書

約園刊本

筮易得睽之三皆大賊先生因固請僉事潛身甬上僉事不可行至吳中楊崑之變作先生終身痛之觀詩爲壬辰所作又過訪陳齊莫詩注萬楚人與李狀黃岡合美功或允康之字義亦相近据南疆繹史允康名曰吉崇禎庚辰進士知崑山縣罷去乙酉起爲僉事分巡建寧事敗遂遊江左楊崑以滇中敕存問舊臣七人曰吉與焉已而巡按獲崑曰吉爲人所告故死之觀此則允康非美功名也然曰吉或一字美功

陳齊莫 名士京號佛莊先世爲浙江奉化朱氏明初

遷鄞改姓陳崇禎末京師陷浙東盡江之役薦授

職方主事海東逸史作郎中戊子魯王在閩安擢兵科給

事中遷光祿寺卿奉表粵中桂王加都察御史一作

重授職方主事固辭不受而歸己亥鄭成功入長江參豫

島上留守事觸疾卒年六十有五國朝賜諡節愍

海東逸史及鄞縣志有傳張美翊案曰南雷餘集有陳齊莫傳莫刻本誤

英作

沈彤庵 名宸荃字友蒸東南紀事錢公肅樂傳附載作字葵中慈谿人

張養承集附錄七 十三四明叢書約園刊本

崇禎庚辰進士授行人奉命旋里福王立復命南

都擢山西道御史時馬阮亂政上疏論之出爲蘇

松兵備僉事未赴而南都亡與浙東諸公起義魯

王授以右僉都御史及江上師潰從王入閩累官

至兵部尙書南疆釋史作工部東閣大學士復從至舟山

加太子太傅舟山破又從王泛海抵中左所及金

門後遭風沒於海國朝諡賜忠節明史有傳

萬靜齋 美功第

馬爾毓 官職方改署幕府騎兵參軍詩注向受知於熊相國張定西

義陽王 名朝暉戊戌溺於羊山見鄭任光復海上記
及張公年譜海上記慈得諸夏校本而小腆紀年引有汪光復航海遺聞是否一書俟

再考

石田和尚 當是黃宗會字澤望考南疆繹史黃宗炎
傳末附載澤望事有石田先生性更狷介國變後
嘗髡髮作頭陀狀云云故張公以和尚稱之

陳文生 名修福建榕城人官侍御竝見張公年譜
鄧如盤

熊雨殷 名汝霖浙江餘姚人崇禎辛未授同安知縣

張蒼水集附錄七

十三四明叢書
約園博本

擢戶科給事中以諫謫福建按察司照磨福王立
以原官給事中起用轉吏科南都亡起義浙東魯
王擢右僉都御史防江嘗由海寧渡江與浙西義
軍相應加兵部右侍郎兼左副都御史總督義師
閩中頒詔出檄拒之江上師潰扈王出海晉東閣
大學士海東逸史作丙戌五月事在江防未失以前且云晉兵部尚書兼大學士茲從南雷
交約行狀及東南紀事諸書戊子次琅琦為鄭彩所害投之海
中而死國朝賜諡忠節明史有傳

鄭履公南疆繹史紹興府志公均作恭名遵謙餘姚人父之尹進士

官山西提學僉事徙家會稽履公少爲諸生跡弛
任俠南都亡浙東起義爲集其徒號義興軍以從
魯王詔爲義興將軍已而拜中軍都督府左都督
封義興伯江上師潰從王入海次琅琦晉爵爲侯
熊公爲鄭彩所害心不平彩亦使部將擒之遂躍
入海死南疆釋史傳附熊傳後 國朝賜諡節愍海東逸史東
南紀事及紹興府志均有傳

金門蔡元戎

程璵嘉 官將軍歲乙未由浙還閩南

公贈詩有十年許國懸旄節語

張蒼水集附錄七

十四四明叢書

約園刊本

吳山人

蔡無能

沈東生 据本詩有婁東及三泖云云當是吳人

琴師

東山子

陳燦珠 疑當是陳輝字海東逸史朱之瑜傳缺楊刻

本据朱氏家傳補之据傳中稱張名振死以兵屬
鄭成功與忠靖伯陳輝云云當卽一人

謝仲彝

周九苞 當是周瑞字考鮎埼亭集錢忠介公碑有閩
安伯周瑞與海東逸史監國紀同今觀奇零草本
題作侯雖微有違異然考逸史瑞爲平夷侯周奎
芝弟奎芝之字爲九元小腆紀年元作京是九苞當爲瑞
字蓋兄弟均用九字作字至冰槎集祭平西侯周
九苞文一本平西作平夷恐是閩安之譌

郭聖竑

錢希聲 名肅樂一字虞孫號止亭鄞縣人崇禎丁丑
進士授太倉知州遷刑部員外郎丁憂歸乙酉南

張蒼泉集附錄七

十五 四明叢書
約圖刊本

京亡與時所稱六狂生者起義畫江而守奉魯王
監國擢爲右僉都御史尋晉右副都御史復加兵
部右侍郎江上師潰航海至舟山唐王召之甫入
境而延平陷丁亥魯王入長垣召爲兵部尙書戊
子王次閩安拜東閣大學士時鄭氏專權遂憂憤
作疾卒於海外琅琦山贈太保賜諡忠介後六年
葉向寶葬之福清黃檗山國朝改諡忠節明史有

傳 三祖望編忠介公遺集二十卷壽鏞補

盧牧舟福建志舟作洲 名若騰字閑之福建同安人崇禎庚

辰進士召對稱旨卽授寧紹台道僉事京師陷南
都命以都御史撫鳳陽未行而南都亡閩中拜兵
部尙書撫軍永嘉甫至而事勢已瓦解遂航海至
舟山間行入大蘭山寨後依鄭氏以終海東逸史
及福建通志有傳

楊芳生 徐闇公高弟

紀石青 名許國考福建通志選舉志崇禎壬午舉人
有泉州同安人紀許國今觀詩中云云石青爲壬

午同年七律中又明
有年丈之稱且曰閩南紀生而通志是年

張蒼水集
附錄七

十六
四
開
校
書
約
圖
刊
本

舉於鄉者紀氏祇此一人又鮎埼亭集錢忠介公
碑文中稱故儀部紀許國據此則其職官爲禮部
主事或郎中也後卒於島見張公年譜

于湛之

宋子猶 名龍號菊齋崇明人諸生留心救世之學錢

忠介公一見奇之置諸門下上座未幾大亂嘗泛
海至舟山祝髮歸爲閩帥所窘出厄後遷居太倉
以醫術自給寓鄞時居陸氏湖樓蓋明室遺老云
鄞縣寓賢志有傳

朱伯遷

阮季友 當是阮駿字考海東逸史駿初官英義將軍
既加封英義伯舟山破與張定西扈魯王出海屯
廈門乙未與總制陳雪之共復舟山丙申又陷與
雪之竝赴海死今觀本題伯作侯雖微有違異當
卽一人

劉復陽

東南紀事
復作伏

名孔昭浙江青田人襲誠意伯官

操江祖尙忠歿世父萊臣以年幼爲孔昭父蓋臣
襲其爵蓋臣歿孔昭又冒襲之崇禎時與諸宵小

張蒼水集附錄七

七十四明徵書
約圖刊本

相比及南都立復與馬阮亂政說見明季南略明
史名附劉基傳

朱子成 趙子謙撰年譜按子成疑卽高河賣藥朱君
字也

傅惕庵 据本詩有鄉土六橋云云當是杭人

陳立之 据本題送還閩或爲閩人

朱夏夫 名兆殷曾受知於于公穎者甲申後爲于公

募船領水師有功見東南紀事張公傳後附錄逸
事

吳佩遠

名祖錫號稽田晚年亡命更名鉅浙江嘉興

人吏部文選郎昌時子爲世父貴州按察使昌期

後資地鼎盛才具軼羣尤喜結納豪俊見中原大

亂思有以自見與劍客豪士講求出師應變之學

在滇中任職方郎中辛丑鄖陽十三營尙保殘局

嘗赴勸其出師撓楚以救滇也

詳見全撰詩話鮎埼亭集

外編有傳

金二如

朱建武

初擬卽北征錄中所稱舊時寶從歛人朱君

張蒼來集時錄七

大十四明叢書

約園刊本

也金二如或卽逆旅中所遇金某亦歛人故張公

作詩並爲寄訊賦則詩當屬己亥以後今列之戊

戌年勸詩中語意所擬殊亦近似

張書紳

據本題贈馮鏡塘或爲杭人

范子瞻

黃粹伯

邱含山

名子章一字梅仙浙江鄞縣人九歲卽援筆

成文尋爲諸生而卒不得一第及魯王監國以薦

授中書舍人江上師潰從亡入舟山復從至廈門

已而轉輾遷徙難一二記最後教授東洞庭山中歸則年已七十矣未幾卒於家鄞縣志有傳

監國魯王 名以海太祖第十子荒王檀九世孫也父肅王壽鏞以崇禎丙子襲封己卯薨子以派嗣壬午兗州破自縊死甲申二月王嗣立尋京師陷南奔乙酉四月福王命徙江廣暫駐台州南京亡潞王居杭州亦出降浙東起義迎魯王居紹興諸軍晝江而守丙戌六月江上師潰張定西以舟師扈王出海投舟山黃斌卿不納鄭彩奉之如廈門改

張蒼水集

附錄七

十九

四明叢書

納園刊本

次長垣既或次閩安次沙埕及諸將殺斌卿乃居舟山時定西爲政舟山陷定西扈王至廈門厥後鄭成功奉王居金門又次南澳澎湖諸地壬寅冬薨於臺葬金門城東鼓岡湖西見海東逸史東南紀事南疆釋史諸書

曹雲霖 曹從龍字黠琦亭集張公碑文有遺曹監軍從龍書云云而雲霖詩敘稱其膺帝眷秩中丞佐雄師陪名藩復曹監軍書一本作答曹雲霖書從龍字雲霖義相台也

林荔堂 名時躍字霞舉鄞縣人特進保之後私謚孝

介名文燮子生而穎異於書無所不讀與華王輩

爲講社所稱鶴山七子者也乙酉入太學錢忠介

薦爲大理左評事直制誥晉御史未上而江上師

潰遜入桓溪山中猶恆豫時事晚年輯甲申以來

死事諸公各爲小傳而取其平生著述之有係於

名節者附之曰正氣錄及卒同志私謚曰端節鄞

縣志有傳 著有朋鶴草堂集十二卷

詩補

蔣馭鴻 當是漸遠字或一字漸遠考徐公交行詩彙

張蒼集附錄七

二十四明取書約園刊本

有贈蔣漸遠詩云我入交州何所得君來相訪若

有覲不巾不履神貌殊自言混迹無人識一從去

國幾何年往日冠簪今渺然姓氏直同梅尉隱方

書多自葛洪傳知君夙昔有兼才筆墨紛紜入手

裁且莫佯狂畏避世遙聞天廡選龍媒張公二律

語意與此相似

黎大行 瀕行以途窮爲恨南訪行在

姜張二友 維揚人

羅子木 鈕氏軀臙

非自故

名綸以字行應天溧陽人

或作丹徒人或

作句
客人家貧授徒蘇州性尚義年少有奇氣張公一
見器之留之不可既而以父爲大兵執去誓欲爲
父報讐遂詣張公行營相依不去以死見全撰張
公碑文東南紀事諸書
別有傳附集中詩鑑補

董天鑑

名德偁字平之

鄞志引鑿表之作子

一字銘存鄞縣人

同知應圭子諸生少負氣節與族兄守諭齊名世
稱守諭曰北董稱天鑑曰南董乙酉書江之役破
家輸餉魯王授以戶部主事時適居憂故不受官
事敗後而山寨海樣時通消息晚年目疾猶終日
手鈔書不倦爲詩感慨身世原本忠孝云寧波府
志有傳

中峯大師

元時錢塘人

或作朱氏子或作孫氏子或作李氏子

釋名明

本一作

年十五祝髮於天目山嘗至鄞之海會寺

開法仁宗賜號廣慧至治三年歿英宗賜謚智覺
鄞縣志仙釋有傳顧嗣立元詩選二集有明本中

峯廣錄梅花百詠

宋薇吟

從弟嘉言

字未詳寒冰槎集文稱爲三叔長子又据

張蒼水集附錄七

三

四明叢書
約圖刊本

國史吳萬福傳載嘉言爲閩島總鎮林國梁所斬
今觀詩意似未審存亡者疑當時被擒而死海島

隔絕故不知確耗耳

大雲山房集傳遜庵先生家傳稱張公與鄭成功圍江寧

賊走訛傳其弟鴻翼爲先生門人從師歷云云附注備考

于媿兩 名忠孝與徐公孚遠輩以從亡入臺爲鄭氏

國老其後並卒於島見張公年譜

沈復齋 名佺期亦爲鄭氏國老見張公年譜

冰槎集

永曆皇帝

桂藩永明王名由根

南疆釋史根作榔

神宗孫桂

張蒼水集附錄七

三西明叢書約園刊本

恭王常瀛子乙酉冬恭王薨請諸唐王以王襲爵

丙戌九月唐王陷於汀州兩廣聞報總督丁魁楚

巡撫瞿式耜等大會肇慶請王監國是年十一月

卽皇帝位以明年爲永曆元年壬寅四月卒於滬

都張美翊曰爲吳三桂所殺見西南紀事及南疆繹史

田雄 字明宇宣府左衛人本靖南侯黃得功左協部

將南京陷負宏光降附國朝官提督見明季南略

張杰 字鴻勳遼東人明季降附舊臣國朝康熙元年

任浙江提督以擒張公有功別無善政後入名宦

祠全謝山先生

案四明談助但云一鄉先先生從全氏年譜考得之始游庠

謁學宮見之憤甚取其主捶碎之擲諸泮池見四

明談助

王爾祿

字天錫號念尼保定人

海東逸史沈崇掄傳稱黃波王爾祿云云

明季舊臣

據鄞志周志畏傳注崇禎癸未進士

國朝順治六年任海

道副使迄癸巳數載間除害賑饑禮士郵民立倉

置田仕終刑部左侍郎崇祀名宦祠著有麻姑洞

主人詩文集懷社同聲集不二真詮明州賑饑紀

事救荒郵貧錄又輯刻保陽張氏殉難錄闔于鑑

張蒼水集附錄七

三 四明叢書

約園刊本

湖七觀見四明談助

鄭羽長

夏校本云名彩考海東逸史監國紀魯王二

年丁亥正月晉彩建國公

考唐王嘗封爲永勝伯故此曰晉也

與本

題所紀封爵合羽長陳本作羽祥案彩與羽義相

近夏說是也

延平王

鄭森字大木福建南安人生有異表父芝籠

攜之謁唐王唐王奇其貌賜國姓改名成功命典

禁旅以駙馬都尉體制尊寵之丙戌春封忠孝伯

福州破芝籠議降持裾泣諫不納及北去因與其

客及所部乘巨艦入海踞南澳居焉竝攻閩之沿海屬邑下之己丑桂王封爲廣平公戊戌晉封延平郡王嘗偕張公大舉以入江南卽張公所紀北征錄中事也庚子攻荷蘭於臺灣及克臺以安平鎮名之遂自立爲國王寅五月卒年三十九事詳賜姓本末東南紀事南疆繹史

郎廷佐 漢軍廂黃旂人先世居廣寧父熙載以生員歸國朝廷佐由官學生授內院筆帖式順治二年擢侍讀尋遷祕書院學士已而出爲江西巡撫晉

授養永集 附錄七

五西四明叢書 約圖刊本

江南江西總督嘗以事革職繼復原官後以福建總督卒於任祀江西名宦祠國史有傳

徐允嚴

張維善

四叔父

壽竊案諱封章字季超 詳見清池張氏世系圖

外編一

紀衷文 名五昌號九峯鄞縣人年十六補諸生乙酉舉鄉貢畫江之役入錢忠介幕府多所贊畫題授行人司行人陞監察御史忠介航海以親老不行

遂奉父母入太白山卒年六十二寧波府志有傳

顯錫

傅攀龍也字蓉鏡一字容敬

据鄞志注案奇零草小字阿璠故知

即此鄞縣人有雋才諸生隨父從軍洵歷患難亂定

遨遊諸幕府後設教鹽官以自晦鄞縣志見其父

奇遇傳

趙氏年譜謂璠公首者公甥朱相玉或爲一人

宋蕙湘

金陵人宏光宮女也年十五南京旣破爲兵

掠去題詩古汲縣前路王城東旅壁云風動江空

羯鼓催降旂飄颭鳳城開將軍戰死君王繫薄命

紅顏馬上來一廣陌黃塵暗鬢鴉北風吹面落鉛

張蒼水集附錄七

三五

四明叢書約圖刊本

華可憐夜月空篋引幾度穹廬伴暮笳一春花如

繡柳如煙良夜知心畫閣眠今日相思渾是夢算

來可恨是蒼天三盈盈十五及笄初已作明妃別

故廬誰散千金同孟德鑲黃旗下贖文姬四

趙督臺

名廷臣字君鄰

一作時麟

漢軍鑲黃旗人國朝順

治二年由貢生知山陽縣遷江寧府同知十年洪

承疇薦授下湖南兵備道十五年定貴州遂授巡

撫明年擢雲貴總督十七年以勦平土酋功加兵

部尙書康熙元年調浙江總督八年卒於官諡曰

清獻國史有傳並見李氏先正事略

毛參謀

林用圭

延平王世子經

延平王成功長子

東南紀事作錦

卒於康

熙二十一年壬戌

壽筭補

唐枚臣

僧履端

張蒼水集 附錄七

三六四 明張蒼水
約圖刊本

張蒼水集附錄卷七

張蒼水集附錄卷八

世系

校訂清池張氏世系圖表

始祖知白——子思——範——襲——額

字用晦諡文節有傳——知明公子——子思公次

字世勳仕東賢殿修撰謫蘇州判官遂家於蘇

張蒼水集附錄八

西明叢書約圖刊本

承貴——用明——允益——瑋

□——□——端——

右圖表為壽鏞攷證雲鶴青石兩譜及原譜所載世德錄而得之者也至清池譜原圖似多失攷茲列原

圖如左

清池張氏宗譜世系原圖

始祖知白——範思——襲——額——承貴

字用晦
宋開府

儀同三
司中書
門下平
章事諡
文節世
居滄州
清池

用明

允益

琇

端一

始築室
於鄞地
名鹹塘

原案始祖文節公居滄州清池縣其孫襲位侍

張彙集附錄八

一四四明叢書
約園刊本

耶謫居蘇州遂家焉厥後以兵亂播遷世系遂
不可考而始遷於鄞居武臺山之鄒谷築室於
城則自端一府君始舊有家譜乃元學士袁公
桷爲序其間所載世系來歷名位隱顯甚詳因
自然府君國初以閩右隸籍於江寧洪武二十
九年府君奔喪制終以先世所遺攜之復往渡
錢塘值風抵岸舟覆所攜先世神主遺像家譜
等物咸漂溺焉故自端一府君以前莫考其詳
今立譜姑自端一府君爲一代始云

壽鏞案右爲清池宗譜世系原圖及原案語今
取雲龍青石兩譜互證之

雲龍譜云知白公行乾三配索氏封燕國夫人
無出以乾二知明子子思承繼

青石譜云公諱知白配索氏封燕國夫人無嗣
以乾二府君用明

用字誤應從雲龍譜作知明

子子思爲後

是知白公之嗣子爲子思兩譜所載彰彰明矣
又取宋史本傳末載無子以兄子子思爲後證
之益知因鈔寫誤書範思沿訛至今此可考證
者一也

雲龍集附錄八

三四明被書約圖刊本

雲龍譜云子思文節公嗣子行坤二治禮記於
淳化初補滄州庠生登景德甲辰李迪榜進士
仕至工部侍郎生卒無考配田氏子三節範簡
葬文節公墓右

青石譜云子思

坤二

知白繼子治禮記宋淳化

初補諸生登眞宗景德元年甲辰李迪榜進士
仕至尙書工部侍郎生卒無考配田氏封淑人
子三節範簡耐葬於文節公墓右

是子思公科名仕履葬處子嗣均有可稽生子三人其二範斷無知白之子曰範思其孫又名範之理此可考證者二也

雲龍譜云節子思公長子範子思公次子字君模宋祥符癸丑科李爽榜進士配顧氏子一襲簡子思公三子仕至金部員外郎

青石譜云範載四子思次子字君模治禮記宋咸平中浦諸生登眞宗祥符六年癸丑李爽榜進士未授職卒配顧氏子一襲

雲龍集附錄八

四四明樓書

一約園刊本

是子思公有三子雲龍譜均詳載之青石譜雖僅載範蓋以其爲襲之父重宗派也此可考證者三也

雲龍譜云襲君模公子字世勳號輔國行履六宋由官生仕至集賢殿修撰謫蘇州判官遂家於蘇配汪氏子三頤顛頤又附注云案谷山譜子五顛頤顛頤頤頤居蘇顛頤頤來鄞居十七甲張村次旣不同名亦歧出存備一說以俟考核青石譜云襲履六行範子一名世勳字輔

國登天聖二年甲子王拱辰榜進士仕至集賢
殿修撰謫判兩浙路平江府遂家焉配汪氏子
三頤 頤 頤

雲龍譜云頤輔國公長子世居蘇州天井巷○
頤輔國次子字由仁行欽十一宋自蘇遷鄞居
十七甲張村配李氏子二承雅承貴公承先人
之遺訓兄弟怡怡時大寇屠明州士民鮮少官
遷富庶補其籍以是自蘇來鄞○頤輔國公三
子世居蘇州天井巷

張養蒙集附錄八

五十四明叢書

約園刊本

是襲爲遷蘇始祖兩譜同之實爲文節公之曾
孫黃梨洲墓志銘云曾孫集賢修撰襲自滄州
徙平江是也未可因袁士元槐隱軒記稱襲爲
文節公之孫而遷就之此可考證者四也

由此四證則清池宗譜之世系應改定如左
一世 二世 三世 四世 五世 六世
知白—子思—範—襲—頤—承貴

七世 八世 九世

用明—允益—琇

壽繡案用明公以上與雲龍青石兩譜爲同祖
至用明公以下允益公爲谷山一派卽清池一
派之所祖也

雲龍譜云用明承貴公長子字晦之號誠甫行
克三十賦性冲澹好學慕古不求聞達而放情
山水間因置別業於雲鄉遂徙而家焉是爲後
族荻球雲龍碑之始祖生於宋仁宗元豐五年
壬戌五月初七日某時卒於孝宗隆興元年癸

繫系集附錄八

六四明叢書

約園刊本

未二月十二日某時年八十二歲娶金氏子二
允泗允濟女一適著作郎宋慶元二年進士樓
汶合葬白雲山又云案谷山譜載用明公娶黃
氏生子四允益允球允琳允瓊惟允益之後世
居谷山意者黃氏所生世居谷山金氏所生世
居雲龍碑云

青石譜云用明

克三十遷雲龍碑本祖

承貴長子號誠甫

置別業於雲龍碑因家焉生宋元豐五年五
月初七卒隆興元年癸未二月十二日年八十二

歲贈金紫光祿大夫有傳配金氏贈郡夫人子二

允泗允澣女一適慶元二年進士樓汝葬於鄞

東陽堂鄉太白里明堂畧白雲山距城五十五里

是雲龍之譜已據谷山譜詳載洵爲可貴與清池譜正相符合至青石譜則第載其本支而已觀此則雍陸堂張氏祖雲龍而宗谷山又無疑也此可考證者五也

壽鏞又案用明生允益允益生琇琇爲第九世

要考水集

附錄八

七

四明叢書

與雲龍譜珩瑄爲允泗公子青石譜珩爲允泗長子適合至琇以下其排行第十世爲辰十一世爲應十二世爲象十三世爲川十四世爲岳岳字輩如雲龍譜綱字端振紀字端肅青石譜亦載綱字端振則清池譜所謂端一者疑爲知白十四世孫但清池譜所錄自然老人事實名紹宗字允恭爲宋文節公十六世孫父景仁是爲十五世孫祖榮是爲十四世孫曾祖端是爲十三世孫未可因雲龍譜之端振端肅而遂斷

定端一公爲十四世孫也今以清池譜所載事實記傳以證知白公傳世之次第應改定如左

九世 十世 十一世 十二世 十三世

琇 一〇 一〇 一〇 一〇 端一

辰行 辰行 辰行 辰行 川行

案雲龍譜十三世宣儀公構水閣二十間行樂宴客以娛白首時人名曰水閣張鄭忠定公題云潮到荻江九曲繞山臨水閣萬重朝生於宋理宗端平元年甲午卒於元泰定帝泰定二年

張薰集附錄八

八四明叢書約圖刊本

乙丑則十三世兄弟之生卒當在宋末元初之間長幼相差上下百年清池譜之端公據袁士

元槐隱軒記我朝至元閒其大父錄事公端解

任還自永昌僑寓於此

上有來籍於鄉之十七甲族盛分徙武靈山之

陽因築室三楹以居

槐隱軒記所謂郡城東渡門之內有巷曰官榮是也

追今蓋六十有餘年矣云云時在至正戊戌前六十年爲元至元之閒卽元初也荻潮槐隱魏

魏兩張惜袁清容譜序旣已失傳而鄒公傳譜

猶未見焉今姑就雲龍背石兩譜證以清池譜

考證如此壽鑄雲龍碑地房裔也修譜時作雲
龍存疑一篇今刊蒼水集更就清池譜證之蒼
水公固亦吾族祖也更述端一公以下世系如

左

一世 二世 三世 四世

端 榮 景仁 紹宗

任永昌
錄解
官後築
室於城

字仁輔
號槐隱
居官柴
巷早游
郡岸及
元季能

字允恭
號自然

張蒼水集
附錄八

九四明續書
約圖刊本

科舉乃
泛海游
高麗故
里入至
今稱高
麗張氏

五世 六世 七世

莘

字孟埜
號大翁
無子以
弟備次
子訂為
後輩

方伯淵
之高祖
大方岳
第張氏
所祖

磻

字仲清
號洞翁

雷

字雨田

剡

字叔溪
號頤菴

有合葬
墓表

頤

字廷望
號忍菴

思隱冠
帶

張菴木集

附錄八

珽

字伯圭
號曉山

璞

字伯誠
號南園

玠

瑞

政名伯
祥

頤

字廷儀
號雲野
晴學修
行剛子

十

四明樓
約圖刊本

成名爲
鄉邦所
重恩授
七品散
官爲伯
祥之父

璟
改名伯
琳
瑛

八世

錫

字時興
號松軒

九世

淮

字惟宏
號東泉

十世

尹忠

原名蒙
字子和

十一世

應斗

邑崖生
字寅臺

張蒼水集
附錄八

號立菴

十二
四明叢書
約園刊本

十二世

圭章

生萬曆
六年七
月廿八
日字兩
如影有
傳女一
適費緯
祜

十三世

煌言

生萬曆
四十八
年六月
初九殉
於康熙
甲辰九
月初七
別有傳

十四世

萬祺

生崇禎
十二年
三月初
三日殉
於康熙
甲辰九
月初四
日
鴻福

十五世

廷章

生前曆
九年五
月廿八
日早世

生順治
十四年
九月初
九日

憲章

生萬曆
十一年
八月十
一日卒

嘉言

生崇禎
五年八
月廿四
日明亡

鴻福

出繼

性近親
完素

張萬來 附錄八

十二 四明叢書

約圖刊本

從兄 義
水 魏 義
海上 義
參兄 軍
散兵 後
不 知 所
終

德音

出繼封
章

鴻忠

生康熙
十一年
四月初
七日

鴻孝

生康熙
十六年

封章

德言

生前

生崇祿

十四年

十五年

十月十

八月十

六日卒

八日清

順治庚

池諸一

子四月

作錫言

十三日

行次瑗

字季超

與世系

號元白

兩歧水

爾漫天

知敦是

真模誠

無二有

應君子

風餐年

張養承集 附錄八

十三四明叢書

續編刊本

此好借

義波述

疏節獄

中郎善

水祭四

叔酒是

也

壽鏞案清池譜蒼水一脈傳至鴻福其後不著即

蒼水之父圭章公第三人其後亦僅著鴻忠鴻孝

再傳亦復無考其卒也亦未書年月蓋當清康熙

之時蒼水倡義歷時最久拘繫族屬網鉗甚嚴願

沛流離情狀至慘且有不願人之聞問者清池譜

重修時在道光十七年距康熙年月已遠采訪未
周因而遺漏可測而知未可謂蒼水後裔無人也
廡後之人詳考壽鏞旣得清池譜於其後裔最
愛棠喜出望外窮十日之力爲校其世系如此惜
谷山譜猶未見也今附刻於蒼水集以徵明德所
自云時癸酉八月

世德錄

清池張氏世德錄引

張君忠

續世德錄序

張肇治

張蒼水集 附錄八

古

十四明

文節公傳

宋史

槐隱軒記

袁士元

槐隱軒記誌後

張紹宗

自然老人事實

張紹宗

自然齋雜言

張紹宗

自然軒記

周禮

自然軒詩

周禮

周翰

謝墜

張得中

全樸

倪維哲

邱遠

陶恭

明故頤菴處士張公妻陸氏合葬墓表

洪常

張伯祥傳

鄞縣志孝友

聞性道

張伯祥傳

鄞縣志人物

錢維喬

張蒼水集附錄八

五

四明叢書
約園刊本

張圭章傳

寧波府志人物

曹秉仁

張圭章傳

鄞縣志名賢

聞性道

明處士四岑張先生墓幢文

全祖望

壽鏞案清池張氏宗譜於譜序之次載有世德錄

引續世德錄序更別爲張世遺傳一卷壽鏞以爲

蒼水生有自來德澤淵源要宜追溯因取其先世

傳記詩辭彙爲世德錄名沿其舊凡所錄蒼水傳

志則因已錄概刪之惟四岑處士爲蒼水族曾叔

祖國難作有改易章服之令遠索酒飲百餘杯往

竈下得炭滿甕和以木屑置牀下爇之投身其上
覆以重衾時方盛暑酒力填盈而絕其死義在蒼
水之先謝山所謂獨行之士竟罕有知之者因附
焉

清池張氏世德錄引

張尹忠

聞之經云世德作求又曰繩其祖武蓋言先世之德貽
之後人爲不朽者唯其克繩武之爾否則弗肯弗構不
緒其曷光顯哉尹忠嘗讀我祖自然公識厥考槐隱軒
記兢兢惕厲所以繼乎先啓乎後者其慮何深遠也今

張蒼水集 附錄八

十六 西明叢書

續國刊本

我後獲知其所自實賴茲識也吁先世貽謀若是其至
後人其庸不自念哉尹忠竊期自奮於以用光胡身困
泮芹屢值數奇第恐已矣然一念耿耿莫能自梏蓬牖
馳神仰思世德於自然公所傳軸卷謹用編錄以便覽
閱以識永久因名曰世德錄凡我後人當知先世之德
其來甚遠其祐甚厚服膺不懈以冀昌大夫是之謂有
曜一或不爾祖是念甘於下流其玷辱也何如可懼哉
可畏哉萬曆六年戊寅歲四月十世孫尹忠百拜謹撰
萬曆二十三年乙未歲仲春十一世孫應炳百拜謹錄

續世德錄序

張肇治

昔昌黎作張許合傳惜其無譜廬陵作王彥章記必舍史而從譜然則祖宗功德譜載宜詳惜吾宗舊譜僅載文節公傳槐隱公軒記自然公軒記及事實而自自然公下歷代祖德宗功俱未之及至世遠年湮使子孫無從追溯可勝慨哉夫祖父有善而不知不明也知而不揚不仁也治故於先世所遺傳諫碑銘及郡邑之誌一搜羅續編於舊傳世德錄後其不可考者闕之其有可稽者詳之昭慎重也若夫見闕不廣脫漏尙多惟俟

張肇治續

附錄八

七

四明叢書

繪圖刊本

我宗人暨後人補闕拾遺以光世譜是余之所深望也夫道光己亥歲仲呂月十五世孫肇治百拜謹撰

文節公傳

公諱知白字用晦滄州清池人幼篤學中進士

宋史中進士第

累遷河陽節度判官咸平奏疏言

史咸平中疏言

當今要務真

宗異之召試舍人院權右正言獻鳳宸箴出知劍州逾

年召試中書加直史試館面賜五品服判三司關

史關作開

折司江南旱與李昉

史作昉

分路安撫及還權管句京東

轉運使事周伯星見司天監

史無監字

以瑞奏羣臣伏閣稱

賀知白以爲人君當修德應天而星之見伏無所繫因

陳治道之要帝謂宰臣曰知白可謂乃心朝廷矣東封

進右司諫又言咸平中河湟未平臣嘗請罷郡國所上

祥瑞今天下無事璽貺並至望以泰山諸瑞

史瑞下置有圖字

玉清昭應宮其副藏祕閣陝西饑命按巡之尋知鄧州

魯關右

史作內

流傭至境知白既發倉廩又募民出粟以

濟擢龍圖閣待制知審官院官再遷工部郎中

史再遷尚書工

部則使契丹知白以朝廷制官重內輕外爲引唐李嶠

議遷臺閣典藩郡乃自請補外不許遂命糾察在京刑

張彙水集附錄八

大十四明敕書

約園刊本

獄固請知青

史作青

州還京師求領國子監帝曰知白豈

倦於處劇耶宰臣言知白更踐中外未嘗爲身謀乃遷

右諫議大夫權御史中丞拜給事中猶班

史無猶班二字參知

政事郊禮成遷尙書工部侍郎時同列王曾遷給事中

猶班知白上知白心不平累表解之曾亦固請列知白

下乃加知白金紫光祿大夫復爲給事中判禮儀院曾

罷還所辭官

史王欽若上有時字

王欽若爲相知白論議多相失

因稱疾辭位罷爲刑部侍郎翰林侍讀學士知大名府

及欽若分司南京宰相丁謂素惡欽若徙知白南京留

守意其報怨既至待欽若加厚謂怒復徙知白亳州遷兵部仁宗卽位進尙書右丞爲樞密副使以工部尙書同中書門下平章事會靈觀使集賢殿大學士時進士

唱第賜中庸篇中書上其本乃命知白進讀至修身齊

史作治家之道必反覆陳之知白在相位慎名器抑徼倖

史無抑徼倖三字無毫髮怠史作私常以盛滿爲戒雖貴顯史作顯貴

其清約如貧史作寒士然體素羸憂畏日侵在中書忽患

風眩輿歸第帝親問疾不能語薨爲罷上已宴贈太傅

中書令禮部謝絳議諡文節御史王嘉言知白守道徇

張蒼集附錄八

十九四明叢書

約園刊本

公當官不撓可謂正矣諡文正王曾曰文節美諡矣遂不改知白九歲其父終邢州殯於佛寺及契丹寇河北寺宇多頽廢殯不可辨知白旣登第徒行訪之得佛寺殿基恍然識其處旣發其衣衾皆可驗眾歎其誠孝嘗過陝州與通判孫何遇讀道旁古碑凡數千言及還知白略無所遺天聖中契丹大閱聲言獵幽州朝廷患之帝以問二府眾曰備粟練師以備不虞知白曰不然契丹修好未遠今其舉史作舉以上初政試觀朝廷耳豈可自生釁耶若終以疑史作若終以爲疑莫若因令河決發兵以

防河爲名彼亦不虞也未幾契丹果龍去無子以兄子

範思

史作兄子
子思爲後

後仕至尙書工部侍郎致仕

壽鏞案右傳載入清池譜悉本宋史因取宋史勘
比校註之字句無關宏旨子嗣未堪沿訛宋史本
傳旣曰以兄子子思爲後徵以雲龍青石二譜世
系分明仕履詳備則作範思者誤大矣別有攷證
錄在清池張氏世系表中

槐隱軒記

袁士元

吾郡城東渡門之內有巷曰官柴雖四達市廛而入幽

張蒼集附錄八

二千四明叢書

約園刊本

僻爲逸人君子棲跡之地余友張君仁輔者文雅慷慨
讀書尙禮不嗜仕進余嘗觀其世譜其先滄州清池人
宋平章事文節公知白君十五世祖也文節公之孫襲
謫於姑蘇子孫遂家焉後以闔右來籍於鄞之十七甲
族盛又分徙於武臺山之陽我朝至元間其大父錄事
公端解任還自永昌僑寓於此因築室三楹以居迨今
蓋六十有餘年矣君乃增築數楹稍西闢一小軒清致
絕俗庭植巨槐一本千柯萬葉濃陰覆軒蒼鬱晦靄如
翠幄然雖城居雅有野趣一日訪君舉觴命酌徜徉其

間顧謂余曰軒清矣而槐之清又與軒稱於我心若有
契然軒未有名子其爲我表之余爲之名曰槐隱君曰
得其名不聞其義可乎子盍爲我言之余曰槐之爲物君
子可比德焉蓋黃中色而玄黃又天地之正色槐得天
地中正之氣故黃中外懷其花黃其實玄君子得天地
中正之氣之最秀者也故中德在內而能懷萬邦英華
發外而本體渾然易曰君子黃中適理而暢於四支發
於事業此之謂也彼槐之黃中外懷譬則君子之中德
在內而能懷萬邦也槐之花黃實玄譬則君子英華發
外而本體渾然也矧其亭亭子立不偏不倚且能生丹
不凋身潤骨香亦有似乎君子之成德獨立不懼悠然
不息心廣體胖而馨香自如也君子有如是之德而見
用於世猶槐之植於朝而不植於家也有如是之德而
不見用於世猶槐之植於家而不植於朝也周禮外朝
之法面三槐三公位焉者此也今君有德乃闢軒槐下
以隱適有以稱矣以是君之軒豈不當夫君曰噫斯名
也斯義也美則美矣第不肖何足以膺之請併記諸此
俾吾顧名思義以自勉可乎余曰諾故故書此以遺之

君名景仁字仁輔時至正戊戌夏四月朔旦鄆山書院
山長同邑袁仁元撰

壽鏞案襲爲文節公會孫袁記以爲孫誤也仁輔
公爲文節十五世孫則其父榮爲十四世孫其祖
端爲十三世孫別攷證於世系表中

槐隱軒記者先君槐隱處士之所遺也先君性好讀
書遭時多故不仕其先本滄州清池縣人始祖仕宋
至平章事謚文節其後謫於蘇播於鄆徙於武臺山
之鄒谷曾大父錄事府君始築室於城乃作家譜一

張書水集 附錄八

三三四明叢書

約園刊本

通元學士袁公桷爲序公所自書其間所載世次來
歷名位隱顯班班可稽又有思本堂記一篇亦述其
略迨先君於舊室之西槐樹下別築一軒以居故復
爲記以紀之國朝洪武十五年先君卒二十五年紹
宗以閩右隸籍於江寧時困窘以此軒暨先君所築
餘舍出賃偕季子雷以往屬長子莘仲子藩幼子剡
侍妣何氏守其舊二十六年先妣卒紹宗奔喪歸二
十九年秋制終復往其家譜思本堂記暨先世神主
四楨遺像九幅曾大父家居宦遊時所受慶賀餞送

詩詞序文帳軸十三幅先君自述涉歷高麗事蹟一
通與凡書籍器物悉攜以行渡錢塘值風抵岸而舟
覆所攜咸漂溺焉由是先世所遺爲之蕩盡而無復
可稽可勝痛哉幸惟此記藏於長子衣篋中行時遺
忘弗拾故存猶可稽其概耳永樂十二年冬紹宗以
老歸得於長子而讀之悲喜交至嘗欲以此記徵諸
滄蘇鄒谷之宗人耆老以譜之願今年邁病篤恨不
能及焉況此記歷歲久遠裝軸殘毀故取附錄以貽
永久庶俾吾之後人得因此而卒吾志焉耳永樂十

擬叢集附錄八

三

四明叢書
約園刊本

三年乙未歲季冬望日男紹宗謹識

壽鏞案元學士袁公桷清容集序張氏宗譜者

卷二

十爲高沙東昌之張氏書張子仁少監族譜後者

卷四十九爲宋侍中張耆

宋史列傳四十九

曾孫張克猷張確

宋史忠義傳一

之子孫入南一在四明一在福唐皆非文

節公後也所謂世次來歷名位隱顯班班可攷者

均未著集中卽所謂思本堂記一篇亦無稽焉是

清容之文固多散失而清池一系世次因之莫考

洵大憾也

自然老人事實

張紹宗

自然老人者四明鄞邑人也姓張氏名紹宗字允恭爲宋文節公十六世孫父景仁仁輔槐隱君娶定川夏氏爲室生男四人長名萃娶城西陳氏次名礪娶定川王氏又其次名雷名剡雷娶閩人梁氏女於京邑剡尙幼女三人一適同里倪氏子字以饒一適東錢湖之唐氏子字平友又其一適謝氏之子字東山亦邑中人也內外孫凡若干人洪武壬戌歲父卒塋葬於城南清道鄉之原母氏之壽塋附焉壬申歲例以閩右實京畿故老

樂善水鏡 卷八

三四四明叢書

約園刊本

人偕夏氏暨季子雷隸縉於赤嶽江寧儀門之邨乃屬其母何氏於孝確齋至其四歲以病卒葬於壽塋老人乃告繻奔喪所司弗告越一霜累懇請方得歸盡其哀感之情徇俗之禮庚辰歲夏氏卒命子萃亟至歸葬於先隴老人幼讀書涉史之要者與人語輒援古今而問辨喜清事解音律客至具杯酌盡歡其人也謙而和其處事也謹而詳其度量能料事之重輕而式中焉壬午歲天兵渡江眾皆奔潰老人與眾曰儂爲百姓只依天命何以去爲眾頗失業而老人晏然如故老人年

壯時嘗涉歷湖海間凡所作為或用智自私者則反違而行其所無事者則迪吉於是晚年皆聽其自得觀其近之一事尤驗故以自然扁其室而或者因以爲號云

自然齋雜言

張紹宗

君子之道不見其有爲也不見其有行也與天地並運與四時並行與日月並明有以見天下之動而觀其變極天下之故存乎通知周於萬物存乎誠澹然若寂沖然若虛淵然若深蕩蕩然若不可以名言處之無不知用之無不窮惟其不知是以變化若神惟其不窮是以

養齋文集 附錄八

三五四明張書
初編本

有終

術智慧巧乃德之優澹靜默密乃德之一是故君子愛而不偏勇而不亂敬而不煩明而不察動而不忘不偏則愛仁不亂則勇義不煩則禮敬不察則明智不妄則動信五者不失則德之成木之直也攀之則折水之平也激之則潑目之明也翳之則瞎性之善也伐之則惡人欲矯揉以全其性得乎哉

山阜非爲鳥植木木茂而鳥自棲湖海非爲魚鑿潭潭深而魚自處君子非爲人樹德德盛而人自依皆非所

招勢之然也

鴉鵲之鳴也吉凶記之薰猶之生也香臭澤之德之臧否人之善惡而不之察惑之甚矣

夫道大矣哉天乎其高淵乎其深日月乎其明蕩蕩乎其不可窮惟君子爲能斂之於心心斂則誠誠則明明則聖聖則無不通是故君子存心眞乎誠禮樂與天地相通動靜與陰陽同體知動靜則可以極陰陽之理明禮樂則可以贊天地之化非天下之至精其孰能與於此哉

張堯永集

附錄八

二天

四知誠書

初四刊本

君子有弗言言必善而後發有弗爲爲必善而後行發其言之善則吉吉則足以保其身行其爲不善則凶則亡故曰言行君子之樞機樞機之發榮辱之主也可不畏哉

君子之道自近而可以及遠由內而可以達外守簡而可以御繁處寡而可以服眾無他推是心而已故君子以仁存心以禮存心不用則己用則天下化水以風而文草以風而偃民以風而化水之必文草之必偃順天也然而民有不化者逆天也故曰逆天者亡

君子有五美而有五戒焉故曰知足以知是理才足以表其能言足以道於人行足以得乎眾寵足以榮其身是之謂五美以知斯人者凶以才自達者禽以言矯人者禍以行自恣者詐以寵自驕者危是之謂五戒懲五戒循五美則足以保其身

龍江之濱可老人者世莫知其姓名蓋嘗以自然老人自號人亦以自然者人稱之又深慕老人之循其自然者咸詠歌以美之而屬予爲文以紀其實予謂天地間一動靜則凡天地之所以覆載萬物之所以生成草木之所以蕃江河之所以流莫非自然之理而不知老人得是理與否得之與否固不暇論故因書其大略爲之勉云耳永樂丁亥歲八月朔

自然軒記

周禮

盈天地之物互古今之理無一不本於自然也蓋物之得其自然者則爲理之常而失其自然者則爲異矣日月星辰得乎陰陽寒暑之常者此天之自然也山川草木得乎榮枯消長之常者此地之自然也人之處乎兩閒靈於萬物可不察乎自然之理乎是以聖人之立教

也亦必因夫自然之理以爲法則於天下後世若八卦之書也必因夫河圖自然之數矣九疇之敘也亦必因夫洛書自然之數矣父之於子也有親愛焉故必教之以慈孝君之於臣也有名分焉故必教之以忠義大而非本於自然者不可以爲法小而日用之微而盈天地亙古今之物理無一不本於自然者也予游京國至石城之北潁淮之右訪鄉之舊因宿多者屢日有班白之叟邀予入室問其姓氏始知其吾鄉之右族

張蒼水集

附錄八

二天四明叢書

約園刊本

張允恭氏也洪武壬申例以閩右來寓於斯扁其所居之軒曰自然予觀其禮貌也中規矩之節而自然合乎其宜聆其談笑也援古今之實而自然合乎其理置圖書几席於一室之內自然可以樂乎心而不事乎雕琢列花木盆池於一隙之地自然可以悅其目而不事乎矯揉於以見夫陰陽寒暑榮枯消長之常者非天地之自然而何哉於以知夫八卦九疇人倫日用之常者非聖人之自然而何哉於乎天地之自然卽聖人之自然也聖人之自然卽天地之自然也叟之自然其有合於

天地聖人之自然乎將得其自然以爲常乎將失其自
然以爲異乎叟以予言爲然請筆之以爲記故告之以
平昔之事實既書於卷首載作歌以歌其自然之趣書
於末以求名公鉅儒之大筆庶乎可以知其萬一云耳
永樂四年夏五月

自然軒詩

周禮

莫笑蹉跎判白頭一生隨分閱春秋憂危不解容心避
禍福何曾向外求醉後欲眠須遣客興來乘健且登樓
百年身後無他事令子賢孫是遠謀

襄彙集 附錄八

五十四明叢書 約園刊本

周翰

大化泚停機眾萬日以息修短各有期高下隨所適冥
靈八千春朝菌不知夕斤鷄決榆枋詎比圖南翼蓬心
尙未捐逍遙寧自得達人亦何爲此理默而識任真樂
有生與世成莫逆衣冠足風流臞然老山澤素琴發天
和蒼崖墮秋色流觀溪上雲靜憩松間石日暮澹忘歸
焉知事形役

謝瑾

鋤去町畦適自然但將順受樂餘年一塵不入身心慮

萬事都歸性分天庭草春風隨意錄衡茅秋月爲誰圓
紛紛射利江湖客回首窮途雪滿顛

張得中

一氣判清濁兩儀奠坤乾羲娥迭往來寒暑互推遷川
流山則峙獸走禽斯騫虎豹隱叢木蛟龍藏深淵浮者
由其竅轉者由其圓悠悠品彙多理勢皆自然先王制
法則本末相因緣因下爲陂澤因高爲原田陸行御牛
馬水處乘舟船盛夏服絺葛嚴冬被裘旃揆時授曆象
協律調管絃動合自然妙初無拂逆偏嗟哉混沌氏六

張彙編 附錄八

三十四明叢書

約園刊本

鑿相攻鐫未離七日後遽爾終其年烏脛雖云短續之
則爲愆鶴頸雖云長斷之非所全舉火爨井底引淮灌
山顛茲皆失其性反爲機械牽若人蘇天倪白髮垂青
眉行藏蹈實地窮達付蒼天扶犁或耕隴抱甕還灌園
寧知秋葉落不替春華妍牀頭釀麴榼架上堆筒編興
來呼酒飲醉後枕書眠既不慕富貴亦不求神仙自然
猶寓號高識迺稱賢我亦忘機者天游空八埏爰題自
然句爲續逍遙篇

全 僕

萬事紛紛屬有爲老人恬澹自忘機醉醒古木雲深處
唼到疏桐月落時三徑黃花猶采采半簪華髮已絲絲
此生俯仰應無愧方寸何曾有所思

倪惟哲

談君樂天性塵俗何相侵慕外非常志安然自素心
謫居爲客久環堵歷年深令德兼終始聲華耀自今

邱逢

天地生萬物萬物皆自然自然何所見分明在眼前碧
草萋萋春滿地紅葉蕭蕭秋滿天草木一榮復一謝春

張蒼水集 附錄八

三王 四明叢書
約園刊本

去秋來知幾年張公老矣雪滿頭眼看萬物多變遷龍
江之上秦淮邊自然揭扁名其軒應得自然趣自然胡
可言龍江之流萬里源秦淮之水千尺淵自然之趣正
如此孰云滄海成桑田孰云滄海成桑田

陶恭

目若分明耳若聰有聞有見自然爲浮雲遠在青山上
幽鳥深鳴碧樹中萬事任他多智巧一生隨我只從容
夜深月白江清處不是無塵鑑自空

壽鏞案自然軒記及諸詩後題正德十一年丙子

歲五月端陽日嗣孫璣薰林謹錄又題萬曆十年
壬午歲八月十世孫尹忠百拜再錄於一經軒
明故頤菴處士張公妻陸氏合葬墓表

洪常

處士諱刻字叔溪姓張氏頤菴別號也其先滄州清池
人十七世祖知白仕宋至同中書門下平章事諡文節
十五世祖襲仕侍郎謫通判蘇州遂家焉其後來籍於
鄞高祖端元永昌錄事曾祖榮祖景仁父紹宗本□□
因景仁無子以□□後之□□□處士性至孝髫年父

張君集附錄八

三四明叢書

約園刊本

母以閩右從質京畿屬伯兄撫育之既聞母喪驚仆幾
絕及長奉伯兄如父或兄嫂有怒處士事之愈謹父老
還鄉嗜羊首喜賓客處士竭力營辦皆得其歡心迨父
疾處士親嘗湯藥每夕禮星辰以求代及沒哀毀骨立
斂葬如其禮初伯兄無嗣處士爲行□□兄嫂卒卽以
居室器皿付其嗣子旺不一取焉處士雖至老念及父
母輒流涕終日每時祭享必潔必敬教子姓擇賢師友
務俾其有成遠從商見人有遺失物必守待以還之親
鄰有急難趨赴之恐後貧乏無依而□食者七人喪不

能舉而爲棺斂者三人處士家獲盜乃戒之曰汝固迫於饑寒胡不□□生理而爲是若□□命不保矣遺之米令速改過盜感謝而去又與鄉之士大夫中書舍人金公寅翁行人司副金公□□爲尙義之會輸財以濟不足至於□□則□而密待人則謙而恭受人惠雖終身不忘其視名利紛華□□子孫欲廣產業處士則曰誓有田汝曹苟爲其勤足供衣食奈何求贏餘以圖安逸乎天順甲申處士年九十朝勅與冠帶於是郡歲行鄉飲必位處士於三賓之首云生於洪武乙卯四

張蒼水集附錄八

三四明徵書

約園刊本

月二日卒於成化九年十月十九日享年九十有九妻同邑孺人陸氏諱良善字秉彝元松江判官義甫之孫今士人彥宛之女生而婉婉□□王氏所鍾愛孺人自幼知爲人仲兄良高爲郡庠生夜歸孺人□□燭習女紅以伴其誦讀年及笄來歸處士恭執婦道□□於兄嫂好生而樂施孺人□□相助之雖傾竭資裝不較也孺人教子女慈而嚴待僕□□紡績以佐贍姻戚咸多之於處士之將卒也孺人與訣曰吾爲君平生少過□□

□□□□□□憾君其死矣吾亦不久於世也越二
十一日孺人以得疾□□家人曰吾命止此□起□□
□□□□卒於十一月十一日□距所生洪武辛未正
月三日享年八十有三子男二長曰顯次曰頤女一適
胡肅□□孫斑璞玠瑞璟琳瑛斑先卒曾孫男八鈇錫
鉞鐸總錄鎬鎧女三人以成化乙未十一月十五日□
葬於城南清道鄉先塋之右顯與頤捧漳平教諭屠□
□□□□詣余請表其墓余曩童時與顯同研席□□
□□侈工孺人之懿德□行施諸已而及諸人者不□
□□未嘗不歎服其賢於人人遠甚也余得□□□□
□□□□處士孺人雖皆壽考康寧子克幹蠱□□□
□□□□□□人爲食其報□□□□□□□□□□
□□□□□□□□□□以顯之者寧不在於後人□□
爲之表成化乙未十一月日

壽鏞案墓表闕字原譜皆空格今仍之表首題賜

同進士出身奉政大夫修正庶尹兵部武選清吏

司郎中致仕同邑洪常撰文賜同進士出身通奉

大夫河南等處承宣布政使司左布政使致仕同

邑章繪書丹口口大夫太僕寺寺丞前中書舍人
直文華殿致仕同邑金湜象額

鄞縣志孝友傳

閻性道

張伯祥少有志操清苦自厲授徒得束脩輒公之諸弟
頡成化癸卯鄉薦知蕪湖縣已改靖安致仕歸居官凡
十二載聲著循良家無私積僅築一室額曰雍睦與諸
弟同居以承歡膝下鄉人因號爲雍睦張氏嘉靖己未
冬隣室火盡焚惟伯祥子孫之居獨免鄉人異之

鄞縣志人物傳

錢維喬

張耒集附錄八

三五四明叢書
約園刊本

張伯祥原名瑞以字行少嗜學有志行中鄉舉謁選知
蕪湖縣有巨商犯法夜餽千金卻之曰爲吏若得人一
錢卽不值一錢矣竟按其罪改知靖安作省民條約與
相清淨縣中大治將入覲聞劉瑾擅權遂解組歸性孝
友事父色養備至兄弟四人雖一果片脯必與同味食
指約五十餘門無異煙嘗作雍睦堂里人稱雍睦張氏

寧波府志人物傳

曹秉仁

張圭章字兩如天啓四年領鄉薦屢上南宮不第謁選
得河東鹽運判官殫心鹺務著賢能聲以淡於仕進致

仕歸爲人剛毅正直嚴於訓子處鄉族皆有義行晚年坎壈窮困室廬盡傾單瓢不繼處之泊然

鄞縣志名賢傳

聞性道

張圭章字兩如領天啓甲子鄉薦屢上南宮不第謁選得河東鹽運司判官致仕歸爲人嚴毅正直處鄉族皆有恩德晚年變值滄桑其子絕裾而去乃自慰曰不負生平讀書也繇是室廬盡傾單瓢不繼處之怡然年七十餘卒無以爲殯鄉人重義者卽其先墓之南郊祖闕者耐葬於側焉

張蒼水集附錄八

三六四明叢書

約園刊本

壽鏞案世德錄蒼水公父圭章有傳祖應斗曾祖

尹忠卽作世德錄引者高祖淮九世高高祖錫八世七

世祖玠六世祖顯五世祖剡卽頤菴先生有合葬

墓表四世祖紹宗字允恭卽自然老人有事實有

記有詩三世祖景仁字仁輔卽槐隱處士有槐隱

軒記二世祖榮一世祖端所謂錄事府君是也自

錄事府君下至蒼水公爲十三世此世系之可考

者也由錄事府君上溯之據自然老人自述紹宗

爲文節十六世孫則錄事府君爲文節十三世孫

岑折之寧波府鄞縣人甬上之張爲四姓之一其最著者曰文定公之宗父之曰君子堂則經略都御史楷之宗也慈水來者而處士之宗名位稍不逮顧以孝友著里中稱爲雍睦堂張氏曾祖璟祖錄長汀知縣父濼遠士七歲能作大書稍長工爲文詞爲人恂恂與物無忤家貧同產兄梗旣死居處士每互相緩急或米數升或薪一網蓋浹旬之中而更僕難計願喜飲酒雖囊中困甚弗爲止醉卽陶然而臥客每過之欲有所語見其方醉則坐待之久而未醒或至彌日其坦率又如此會國

張蒼水 附錄八

三十四明徵者

約園刊本

難作日咄咄尋有改易章服之令閉戶坐室中取牀頭酒獨酌旣醺繞牀而舞復索酒飲之連舉杯百餘白摩其頂而歎曰彼曲局者惡可以兵之乎乃往竈下得炭滿甕和以木屑置牀下熱之投身其上覆以重衾時方盛暑俄頃酒力墳盈而絕家人昇尸而出則遺骸已紺色矣嗚呼改易章服與朝之制也違制而自甘於逆天至殺其身以從之於義則過然其志可原矣就其中或尙有以好名而死者若處士之死更無所乎此也殆謝翱所謂獨行之士者耶吾里中以開雍死者趙秀才天

生爲最著然世傳天生之死本末多舛予始考而正之
處士則竟罕有知之者悲夫處士生於萬曆六年六月
十七日歿於順治丙戌六月初九日娶汪氏續王氏陳
氏子汝爲葬於城南祖關大墓旁今無後之祜爲修其
祀銘曰

大好糟邱是死所一醉而死定無苦下策火攻亦有補
丹心丹顏映千古花廳沈沈存舊戶雍睦高門光世譜
雍睦張氏所居乃元時方
平章花廳至今存其名

壽鏞案四岑先生乃頤菴處士之次子頤之裔也

張蒼水集 附錄八

三九四明叢書
約園刊本

考清池譜頤子四瑞卽伯祥璟琳瑛璟生錄錄生
瀛瀛生四子槎槎梗梗榑榑卽四岑先生也於蒼水
爲族曾叔祖四岑爲十世著
水爲十三世清池譜傳略云早遊

鬢序晚值滄桑尋有開羅之令盛夏飲火酒極醉
賦絕命詞擊茲曲局者而安可兵之故吾且喪盡
請從糟邱辭乃置火臥炕下覆以重衾酒力與火
力交作俄頃卽成紺人詳志傳崇祀旌忠廟

張蒼水先生集余嘗得永曆辛丑鈔本於郡城黃東井
先生後人凡二鉅冊徐閣公序後名印爛然嗣展轉爲
餘杭章太炎借去因於光緒辛丑鉛印後序稱爲得之
鄙人當時嘗購數十部分貽知好迄今原本尙未見還
不知流落何處此本則順德鄧秋枚鈔自錢塘丁氏而
其友黃晦聞所編校增入附錄自較完備然失之冗蔓
而校字尤草率海上遇鄧君勸余重行編輯校印誠鄉
後學之責也壬子仲秋月蹇叟記

嗚呼昔全謝山有言尙書之身可死集不可泯姜西溟則謂侯之百世雖欲使之終晦焉不可得也當文網嚴密之時士大夫明知收藏其集爲不祥而展轉傳鈔猶往往流布人間則全姜二君之言信矣考其最初之本當卽所謂傳之防守卒史丙者也海濱遺老高先生允權嘗得其稿爲之跋云茲於其卒幸購得公草而採薇集更幸爲公手稿復於降弁得公遺文因彙錄成集是高氏此本爲得之防守卒者固確乎其可信焉而謝山爲公神道碑稱有宜興人徐堯章者從丙購其書不與

張水集跋

四明叢書
約園刊本

且曰公之真跡吾日夕焚香拜之不可以付君堯章乃鈔以歸是徐氏別有鈔本必與高氏同出一源也壽鏞搜羅公集歷廿餘年先後所得不下十餘種反復勘比質以高本爲最勝鄧本爲最詳而致力搜校專且久者厥惟張丈讓三當甲寅五月張丈寓上海賓樂公旅館與壽鏞縱談刊行鄉獻遺書因出示所校鄧本蒼水集且曰昔周布衣琢隱諸生昌時子也布衣生於丙戌以後而憲臣一字琢隱諸生昌時子也布衣生於丙戌以後而時以其父志節未伸終身不求進張尙書水滸集布衣賣田刻之每歲九月必至杭之南屏展尙書墓家居喜深衣幅巾可謂畸士君既有志於斯

盡速圖之遂以校稿相付今距甲寅夏忽忽廿載此集始刊成而丈之墓有宿草者久矣故凡丈所勘校之語今并注見集中不敢沒先輩搜校之勤卽亦所以不負曩日付囑之意也至編次年月雖依高本而大體不出鄧本範圍蓋鄧君秋枚與黃君晦聞合力共訂此書歷時三載之久而黃君致力尤勤搜求極富若視爲冗蔓輕率割棄則甚負二君搜集之苦心矣故茲刻凡於鄧本之善悉仍舊貫惟謝山年譜或云非謝山所作其間年月多有舛錯壽鏞陋何敢遽言校正然以晚出之

張壽鏞集 跋

一四 明張壽鏞

約圖刊本

本有爲謝山所未見者旣獲互相參稽期歸信實故於全譜之年月未敢悉從卽黃傳所敘趙譜所注亦復多所更訂他如稽考世系則清池原譜確有錯誤今亦未敢苟同凡此區區皆壽鏞所以聊竭其愚而已近三年來日事勘校編次今年春始繕錄歲事甚矣編輯之難也而清池之譜得之張君愛棠蒼水畫像得之張君安甫皆雍睦堂裔也讓丈與壽鏞則皆蒼水先生之族裔也盡其責於斯也固宜書刻旣成謹復敘述搜集編錄之顛末如此云甲戌七月張壽鏞跋

四明叢書

四明叢書
約園刊本